




Digitized by the Internet Archive in 2010 with funding from University of Ottawa



OEUVRES COMPLETES

DE

P. de Ronsard



OEUVRES COMPLÈTES

DE

P. de Ronsard

NOUVELLE ÉDITION

REVISÉE, AUGMENTÉE ET ANNOTÉE

PAR


PAUL LAUMONIER

TOME SIXIÈME



PARIS LIBRAIRIE ALPHONSE LEMERRE 23-33, PASSAGE CHOISEUL, 23-33

1914-1919



PQ 1674 1919 V.6

PIÈCES PUBLIÉES

par les soins des exécuteurs testamentaires

de Ronsard

1586-1609

PEECES PUBLIERS

and the order of the section of the section of

hazanish uh,

100



LES DERNIERS VERS DE PIERRE DE RONSARD, GENTILHOMME

V and omois

M.D. LXXXVI.

A LA NOBLE ET VER-TVEVSE COMPAGNIE QVI A

HONORÉ LES OBSEQUES DE Monsieur de Ronsard, Prince des Poëtes François.

MESSIEVRS, l'honneur que vous faites à l'heureuse memoire de seu Monsieur de Ronsard, afsistant à cet office sunebre dressé par la pieté singuliere de Monsieur Galland, son plus sidele amy, est vn dueil public, par lequel vous n'honorez ou regretez pas seulement vn Ronsard, comme le premier de la France, qui a si heureusement enrichi le tresor de nostre langue, & de la Poësie: Mais par mesme moien vous honorez nostre France mesme, & regrettez bien à propos ses miseres, ausquelles il n'a point desiré de suruiure. Si la diligence des ouuriers l'eust permis, le papier tant honoré du beau nom de Ronsard eust tesmoigné son

dueil. & accompaigné voz regretz de la noire teinture des vers des plus choisis personages de notre France, que l'av prié de ce deuoir, & des principaux points du cours de sa vie que nous auons dressé, non pour illustrer sa memoire dauantage, ains pour n'obscurcir la nostre, si nous faisions autrement. Mais le temps, maistre de noz actions, ne l'a sceu permettre pour ce iour. Seulement il nous a permis de vous representer les derniers enfans de sa Muse, conceus au lict de la mort, & comme naissans de son tombeau, asçauoir les deux Epigrammes en forme d'inscriptions, les Stances, & les quatre premiers Sonets recueillis par Monfieur Galland, lors qu'estant à Croix-val tormenté cruellement de grandes douleurs, & ne pouuant dormir durant les longues nuicts d'hiuer, il le prioit d'escrire au matin ce qu'il auoit composé la nuich : Et les deux derniers Sonets efcris foubs luy peu auant fa mort (dictant, priant, & mourant tout ensemble) par vn des Religieux de fon prieuré de fainct Cosme lez Tours, auguel lieu s'estant fait, tout malade, transporter de fa maison de Croix-val, quelques iours au parauant, finablement defnué de toutes ses forces, plein de foy toutesfois, & d'entendement, il a rendu fon esprit à Dieu. Lequel ie prie,

Messieurs, en recompense de ce dernier office vous vouloir tousiours accompaigner de sa grace. De Paris,

ce xxIIII. de Feburier M. D. LXXXVI.

Vostre tres-obeissant feruiteur C. B.

LES DERNIERS

VERS DE P. DE

RONSARD.

STANCES.

l'ay varié ma vie en deuidant la trame Que Clothon me filoit entre malade & fain, Maintenant la santé se logeoit en mon sein, Tantost la maladie extreme sleau de l'ame. La goutte ia vieillard me bourrela les veines, Les muscles & les nerfs, execrable douleur, Montrant en cent façons par cent diuerses peines Que l'homme n'est sinon le subiect de malheur. L'un meurt en son printemps, l'autre attend la vieillesse, Le trespas est tout un, les accidens diuers: Le vray tresor de l'homme est la verte ieunesse, Le reste de nos ans ne sont que des hiuers. Pour long temps conserver telle richesse entiere Ne force ta nature, ains ensuy la raison, Fuy l'amour & le vin, des vices la matiere, Grand loyer t'en demeure en la vieille saison. La ieunesse des Dieux aux hommes n'est donnée Pour gouspiller sa fleur: ainsi qu'on void fanir La rose par le chauld, ainsi mal gouvernée La ieunesse s'enfuit sans iamais reuenir.

SONETS.

Ι.

Ie n'ay plus que les os, un Schelette ie semble,
Decharné, denerué, demusclé, depoulpé,
Que le trait de la mort sans pardon a frappé,
Ie n'ose voir mes bras que de peur ie ne tremble.
Apollon & son filz, deux grans maistres ensemble,
Ne me sçauroient guerir, leur mestier m'a trompé.
Adieu plaisant soleil, mon wil est estoupé,
Mon corps s'en va descendre où tout se desassemble.
Quel amy me voyant en ce point despouillé
Ne remporte au logis un wil triste & mouillé,
Me consolant au liet & me baisant la face,
En essuiant mes yeux par la mort endormis?
Adieu chers compaignons, adieu mes chers amis,
Ie m'en vay le premier vous preparer la place.

II.

Meschantes nuics d'hyuer, nuics filles de Cocyte
Que la terre engendra, d'Encelade les seurs,
Serpentes d'Alecton, & sureur des sureurs,
N'aprochez de mon lict, ou bien tournez plus vitte.
Que suit tant le soleil au gyron d'Amphytrite?
Leue toy, ie languis accablé de douleurs,
Mais ne pouvoir dormir c'est bien de mes malheurs
Le plus grand, qui ma vie & chagrine & despite.
Seize heures pour le moins ie meur les yeux ouvers,
Me tournant, me virant de droit & de travers,
Sus l'vn sus l'autre stanc ie tempeste, ie crie,
Inquiet ie ne puis en vn lieu me tenir,
l'appelle en vain le iour, & la mort ie supplie,
Mais elle sait la sourde, & ne veut pas venir.

III.

Donne moy tes presens en ces iours que la Brume

Fait les plus courts de l'an, ou de ton rameau teint

Dans le ruisseau d'Oubly dessus mon front espreint,

Endor mes pauures yeux, mes gouttes & mon rhume.

Misericorde ô Dieu, ô Dieu ne me consume

A faulte de dormir, plustost sois-ie contreint

De me voir par la peste ou par la fieure esteint,

Qui mon sang deseché dans mes veines allume.

Heureux, cent sois heureux, animaux qui dormez

Demy an en voz trous, soubs la terre ensermez,

Sans manger du pauot qui tous les sens assomme:

I'en ay mangé, i'ay beu de son iust oublieux

En salade cuit, cru, & toutessois le somme

Ne vient par sa froideur s'asseoir dessus mes yeux.

IIII.

Ah longues nuichs d'hyuer, de ma vie bourrelles,
Donnez moy patience. & me laissez dormir,
Vostre nom seulement & suer & fremir
Me fait par tout le corps, tant vous m'estes cruelles.
Le sommeil tant soit peu n'esuente de ses ailes
Mes yeux tousiours ouvers, & ne puis affermir
Paupiere sur paupiere, & ne fais que gemir,
Sousstrant comme Ixion des peines eternelles.
Vieille vmbre de la terre, ainçois l'vmbre d'enser,
Tu m'as ouvert les yeux d'une chaisne de fer,
Me consumant au liet, nauré de mille pointes:
Pour chasser mes douleurs ameine moy la mort.
Ha mort, le port commun, des hommes le confort,
Viens enterrer mes maux, ie t'en prie à mains iointes.

V.

Quoy mon ame, dors tu engourdie en ta masse?

La trompette a sonné, serre bagage, & va

Le chemin deserté que lesuchrist trouua,

Quand tout mouillé de sang racheta nostre race.

C'est vn chemin facheux, borné de peu d'espace,

Tracé de peu de gens, que la ronce paua,

Où le chardon poignant ses testes esseua,

Pren courage pourtant, & ne quitte la place.

N'appose point la main à la mansine, apres

Pour sicher ta charue au milieu des guerets,

Retournant coup sur coup en arrière ta vüe:

Il ne faut commencer, ou du tout s'emploier,

Il ne faut point mener, puis laisser la charue,

Qui laisse son mestier, n'est digne du loier.

VI.

Il faut laisser maisons & vergers & iardins,
Vaisselles & vaisseaux que l'artisan burine,
Et chanter son obseque en la façon du Cygne,
Qui chante son trespas sur les bors Mæandrins.
C'est fait, i'ay deuidé le cours de mes destins,
I'ay vescu, i'ay rendu mon nom assez insigne,
Ma plume vole au ciel pour estre quelque signe
Loin des appas mondains qui trompent les plus fins.
Heureux qui ne sut onc, plus heureux qui retourne
En rien comme il estoit, plus heureux qui seiourne
D'homme fait nouuel ange aupres de lesuchrist,
Laissant pourrir ça bas sa despouille de boüe
Dont le sort, la fortune, & le destin se ioüe,
Franc des liens du corps pour n'estre qu'vn esprit.

POVR SON TOMBEAV.

Ronfard repose icy, qui hardy dés enfance Détourna d'Helicon les Muses en la France, Suiuant le son du Luth & les traits d'Apollon: Mais peu valut sa Muse encontre l'eguillon De la mort, qui cruelle en ce tombeau l'enserre, Son ame soit à Dieu, son corps soit à la terre.

A fon ame.

Amelette Ronsardelette,
Mignonnelette, doucelette,
Treschere hostesse de mon corps,
Tu descens là bas foiblelette,
Pasle, maigrelette, seulette,
Dans le froid Royaume des mors:
Toutessois simple, sans remors
De meurtre, poison, ou rancune,
Méprisant faueurs & tresors
Tant enuiez par la commune.
Passant, i'ay dit, suy ta fortune,
Ne trouble mon repos, ie dors.





OE V V R E S D E

P. DE RONSARD GENTIL-HOMME Vandomois. 1587.

Au tome I.

LE SECOND LIVRE DES SONNETS POVR HELENE.

LXXVI.

Vous ruisseaux, vous rochers, vous antres solitaires,
Vous chesnes, heritiers du silence des bois,
Entendez les souspirs de ma derniere vois,
Et de mon testament soyez presents notaires.
Soyez de mon mal-heur sideles secretaires,
Grauez le en vostre escorce, asin que tous les mois
Il croisse comme vous: ce pendant ie m'en vois
Là bas priué de sens, de veines, & d'arteres.
le meurs pour la rigueur d'une fiere beauté,
Qui vit sans soy, sans loy, amour ne loyauté,
Qui me succe le sang comme un Tygre sauuage.
Adieu forests adieu! adieu le verd seiour
De vos arbres, heureux pour ne cognoistre Amour
Ny sa mere qui tourne en sureur le plus sage.

DIALOGVE DE L'AVTHEVR ET DV MONDAIN.

LXXVII.

Est-ce tant que la Mort? est-ce si grand mal-heur Que le vulgaire croit? Comme l'heure premiere Nous faich naistre sans peine, ainsi l'heure derniere Qui acheue la trame, arriue sans douleur.

Mais tu ne seras plus? Et puis: quand la paleur Qui blesmist nostre corps sans chaleur ne lumiere Nous perd le sentiment! quand la main filandiere Nous oste le desir perdans nostre chaleur!

Tu ne mangeras plus? Ie n'auray plus enuie De boire ne manger, c'est le corps qui sa vie Par la viande allonge, & par resection:

L'esprit n'en a besoin. Venus qui nous appelle Aux plaisirs te suira? le n'auray soucy d'elle, a Qui ne desire plus, n'a plus d'affection.

SONNETS

A DIVERSES PERSONNES.

SONNET.

Vous estes deja vieille, & ie le suis aussi.
Ioignon nostre vieillesse & l'accollon ensemble,
Et faison d'un hyuer qui de froidure tremble
(Autant que nous pourrons) un printemps adouci.
Vn homme n'est point vieil s'il ne le croit ainsi:
Vieillard n'est qui ne veut: qui ne veut, il assemble
Vne nouuelle trame à sa vieille: & ressemble
Vn serpent raieuni quand l'an retourne ici.
Ostez moy de ce fard l'impudente encrousture,
On ne sçauroit tromper la loy de la nature,
Ny derider un front condamné du miroir,
Ni durcir un tetin dessa pendant & slasque.
Le Temps de vostre face arrachera le masque,
Et deuiendray un Cygne en lieu d'un Corbeau noir.

SONNET.

Que ie serois marry si tu m'auois donné
Le loyer qu'vn Amant demande à sa Maistresse!
Alors que tout mon sang bouillonnoit de ieunesse
Tous mes desirs estoient de m'en veoir guerdonné.
Maintenant que mon poil est du tout grisonné,
I'abhorre en y pensant moymesme & ma fadesse,
Qui seruis si long temps pour vn bien qui se laisse
Pourrir en vn sepulchre aux vers abandonné.
Enchanté ie seruis vne vieille carcasse,
Vn squelete seiché, vne impudente face,
Vne qui n'a plaisir qu'en amoureux transi.
Bonne la loy de Cypre, où la fille au riuage
(Embrassant vn chacun) gaignoit son mariage,
Sans laisser tant languir vn amant en souci.

[N. B. — Trois autres pièces, qui n'avaient jamais paru dans les Œuvres de Ronsard, étaient recueillies parmi les Sonnets à diuerfes perfonnes. Mais elles n'étaient pas inédites; elles avaient été publiées comme liminaires dans des ouvrages d'amis : un madrigal Sur la Bergerie de R. Belleau (en tête de cette œuvre, 1572), et deux sonnets A Robert Garnier (en tête de sa Porcie, 1568, et de son Hippolyte, 1573). On les trouvera ci-après parmi les Pièces imprimées du vivant de Ronsard, mais non recueillies par lui. — P. L.]

GAYETEZ.

Sonet à Madame de Villeroy.

Madelene, ostez moy ce nom de l'Aubespine, Et prenez en sa place & Palmes & Lauriers, Qui croissent sur Parnasse en verdeur les premiers, Dignes de prendre en vous & tiges & racine. Chef couronné d'honneur, rare & chaste poitrine,
Où naissent les vertus & les arts à milliers,
Et les dons d'Apollon qui vous sont familiers,
Si bien que rien de vous, que vous-mesme n'est digne.
le suis en vous voyant heureux & malheureux:
Heureux de voir vos vers, ouurage genereux:
Et malheureux de voir ma Muse qui se couche
Dessous vostre Orient. O saint germe nouueau
De Pallas, prènez cueur: les Sœurs n'ont assez d'eau
Sur le mont d'Helicon pour lauer vostre bouche.



Au tome III.

LA FRANCIADE.

[Fin de la Préface.]

Descriptas seruare vices, operumque colores Cur ego, si nequeo, ignoroque, poëta salutor? Cur nescire pudens prauè quam discere malo?

Res gestæ regumque, ducumque & tristia bella Quo possint scribi numero, monstrauit Homerus.

Hor.

Homere de science & de nom illustré, Et le Romain Virgile assez nous ont monstré Comment, & par quel art, & par quelle pratique Il falloit composer vn ouurage Heroique, De quelle forte haleine, & de quel ton de vers Varié d'argumens & d'accidens divers. l'ai suyui leur patron: à genous, Franciade, Adore l'AEneide, adore l'Iliade: Revere leurs pourtraits, & les suy d'aussi loing Qu'ils m'ont passe d'esprit, d'artifice & de soing: Miracle non estrange à celuy qui contemple Ces deux grands Demy-dieux dignes chacun d'un temple, L'un Romain, l'autre Grec, à qui les Cieux amis Et les Muses auoient tout dit & tout permis, Et non à moy François, dont la langue peu riche, Couverte de halliers tous les jours se desfriche, Sans mots, fans ornemens, fans honneur & fans pris, Comme un champ qui fait peur aux plus gentils esprits Des laboureurs, actifs à nourrir leurs mesnages, Qui tournent les guerets pleins de ronces sauuages Et d'herbes aux longs pieds, retardement des boufs, A faute d'artisans qui n'ont point dauant eux Defriché ny viré la campaigne feruë, Qui maintenant reuesche arreste leur charruë, Luttant contre le soc d'herbes enuironné. Mais quoy: prenons en gré ce qui nous est donné, Acheuons nostre tasche, & croyons d'asseurance Que ces deux estrangers pourront loger en France, Si la Parque me rit, reschaufant la froideur Des hommes bien adroits à suyure mon ardeur, Sans craindre des causeurs les langues venimeuses, Pourueu que nous rendions nos prouinces fameuses, Non d'armes, mais d'escrits: car nous ne sommes pas De nature inclinez à suyure les combas, Mais le bal des neuf Sœurs, dont la verue nous baille Plus d'ardeur qu'aux soldars de vaincre à la bataille.

Ils ne sont vicerez sinon par le dehors
Aux iambes & aux bras, & sur la peau du corps:
Nous au fond de l'esprit & au prosond de l'ame,
Tant l'eguillon d'honneur viuement nous entame.

La Muse en telle part de son traiss va poignant : Et encor que le coup n'apparoisse saignant. Si est-ce qu'il nous blesse, & nous rend fantastiques, Chagrins, capricieux, hagards, melancholiques, Vaisseaux dont Dieu se sert, soit pour profetizer, Ou soit pour enseigner, soit pour authoriser, Vestus d'habits grossiers, par paroles rurales, Les arrests de Nature, & les choses fatales.

Tels du vieil Apollon les Ministres estoient,
Ou fust sur le trepied, ou fust lors qu'ils chantoient:
Et tels ceux d'auiourd'huy: car l'antique Cybelle
(La Nature i'entens) n'a tary sa mammelle
Pour maigre n'allaiter les siecles auenir,
Ny ne fera iamais: ce seroit deuenir
Vne mere brehaigne en lieu d'estre seconde.
Tout tel qu'au parauant sera tousiours le Monde.

Or comme il plaist à Dieu, les siecles & les ans Apportent à nos vers richesses & presans, Credit entre les Rois: où souvent par fortune Vn prend le bien acquis à toute vne commune. Cela s'est tousiours fait, & tousiours se fera Tant que le Monde entier en ses membres sera. Maint court aux ieux d'Olympe, vn seul le prix emporte: La chance des mortels roule de telle sorte.



Au tome IV.

LE BOCAGE ROYAL.

[Pièce-préface.]

Comme un Seigneur praticq & soigneux du mesnage Regarde en sa forest ou dedans son bocage Mille arbres differents de sueilles & de fruict: L'un pour l'ouurage est bon, l'autre indocile fuit
La main de l'artizan: l'autre dur de racine
Tantost va veoir la guerre, & tantost la marine:
L'autre est gresse & chancelle, & l'autre spacieux
Ses bras durs & fueillus enuoye iusqu'aux Cieux:
Ainsi dans ce Bocage on voit de toutes sortes
D'arguments differents, comme tu les apportes,
O Muse! au laboureur qui sçait bien défricher
Ton domaine, & suant le cercler & becher,
Prodiguant tes presens à celuy qui s'employe.

Stace entre les Romains nous en monstra la voye:
Combien qu'il fust sans art, de fureur transporté,
Beaucoup plus ampoullé que plein de maiesté.
Car tous ceux qu'on oyt braire, & hurter à la porte
Des Muses, n'entrent pas en leur Temple, de sorte
Qu'il faut par long trauail se purger & lustrer
De nuiet en leur fonteine auant que d'y entrer,
S'initier nouice en leur danse priuée:
« Le labeur assidu force toute couruée.

LES PARQVES.

A LVY-MESME.

Les Parques, qui leur chef de chesne couronnerent, Le iour que tu nasquis, ton corps enuironnerent, Puis en filant ta vie autour de leur suseau, Et parsumant d'odeurs ton list & ton berceau, Te chanterent ces vers que les Dieux approuuerent, Et pour estre gardez au ciel les engrauerent.

Enfant, en qui le ciel renuerse son bon-heur, Te remplissant autant de vertus & d'honneur Qu'Hercule en sut rempli le iour de sa naissance, Crois pour te saire vn iour l'ornement de la France. Crois donc, & deuiens grand, & d'un bras enfantin Riant dés le maillot embrasse ton destin.

Comme Alcide qui fut d'une force indomtée, Souffrit mille trauaux soubs son frere Eurystée, Tu dois dessoubs le tien mille peines souffrir, Et d'un cœur genereux aux batailles t'offrir, Et faire craqueter dés ta ieunesse tendre Le harnois sur ton dos pour son sceptre defendre.

Nous voyons la Charente, & les bords d'alentour Desia rougir de sang, & l'air de Montcontour S'insecter de corps morts, & ses plaines semées D'os porter à regret les mutines armées.

Desia nous te voyons au milieu des trauaux Renuerser à tes pieds cheualiers & cheuaux, Et pendre sur ton front pour eternelle gloire L'honneur & le bon-heur, la force & la vistoire.

C'est lors que tu rendras aux François leurs autels, Et les temples sacrez de leurs saincs immortels Que la main Huguenote aura ruez par terre.

Mais comme on voit les Pins foudroyez du tonnerre, Tu foudroiras leur camp infidele & felon, Ainst que Brenne fut par les traiets d'Apollon.

Pour rendre sa vertu dauantage honorée . Hercule alla courir la terre Hyperborée : Et tu dois commander en ceste part, où droist Le Pole Boreal roidist tousiours de froit.

De là passant Vienne, & le fleuue qui baigne D'un cours large & prosond la plus haute Allemaigne, Tu voirras l'Italie, & Venise en la mer, Qui ne veult d'autres murs que de flots s'ensermer: Et trauersant le Pò, tu dois voir dans les nues Les rempars monstrueux des grands Alpes chenues, Dont les cheueux tousiours de neige sont vestus, Et les pieds de torrents rauagez & battus. Puis tu voirras la terre, applaudy de la race De tes peuples François: si qu'il n'y aura place, Chemin ny carrefour, qui en te benissant N'aille de ieux, de ioye & de bruit fremissant.

Par les temples sacrez, saincées maisons des villes, Les ieunes & les vieux, les meres & les filles D'un long ordre en chantant, soit de nuich soit de iour, Rendront graces à Dieu pour ton heureux retour. Lyon doit le premier reuoir ton saincé visage, Et son fleuue saulter de ioye en son riuage.

Apres que la vertu, qui suyt ta Maiesté,
Aura dessous tes pieds ton ennemy domté,
Et la longueur du temps ioinôte à l'experience
T'auront appris de veincre auec la patience,
Par elle te faisant des Monstres le veincueur,
Esteue apres au ciel le courage & le cœur.
Estime tes suiets, corrige ta lustice:
Fay que les armes soient des Nobles l'exercice:
Honore la science, honore les guerriers:
Les vieillards au conseil soient tousiours les premiers,
Reuere leur vieillesse, & tes peres les nomme.

Puis venu par vieillesse en l'âge où se consomme La vie & Ja chaleur, tu monteras aux cieux, Et boiras du Nectar à la table des Dieux, Comme le preux Hercule, espousant la leunesse, Et Castor & Pollux, Deitez que la Grece Mist au ciel, & leur nom sema par l'Vniuers, Tant vallent les vertus, les Muses & les vers.

Ainsi pres de ton lich les trois Parques parlerent, Et baisant ton berceau dedans l'air s'en-volerent.

Au tome V.

LES ECLOGVES ET MASCARADES.

[Sonnet-préface.]

Mascarade & Cartels ont prins leur nourriture,
L'un des Italiens, l'autre des vieux François,
Qui erroient tous armez par deserts & par bois,
Accompagnez d'un Nain cerchans leur auenture.
L'honneur, des nobles cœurs genereuse poinclure,
Les faisoit par Cartels dessier aux tournois,
(Ou nuds en un duel, ou armez du pauois)
Ceux qui forçoient les loix, le peuple, & la droicture.
L'accort Italien quand il ne veut bastir
Vn Theatre pompeux, un cousteux repentir,
La longue Tragedie en Mascarade change.
Il en est l'inuentcur: nous suyuons ses leçons,
Comme ses vestemens, ses mœurs, & ses façons,
Tant l'ardeur des François aime la chose estrange.

A TRES-ILLVSTRE ET MAGNANIME Prince, Henry de Lorraine, Pair de France, & Duc de Guife.

Prince, dont le vieil sang des Rois de France part, (Puis que tu as esté la plus gaillarde part De ces Tournois, Cartels & Mascarades, pleines De ieunesse & d'Amour & d'honorables peines, Comme estant de Venus & de Mars bien chery, Et entre les Lauriers dés le berceau nourry, Que ton pere t'acquist, te laissant en partage

Et à toute ta race une ardeur de courage
De vouloir imiter ses faicts victorieux,
Ou bien les egaler, ou bien de faire mieux)
Pren d'un bon œil ce Liure, & desormais endure
Qu'on inuoque ton Nom, ou soit par escriture
Appenduë à ton Temple aupres de ton Castor,
Soit par vœuz solennels escrits en lettres d'or,
A fin que par les ans ne soient point estousées
Les vertus des Lorrains, illustres de trophées,
Dont l'honneur & le bruit ne trouuent leur pareil,
Non plus que sans pareil au monde est le Soleil.

S V R L A F O N T A I N E Q V I E S T au lardin du S. Regnault, Treforier & Receueur general des finances de feu Monfeigneur

frere du Roy, à Baignolet.

Pegase fist du pied la source d'Hippocrene, De sa lance Pallas a faict ceste Fonténe Pour lauer sa sueur & nettoyer ses bras, Quand poudreuse & sanglante elle vient des combas : Aussi pour resiouir son hoste qui caresse Les doctes seruiteurs d'une telle Deesse.

Si bien que des neuf Sœurs le facré troupelet Est venu de la Grece, habiter Baignolet Pour accorder sa voix à l'onde qui caquette, Et pour chanter l'honneur du maistre qui les traicte.

Les Nymphes & Bacchus pour miracle nouueau Deux doubles qualitez donnerent à ceste eau: Le iour elle est de vin, & la nui& de l'eau pure, Et pour ce si quelqu'un sans sçauoir sa nature Entroit en ce logis, tant soit-il caut & sin, Pensant boire de l'eau ne boira que du vin.

DIALOGVE DV LIBRAIRE ET DV PASSANT.

P. Qui est ce liure? L. Estranger. P. Qui l'a faict? L. Le grand Osie, en scauoir tout parfait. P. Qui l'a conduit des terres Poulonnoises, Et fait (onner nos parolles Françoises? L. C'est Lauardin, ce scauant translateur, Et docte autant que le premier Autheur. P. Dequoy discourt ce liure magnifique? L. De nostre loy, de la foy Catholique, Tout ce qu'il faut retenir ou laisser, Et qu'vn Chrestien doit à Dieu confesser. Pour estre net du fard de l'heresie, Croyant l'Eglise, & non la fantasie De ces cerueaux esuantez, esgarez, Qui par orgueil sont de nous separez. Et brief, Passant, si le zele t'allume Des Peres vieux, achete ce volume, Pour viure (eur en la ferme vnion. Mais si tu es de l'autre opinion, Et si tu veux les mensonges ensuiure Des nouueaux fols, n'achete pas ce liure Pour t'en mocquer : tu porterois en vain En lieu d'un liure, un fardeau dans la main.

Au tome VI.

LES ELEGIES.

[Pièces-préfaces.]

Versibus impariter iunctis querimonia primum, Post etiam inclusa est voti sententia compos. Hor.

Les vers de l'Elegie au premier furent faits Pour y chanter des morts les gestes & les faicts, Ioincts au son du cornet : maintenant on compose Diuers suiets en elle, & reçoit toute chose.

Amour pour y regner en a chassé la Mort. Les vieux Grammairiens entre eux sont en discord Qui premier l'inuenta : mais leur cause plaidée Pend au croq sous le iuge, & n'est encor' vuydée.

Encores au Lecteur.

Soît courte l'Elegie en trente vers comprise, Ou en quarante au plus. Le fin Lecteur mesprise Ces discours, ces narrez aussi grands que la Mer. Il faut de maint rampart ta langue rensermer, Qui veut tousiours causer, tousiours parler & dire, Et reserrer ta main qui bouillonne d'escrire.

Il faut du premier vers conter sa passion, Et la suyure tousiours, si quelque siction Rare ne suruenoit pour orner ton ouurage. En deux lignes acheue, & non en d'auantage: Ton suiet soit pressé sans trancher l'autre vers, Autant que tu pourras sans courir de trauers: Sois tousiours simple & un, & que ta sin pregnante Tire sur l'Epigramme vn peu douce & poignante.

Si i'eusse composé la meilleure partie de ces Elegies à ma volonté, & non par expres commandement des Rois & des Princes, i'eusse esté curieux de la briesueté: mais il a fallu satisfaire au desir de ceux qui auoient puissance sur moy, lesquels ne trouuent iamais rien de bon, ny de bien fait, s'il n'est de large estendue, & comme on dit en prouerbe, aussi grand que la Mer.

ELEGIE II.

A Philippes des-Portes Chartrain.

Nous deuons à la Mort & nous & nos ouurages : Nous mourons les premiers, le long reply des âges En roulant engloutist nos œuures à la fin : Ainsi le veut Nature & le puissant Destin.

Dieu seul est eternel : de l'homme elementaire Ne reste apres la mort ny veine ny artere : Qui pis est, il ne sent, il ne raisonne plus, Locatif descharné d'un vieil tombeau reclus.

C'est vn extreme abus, vne extreme folie De croire que la Mort soit cause de la vie¹: Ce sont poincs opposez autant que l'Occident S'oppose à l'Orient, l'Ourse au Midy ardent.

L'une est sans mouuement, & l'autre nous remue, Qui la forme de l'ame en vigueur continue, Nous fait ouyr & voir, iuger, imaginer, Discourir du present, le futur deuiner. Les morts ne sont heureux², d'autant que l'ame viue Du mouuement principe en eux n'est plus actiue. L'heur vient de la vertu, la vertu d'action: Le mort priué du faire est sans persection.

L'heur de l'ame, est de Dieu contempler la lumiere : La contemplation de la cause premiere Est sa seule action : contemplant elle agist : Mais au contemplement l'heur de l'homme ne gist.

Il gist à l'œuure seul, impossible à la cendre De ceux que la Mort saict soubs les ombres descendre. C'est pourquoy de Pluton les champs deshabitez N'ont polices ny loix ny villes ny citez.

Or l'ouurage & l'ouurier font un mesme voyage, Leur chemin est la Mort. Athenes & Carthage, Et Rome qui tenoit la hauteur des hauteurs, Sont poudre maintenant comme leurs fondateurs.

Pour ce les Grecs ont dit, que glout de faim extreme Saturne deuoroit ses propres enfans mesme. Le general est ferme, & ne fait place au temps, Le particulier meurt presque au bout de cent ans.

Chacun de son labeur doit en ce Monde attendre L'vsufruit sculement, que present il doit prendre Sans se paistre d'attente & d'une eternités, Qui n'est rien que sumée & pure vanité.

Homere, qui seruit aux neuf Muses de guide, S'il voyoit auiourd'huy son vaillant Eacide, Ne le cognoistroit plus, ny le doste Maron Son Phrygien Enée. Ainsi le froid giron De la tombe assoupist tous les sens de nature, Qui sont deus à la terre & à la pourriture.

Nous semblons aux Toreaux, qui de coutres trenchans A col morne & fumeux vont labourant les champs, Sillonnant par rayons vne germeuse plaine, Et toutefois pour eux inutile est leur peine: Ils ne mangent le bled qu'ils ont ensemencé, Mais quelque vieille paille, ou du foin enroncé.

Le Belier, Colonnel de sa laineuse troupe, L'eschine de toison pour les autres se houpe: Car le drap, bien que sien, ne l'habille pourtant: L'homme ingrat enuers luy au dos le va portant Sans luy en sçauoir gré. Ainsi nostre escriture Ne nous prosite rien: c'est la race suture Qui seule en iouyst toute, & qui iuge à loisir Les ouurages d'autruy, & s'en donne plaisir, Rendant comme il luy plaist nostre peine estimée.

Quant à moy, i'aime mieux trente ans de renommée, louyssant du Soleil, que mille ans de renom Lors que la fosse creuse ensouyra mon nom, Et lors que nostre forme en une autre se change. « L'homme qui ne sent plus, n'a besoin de louange.

Il est vray que l'honneur est le plus grand de tous Les biens exterieurs qui sont propres à nous, Qui viuons & sentons: les morts n'en ont que faire, Toutefois le bien faire est chose necessaire, Qui prosite aux viuans, & plaist aux heritiers.

Les fils, de leurs ayeuls racontent volontiers Les magnanimes faicts: la louange illustrée D'un acte vertueux, ne fut iamais frustrée De son digne loyer, soit futur ou present.

Le Ciel ne donne à l'homme un plus riche present Que l'ardeur des vertus, les aimer & les suiure, Vn renom excellent, bien mourir & bien viure.

Des-Portes, qu'Aristote amuse tout le iour, Qui honores ta Dure, & les champs qu'à l'entour Chartres voit de son mont, & panché les regarde, le te donne ces vers, à sin de prendre garde De ne tuer ton corps, desireux d'acquerir Vn renom iournalier qui doit bien tost mourir: Mais happe le present d'un cœur plein d'allegresse, Cependant que le Prince, Amour, & la ieunesse T'en donnent le loisir, sans croire au lendemain. Le futur est douteux, le present est certain.

ANNOTATIONS DE L'AUTHEVR.

- 1. Que la Mort foit cause de la vie.) Contre les Pythagoriques, qui pensoient qu'apres la mort nos ames reuenoient en autres corps, & mesmes és bestes.
- 2. Les Morts ne font beureux.) C'est l'opinion d'Aristote qui est faulse : car les Morts qui meurent en Dieu, sont heureux parsaitement.
- 3. D'une eternité.) Contre les Poëtes qui ne promettent autre chofe à eux mesmes & aux autres par leurs vers, que l'eternité.

ELEGIE XXXV.

Au fieur Barthelemi Del-Bene,

Gentilhomme Florentin, Poëte Italien excellent, pour response & reuanche à deux de ses Odes Italiennes.

Del-Bene (second Cygne apres le Florentin, *
Que l'art, & le sçauoir, l'Amour, & le Destin,
Firent voler si haut sur Sorgue la riuiere,
Qu'il laissa de bien loing tous les autres derriere,
Sinon toy, qui de pres suis son vol, & sa vois,
Pour chanter les honneurs des Princes & des Rois)
le pensois qu'en pur don ta Muse m'eust donnée
Vne Ode, sur ton Luth diuinement sonnée,
Et que mon nom estoit de ton papier rayé:
Mais à ce que ie voy tu veux estre payé.

le le veux, c'est raison : de moy pour contr'-eschange, Tu auras en payment loüange pour loüange. Vn clou repousse l'autre : en la mesme façon Tu auras Vers pour Vers, & Chanson pour Chanson.

Comme on voit par suisons les ventres des campagnes Fertiles maintenant, & maintenant brehagnes, Porter l'un apres l'autre, & fourment, & buissons, Et tousiours à plain sein ne iaunir de moissons, Ainsi les bons esprits ne font tousiours demeure, Fertils, en un pays, mais changent d'heure en heure, Soit en se reposant, soit en portant du fruit.

Depuis que ton Petrarque eut surmonté la Nuit De Dante, & Caualcant, & de sa renommée, Claire comme un Soleil, eut la Terre semée, Fait citoyen du Ciel: nul apres luy n'a peu Grimper sur Helicon, pour y estre repeu A la table des Sœurs de leur saincte Ambrosie, Qui seule donne l'ame à nostre poësse: Plusieurs ont essayé ce beau labeur en vain, Mais la Muse à chacun ne donne de son pain.

Or' les dons d'Apollon dont se vit embellie, Quand Petrarque viuoit, sa natiue Italie, Estoient perdus sans toy, des Muses amoureux: Qui plein d'vne ame viue, & d'un cœur genereux, Ouurant le cabinet de leur grotte sacrée, Presque seul as remis les vers en ta contrée.

Dorment en paix les morts: ie ne veux offenser Ceux qui ont ja passé ce qu'il nous saut passer. Sur leur tombe florisse & le Lis & la Roze. « Vn homme sait beaucoup quand seulement il oze.

Amour, apres la mort de ce noble Tuscan,
De tous sut mis en vente ainst comme à l'encan:
Chacun le refripoit, il n'auoit plus de fleches,
Ny d'arc, ny de carquois, de torches, ny de meches,
Quand tu en eus pitié, & soudain tu luy sis
(Comme ce bon Dedale à Icare son fils)

Des plumes pour voler par toute l'Etrurie, Tes vers luy redonnant Temples & Seigneurie.

Si tost que ton menton par l'âge fut blanchi,
Et ton cœur des ardeurs de Venus affranchi,
Laissant Amour à part, d'un plus braue courage
Tu commenças d'ourdir un disficile ouurage,
Imitant les Romains, les Grecs, & les François:
Ce fut de marier les cordes à la vois,
Celebrant Tusquement, par tes chansons Lyriques,
Les illustres vertus des hommes heroïques:
Où ton docte labeur le surpasse d'autant,
Que le Rossignol passe un Pinçon en chantant,
Quand Auril tend l'oreille aux complaintes legeres
Des oiseaux amoureux, Sereines bocageres.

Car choisissant des vers & masses & hardis, Et des mots courageux, en ta langue tu dis Vn argument nouueau, forgé sur ton enclume, A toy mesmes trassant vn chemin par ta plume, Pour monstrer que l'esprit inuente tous les iours, Sans voir iamais tarir la source de son cours.

Sous les ombres là bas le Calabrois Horace, Entre les Myrthes verds te quitera sa place: Et Pindare Thebain te cedera son lieu: Ainsi entre deux Dieux tu seras nouueau Dieu, Tant la Muse (ta Circe) en te changeant, a sorce De saire un corps diuin de ta mortelle escorse.



Au tome VII.

LES HYNNES.

[Pièce-préface.]

Les Hynnes sont des Grecs invention premiere. Callimaque beaucoup leur donna de lumiere, De splendeur, d'ornement. Bons Dieux! quelle douceur, Quel intime plaisir sent-on autour du cœur Quand on list sa Delos, ou quand sa lyre sonne Apollon & sa Sour, les iumeaux de Latonne, Ou les Bains de Pallas, Ceres, ou lupiter! Ah, les Chrestiens deuroient les Gentils imiter A couurir de beaux Liz & de Roses leurs testes, Et chommer tous les ans à certains iours de festes La memoire & les faicts de nos Saincts immortels, Et chanter tout le jour autour de leurs autels : Vendre au peuple deuot pains d'espice & foaces, Defoncer les tonneaux, fester les Dedicaces, Les haut-bois enrouez sonner branles nouueaux, Les villageois my-beus danser soubs les ormeaux: Tout ainst que Dauid sautoit autour de l'Arche, Sauter deuant l'Image, & d'un pied qui démarche Sous le son du Cornet, se tenant par les mains Sollennizer la feste en l'honneur de nos Saincts.

L'âge d'or reuiendroit: les vers & les Poëtes Chantans de leurs Pâtrons les louanges parfaites, Chacun à qui mieux-mieux le sien voudroit vanter: Lors le Ciel s'ouuriroit pour nous ouyr chanter.

Eux voyans leur memoire icy renouuellée, Garderoient nos troupeaux de tac & clauellée, Nous de peste & famine: & conseruant nos murs, Nos peuples & nos Rois, l'enuoyroient chez les Turcs, Ou loin sur le Tartare, ou aux pays estranges Qui ne cognoissent Dieu, ses Sainess, ny leurs louanges.

LE SECOND LIVRE DES HYNNES.

HYNNE X.

DE MERCVRE,
A CLAVDE BINET, BEAVVAISIN.

Encore il me restoit entre tant de malheurs Que la vieillesse apporte, entre tant de douleurs Dont la goute m'assault pieds, iambes & ioincture, De chanter, ia vieillard, les mestiers de Mercure: le les diray pourtant, encor que mon poil blanc Esteigne autour du cœur la chaleur de mon sang. Car il ne veult soussirir que ma lente vieillesse M'engourdisse en un lict enerué de paresse, Asin que mon vieil age acquiere autant d'honneur Que mon premier s'acquist de bruit & de bon-heur.

le diray ses serpens, ie diray sa houssine,
Ses ailerons entez dessus sa capeline,
Ses talonniers dorez qui le portent deuant
Les plus roides courriers des foudres & du vent,
Quand viste entre deux airs, affublé d'un nuage,
De lupiter apporte aux hommes le message,
Cà bas volant à fleur sur l'humide & le sèc:
Dieu à qui l'âge antique a doré tout le bec,
« Pour monstrer qu'aisément l'eloquente parole

- « Persuadant l'esprit dedans le cœur s'envole,
- « Et que rien n'est si fort qu'il ne soit combatu
- « Par la voix dont le charme est d'extreme vertu,
- « Et que par le cousteau de la langue emplumée
- « On fait plus en vn iour, qu'en cent ans vne armée.

le diray lors que Maie Atlantide enfanta Son petit Mercurin, que tout chaud le porta Dans une peau de bouc à Iupiter son pere, Ioyeux de veoir son germe, & rembrassant la mere, Luy souuint du plaisir que premier il receut Quand elle d'un grand Dieu un autre Dieu conceut : Puis en vidant deux fois sa nectareuse coupe, Tout gaillard appella son Aigle, auquel il coupe Des ailes le fin bout, descourtant son oiseau, Pour les couldre au bonnet du petit Mercureau. Du reste il en ourdit des talonniers, qu'il boute Aux talons de son fils pour mieux fendre la route Des Cieux, qui comme un pan de beaux yeux sont couvers, Et pour descendre en bas au plus creux des enfers: Courrier aux Dieux d'enhault & d'embas agreable, Ayant, amy des deux, soubs l'enfer effroyable Vn Palais comme au Ciel, pres celuy de Pluton, Où se couche au portail l'engeance d'Alecton, Qui te faict reuerence alors que tu ameines Nos ames voir de Styx les bourbeuses areines, Et quand le vieil Charon seruiteur de la Mort En sa gondole assis nous passe à l'autre bort. Puis rongna de son Aigle & le bec & la serre: La rongnure en sa main soigneusement il serre, Qu'il cousit aux dix bords des ongles du garson Pour rauir & piller & prendre en la façon De ces corbeaux de Court, qui masquez d'impudence Pillent les biens d'autruy sans nulle conscience. C'est pourquoy leurs maisons ne durent pas long temps,

Et leurs fils desbauchez perdent en un prin-temps Le labeur mal-acquis de leurs peres, & comme Le pere a deterré le simple Gentil-homme Par procez embrouille, les fils en sont vangeurs, Et des biens paternels gouspilleurs & mangeurs, « Ou les vendent du tout : quoy que le meschant face,

« lamais le bien n'arriue à sa troissesme race,

« Soit que Dieu le permette, ou que le flot mondain

« Toute chose mortelle engloutisse en son sein,

« Soit que pour conseruer toute espece eternelle

« La matiere tousiours cherche forme nouvelle.

Il n'auoit pas trois iours qu'il desroba les beufs D'Apollon qui paissoient sur les replis herbeus D'Olympe flamboyant, les tirant par la queuë, Afin que de leur pas la trace ne fust veuë: Puis d'ennemis iurez deuindrent bons amis, Et lors, petit larron, à ce Dieu tu promis De luy donner ta Lyre en voute contrefaicle (Ainsi ferme alliance entre vous deux fut faicte) Et ne l'abandonner soit de jour soit de nuiet. Non plus qu'un bon archer (on Prince qu'il conduict.

Il n'auoit pas huiet iours que son pere le meine Trouuer Pan le fluteur sur le mont de Cylene, Afin de luy apprendre à sonner un tel son Que les deux bouts du Monde ouyssent sa chanson. Bon disciple en deux iours en sceut plus que son maistre. Iupiter en son cœur se resiouissoit d'estre Pere d'un tel enfant : tous deux s'en-vont de là Veoir luiter les Spartains : tout son corps il huilla De maste huille d'Olif, & dessus sa chair nue Sema pour l'encrouster une poudre menuë. Contre le plus puissant ce garçon s'ahurta, De bras forts & nerueux à bas le culbuta, Luy faisant imprimer le sablon de l'eschine,

Comme vn pin que le vent abat des la racine.

Puis ils allerent veoir les foires & marchez

Pour sçauoir le trafic & les mestiers cachez

Des marchans pour le gain, artifices, pratiques

De toutes sortes d'arts qu'on apprend aux boutiques.

Il deuint en un iour sçauant en tel mestier,

Maquignon, reuendeur, afronteur, couratier,

Subtil & cauteleux comme un Dieu de souplesse

Appris dés le berceau au trafic de sinesse.

Apres d'un alquemiste il alla veoir sumer
Les fourneaux qui font l'homme & son bien consommer,
Marotte des plus sins, une sotte esperance
Qui trompe les plus cauts d'une vaine apparence:
Il cognut le salpestre & tous les vegetaux,
Antimoine, arsenic, vitriol & metaux,
Tines, cuues, bassins, & creusets & coupelle,
Et l'argent prompt & vif qui de son nom s'appelle,
Vases, costres, & pots bien vernis & plombez,
Fiolles aux longs cols contre elles recourbez,
Meubles d'un alquemiste abusé de sotise,
Qui soy mesme deçoit par sa folle entreprise:
Puis au Ciel s'en retourne asin d'accompagner
Le Soleil, & de loin sa course n'estoigner.

C'est toy qui de ta verge endors les yeux de l'homme, Les desbouches apres & rebouches du somme, Et luy fais, sommeillant du soir iusque au matin, Loin rauy de soy-mesme apprendre son Destin.

C'est toy, Prince, qui rends nos esprits tres-habiles A trouuer vne yssue aux choses dissiciles, Ambassadeur, agent, qui ne crains les dangers, Soit de terre ou de mer, ou de Rois estrangers, Tousiours en action, sans repos ny sans tresues, Pourueu que ton labeur entrepris tu acheues. C'est toy qui des mortels aiguisant les cerueaux

Les pousses à trouuer mille mestiers nouueaux, A comprendre du Ciel la diuine science, Et les autres cognus par longue experience.

« La peine, la sueur tousiours marchent deuant :

« L'homme par le labeur meditant & resuant

« Et se rongeant soy-mesme en repensant inuente

« Toutes choses: ainsi que lupiter enfante « Pallas de son cerueau, il enfante du sien,

« Et se sait seul autheur de son mal & son bien.

Courrier, ie te saluë, & tes vertus cognues,
Seigneur des carrefours, des places & des rues,
Treshon entre les bons, & qui mauuais effais
Verses quand tu es ioint auecques les mauuais,
Alquemiste, marchand, couratier & le Prince
De ceux qui ont les mains subiettes à la pince,
Bazané, fantastic, retiré, songe-creux,
Aux pieds tousiours au guet, aux poulces dangereux.
Tu es de lupiter l'esprit & l'interprese,
Des songes coniecteur, ariole & prosete,
Dont la viue vertu passe & coule par tout
Les membres du grand corps fini sans auoir bout.

Est-il rien en ce Monde où Mercure ne passe Volant au Ciel là haut & soubs la terre basse? Tu es des charlatans le seigneur, & de ceux Qui les peuples béans amusent autour d'eux, Vendeurs de theriaque, & de ceux qui aux places Iouants des gobelets sont tours de passe-passes, Et de ceux qui iugeants és lignes de la main D'un babil essenteur vont mendiant leur pain.

Ce fut toy, bon fluteur, qui du haut d'une roche Endormis & tuas de sa serpette croche Le pasteur de lunon, qui sa vache gardoit Et de cent yeux veillant paistre la regardoit: Qui depuis sur le Nil de temples decorée De vœus, d'encens, d'autels fut Déesse honorée Au pres de son Osire, où de son front cornu La terre regardant se lechoit le pied nu, Comme elle qui l'Egypte endoctrina d'adresse D'embrasser le labeur & fuir la paresse, Les terres cultiuer d'un art laborieux. « Pour profiter à tous les hommes se sont Dieux.

Ce fut toy qui premier effondras la Tortue, Faisant de chaque trippe une corde menue Qui sonnoit soubs le poulce, & le dedans oslé, De son doz escaillé tu sis ton Luth voûté Large, creux & ventru, où comprimé s'entonne L'air qui sortant dehors par les cordes resonne.

Ce fut toy qui guidas les accords & la main D'Amphion architecte, autheur du mur Thebain, Quand les rochers dansans sautoient apres sa trace Suiuant le son qui reste encores en leur race, Et les sit arrenger d'eux mesmes sur le mur.

« La Musique adoucit vn cœur tant soit il dur.

Ce fut toy qui de nuict abandonnant sa ville Conduis le vieil Priam en la tente d'Achille, Prince insolent & fier, pour racheter Hector Son fils, par la rançon des larmes & de l'or: Puis trompant l'ost des Grecs ramenas sans outrage Le bon pere reuoir son loyal heritage,

« Tant peult l'affection d'un bon pere grison « Perdant son fils aisné soustien de sa maison.

C'est toy qui donnes crainte aux villes ensermées, Et qui volant de nuich sur le haut des armées, Apportes de ton pere vne menace aux Rois Qui forcent la lustice & corrompent les lois. Trop acharnez au sang, trop ardans aux batailles Pour gaigner d'un chasteau quelques froi les murailles. Vne comete rousse en seux prodigieux Suit tes talons de pres, espouuantail des yeux, Qui ses cheueux rebours en un trousseau retrousse, Signe que lupiter au peuple se courrouce.

Donne moy que ie puisse à mon aise dormir Les longues nuicts d'hyuer, & pouvoir affermir Mes iambes & mes bras debiles par la goutte. Enten moy de ton Ciel & ma priere escoute, Et pour recompenser celuy qui t'a chanté, Donne luy bon esprit, richesses & santé.

BINET, soin d'Apollon, dont la viue eloquence Flate mon mal d'espoir, mon procez d'asseurance, Au lieu de tes beaux vers, du trasic de nostre art, Des honneurs de Mercure icy ie te say part: Voila quel est le sruit de nostre marchandise, Qui au seul prix d'honneur se vend, s'eschange, & prise.

HYNNE XII.

DES PERES DE FAMILLE, A MONSIEVR S. BLAISE. Sur le chant, Te rogamus audi nos.

Sainct Blaife, qui vis aux Cieux
Comme vn Ange precieux,
Si de la terre où nous sommes,
Tu entens la voix des hommes,
Receuant les vœuz de tous,
le te prie, escoute nous.
Ce iourd'huy que nous faisons
A ton autel oraisons
Et processions sacrées
Pour nous, nos bleds, & nos prées,
Chantant ton Hynne à genous,
le te prie, escoute nous.

Chasse loin de nostre ches
Toute peste & tout mesches,
Que l'air corrompu nous verse,
Quand la main de Dieu diuerse
Respand sur nous son courroux
le te prie, escoute nous.

Garde nos petits troupeaux, Laines entieres & peaux, De la ronce dentelée, De tac & de clauelée, De morfonture & de tous: Ie te prie, escoute nous.

Que tousiours accompaignez
Soient de mastins rechignez,
Le iour allant en pasture,
Et la nuist en leur closture,
De peur de la dent des Loups:
le te prie, escoute nous.

Si le Loup de sang ardent
Prend vn Mouton en sa dent,
Quand du bois il sort en queste,
Huant tous apres la beste,
Que soudain il soit recous:
le te prie, escoute nous.

Garde qu'en allant aux champs, Les larrons qui sont meschans, Ne desrobent fils ne mere: Garde les de la vipere, Et d'aspics au ventre rous: le te prie, escoute nous.

Que ny Sorcier ny poison N'endommagent leur toison Par parole ou par bruuage: Qu'ils passent l'Esté sans rage, Que l'Autonne leur soit dous : le te prie, escoute nous.

Garde nous de trop d'ardeurs, Et d'excessiues froideurs: Donne nous la bonne année, Force bleds, force vinée,

Sans fiebures, rongne ne clous: le te prie, escoute nous.

Garde nos petits vergers,
Et nos iardins potagers,
Nos maisons & nos familles,
Enfans, & femmes, & filles,
Et leur donne bons espous:

Ie te prie, escoute nous.
Garde Poulles & Poussins
De Renards & de larcins:
Garde sauues nos Auettes,
Qu'ils portent sorce sleurettes
Tousiours en leurs petits trous:

le te prie, escoute nous.
Fay naistre force boutons
Pour engraisser nos Moutons,
Et force fueille menue,
Que paist la troupe cornue
De nos Chéures & nos Boucs:

Ie te prie, escoute nous.
Chasse la guerre bien loing:
Romps les armes dans le poing
Du soldat qui frappe & tue
Celuy qui tient la charrue,
Mangeant son bien en deux coups:
Ie te prie, escoute nous.

Que le plaideur grippe-tout Par procez qui sont sans bout, N'enueloppe le bon homme, Qui chiquanant se consomme, Puis meurt de faim & de pous: le te prie, escoute nous.

Que l'impudent vsurier,

Laisant l'interest premier,

N'assemble point sans mesure
Vsure dessus vsure,

Pour rauir son petit clous:

le te prie, escoute nous.

Garde nos petits ruisseaux
De fouillure de Pourceaux,
Naiz pour engraisser leur pance:
Pour eux tombe en abondance
Le Glan des Chesnes secous:
Ie te prie, escoute nous.

Nos Genices au Printemps
Ne sentent Mouches ne Tans:
Enflent de laict leurs mamelles:
Que pleines soient nos faicelles
De fourmages secs & mous:
le te prie, escoute nous.

Nos Bouuiers sans murmurer
Puissent la peine endurer,
Bien repeus à nostre table:
Soient les Bœus dedans l'estable
Tousiours de fourrages saouls:
le te prie, escoute nous.

Chasse loin les paresseux:
Donne bon courage à ceux
Qui trauaillent, sans blesseure
De congnée, & sans morseure
De Chiens enragez & sous:
le te prie, escoute nous.

Bref, garde nous de terreurs, Et de Paniques fureurs, Et d'illusion estrange, Et de feu sacré, qui mange Membres, arteres, & pouls: le te prie, escoute nous. Donne que ceux qui viendront Prier ton nom. & tendront A ton autel leurs offrandes, Iouy (Tent de leurs demandes, De tous leurs pechez absous: le te prie, escoute nous. Sainct Blaise, qui vis aux Cieux Comme un Ange precieux, Si de la terre où nous sommes, Tu entens la voix des hommes, Receuant les vœuz de tous, le te prie, escoute nous.

HYNNE XIII.

DE MONSIEVR SAINCT ROCH.

Sus serrons nous les mains, sus marchons en dansant, Le Luth ne soit muet, le pied soit bondissant A pas entrecoupez, & poussons dans la nuë, Guidez par le Cornet, vne poudre menuë. Que les enfans de chœur, que les chantres deuant Nous monstrent le chemin, nous les irons suyuant De l'esprit & des yeux, contresaisant la dance Qu'ils nous auront marquée aux loix de leur cadance. Regardons les partir en leurs blancs surpelis, Au chef enuironné de Roses & de Lis, Tondus iusques au front: mais voyons ie vous prie

Les freres enroolez en nostre confrairie, Ayant tous l'estomac de Gyrlandes enceinet, Laisser vuide boutique & venir veoir le Sainet, Asin de luy offrir leurs deuotes offrandes, Pour impetrer de Dieu leurs vœus & leurs demandes.

Les vieillards de bastons leurs iambes appuyez Sont exempts du chemin. & les corps ennuyez De longue maladie, & celles que Lucine, La mere des humains, accompagne en gezine, Et celles au (ang froid dont le cheueu blanchi A plus de soixante ans de carriere franchi. Celles qui par les mains d'un nopcier Hymenée Ont versé sur le col leurs cheueux ceste année, Ny les hommes dispos ny les forts iouuenceaux, Dont le sang chaud & vif s'escoule par ruisseaux Par les veines du corps, n'auront point de merite, S'ils ne font le chemin, car la traicte est petite, Soit que partions au soir quand le iour est coullé, Soit au matin à ieun ains qu'auoir auallé De l'humide & du sec, ou soit à la vesprée Quand le faucheur lassé retourne de la prée.

Mon Dieu, que de rochers pierreux & raboteux, D'Antres entrecoupez dont les sommets venteux Cachent dessoubs leurs pieds une vaste campagne De sablon que la peur & l'horreur accompagne! Qui guidera nos pas par ce sablon espes?

l'auise vn grand léurier, suiuons son train de pres: Redoublons le marcher, ie le voy comme il entre, C'est le chien du bon Sainct: dedans le creux d'vn Antre l'en voy desia la Chasse & des lampes autour, Les gardes de ce Sainct qui brustent nuict & iour: Car l'huille est eternelle esprise dans la meche Qui garde que ce seu sans humeur ne se seche. Qui en prend vne goute & parmy ses citez

La verse, il chasse au loin toutes aduersitez: L'air se purge & deuient bening & salutaire: La ville est sans frayeur, le peuple volontaire S'esgaye par les champs & de la peste franc, Sautelant par le corps sent raieunir son sang.

Mais lifons ce Tableau & voyons qu'il veut dire, La légende du Sainct dedans se pourra lire. Lisez-le, Secretain, en ce pendant que tous Suppli'rons le bon Sainct courbez sur les genous.

1000

Au tome VIII.

LES POEMES.

[Pièce-préface.]

— — Certis medium, & tolerabile rebus Rectè concedi. — — mediocribus esse Poëtis

— mediocribus esse Poëtis
 Non homines, non Dî, non concessere columnæ.

Horat.

Poëme & Poësie ont grande disserence.
Poësie est un pré de diuerse apparence,
Orgueilleux de ses biens, & riche de ses steurs,
Diapré, peinturé de cent mille couleurs,
Qui fournist de bouquets les amantes Pucelles,
Et de viures les camps des Abeilles nouuelles.
Poème est une steur, ou comme en des Forés
Vn seul Chesne, un seul Orme, un Sapin, un Cyprés,
Qu'un nerueux Charpentier tourne en courbes charrues,
Ou en carreaux voutez des nauires ventrues,
Pour aller voir apres de Thetis les dangers,
Et les bords enrichis des biens des estrangers.
D'Homere l'Iliade & sa sœur l'Odyssée

Est une Poësie en suiets ramassic, Dinerse d'arguments : le Cyclope chorgné, D'Achille le boucler, Circe au chef bien peigné, Prothée, Calypson par Mercure aduertie, Est un petit Poëme osté de sa partie Et de son corps entier. Ainsi qu'on mesnager Qui veut un vieil Laurier de ses fils descharger, Prend l'un de ses enfans qui estoient en grand nombre, Et desia grandelets se cachoient dessous l'ombre De leur mere nourrice, & le replante ailleurs, A fin que ses ayeuls en deuiennent meilleurs: Apres auoir fouye en terre ceste plante Bien loin de ses parens, elle croist & s'augmente, Puis de fueilles ombreuse, & viue de verdeur, Parfume le iardin & l'air de son odeur. Le lardinier ioyeux se plaist en son ouurage. Bien cultiuer le sien ne fist iamais dommage.

[N. B. — Il faut se garder de prendre pour une œuvre inédite la pièce qui figure en 1587 aux pages 230 à 233 du second livre des Poèmes avec ce titre: A VNE GRAND DAME, et qui commence ainsi: Lors que i'oy dire à ceux qui vous cognoiffent. Ce n'est en effet qu'un fragment (vers 13 à 113) d'une longue épitre adressée en 1565 à la reine d'Angleterre Élisabeth, en tête des Elegies, Mafearades & Bergerie, et placée en 1584 au Bocage royal. Voyez au t. VII les Notes du t. III, p. 243. — P. L.]



Au tome X.
EPITAPHES
DE DIVERS SVIETS.

[Pièce-préface.]

Le dernier honneur qu'on doit à l'homme mort, C'est l'Epitaphe escrit tout à l'entour du bord Du Tombeau pour memoire. On dit que Simonide En fut premier aucteur. Or si le Sens preside Encore aux trepassez comme il faisoit icy, Tel bien memoratif allege leur soucy, Et se plaisent de lire en si petit espace Leurs noms, & leurs surnoms, leurs villes, & leur race.

EPITAPHE DE FEV MONSIEVR le President de fainct André.

Entre-parleurs,
Le Paffant & la Iustice.

Le Paffant.

Encor' que ce Tombeau ne soit point decoré De Marbre ny de Cuyure en œuure elabouré, Ou'il ne soit enrichi d'un pompeux edifice, Si est-ce qu'en voyant la Déesse Iustice Desfus se lamenter, ie croy qu'il tient enclos D'un personnage illustre & la cendre & les ôs. Pource raconte-moy, Déesse, ie te prie, Quel fut ce corps, son nom, son estre & sa patrie, Aussi de quels parens il se vit engendré. Iust. Il fut de Carcassonne, il eut nom sainct André, Yssu de noble race, & qui a d'auantage Par sa propre vertu anobly son lignage. Pas. De quel estat fut-il? lust. De grande autorité President au Palais, qui rempli d'equité M'auoit donné son cœur, son âme & sa pensée, Me tenant comme il faut iustement balancée. Bien qu'il fust venerable & d'honneurs & d'entans, De mœurs & de prudence & de conseil & d'ans. Qui rendent en tous lieux l'homme plus honorable,

Bien qu'il eut une taille aux demidieux semblable, Bien qu'il eut combatu l'ignorance & l'erreur, L'asseurance des bons, des meschans la terreur, Honoré des plus grands, aimé du populaire, Et de mes Senateurs le parsait exemplaire: Si est ce que la Mort qui consomme chacun L'a fait (comme tu vois) passer le port commun. Les mortels ont çà bas pour vsus suite la vie, Aussi tost au Printemps qu'en Autonne rauie, Selon que les suzeaux des Parques l'ont silé. Or' va, say ton chemin, Passant, c'est trop parlé, Apprens que la matiere eternelle demeure, Et que la forme change & s'altere à toute heure, Et que le composé se rompt par son discord, Le simple seulement est exempt de la Mort.

[N. B. — Au tome X se trouvait aussi recueillie pour la première fois l'Epitaphe de Remi Belleau. Mais elle n'était pas inédite : elle avait paru dès 1577 dans le Tombeau de ce poète. On la trouvera ci-après parmi les Pièces imprimées du vivant de Ronsard, mais non recueillies par lui. — P. L.]



LA VIE DE PIERRE DE RONSARD,

par Claude Binet.

Il fit faire vn coche pour s'en retourner en la compagnie dudict Galland, fans lequel il ne pouuoit viure. l'appelant ordinairement fa feconde ame, comme il declare assez en ce fragment qu'il n'a pu acheuer, prevenu de mort:

Galland, ma seconde ame, Atrebatique race, Encor que nos ayeux aynt emmuré la place De nos villes bien loing, la tienne pres d'Arras, La mienne pres Vandosme, où le Loir de ses bras Arrouse doucement nos collines vineuses,
Et nos champs fromentiers de vagues limoneuses,
Et la Lise les tiens, qui baignant ton Artois
S'enfuit au sein du Rhin, la borne des Gaulois:
Pour estre separé de villes & d'espaces,
Cela n'empesche point que les trois belles Graces,
L'honneur, & la vertu, n'ourdissent le lien
Qui serre de si pres mon cœur auec le tien.
Heureux qui peut trouver pour passer l'auanture
De ce Monde, vn amy de gentille nature
Comme tu es, Galland, en qui les Cieux ont mis
Tout le parfaict requis aux plus parfaicts amis.
la mon soir s'embrunit, & desia ma iournée

Ia mon soir s'embrunit, & desia ma iournée
Fuit vers son Occident à demy retournée.
La Parque ne me veult ny me peut secourir:
Encore ta carrière est bien longue à courir,
Ta vie est en sa course, & d'une forte haleine
Et d'un pied vigoureux tu fais iallir l'areine
Sous tes pas, aussi fort que quelque bon guerrièr
Le sablon AElean, pour le pris du Laurièr.

Mais parlant de quelques autres, qui suiuants cette bande prostituent les Muses, & les habillent & deguisent à leur mode, il ne peut vn iour se tenir qu'il ne me dictast sur le champ ces vers:

Bien souvent, mon Binet, la troupe sacrilege Des filles de Cocyte entre dans le college Des Muses, & vestant leurs habits empruntez Trompent les plus rusez de caquets eshontez, Qui rampent cautement, se coulent & se glissent Au cœur des auditeurs, qui effrayez pallissent Estonnez du murmure, & du jargon des vers: Et plus ils sont houssis, plus courent de trauers: Et plus ils sont creuez de sens & de paroles,

Plus ils sont admirez des troupes qui sont soles.

Tels farouches esprits ont un coup de marteau
Engraué de naissance au milieu du cerueau,
Empeschant de preuoir de quel saint artifice
On appaise les Sœurs pour leur faire service,
Qui demandent des sleurs, & non pas des chardons,
Non des coups de canons, ains des petits fredons.

le les ay veu souvent courir parmi les ruës Seruir de passetemps à nos troupes menues, De ris & de iouët, ou bien sus vn sumier Ils meurent à la fin, leur tombeau coustumier, Et iureurs & vanteurs meurent à la tauerne, Comme gens desbauchez que la Lune gouverne.

Il auoit enuie, si la Santé & la Parque l'eussent permis, d'elerire plusieurs œuures Chrestiennes, & traiter ingenieusement & dignement la naissance du monde : mais il nous en a laissé seulement le desir : bien a-il commencé vn Poëme de la Loy diuine non acheué, dont en voicy l'eschantillon :

Tu ne liras icy les amours insensées Des mondains tourmentez de friuoles pensées, Mais d'un peuple qui tremble esfraié de la loy Que Dieu pere eternel, escriuit de son doy.

Vn rocher s'esteuoit au milieu d'une plaine, Effroiable d'horreur & d'une vaste areine, Hault rocher deserté dont le sommet pointu De l'orage des vents estoit tousiours batu: Vne effroiable peur comme un rampart l'emmure D'un torrent esbordé, dont le rauque murmure Bouillonnant esfroyoit les voisins à l'entour, Des Sangliers & des Cerss agreable seiour.

Le Ciel pour ce iour là serenoit la montaigne, Le vent estoit muet, muette la campaigne, Quand l'horreur solitaire & l'effroy d'un tel lieu Plus que les grands Palais fut agreable à Dieu, Pour assembler son peuple & le tenir en crainte, Et luy bailler le frein d'une douce contrainte. Pour ce Moyse il appelle, & luy a dit ainsi Luy resueillant l'esprit : Marche, mon cher soucy, Grimpe au sommet du mont & atten que ie vienne : Fay que mon peuple en presse au pied du mont se tienne De teste, de visage & d'espaules espes, Attendant de ma loy le mandement expres. Le Prophete obeit, il monta sur la roche, Et plein de majesté de son maistre il s'approche.

Pareillement vn Poëme intitulé l'Hercule Tu-lion, non acheué, qu'il auoit ainfi commencé :

Tu peux te garantir du Soleil qui nous brusle (Dit le fort locaste au magnanime Hercule) Desfous ceste umbre assis, s'il te plaist nous conter Comme ta force peut le Lion surmonter, Qui prenoit en Nemée & logis & pasture. Et dont la peau te sert encore de vesture. Car à voir tes sourcils, tes cheueux mal-peignez, Tes bras pelus, nerueux, & tes yeux renfrongnez, Nul homme sinon toy n'eust sceu parfaire l'œuure, Puis ta dure massue assez le nous descœuure. Il n'auoit acheué, quand dix boufs du Soleil Effroyez de la peau du Lion non-pareil Qu'Hercule auoit au dos, le choquant l'irriterent, Et l'ire de son fiel agassant despiterent.





LES

OE V V R E S D E

P. DE RONSARD

GENTIL-HOMME

Vandomois.

1597.

Au tome X.

LA VIE DE PIERRE DE RONSARD.

Il continua ceste perpetuelle enuie de dicter vers & fit escrire ceux-cy peu de iours auant sa mort, comme on luy parloit de manger :

> Toute la viande qui entre Dans le goufre ingrat de ce ventre, Incontinent sans fruich resort, Mais la belle science exquise Que par l'oüye i'ay apprise M'accompagne iusqu'à la mort.

... bien auoit il commencé vn Poeme de la loy diuine non acheué, qu'il voüoit à Henry à present Roy de France & de Nauarre, auec Presage de grande promesse, qui n'est encore manifeste qu'au Ciel, & combien que les Poëtes ayent esté appellez des anciens Vates & deuins, en voicy l'eschantillon:

Mon Prince, illustre sang de la race Bourbonne, A qui le Ciel promet de porter la couronne Que ton grand Saint Loys porta dessus le front, Si la chasse, la guerre, & les conseils qui sont Le nom d'un Cappitaine apres la mort reuiure N'amusent ton esprit, embrasse moy ce liure, Et ne refuse point d'acquerir le bon-heur Oue ton humble subject celebre à ton honneur. Tu ne liras icy... (Voir la suite ci-dessus, p. 47.)

N. B. - La pièce Les Nues on Nouvelles, qui n'avait encore jamais paru dans les éditions collectives des Œuvres de Ronsard, était recueillie en 1597, tout à fait à la fin du tome VIII, après la Table des matières. Mais elle n'était pas inédite. Elle avait paru en plaquette des 1565, et c'est à tort que l'éditeur de 1623 l'a fait précéder de cette note : « Ceste piece n'a pas été imprimée durant la vie de l'Autheur. » On la trouvera donc plus loin, parmi les Pièces imprimées du vivant de Ronsard, mais non recueillies par lui. - P. L.1





LES

OE V V R E S D E

P. DE RONSARD,

GENTIL-HOMME VANDOMOIS.

1604.

Au tome VIII.

LE SECOND LIVRE

DES POEMES.

AV TRESORIER DE L'ESPARGNE.

le sçay, Moreau, les affaires de France, le sçay combien nostre Prince a souffrance D'argent (le nerf des guerres) & i'entens Crier au camp les soldats mal-contens, l'oy d'autre-part la Prouince affligée D'impots, tributs, & de tailles mangée, Qui donne sang & entrailles au Roy, A longs souspirs se lamentant dequoy Rien n'est payé, sans que pourtant on laisse De la charger d'une angoisseuse presse: Comme le steuue en la marine court, Tout cest argent tire deuers la Court.

La Cour qui est comme un homme hydropique, Que plus il boit, plus la soif domestique Le fait reboire, & si n'en est nourry:
Car son soye est vlcereux & pourry,
Qui ne sçauroit digerer son breuuage:
Mais le tournant en tres-mauuais vsage,
Boussit le corps, qui toutes-sois n'est pas,
Estant ensié, ou plus sain, ou plus gras:

Ainsi pour voir les esponges ventreuses De nostre Cour, en argent plantureuses, Grosses de biens, il ne faut pas penser Que pour cela leur soif vueille cesser: Plus ils en ont, plus se plaignent & deulent, Plus sont enslez, plus d'enslures ils veulent.

Il faut chasser quelques Italiens, Les vrays corbeaux rauisseurs de nos biens, A qui la chair & la gresse est donnée, Qui ne font pas comme la Cananée, Se contentans des miettes de pain, Mais prenant tout nous font mourir de fain, Et si auons la machoire assez dure Pour manger seuls nostre propre pasture, Sans que l'on voye un messer estranger Venir le bien à nous pauures manger, Pour balancer seulement une oreille : Regarde moy dés la mer de Marceille Iusques au Haure, ah! autrefois Anglois, Voy la Bourgongne, & les champs Lyonnois, Ceux ont en main les plus gras benefices, Daces, imposts, & les meilleurs offices: Où les François ne sont recommandez Ne satisfaits sinon d'un Attendez.

Il ne faut plus que la Royne batisse Ny que sa chaux nos tresors appetisse, Molins sussit sans en bastir ailleurs, Peintres, Maçons, Engraueurs, Entailleurs Succent l'espargne auec leurs piperies:
Mais que nous sert son lieu des Thuilleries?
De rien, Moreau, ce n'est que vanité:
Deuant cent ans sera deshabité,
Et n'y aura ny fenestre ny salle,
Leton entier, corniche ny oualle.
« Son plus certain, son Palais le plus beau,

« Son pius certain, jon Palais le pius beau, « C'est sainct Denis, quand aupres du tombeau

« De son mary dormira trespassée,

« A joinctes mains, à clos yeux renuersée. Il ne faut plus qu'en temps de paix le Roy Donne ses biens sans cognoistre pourquoy Prodiguement ces richesses il donne A quelque nombre, & destruict sa couronne, Qui seuls en font & gresse & aliment: Les autres n'ont aucun nourrissement, Languissans secs comme membres etiques.

As-tu point veu dans ces fables Antiques Vn Roy Phinée aueugle, qui n'auoit Dequoy manger, quand manger il deuoit : Car tout soudain les harpies gourmandes Hors de sa main rauissoient les viandes, Et sans laisser à ses paurres seruans Vn seul morceau, se perdoient dans les vans?

« Si des François l'innombrable finance

« Alloit par ordre, & par iuste despance,

« Chacun pourroit aisément s'en sentir « Et si n'auroit au cœur vn repentir

« De hazarder pour le Prince la vie.

« Quand des François la bource est bien garnie,

« Et quand l'argent s'y compte à grands monceaux, « Quand l'or y court comme l'onde aux ruisseaux,

« Chacun beneist le Prince & sa couronne,

« A le seruir chaudement on s'addonne,

« On meurt pour luy: mais quand l'argent defaut « L'esprit languit, & le cœur n'est plus chaud, Chacun est froid en son debuoir & lasche A s'aquitter dignement de sa tasche : Le plus vaillant deuient rosse & couard, Le seul argent pousse l'homme au hazard, Le regiment de Strocy qui egale En combatant la fureur martiale, Devient tout froid. & mesmes au besoing Aux Cheualiers tremble la lance au poing Et tout armé pour-neant il s'esforce. « L'or est le nerf, & du nerf vient la force. « Le bon Coursier au combat diligent « Scait quand son maistre est bien garny d'argent : « Aueine, foin, & tel autre fourrage « Ne luy deffaut, alors d'un grand courage, « Preste le dos à son maistre, & ioyeux « Par les combats le rend victorieux : Quand est de moy, si cest aloy ne sonne Dedans mon sac, mon Euterpe frisonne, le deuiens froid, composer ie ne peux: Mais quand i'en ay ie fay ce que ie veux. D'où vient cela que cest or, que la terre Si loing de nous en ses boyaux enserre, Et qui n'a rien en l'homme de commun, Nous donne vie, & nourrist vn chacun? Le bled qu'on mange entretient la personne, Le vin qu'on boit nous fait la force bonne, La chair se tourne en aliment benin: Mais cest argent, de terre le venin, Qu'on void chacun si ardentement suiure, Sans le manger fait tout le monde viure. « On dit qu'vn iour Iupin estant faché « De voir le monde engraué de peché,

- « Delibera perdre la race humaine
- « Par diuers maux & par diuerse peine :
- a Le grand deluge en Orient coula,
- « Sous Phaëton la Grece se brusla,
- « La guerre vint à Thebes, & à Troye:
- « Le plus grand mal qui estoit la monnoye,
- « Restoit encor: mais la terre en bailla
- « Que Iupiter arrondit & tailla,
- « Comme reffors, par ruelles menuës,
- « Et en farcit le ventre de ses nuës,
- « Puis les creua d'un grand bruit, & soudain
- « L'or & l'argent pleut sur le genre humain,
- « Comme on void choir mainte fleurette espesse
- « Sur les corps saincts suiuis d'une grand presse,

Lors que le peuple en sa deuotion,

Faict par la rue vne Procession

Criant pardon au Seigneur de ses fautes:

Alors on void des fenestres plus hautes,

- Tomber les fleurs d'un nuage plaisant: « Ainsi du Ciel tomboit le saux present,
- « Beau de couleur, de forme & d'apparance,
- « Mais en effet d'une autre difference.
- « Le peuple sot qui pensoit que l'argent
- « Fust don du Ciel, y courut diligent
- « Pour l'amasser par foules & par bandes :
- « S'entre-poussans faisoient des noyses grandes
- « Et tant ardans apres l'or ils estoient,
- « Qu'en le serrant à grands coups se battoient,
- « Tant d'argumens pour les combats il offre :
- « L'un emplissoit un bahu, l'autre un coffre.
- « L'autre la bource, & chargez à foyson
- « S'en retournoient ioyeux en leur maison.

Ie n'y estois, Moreau, i'estois malade, Quand ceste heureuse opulente brigade Amassoit l'or à pleins paniers : or toy Qui en serras pour France & pour le Roy Et pour les tiens, mon Moreau, ie te prie

M'en departir si peu que tu:voudras: Plus indigent le Roy n'en sera pas: Et desormais de promesses n'abuses Ton vieil Amy, ton Ronsard, & ses Muses.





LES OEVVRES DE

PIERRE DE RONSARD

Gentilhomme Vandosmois Prince des Poetes François. 1609.

Au Recueil des Pièces retranchées
l'éditeur en présente
QVELQUES AUTRES NON IMPRIMÉES CY DEVANT.

SONETS

DE FEV P. DE RONSARD

POVR HELENE DE SVRGERES,

non encor imprimez.

Maistresse, embrasse moy, baize moy, serre moy,
Haleine contre haleine, échausse moy la vie,
Mille & mille baizers donne moy ie te prie,
Amour veut tout sans nombre, amour n'a point de loy.
Baize & rebaize moy; belle bouche, pourquoy
Te gardes tu là bas, quand tu seras blesmie,
A baiser (de Pluton ou la semme ou l'amie)
N'ayant plus ny couleur, ny rien semblable à toy?
En viuant presse moy de tes leures de roses;
Begaye, en me baisant, à leures demy-closes
Mille mots trançonnez, mourant entre mes bras.
le mourray dans les tiens, puis, toy resuscitée,
le resusciteray, allons ainsi là bas,
Le iour tant soit il court vaut mieux que la nuitée.

La mere des Amours i'honore dans les Cieux Pour auoir trois beautez, trois Graces auec elle, Mais tu as vne laide & fotte Damoyfelle, Qui te fait deshonneur, le change vaudroit mieux.

Iamais le chef d'Argus, fenestré de cent yeux, Ne garda si soigneux l'Inachide pucelle, Que sa rude paupiere, à veiller eternelle, Te regarde, t'espie & te suit en tous lieux.

Ie ne suis pas un dieu pour me changer en pluye: Dessoubs un cygne blanc mes slames ie n'estuye, C'estoient de lupiter les jeus malicieux.

Ie prens de tes beaux yeux ma pasture & ma vie, Pourquoy de tes regards me portes tu enuie? On voit sur les autels les images des Dieux.

l'ay reçeu vos Cyprez, & vos Orangers verds; Le Cyprez est ma mort, l'Oranger signifie (Ou Phebus me deçoit) qu'apres ma courte vie Vne gentille odeur sortira de mes vers.

Receuez ces pauots que le somme a couuers D'un oubly Stygien: il est temps que i'oublie L'amour qui sans profit depuis six ans me lie, Sans alenter la corde ou descloüer mes fers.

Pour plaisir, en passant, d'une lettre bien grosse Les quatre vers suyuans engraue sur ma fosse : Vne Espagnolle prist un Tudesque en ses mains :

Ainsi le sot Hercule estoit captif d'Iole, La finesse appartient à la race Espagnolle, Et la simple nature appartient aux Germains.

Mon Page, Dieu te gard, que fait nostre Maistresse?

Tu m'apportes tousiours ou mon mal ou mon bien:

Quand ie te voy ie tremble, & ie ne suis plus mien,

Tantost chaud d'vn espoir, tantost froid de tristesse.

Cà baille moy la lettre, & pourtant ne me laisse,
Contemple bien mon front par qui tu pourras bien
Cognoistre en le fronçant ou défronçant, combien
La lettre me contente ou donne de détresse.
Mon page, que ne suis-ie aussi riche qu'on Roy,
le feroy de porphyre un beau temple pour toy,
Tu serois tout semblable à ce Dieu des voyages:
le peindrois une table où l'on verroit pourtraits
Nos sermens, nos accords, nos guerres & nos paix,
Nos lettres, nos deuis, tes tours & tes messages.

Quand au commencement i'admiré ton merite,
Tu viuois à la Cour sans loüange & sans bruit:
Maintenant vn renom par la France te suit,
Egallant en grandeur la Royalle Hippolyte.
Liberal i'enuoyay les Muses à ta suite,
le fis loin de ton chef euanoüir la nuit,
le fis flamber ton nom comme vn astre qui luit,
l'ay dans l'azur du Ciel ta loüange décrite.
le n'en suis pas marry, toutefois ie me deux
Que tu ne m'aymes pas, qu'ingrate tu ne veux
Me payer que de ris, de lettres & d'œillades.
Mon labeur ne se paye en semblables saçons,
Les autres pour parade ont cinq ou six chansons
Au front de quelque liure, & toy des Iliades.

L'enfant contre lequel ny targue ny falade
Ne pourroient resister, d'un trait plein de rigueur
M'auoit de telle sorte vlceré tout le cœur
Et brulé tout le sang que i'en deuins malade.
l'auoy dedans le list un teint iaunement fade,
Quand celle qui pouuoit me remettre en vigueur,
Ayant quelque pitié de ma triste langueur,
Me vint voir, guarissant mon mal de son œillade.

Encores auiourd'huy les miracles se font:

Les Saincles & les Saincles les mesmes forces ont
Qu'aux bons siecles passez, car si tost que ma Sainte
Renuersa la vertu de ses rayons luisans
Sur moy qui languissois, ma fieure sut esteinte,
Vn mortel medecin ne l'eust faicle en dix ans.

Ie n'ayme point les luifs, ils ont mis en la croix
Ce Chrift, ce Messias qui nos pechez esface,
Des Prophetes occis ensanglanté la place,
Murmuré contre Dieu qui leur donna les loix.
Fils de Vespasian, grand Tite tu deuois,
Destruisant leur Cité, en destruire la race,
Sans leur donner ny temps, ny moment ny espace
De chercher autre part autres diuers endroits.

Iamais Leon Hebrieu des Iuifs n'eust prins naissance, Leon Hebrieu, qui donne aux Dames cognoissance D'un amour fabuleux, la mesme siction:

Faux, trompeur, mensonger, plein de fraude & d'astuce, le croy qu'en luy coupant la peau de son prepuce On luy coupa le cœur & toute affection.

le trespassois d'amour assis aupres de toy, Cherchant tous les moyens de voir ma flame esteinte; Accorde, ce disoy-ie, à la fin ma complainte, Si tu as quelque soin de mon mal & de moy.

Ce n'est (ce me dis-tu) le remors de la loy Qui me fait t'éconduire, ou la honte, ou la crainte, Ny la frayeur des Dieux, ou telle autre contrainte, C'est qu'en tes passetemps plaisir ie ne reçoy.

D'une extréme froideur tout mon corps se compose, le n'aime point Venus, i'abhorre telle chose, Et les presens d'Amour me sont une poison: Puis ie ne le veux pas. O subtile deffaite!

Ainsi parlent les Roys, defaillant la raison,

« Il me plaist, ie le veux, ma volonté soit saite.

CAPRICE.

AV SEIGNEVR SIMON NICOLAS.

Tout est perdu, Nicolas, tout s'empire, Ce n'est plus rien que du François Empire, Le vice regne & la vertu s'enfuit, Les grands Seigneurs ont pris nouueau desduit, Farseurs, bousons, courtisans pleins de ruses Sont maintenant en la place des Muses, Ioüeurs, larrons, fayneans, discoureurs, Muguets, deuins, querelleurs & iureurs.

Rien n'apparoist de la saison derniere, Quand le Soleil a baissé sa lumiere « La nuist suruient, qui de son noir attour « Prosondement enueloppe le iour.

Que ie regrette (ô Dieux!) que ie regrette Vn si bon temps où la Muse brunette Auoit en Cour tant de lustre & de pris! Où l'ignorance, où des foibles esprits, Sans nul merite & sans aucune gloire, N'auoient le bien des filles de Memoire, Des nouueaux nais, des folastres mentons Esclos d'un iour, des petits auortons Enslez d'honneurs, de pensions, de tiltres, D'orgueil, de dons, de crosses & de mitres, Laissans derriere à bouche ouuerte ceux Qui ont Thalie & Phæbus auec eux, Nourris des Rois au sein des neuf Pucelles, Pour les combler de graces immortelles.

A peine, helas! à peine a-t'on chassé La barbarie, où les gens du passé Se delectoient (ô peruerse instuance!) Qu'elle reuient importuner la France Plus que iamais, ah! les cieux ennemis Auroient-ils bien ce desastre permis?

Ouy, Nicolas, c'est un decret cœleste, Nostre malice aux grands Dieux manifeste Les y contraint, ouy, nos malignitez Baillent naissance à telles malheurtez. Ce n'est plus rien que fard, qu'hypocrisse, Que brigandage & rien qu'Apostasie, Qu'erreur, que fraude en ce temps obscurcy, Le Turc vit mieux que l'on ne faict icy.

le me repens d'auoir tant eu de peine
Que d'amener Phœbus & sa Neusuaine
En ce pays, il me fasche d'auoir
Premierement sur les riues du Loir
Conduit leurs pas en ma ieunesse tendre,
Quand le bel œil de ma belle Cassandre
Me sceut apprendre à chercher comme il faut
En beau subiect on stile braue & haut.

Bien que l'enuie en tous lieux animée
Se mutinast contre ma renommée
De toutes pars, & que mille rimeurs
Fussent aux champs en despit des neuf Sœurs,
le passay outre, amenant de la Grece
Leur trouppeau saincst, dont la voix charmeresse
Par mon labeur en la faueur des Rois,
Donna le prix au langage François,
Tu le sçais bien, tu veis mon premier âge,
Tu m'as cogneu, destors que i'estois page
A ce grand Roy qui debuoit, sans l'esfort
D'vn accident, darder son nom du bord

Où le Soleil éneille sa paupiere, lusqu'où il tombe en l'onde mariniere.

Que m'a serui de me trauailler tant D'un bras vainqueur l'Ignorance dontant, Si par aueu elle se rend plus forte, Si les plus grands ores lui font escorte, Passionnez d'un langage fardé, Que les neuf Sœurs n'ont iamais regardé, D'un vers trainant, d'une prose rithmée, De qui leur ame est si tres affamée, Que si Virgile esclairoit à leurs yeux, Il leur seroit ie m'asseure ennuyeux?

Desia ma teste est de neige couverte, Ma force est lente & ma veine deserte Pour terrasser encores derechef Ce monstre infame espouuantable au chef. Puis mon bon Prince a faict ioug à la Parque, Charles, ce grand, ce genereux Monarque De qui le front, peuplé de lauriers vers, Daignoit pancher aux accords de mes vers, La mort l'a pris en sa premiere course, Et quant & quant elle a tari la source Où ie puisois ceste douce liqueur Qui m'eschaufoit les esprits & le cœur.

Le temps, qui est de toutes choses maistre, Peut-estre un iour icy bas fera naistre Quelque ame viue, affin de s'opposer Contre l'erreur qui nous veut abuser : Car Dieu qui est tout preuoyant & sage Ne permettra que ce des-auantage Dure long temps, & que (on traiet poinctu Triomphe ainsi du faict de la vertu. « Tousiours la Mer à son bord ne tempeste,

« Le vent tousiours ne deplume la teste

« Des chesnes vieux, ny tousiours bons sur bons « Les seux du Ciel n'espouuantent les monts.

Qui que tu sois, à qui la Pieride Fera ce bien, pren ma voix pour ton guide, Escoute moy, s'il te plaist de ramer Asseurément en si profonde mer.

Promeine-toy dans les plaines Attiques, Fay nouneaux mots, r'appelle les antiques, Voy les Romains, & destiné du ciel, Desrobe ainsi que les mouches à miel Leurs belles fleurs par les Charites peintes, Lors sans viser aux ialouses attaintes Des mal-vueillans, formes-en les douceurs Que Melpomene inspire dans les cœurs: l'ay faict ainsi, toutesfois ce vulgaire, A qui iamais ie n'ay peu satisfaire Ny n'ay voulu, me fascha tellement De son japper en mon aduenement, Quand ie hantay les eaux de Castalie, Que nostre langue en est moins embellie : Car elle est manque & faut de l'action Pour la conduire à sa perfection.

Cherche vn renom qui les âges surmonte, Vn bruit qui dure, vne gloire qui monte Iusqu'aux nepueux, & tente à cest effect, Si tu veux estre vn Poëte parfaict, Mille subiects de mille & mille modes, Chants pastoraux, Hymnes, Poemes & Odes, Fuyant sur tout ces vulgaires façons, Ces vers sans art, ces nouuelles chansons, Qui n'auront bruit à la suite des áges, Qu'entre les mains des filles & des pages.

Que le beau nom des Princes & des Rois Soit ton subiect & le Porte-carquois: Par ce chemin, loin des tourbes menues, A branle d'aile on vole outre les nues, Se couronnant à la posterité, Des Rameaux saincts de l'immortalité.

Mais, Nicolas, Bellonne est à nos portes, la desia Mars & ses fieres cohortes Sonnent la guerre : hé! bons Dieux, qui pourroit, Quand vn Homere il parangonneroit, Qui pourroit faire esclairer la science Parmy les maux qui regardent la France? Le Roy (dit-on) n'aura iamais d'enfans, Son heritier des ses plus ieunes ans Ayme la guerre, il est haut de courage, Prompt & actif, il est caut, il est sage; Bref c'est un foudre, un astre des combats, Et toutesfois ne le voudra-ton pas En suruiuance : ah! que de fiers gendarmes, Ah! que de feux! que d'horribles alarmes! Que de pitié! que de sang! que de morts! Que d'estrangers ancreront à nos ports! Tout est perdu, la France est à son terme, Si le bon Dieu, comme le feu sainct Herme, Ne faict descendre en l'esprit d'un tel Roy Son esprit (ain&t pour le ranger à soy.

Or s'il aduient, ceste saison dorée, Qui sut iadis par le Monde honorée, Resteurira, tous vices periront, Sans coup ferir les erreurs s'en-iront Des Resormez qui viuent en franchise, En son honneur la primitiue Eglise Se remettra comme premierement, Et pour combler un tel euenement, Dans nos citez, comme dans leurs campagnes, De iour, de nuiet les neus Muses compagnes, Filles du ciel, iront comme deuant
Sous la faueur d'vn salutaire vent,
Faisant marcher de prouince en prouince
Le nom sacré d'vn si valeureux Prince
A l'enuiron de ce grand vniuers,
« Car le merite esclaire par les vers.

Ie l'ay cogneu dés sa premiere enfance, Comme ayant pris mon estre & ma naissance Dans le pays qui steschit à sa loy: Rien n'est meilleur, rien plus doux que ce Roy, Rien plus humain, rien n'est de plus affable, Ce n'est qu'amour, il n'est rien de semblable: (O Nicolas) nous serions trop pleins d'heur De viure vn iour vassaux de sa grandeur.

Donne, grand Dieu, que ce bon-heur arriue, Si ton vouloir, durant ses iours, nous priue De ce grand Roy qui nous baille ses loix, Et s'il te plaist que le nom de Vallois Cede aux Bourbons sortis de mesme race, « Car tout succombe & toute chose passe.

Donne, Seigneur, qu'en toutes les saisons Le bon-heur vole autour de leurs maisons, L'amour, la paix, & la foy qui nous guide Là haut au ciel où le vray bien reside.

Fay que tout vice essoigne leurs citez:
Escartes-en les salles voluptez,
Les trahisons, les meurtres, les querelles;
Escartes-en ces damnables sequelles
De brelandiers, de farseurs, de plaisans
Qui sont tousiours auec les courtisans,
Et qu'en leur place, au comble de sa gloire,
Le docte chœur des filles de Memoire,
Comme deuant, y steurisse tousiours
Tant que Phœbus allumera les iours

En Orient, & que toute infortune, Tout noir meschef, toute influence brune Escarte loing son estoc & son dard De Nicolas & du chef de Ronsard.

[N. B. — Les deux éditions de 1609 ne contiennent pas d'autres pièces inédites. Il faut se garder de prendre pour tel un fragment intitule A la fortune, qui commence par ce vers : Qui seule es bonne manuaije nommee (dans l'in-folio, aux Poemes retranches). Ce n'est en effet que la seconde partie de la Prière à la Fortune, publice parmi les Hymnes de 1555, et dont on trouvera le texte complet ci-après dans la section des Pièces retranchées. - D'autre part, cinq pièces qui n'avaient jamais paru dans les Œuvres de Ronsard étajent recueillies en 1609 au milieu des Pièces retranchées. Mais elles n'étaient pas inédites; elles avaient été publiées parmi les liminaires de divers ouvrages d'amis : un Discours à Iacques Greuin (en tête de son Théâtre, 1561); deux sonnets A Robert Garnier (en tête de sa Cornélie, 1574, et de sa Troade, 1579), une ode Pour Amadis Iamin (en tête de sa traduction de l'Iliade, 1574), une épigramme Sur la Nephelococugie de Pierre le Loyer (en tête de cette comédie, 1578). On les trouvera ci-après parmi les Pièces imprimées du vivant de Ronsard, mais non recueillies par lui. - P. L.]





PIÈCES RETRANCHÉES

par Ronsard lui-même


des diverses éditions, partielles ou collectives,

de ses œuvres

de 1553 à 1584.

Suivies de la liste des pièces retranchées par les exécuteurs testamentaires en 1587.

N. B. — Chaque pièce de cette section a pour titre immédiat celui qui accompagnait le texte que nous réimprimons. Au besoin, on trouvera le titre primitif dans les Notes.





ODE DE RONSARD

publiée dans les

OEuures Poëtiques de I. Peletier.

1547.

ODE XL.

Non mesurée.

(Texte de 1578; retranché en 1584.)

Quand ie feroy si heureux de choisir Vne Maistresse à mon desir, Mon Peletier, ie te veux dire Laquelle ie voudrois estire Pour la seruir, constant, à son plaisir.

L'âge non meur, mais verdelet encore, Est l'âge seul qui me deuore Le cœur d'impatience atteint: Noir ie vueil l'œil, & brun le teint, Bien que l'œil verd toute la France adore.

l'aime la bouche imitante la rose Au lent Soleil de May déclose, Vn petit tetin nouuelet Qui se fait desia rondelet, Et sur l'yuoire esseué se repose: La taille droite à la beauté pareille, Et dessous la coife une oreille Qui toute se monstre dehors, En cent façons les cheueux tors, La iouë egale à l'Aurore vermeille:

L'estomac plein, la iambe de bon tour Pleine de chair tout à l'entour Que par souhait on tasteroit, Vn sein qui les Dieux tenteroit, Le slanc haussé, la cuisse faite au tour:

La dent d'yuoire, odorante l'haleine, A qui s'égaleroient à peine Les doux parfums de la Sabée, Ou toute l'odeur defrobée Que l'Arabie heureusement ameine:

L'esprit naïs, & naïue la grace, La main lasciue, ou qu'elle embrasse L'amy en son giron couché, Ou que son luth en soit touché, Et vne voix qui mesme son luth passe:

Le pied petit, la main longuette & belle,
Dontant tout cœur dur & rebelle,
Et vn ris qui en descouurant
Maint diamant, allast ouurant
Le beau vermeil d'vne léure iumelle.

Qu'ell' sceust par cœur tout cela qu'a chanté Petrarcque en amour tant vanté, Ou la Rose si bien descrite, Et contre les semmes despite, Dont ie serois comme d'elle enchanté. Quant au maintien, inconstant & volage,
Folastre & digne de tel âge,
Le regard errant çà & là,
Vn naturel outre cela
Qui plus que l'art miserable soulage.

Ie ne voudrois auoir en ma puissance A tous coups d'elle iouy ssance : Souuent le nier vn petit En amour donne l'appetit, Et fait durer la longue obey ssance.

D'elle le temps ne pourroit m'estranger, N'autre amour, ne l'or estranger, Ny à tout le bien qui arriue De l'Orient à nostre riue Ie ne voudrois ma brunette changer:

Lors que sa bouche à me baiser tendroit, Ou qu'approcher ne la voudroit Comme seignant d'estre sâchée, Ou quand en quelque coin cachée Sans l'auiser pendre au col me viendroit.





AVANTENTREE DV ROI

treschrestien à Paris, l'an 1549.

1549.

[Vers non mesurés.]

(Texte de 1553; retranché en 1560.)

Voici venir d'Europe tout l'honneur, Ouure les bras, Paris plein de bon heur, Pour embrasser ton Roi qui te decore, Et du parfait de ses vertus t'honore. Heureus Paris, le tresor de ta gloire Sera pendu au temple de Memoire, Tant tu auras de bien & de grand heur, Aiant receu d'Europe la grandeur.

Io, Paris, éleue au ciel ta porte,
l'oi arriuer ton Roi, qui te r'aporte
La vierge Aftrée, & sa belle sequelle
Qui s'envolla de ce monde auec elle.
Ne la voi-tu comme elle prend sa place
A son retour dans le sein & la face
De nostre Roine, en qui le ciel contemple
Du vrai honneur le portraict & l'exemple?
Et qui en toi vn beau iour déplira,
Quant par ta rue en triumphe elle ira?
C'est celle là dont Arne est orguilleus,
Et qui son nom d'vn haut bruit merueilleus
Contre les murs de Florence resonne:
C'est celle là qui l'espoir nous redonne

De voir bien tost le beau lis de rechef Dans l'Italie encor dresser le chef.

Sus donq, Paris, regarde quel doit estre Ton heur futur, en adorant ton maistre, Ton nouueau Dieu, dont la diuinité T'enrichira d'vne immortalité.

Comme Tyrinthe est le propre heritage
Du grand Hercule, & de Iunon Carthage:
Ainsi, Paris, tu seras desormais
Du Roi Henri la ville pour iamais,
Et dedans toi les etrangers viendront
Baiser son temple & leurs veus lui rendront.

A sa venue il semble que la terre Tous ses tresors de son ventre deserre, Et que le Ciel ardentement admire Leurs grands beautés, où d'enhaut il se mire Enamouré, & courbe tout expres Ses larges yeus pour les voir de plus pres.

Telle saison le vieil age eprouua Quant le Chaos demellé se trouua, Et de son poix la terre balancée Fut des longs doits de Neptune embrassée, Lors que le Ciel se voutant d'un grand tour Emmantela le monde tout autour.

Ia du Soleil la tiede lampe alume
Vn autre iour plus beau que de coustume.
Ia les forests ont pris leurs robes neuues,
Et moins ensiés glissent aual les sleuues,
Hastés de voir Thetys qui les attent,
Et à ses sils son grand giron estend.
Entre lesquels la bien heureuse Seine
En stossont vne ioie demeine,
Peigne son chef, s'agence & se fait belle,
Et d'un hault cri son nouueau Prince appelle.

lo, Paris, voici le iour venir
Dont nos néueus se doiuent souuenir,
Et dans lequel seront apparoissans
Et Arcs, & Traits, & Carquois, & Croissans,
Qui leur rondeur parfaite rempliront,
Et tout le cerne en brief accompliront,
A celle fin que leur splendeur arriue,
De l'Ocean à l'une & l'autre riue.

Au iour sacré de la Roialle entrée, Que la Princesse en drap d'or acoustrée Braue apparoisse, & la Bourgeoise face Tous les amours nicher dedans sa face. Que du plus haut des fenestres on rue Les lis, les fleurs, les roses en la rue De ça & la: Que le peuple ne voie Sinon pleuuoir des odeurs par la voie. Qu'on chante io, que la solennité Soit egallée à sa diuinité.

Cnose iadis ainsi pompeusement
Reçeut son Prince, alors qu'heureusement
Pour son partage il occupa les cieus,
Et qu'il sut Roi des hommes & des Dieus.
D'on ordre egal en triumphe exaltée
Aloit dauant la corne d'Amalthée,
Aueq' l'oiseau qui par tout l'oniuers
Porte des Dieus les prodiges diuers.

Au grand Henri puissent ils se monstrer Du bon costé qui les faut rencontrer, Lors qu'il se rue au meilieu des dangers, Brisant l'honneur des soudars estrangers.

l'enten desia les trompettes qui sonnent, Et des vainqueurs les louanges resonnent. Ie voi desia stamboier les harnois, Et les cheuaus courans par les tournois Leurs opposés brauement mépriser, Et iusqu'au ciel les lances se briser. Là, les fuueurs des Dames peu vaudront : Là, les plastrons pourneant deffendront Le combatant, qu'il ne brunche par terre, Si mon grand Roi de sa lance l'enferre : Car le ciel veut qu'il emporte le pris, Et de bien loing passe les mieus appris.

Mais qui sont ils ces Cheualiers vaillans Qui tiennent bon contre tous assaillans, Brulés de gloire & d'ardeur d'éprouuer Si vn plus fort se pourroit point trouuer? Soit l'Espagnol aus armes sier & braue, Ou cestui-là que la Tamise laue. A voir de l'un la force souveraine le reconnoi la gloire de Lorraine, L'honneur d'Aumalle, en qui luit en la face Tout ce que peut la nature & la grace, Et qui naguiere a ioint aueq' le sien Du bon Roger le sang tant ancien.

Sus donc, Seigneurs, la terreur des humains, Le los de France est ores en vos mains, Nul Cheualier, sust il Roland, ne vienne Tanter vos bras, qu'il ne lui en souvienne, Affin qu'il porte aus nations estranges Dessus son dos écrites vos louanges.

Et toi Henri, triumphe à la bonne heure, Haste tes pas, trop longue est ta demeure: Vien voir Paris la grand' cité roialle, Et de ta Gent la foi serue & loialle. Vien voir ses ieus, & tout ce qu'elle apreste Pour celebrer de ta grandeur la feste.

Facent les cieus que ta puissance greue Si bien l'Anglois, que plus il ne releue: Et que ton bras renuoie par deça Le grand tresor qu'vn Roi Ian lui laissa. S'ainsi aduient i'animerai ta gloire, Et publirai le gaing de ta victoire Faisant voler ton renom nompareil: Où d'vn plain sault le renaissant Soleil Monte à cheual, & là, où il attache Ses las coursiers qu'aus sons des eaus il cache.





L'HYMNE DE FRANCE.

1549.

HYMNE DE FRANCE.

[En vers non mesurés.] (Texte de 1573; retranché en 1578.)

Sus, lut doré, des Muses le partage, Et d'Apollon le commun heritage, De qui la voix, d'accord melodieux Chante les faits des hommes & des Dieux: Sus, l'honneur mien, il est temps que tu voises Donner plaisir aux oreilles Françoises, Rompant l'obscur du paresseux seiour, Pour te montrer aux rayons du beau iour. Tu peux tirer les forests de leur place, Fleschir l'enfer, mouuoir les monts de Thrace, Et retenir le feu qu'il ne saccage Les verds cheueux d'un violé bocage, Quand Iupiter menace de son ire Les haults sourcils des montaignes d'Epire, Et que son trait iustement despité Rompt le sommet d'une iniuste cité.

Touiours le Grec la Grece vantera, Et l'Espagnol l'Espagne chantera, L'Italien les Itales fertiles, Mais moy François la France aux belles villes : Et son renom, dont le crieur nous sommes, Ferons voler par les bouches des hommes : Où l'equité & la justice aussi. Gemelles sœurs, y fleurissent ainsi Que deux beaux lis ou deux roses, alors Que le printemps pousse les fleurs dehors.

Il ne faut point que l'Arabie heureuse,
Ne par son Nil l'AEgypte plantureuse,
Ne l'Inde riche en mercerie estrange,
Fasse à la tienne egale sa louange:
Qui d'on clin d'œil on monde peux armer,
Qui as les bras si longs dessus la mer,
Qui tiens sur toy tant de ports & de villes,
Et où les loix diuines & ciuiles,
En long repos tes citoyens nourrissent.

On ne voit point par les champs qui fleurissent Errer ensemble vn tel nombre d'abeilles, Baisans les lis & les roses vermeilles:
Ni par l'esté ne marchent au labeur
Tant de fourmis, animaux qui ont peur
Qu'en leur vieillesse ils n'endurent souffrance,
Comme l'on voit d'hommes par nostre France
Se remuer: soit quand Bellone anime
La maiesté de leur cœur magnanime,
Ou quand la paix à son rang retournée
Chacun renuoye exercer sa iournée.

Bien que la perle & les pierres exquises
En nostre mer des marchans ne soyent quises
Ne par noz prez on ne voye amassée
L'herbe d'Heleine, ou bien la Panacée,
Ni le doux miel ne suinte en noz rameaux,
Ni le doux laiest ne coule en noz ruisseaux:
Des fiers lions la semence superbe
En est bien loin: & le serpent par l'herbe,
Tel qu'en l'Affrique, horrible n'espouante
Le seur pasteur: ne l'amour vehemente
Qui s'enste au front du poulain n'y est pas

Mixtionnée es amoureux apas.

Noz champs Iason de ses toreaux ardans Ne laboura, pour y ietter dedans D'un grand serpent les machoires terribles : Ne la moisson de tant de gens horribles Hors de la terre à force desserrez S'est herissée en corcelets ferrez: Mais au contraire ils enfantent un blé, Nous le rendant d'vsure redoublé: Et dont iamais la premiere apparence Du laboureur n'a trompé l'esperance. Plus qu'en nul lieu Dame Cerés la blonde Et le donteur des Indes y abonde. Mille troupeaux frisez de fines laines Comme escadrons se campent en noz plaines: Maint arbrisseau qui porte sus ses branches D'un or naif pommes belles & franches, Y croist aussi, d'une-part verdissant, De l'autre-part ensemble iaunissant, Le beau grenad à la jouë vermeille, Et le cytron, delices de Marseille, Fleurit és champs de la Prouence à gré: Et l'oliuier à Minerue sacré Leur fait honneur de ses fruits autonniers: Et iusqu'au ciel s'y dressent les palmiers, Le haut sapin, qui par flots estrangers Doit aller voir de la mer les dangers, Y croist aussi: & le buis qui vaut mieux Pour y tailler les images des Dieux, De ces bons Dieux, qui ont touiours souci Et de la France, & de mes vers aussi. Aupres de Mun le cheual belliqueur Braue aparoist, qui d'une ardeur de cœur

Passe à noû Loire, ou folastre aux campagnes,

Ou d'un plein cours vole au haut des montagnes, Heurte les flancs de la terre qui sonne, Et au combat luy-mesme se suconne, la se vantant d'obeïr à la bride, Ayant sur luy Carnaualet pour guide.

Que dirons-nous de la saison des temps, Et des tiedeurs du volage printemps? La cruauté des vents malicieux N'y regne point, ne les monstres des cieux, Ni tout cela qui plein de felonnie Tient les sublons d'Afrique, ou d'Hyrcanie.

Touiours la France heureusement fertile Donne à ses fils ce qu'il leur est vtile, L'or eternel ne deffaut point en elle, Et de l'argent la source est eternelle: Le fer, l'airain, deux metaux compaignons, Ce sont les biens de ses riches roignons.

L'un bon à faire ou trompettes tortues,
Ou les portraits des divines statues:
L'autre nous sert pour corriger l'audace
De l'ennemy, qui en vain nous menace,
Lors qu'un bon signe au ciel nous est donné,
Et lupiter à main gauche a tonné,
Fauorisant le François, qu'il estime
Enfant d'Hector, sa race legitime:
Qui de là haut nous a transmis ses loix,
Et a iuré de nous donner des Rois,
Qui planteront le lis iusqu'à la riue
Où du Soleil le long labeur arriue.

Icy & là, comme celestes stammes, Luisent les yeux de noz pudiques semmes, Qui toute France honorent de leur gloire, Ores montrant leurs espaules d'iuoire, Ores le col d'albastre bien vni. Ores le sein, où l'honneur fait son ni : Qui pour donter la cagnarde paresse, Vont surmontant d'une gentille adresse Le vieil renom des pucelles d'Asie, Pour ioindre à l'or la soye cramoisie, Ou pour broder au mestier proprement D'un nouveau Roy le riche acoustrement.

Que diray plus des lacs & des fontaines, Des bois tondus & des forests hautaines? De ces deux mers, qui d'on large & grand tour Vont presque France emmurant tout autour? Maint grand vaiffeau, qui maint butin ameine, Parmy noz flots seurement se promeine. Au dos des monts les grands forests verdoyent, Et à leurs pieds les belles eaux ondoyent, Des Dieux bouquins les bois sont les repaires, De Pan, de Faune, & des Satyres peres. Et au plus creux des argentines ondes Menent un bal noz Nymphes vagabondes. Puisse en mes vers leur faueur apparoistre, Heureux celuy qui les a peu connoistre! Celuy vrayment l'auarice n'ard point, Ne l'appetit des honneurs ne le point, Mais iour & nuit courbé dessus le liure Apres sa mort tache à se faire viure.

Qui contera l'exercite des nuës
Grosses de gresse, & de pluyes menuës,
(Lors que la Bize horrible les rencontre,
Ou quand le ciel se courrouce alencontre
D'vn camp, qui fait iniustement la guerre,
Le punissant d'orage & de tonnerre)
Il contera de la France les ports,
Et les citez, les villes, & les forts
Droit éleuans vn front audacieux,

Et un sourcil qui menace les cieux. Dedans l'enclos de noz, belles citez. Mille & mille arts y sont exercitez. Le lent sommeil, ne la morne langueur, Ne rompent point des ieunes la vigueur: Car ains que l'aube ait l'obscur effacé De son labeur chacun est ia lassé: La Poësie & la Musique sours, Oui noz ennuis charment de leurs douceurs, Y ont r'aquis leurs louanges antiques. L'art non menteur de noz Mathematiques Commande aux cieux : la fieure fuit deuant L'experte main du medecin sçauant. Noz imagers ont la gloire en tout lieu Pour figurer soit vn Prince ou vn Dieu, Si viuement imitans la nature, Que l'ail rauy se trompe en leur peinture. Vn million de fleuues vagabons, Trainans leurs flots delicieux & bons, Leschent les murs de tant de villes fortes, Dordonne, Somme, & toy Seine qui portes Desfus ton dos un plus horrible faix, Que sur le tien, Neptune, tu ne fais. Adioustez y tant de palais dorez, Tant de sommets de temples honorez, ladis rochers, que la main du maçon Elaboura d'ouurage & de façon,

« L'art donte tout, & la perseuerance.

Que dirons-nous encor de nostre France?
C'est ceste terre aux deux Pallas adestre,
Et qui nous a de son ventre fait naistre
Tant de vainqueurs de laurier couronnez,
Et tant d'esprits aux Muses adonnez:
C'est celle là qui a produit ici,

Roland, Renaud, & Charlemaigne austi, Lautrec, Baiard, Trimouille & la Palice, Et toy Henry, le fleau de la malice, Roy dont l'honneur sus les autres reluit Ainsi que l'astre à Venus, qui la nuit De son beau front tous les autres efface, Lors qu'il a bien laué sa belle face Dans l'Ocean: maint flambeau qui éclaire Sort de ses yeux : la nuit en est plus claire. Roy qui doit seul par le fer de la lance Rendre l'Espagne esclaue de sa France, Et qui naguere a l'Anglois abbatu, Le premier prix de sa ieune vertu. le te saluë, ô terre plantureuse, Heureuse en peuple, & en Princes heureuse. Moy ton Poëte, ayant premier ofé Auoir ton los en rime composé, le te supply, qu'à gré te soit ma lyre : Et si quelqu'un enrage d'en médire, Soit il prisé du pauure populaire, Et ses labeurs ne puissent iamais plaire A mon Prelat, honneur de ta prouince, Ni aux saints yeux de mon grand Roy, ton Prince.

FANTASIE A SA DAME,

en vers non mesurés.

(Texte de 1560; retranché en 1567.)

Il estoit nuit, & le present des cieus, Plus dous que miel, couloit dedans mes yeus, Lors que par l'air ie me senti raui, Et transformer en nue ie me vi Pleine d'amour, & de perseuerance, De loiauté, d'attente, & d'esperance: Apres auoir, ce me sembloit, erré Par tout le ciel d'une nue enserré, Vos yeus sur moi leurs rayons espandirent, Et comme neige au soleil me fondirent: Si que d'enhault ie pleuuoy l'esperance, La foy, l'amour, & la perseuerance.

En un rocher apres il me sembla
Que tout mon corps vistement s'assembla,
Le ciel depit me tourmentant la teste,
Ore de gresle, & ores de tempeste,
Le vent mon dos, & la mer rudement
Se courouçoit contre mon fondement,
Voulant la foi rompre & diminuer,
Que ie vous veus tousiours continuer.

Mais en pensant au tourment de ma peine, Pour la rigueur dont vous estes tant plaine, De trop pleurer en larmes distilloi, Et peu à peu sontaine ie couloi, Si que par pretz, & par bois, en suyant l'aloi tousiours murmurant & bruyant Contre mes bords, vostre nom que i'adore: Nom que ie puis, & le veus faire encore, Par cent papiers des longs siecles vainqueur, Pour estre écrit si auant en mon cœur.

Et tout ainsi que i'auoi dans ce monde Fait eternel vostre nom par mon onde, Voulant remplir tout le ciel de son los, La plume aus flans, l'aisle me creut au dos : Et nouueau cygne aloi par l'uniuers, Chantant de vous les louanges en vers, Pour lui monstrer combien estes sacrée, Vous seule idole à l'amour consacrée. En mesme instant me sut auis aussi, Que i'estoi sleur qu'on nomme du Souci, Qui meurt, & pend sa teste languissante; Quand ell' n'est plus du Soleil iouissante: Mais aussi tost que l'Aurore vermeille, Hors de la mer la lumiere reueille, Elle renaist, sa vie mesurant Au seul regard d'un beau Soleil durant. Ainsi & l'ame & le cœur on m'arrache, Quand le Soleil de ma vie on me cache, l'enten vostre œil: puis ie suis renaissant, Incontinent qu'il m'est apparoissant.

De ceste steur ie deuin vmbre vuide,
Du premier cors qui me seruoit de guide,
Seule en errant le vostre ie suivoi,
Et de vous voir, Madame, ie vivoi.
Mais quand la nuit venoit le iour troubler,
Lors ie sentoi mon plaisir redoubler,
Vous voiant seule en vostre chambre nue,
Monstrer la iambe & la cuisse charnue,
Ce corps, ce ventre, & ce sein coloré,
Ainçois luoire en œuure elaboré,
Où i'auisoi vne & vne autre pomme,
Dans ceste nege aller & venir, comme
Les ondes font se iouant à leur bord,
Quand le vent n'est ne tranquille ne fort.

D'une umbre vaine un nauire i'estoi, Et pour ma charge estrange ie portoi De Cupidon les carquois & les steches, Et de Venus les brandons & les meches: Que vos beaux yeus sçauent si bien darder, A qui les vient de trop pres regarder: Lors que le Ciel sur moy se despita, Et tellement les vagues irrita, Que sans espoir, de l'orage brisé, le perissoi, si ie n'eusse auisé, Parmi l'obscur de la trouble menace, Le port heureus de vostre bonne grace. En vous voyant d'assez loing, me sembloit Que vostre corps à Venus ressembloit, Et que sur moy mittes la main vermeille Pour me sauuer, & sur ce ie m'eueille.

SONNET A ELLE MESME.

(Texte de 1553; retranché en 1560.)

Où print Amour ceste grandeur de gloire,
Dont vostre face heureuse il honora?
De quelle mine estoit l'or qui dora
Voz blonds cheueux, que l'or mesme on doibt croire?
En quel iardin print il la rose, voire
Le liz duquel vostre teint colora,
Ou le coral, duquel il decora
Les blancs sommets de voz coutaux d'iuoire?
Et de quel astre embla il la lumiere
De voz beaux yeus, qui vous sont la premiere
En maiesté, & en douceur d'audace?
Amour vous aime, & le ciel vous honore,
Moi auec eux i'idolatre & adore
Le saint protrait de vostre belle face.





LES QVATRE PREMIERS

liures des Odes de Pierre de Ronsard,

Vandomois.

Ensemble son Bocage.

1550.

Au livre I.

A IAN DORAT.

(Texte de 1553; retranché en 1555.)

Puissai-ie entonner un vers Qui raconte à l'uniuers Ton los porté sus son aile, Et combien ie fu heureus Sucer le laict sauoureus De ta feconde mammelle. Sur ma langue doucement Tu mis au commencement le ne sçai quelles merueilles, Que vulgaires ie randi, Et premier les épandi Dans les Françoises oreilles. Si en mes vers tu ne vois Sinon le miel de ma vois Versé pour ton los repaistre: Qui m'en oseroit blasmer? Le disciple doit aimer, Vanter & louer son maistre.

Nul ne peut montrer deuant Ou'il soit expert & squant, Et l'ignorance n'enseigne Comme on se doit couronner Et le chef enuironner D'une verdoiante enseigne. Si i'ai du bruit il n'est mien, le le confesse estre tien, Dont la science hautaine Tout alteré me treuua, Et bien ieune m'abreuua De l'une & l'autre fontaine. De sa Mere l'apprentif Peut de son luc deceptif Tromper les bandes rurales: Puisse auenir que ma vois Atire & flatte des Rois Les grandes mains liberales. L'honneur nourrist le sçauoir: Quand l'ail d'on Prince veult voir Le ministre de la Muse, Phebus lui fait ses leçons, Phebus aime ses chansons, Et son Luc ne lui refuse. On ne se trauaille point Aiant un disciple époint A vertu dés son ieune age, En peu de iours il est fait D'apprentif maistre parfait, Voi n'en ci le temoignage.

Au livre II.

ODE X.

(Texte de 1578; retranché en 1584.)

Les trois Parques à ta naissance T'auoient ottroyé le pouuoir De ne mourir, ains que de France Le dernier bord tu peusses voir. Or' pour la fin de tes iournées Ton dernier voyage restoit Icy desTous les Pirenées, Où l'arrest de ta mort estoit. Toy morte, donc que la Bretaigne, Ta mere, ne se vante pas De haquenée qui attaigne Ta cour (e, ton amble, ton pas: Ne moins les sablonneuses plaines De la chaude Afrique, où souuent Les iumens (miracle) sont pleines, Se mariant aueq' le vent.

A RENÉ D'ORADOVR, Abbé de Beus.

(Texte unique de 1550; retranché en 1553.)

Le tens de toutes choses maistre, Les saisons de l'an terminant, Montre assés que rien ne peut estre Longuement durable en son estre Sans se changer incontinant. Ores l'iuer brunist les cieus,

D'un grand voile obscur emmuré, Ores il soufle audacieus, Ores froid, ores plunieus, En son inconstance assuré. Puis quand il s'en fuit variable, On reuoit Zephyre ariuer, Amenant vn ciel amiable, Qui est beaucoup plus agreable Apres qu'on a senti l'iuer. Quand vn souci triste & hideus. Oradour, te viendroit saisir, Ne t'effraie d'un ni de deus, Car le tens seul, en depit d'eus, Te rendra libre à ton plaisir. Desfus ton luc pour eus ne cesse. Si tu me croi, de raconter Les passions de ta maistresse. Et comme sa vois flateresse L'ame du corps te sceut oter. De t'amie le nom aimé Ores sur les eaus soit oui, Et ores par le bois ramé, Ou'il n'i ait pré de fleurs semé Qui d'elle ne soit estoui. Aucunes fois pres du riuage Lentement couché sur le ionc. Tu oiras dans le bois sauuage La veuue tourtre en son ramage Se lamenter dessus un tronc. Vela comment il faut casser L'effort des ennuis odieus, Et le soin du cueur effacer, Incontinent tu dois passer Les flots tant redoutés des dieus.

Apres la tourmente bien forte
Le Nautonnier, dur au labeur,
Boit sur la proue, & reconforte
Sa troupe languissante & morte,
Chassant leur miserable peur.
Compaignons, l'enduré tourment
Par le vin nous effacerons,
Sus sus, viuons ioyeusement,
Apres boire plus aisement
La voile nous rehausserons.

A MARGVERITE.

(Texte de 1573; retranché en 1578.)

En mon cœur n'est point escrite La rose, ni autre sleur, C'est toy, belle Marguerite, Par qui i'ay cette couleur.

N'es-tu celle dont les yeux
Ont surpris
Par un regard gracieux
Mes espris?
Puis que ta sœur de haut pris,
Ta sœur pucelle d'elite,
N'est cause de ma douleur,
C'est donc pour toy, Marguerite,
Que ie pris ceste couleur.

Vn foir ma fieure naquit, Quand mon cœur Pour maitresse te requit: Mais Rigueur D'une amoureuse langueur Soudain paya mon merite, Me donnant ceste paleur Pour t'aimer trop, Marguerite, Et ta vermeille couleur.

He! quel charme pourroit bien
Confumer

Le fouci qui s'est fait mien
Pour aimer?

De mon tourment si amer
La iouissance subite
Seule outeroit le malheur
Que me donna Marguerite
Par qui i'ay cette couleur.

DE LA IEVNE AMIE D'VN SIEN AMI.

(Texte unique de 1550; retranché en 1553.)

Ta Genisse n'est assés drue,
Aten que ses ans soient venus,
Ne forte assés à la charrue,
Ne pour le taureau qui se rue
Lourdement aus ieus de Venus.
Ains mestée auecque les veaus,
Follatre d'vne course viste,
Ou dessous les saules nouveaus
Se voitre à l'ombre, ou pres des eaus
Les stammes du soleil euite.
Iamais n'endure qu'on la touche,
Fuiant' à bonds comme vn cheureau,
Comme vn ieune cheureau farouche,
Qui sur le printens s'escarmouche
Par le tapis d'vn verd preau.

Ne soi enuieus du desir Des raisins trop vers, car l'Autonne Les meurira tout à loisir, Lors tu pourras à ton plaisir Manger la grappe meure & bonne. Le tens rauissant ton vert age Le lui dônra, véla le point Comme elle croistra dauantage, Tirant vn gain de ton dommage, Dommage que l'on ne sent point. la me semble que ie la voi · Mignarde en ton giron assife, Te iurer éternelle foi. Et ne sçauoir partir de toi, Tant en toi s'amour aura mile. De toi pensiue & idolatre T'adorera quelque matin, le preuoi ta main qui folatre Desta sur sa cuisse d'albâtre, Et sur l'un & l'autre tetin. Mais quoi? pour neant tu pretens De vouloir violenter ores L'inexorable loi du tens, Qui le plaisir que tu atens Ne te veut pas donner encores.

A CLEION.

(Texte de 1560; retranché en 1567.)

Muses aus yeus noirs, mes pucelles, Mes muses dont les estincelles Ardent mon nom par l'uniuers, De Maclou sacrez la memoire, Et faites distiler sa gloire
Dans le dous sucre de vos vers.

O qui des forests cheuelues,
Et du Loir des riues velues,
Cleion, t'essouis, sus-auant,
Cent sleurs pour mon Maclou amasse,
Et qu'vne couronne on lui face
Pour lui orner le front sauant.

A toi, & à tes seurs compaignes
Il appartient par vos montaignes
Le celebrer à haute vois,
Là doncques épandés sa gloire,
Et de sur ma lyre d'iuoire
Faites le bruire en Vandomois.

AV SEIGNEVR DE LANQVES.

(Texte de 1560; retranché en 1567.)

Que nul papier dorennauant Par moi ne s'anime sans mettre, Braue Lanques, ton nom dauant Pour donner faueur à mon mettre. C'est lui qui mieus te fera viure Qu'vn portrait de marbre attaché, Ou qu'vne medaille de cuiure Mise à ton los dans un marché. Pense-tu que le ciel fit naistre Hector & Aiax si fameus, Ne te pui-ie faire aparoistre Par renommée autant comme eus? le le veus faire, car le stile Des poëtes bien écriuans, Les a de la fosse inutile. Non leurs faits, deterrés viuans.

Bien, quand ta main auroit conquise Toute l'Italie, & donté lusqu'aus deus bous de la Themise L'Anglois à force surmonté, Tu n'as rien fait si telle gloire N'est portraite en mes vers, afin Que ta renaissante memoire Viue par les bouches sans fin. Les liures seuls ont de la terre Iuppiter aus cieus enuoié, Et lui ont donné le tonnerre Dont Encelade est foudroié. Par eus les deus freres d'Helene D'hommes mortels se firent dieus, Par eus Hercule porte-peine Tout brulé monta dans les cieus.

A SA GVITERRE.

(Texte de 1578; retranché en 1584.)

Ma Guiterre, ie te chante,
Par qui feule ie deçoy,
Ie deçoy, ie romps, i'enchante
Les amours que ie reçoy.
Nulle chofe, tant foit douce,
Ne te sçauroit egaler,
Par qui le foin ie repousse
Si tost qu'il te sent parler.
Au son de ton harmonie
Ie refreschy ma chaleur
Ma chaleur, stame insinie,
Naissante d'un beau malheur.
Plus cherement ie te garde
Que ie ne garde mes yeux,

Et ton fust que ie regarde Peint dessus en mille lieux : Où le nom de ma Deesse En maint amoureux lien, En maints laz d'amour se laisse loindre en chifre auec le mien : Où le beau Phœbus qui baigne Dans le Loir son poil doré, Du luth aux Muses enseigne Dont elles m'ont honoré. Son Laurier preste l'oreille, Si qu'au premier vent qui vient, De ressifler s'appareille Ce que par cœur il retient. Icy les forests compagnes Suiuent Orphée & les vens, Qui les voisines campagnes Ombragent de bois suiuans. Là est Ide la branchue, Où l'oiseau de Iupiter Dedans sa griffe crochue Vient Ganymede empieter: Ganymede delectable, Ghafferot delicieux, Qui ores sert à la table D'un bel eschanson aux Dieux. Ses chiens apres l'aigle aboyent, Et ses gouuerneurs aussi En vain estonnez le voyent Par l'air emporter ainsi. Tu fus aux Dames pensiues Par Mercure consacré, Et aux passions lasciues

Ton son est tousiours à gré.

Austi est-ce ton office, Non pas les affaults cruez, Mais le ioyeux exercice Des souspirs continuez. Encore qu'au temps d'Horace Les armes de tous costez Sonnassent par la menace Des Cantabres indontez, Et que le Romain empire Se vist chargé de soudars, Si n'a-il point à sa lyre Accordé les faits de Mars : Mais bien Venus la riante, Et son fils plein de rigueur, Lalage & Chloé fuyante Dauant auecques son cœur. Quand sur toy ie chanteroye D'Hector les combats diuers, Et ce qui fut fait à Troye Par les Grecs en dix hyuers, Cela ne peut satisfaire Au soin qui l'esprit me mord: Que peut Hector pour moy faire, Que peut Aiax qui est mort? Mieux vaut donc de ma maistresse Chanter les beautez, afin Qu'à la douleur qui me presse Daigne mettre heureuse fin: Ces yeux autour desquels semble Qu'Amour vole, ou que dedans Il se cache, ou qu'il assemble Cent traits pour les regardans. Chantons donc sa cheueleure, De laquelle Amour veinqueur

Noüa mille reths à l'heure
Qu'il m'encordela le cœur:
Et son sein, rose naiue,
Qui va & vient tout ainst
Que sont deux flots à leur riue
Poussez d'vn vent adouci.

A SA MVSE.

(Texte unique de 1550; retranché en 1553.)

Groffi-toi, ma Muse Françoise, Et enfante un vers resonant, Qui bruie d'une telle noise Qu'vn fleuue debordé tonant, Alors qu'il sacaige & emmeine, Pillant de son flot, sans merci, Le tresor de la riche pleine, Le beuf & le bouuier aussi. Et fai voir aus yeus de la France Vn vers qui soit industrieus, Foudroiant la vieille ignorance De nos peres peu curieus. Ne sui ni le sens, ni la rime, Ni l'art, du moderne ignorant, Bien que le vulgaire l'estime, Et en béant l'aille adorant. Sus donque, l'enuie surmonte, Coupe la teste à ce serpent, Par tel chemin au ciel on monte, Et le nom au monde s'épend.

A CASSANDRE.

(Texte de 1578; retranché en 1584.)

O pucelle plus tendre Qu'vn beau bouton vermeil, Que le rosier engendre Au leuer du Soleil, Et se fait au matin Tout l'honneur du iardin: Plus fort que le lhyerre Qui se gripe à l'entour Du chesne aimé, qu'il serre Enlassé de maint tour, Courbant ses bras espars Sus luy de toutes parts: Serrez mon col, maistresse, De voz deux braz pliez, D'un nœud qui fort me presse Doucement me liez. Vn baiser mutuel Nous soit perpetuel. Ny le temps, ny l'enuie D'autre amour desirer, Ne pourra point ma vie De voz léures tirer : Ains (errez demourrons, Et baisant nous mourrons. Tous deux morts en mesme heure Voirrons le lac fangeux, Et l'obscure demeure

De Pluton l'outrageux,

Et les champs ordonnez Aux amans fortunez. Amour par les fleurettes Du Printemps eternel Voirra noz amourettes Sous le bois maternel: Là nous sçaurons combien Les amans ont de bien. Le long des belles plaines Et parmy les prez vers, Les riues sonnent pleines De maints accords diuers: L'un iouë, & l'autre au son Danse d'une chanson. Là le beau ciel descœuure Tousiours on front benin: Sur les fleurs la couleuure Ne vomit son venin, Et tousiours les oiseaux Chantent sur les rameaux. Tousiours les vents y sonnent le ne sçay quoy de doux, Et les Lauriers y donnent Tousiours des ombres moux, Tousiours les belles fleurs

Parmy le grand espace
De ce verger heureux
Nous aurons tous deux place
Entre les amoureux,
Et comme eux sans souci
Nous aimerons aussi.
Nulle Dame ancienne
Ne se despitera,

Y gardent leurs couleurs.

Quand de la place sienne Pour nous deux s'ostera, Non celle dont les yeux Ont surmonté les Dieux.

A SON LICT.

(Texte de 1578; retranché en 1584.)

Lict, que le fer industrieux D'un artizan laborieux A façonné, presque d'un egal tour Dont ce grand monde est enclos à l'entour:

Où celle qui m'a mis le mors De ses beaux doigts soiblement sors, Entre mes bras se repose à seiour, Et chaque nuiet embellist de son iour.

Qui vit iamais Mars & Venus En vn tableau portraits tous nus, Des doux amours la mere estroitement Embrasse Mars, qui laisse lentement

Sa lance tomber à costé D'vn si plaisant venin donté, Et la baisant presse l'yuoire blanc, Bouche sur bouche, & le stanc sur le stanc:

Celuy qui les a veu portraits Peut sur nous contempler les traits De leurs plaisirs, lors que m'amie & moy Tous nuds au liest faisons ie ne sçay quoy. Hà! que grand tort te font les Dieux Qui ne te logent en leurs cieux! Tu reluirois d'un plus illustre cours Que leurs corbeaux, leurs asnes & leurs ours.

LES PEINTVRES D'VN PAISAGE.

(Texte de 1578; retranché en 1584.)

Tableau, que l'eternelle gloire D'vn Apelle auou'roit pour sien, Ou de quelqu'autre, dont l'histoire Gelebre le nom ancien, Tant la couleur heureusement parfaite A la nature en son mort contresaite:

Où toute l'engence enfrongnée Des Cyclopes laborieux Est à la forge embesongnée, Qui d'un effort industrieux Haste un tonnerre, armeure de la dextre Du plus grand fils que Saturne ait fait naistre.

Trois, sur l'enclume gemissante D'ordre egal le vont martelant, Et d'une tenaille pinçante Tournent l'ouurage estincelant: Vous les diriez qu'ils ahanent & suent, Tant leurs marteaux dessus l'enclume ruent.

En trois rayons de pluye torte Tout le tonnerre est finissant, En trois de vent qui le supporte, Et en trois de seu rougissant: Ores de peur, ores de bruit, & ore D'ire & d'esclair on le polit & dore. Les autres, deux soufflets entonnent, Qui dans leurs grands ventres enflez Prennent le vent, & le redonnent Par compas aux charbons soufflez: Le metal coule, & dedans la fournaise Comme vn estang se respand en la braise.

Vn peu plus haut parmy les nues, Enflées d'un vague ondoyant, Le pere ses fléches cognues Darde aual d'un bras foudroyant : Le feu se suit, & saccageant l'air, gronde Faisant trembler les fondemens du monde.

Entre l'orage, & la nuict pleine
De gresse, martelant souvent,
Vn Pilote cale à grand' peine
Sa voile trop serve du vent:
La mer le tanse, & les slots irez baignent
De monts bossus les cordes qui se plaignent.

Les longs traits des flames grand erre, En forme de lances errans, Lechent l'estomac de la terre Aux bords des steunes esclairans: Et la forest par les vents dépessée Egale aux champs sa perruque baissée.

A costé gauche de l'orage lunon sa colere celant, De Venus emprunte l'ouurage, Son beau demy-ceint excellant : Et le ceignant, sa force coustumiere Tire lupin à l'amitié premiere. (Là les Amours font portraits d'ordre, Celuy qui donte les oifeaux, Celuy qui chaleureux vient mordre Le cœur des dauphins fous les eaux : Leandre proye à la mer inhumaine, Pendu aux flots nouë où l'amour le meine.)

lunon tenant les mains esparses,
De son mary presse le sein:
Luy qui enste ses veines arses
De trop d'amour dont il est plein,
Baise sa femme, & sur l'heure sait naistre
Le beau Printemps saison du premier estre.

De l'Ocean l'image empreinte Contraint ces portraits finissans: D'azur verdoyant elle est peinte, Et d'argent ses stots blanchissans, Où les dauphins aux doz courbez y nouënt, Et sautelans à mille bonds se iouënt.

Au milieu de l'onde imprimée Comme grandes forests on voit S'esleuer la nauale armée Que Charles à Thunis auoit : Les slots batus des auirons qui sonnent Contre les slancs de cent barques resonnent.

Enuironné d'une grand' trope Son pouvoir le rend orgueilleux, Trainant les forces de l'Europe Auec soi d'un bras merueilleux: L'Espagne y est, & les peuples qui vivent Loin dessous l'Ourse, & les Flamans le suivent. Pres de Thunis sur le bord More, L'Africain aueugle au danger La mer verte en pourpre colore Au sang du soldat estranger: Mars les anime, & la Discorde irée Trainant sa robbe en cent lieux dessirée.

Tout au bas d'une couleur palle Est repeint l'Empereur Romain, Craignant nostre Roy qui egalle Les Dieux par les faits de sa main: Mais pour-neant: car de Henry la lance la-ia captif le traine dans la France.

Paris tient ses portes décloses
Receuant son Roy belliqueur,
Vne grande nuë de roses
Pleut à l'entour du chef veinqueur:
Les seux de ioye icy & là s'allument,
Et iusqu'au ciel les autels des Dieux sument.

A RENÉ MACÉ, VANDOMOIS.

(Texte de 1573; retranché en 1578.)

Cependant que tu nous dépeins
Des François la premiere histoire
Desenseuelissant la gloire
Dont noz ayeux furent si pleins,
Horace, & ses nombres divers
Amusent seulement ma lyre,
A qui i'ay commandé de dire
Ce chant pour honorer tes vers.

Ie les enten desia tonner
Parmy la France, ce me semble,
Et voy tous noz Poetes ensemble
D'vn tel murmure s'étonner.

l'entreuoy desia la lueur Des bien estincellantes armes, Chasser en suite les gensdarmes, Et les cheuaux pleins de sueur.

Icy le More est abatu,

Et là le vaillant Charlemaigne

Tenant le ser au poin, ensaigne

Aux François d'aimer la vertu.

C'est là le vray enfantement De ta graue heroique Muse, Qui toute enslée ne s'amuse Qu'à deuiser bien hautement.

Mais moy à qui ton Apollon N'a donné si profonde veine, le façonne auec grande peine Des vers indignes de ton nom.

Tels qu'ils sont, Macé, toutesfois le veux qu'ils témoignent ta gloire, Et commandent à la memoire Que tu viues plus d'vne fois.

Ils chanteront à noz neueux

Comme tu allas aux montagnes
D'Helicon, voir les Sœurs compagnes
Et Apollon aux beaux cheueux:

Et comme la charmante vois De tes douces & braues rimes Les força de quiter leurs cimes Pour habiter le Vandomois.

Au livre III.

HINNE

à faint Geruaise, & Protaise.

(Texte de 1560; retranché en 1567.)

La victorieuse couronne,
Martyrs, qui vos fronts enuironne,
N'est pas la couronne du prix
Ou'Elide donne pour la course,

Ou pour auoir pres de la source

D'Alphée, esté les mieus appris. Auoir d'un inueinqu courage

De Neron méprifé la rage Vous a rendus victorieus, Quand l'vn eut la teste tranchée,

Et l'autre l'eschine hachée De gros souets iniurieus.

Ce beau iour qui vostre nom porte Chaqu'an me sera saint, de sorte Que le chef de steurs relié, Dansant autour de vôtre image, Ie vous pairai de l'humble homage De ce chant à vous dédié.

Ce iour l'oüeille audacieuse Court par la troupe gracieuse Des loups, & sans berger n'a peur : Ce iour les villageois vous nomment,

Ce iour les villageois vous nomment, Et oisifs par les prés vous chomment, Leurs bœufs afranchis du labeur.

Regardés du ciel nos seruices, Et auocassés pour nos vices, Regardés nous (disent ils) or, Dontés le peché qui nous presse, Et cet an sauvés nous d'opresse Et les autres suivans encor. Faites que des blés l'apparance Ne démente nostre esperance, Et du raisin ia verdelet Chassés la nue menassante, Et la brebis aus chams paissante Emplissés d'aigneaus & de laict.

A PHOEBVS,

luv vouant ses cheueux.

(Texte de 1578; retranché en 1584.)

Dieu perruquier (qui autrefois Bany du ciel, parmi les bois, D'Admete gardas les toreaux, Fait compagnon des pastoureaux) Mes cheueux i'offre à tes autels: Et bien qu'ils ne soient immortels, Ils te seront doux & plaisans, Pour estre la fleur de mes ans. Mainte fille par amitié En a souhaité la moitié Pour s'en tifer : mais ie ne veux, O Phæbus Roy des beaux cheueux, Rien de ma part te presenter Dont quelqu'un se puisse vanter: Car c'est toy qui n'as desdaigné De m'auoir seul acompagné, Quand premier ie m'yuray de l'eau Qui court sur le double coupeau.

A mon refueil il me sembla Qu'vn chœur de vierges s'assembla, Et que Calliope aux beaux yeux, La Muse qui chante le mieux, Pour present son luth me donna, Qui depuis en France sonna Or' bien, or' mal en diuers sons, Bonnes & mauuaises chansons.

A MACLOV DE LA HAIE,

fur le Traité de la Paix fait entre le roi François & Henri d'Angleterre,

1545.

(Texte unique de 1550; retranché en 1553.)

Il est maintenant tens de boire, Et d'un dous vin oblinieus Faire assoupir en la memoire Le soin de nostre aise enuieus. Que c'estoit chose deffendue Au parauant de s'estouir, Ains que la paix nous fust rendue Et le repos pour en iouir! le di, quand Mars armoit l'Espaigne Contre les François indontés, Et ce peuple que la mer baigne (Hors du monde) de tous costés, L'Espaigne en piques violentes Furieuse, & ce peuple ici, Par ses fleches en l'air volantes A craindre grandement aussi.

Puisque la paix est reuenue
Nous embellir de son seiour,
La ioie en l'obscur detenue,
Doit à son ranc sortir au iour,
Sus, page, en l'honneur des trois Graces,
Verse trois sois en ce pot neuf,
Et neuf sois en ces neuues tasses,
En l'honneur des seurs qui sont neuf.

Ce lis, & ces roses naiues
Sont épendues lentement,
Ie hai les mains qui sont oissues,
Qu'on se depesche vitement:
Là donq, ami, de corde neuue
R'anime ton luc endormi,
Le luc auec le vin se treuue
Plus dous, s'il est mesté parmi.

O quel Zephire fauorable
Portera ce folatre bruit
Dedans l'oreille inexorable
De Madelaine qui nous fuit?
Le foin qui en l'ame s'engraue
Secoure aus vens ores tu dois:
C'est chose saige, & vraiment graue,
De faire le fol quelquesois.

HYMNE A LA NVIT.

(Texte de 1573; retranché en 1578.)

Nuit, des amours ministre, & ministre fidelle Des arrests de Venus, & des saintes lois d'elle, Qui secrette accompagnes L'impatient amy de l'heure acoustumée, O mignonne des Dieux, mais plus encore aimée Des estoilles compagnes, Nature de tes dons honore l'excellence, Tu caches les plaisirs dessous muet silence

Que l'amour iouissante

Donne, quand ton obscur estroitement assemble Les amans embrassez, & qu'ils tombent ensemble Sous l'ardeur languissante:

Lors que la main tatonne ores la cuisse, & ore Le tetin pommelu qui ne s'égale encore

A nul rubi qu'on voye :

Et la langue en errant sur la iouë, & la face, Plus d'odeurs & de fleurs d'on seul baiser amasse Oue l'Orient n'enuoye.

C'est toy qui les soucis, & les gennes mordantes, Et tout le soin enclos en noz ames dolantes

Par ton present arraches.

C'est toy qui rens la vie aux vergers qui languissent, Aux iardins la rousée, & aux cieux qui noircissent Les idoles attaches.

Mets si te plaist, Déesse, une sin à ma peine, Et donte sous mes bras celle qui m'est trop pleine De menasses cruelles:

Afin que de ses yeux (yeux qui captif me tiennent)
Les trop ardens flambeaux plus bruler ne me viennent
Le fond de mes mouëlles.

A SON LIVRE.

(Texte de 1573; retranché en 1578.)

Bien qu'en toy mon liure on n'oie Achille és plaines de Troie Brandir l'homicide dard, Et qu'vn Hector n'y foudroie L'estomac d'vn Grec soudard, Ne laisse pourtant de mettre Tes vers au iour, car le métre Qu'en toy bruire tu entens, T'ose pour iamais promettre Te faire vainqueur du temps. Si la gloire & la lumiere De Smyrne luit la premiere, L'honneur sur tous emportant, Vne muette sumiere N'obscurcit Thebes pourtant. Les vers qu'il m'a pleu de dire Sur les langues de ma lyre Viuront, & Superieurs Du temps, on les voirra lire Des hommes posterieurs. Sus donc, Renommée, charge Desfus ton espaule large Mon nom qui tante les cieux, Et le couure sous ta targe De peur du trait enuieux. Mon nom' dez l'onde Atlantique Iusqu'au dos du More antique Soit immortel temoigné, Et depuis l'isle erratique, Iusque au Breton estoigné: Afin que mon labeur croisse, Et sonoreux apparoisse Lyrique par dessus tous, Et que Thebes se connoisse Faite Françoise par nous.

DES BAISERS.

(Texte de 1578; retranché en 1584.)

Baiser fils de deux leures closes, Filles de deux boutons de roses, Qui serrent & ouurent le ris Qui déride les plus marris : Baiser ambrosin que i'honore Comme mon tout, & dont encore le sens en ma bouche souuent Plus d'un iour apres le doux vent : Et vous bouche de sucre pleine, Qui m'engendrez de vostre haleine Vne odeur qui au cœur descend, Et mille parfuns y respend: Et vous mes petites montagnes, le parle à vous léures compagnes, Dont le coral naif & franc Cache deux rangs d'yuoire blanc : le vous suppli' n'ayez enuie D'estre homicides de ma vie : Pour du tout tuer mon esmoy Mille fois le iour baisez moy.

ODE XXII.

(Texte de 1573; retranché en 1578.)

Vous faisant de mon écriture

La lecture,
Souuent, Grüiet, m'auez repris
De quoy si bas ie composoie,
Et n'osoie
Faire vne œuure de plus haut pris.

Tout esprit gaillard qui s'éforce, N'a la force De polir des liures parfaits: Les nerfs foibles souvent se treuvent S'ils espreuvent Plus que leur charge un pesant faix.

Qui pensez vous qui puisse escrire L'ardente ire D'Aiax, le fils de Telamon, Ou d'Hector rechanter la gloire, Ou l'histoire De la race du vieil Emon?

Toute Muse pour tragedie N'est hardie A tonner sur vn escharfaut, Ne propre à rechanter la peine D'erreurs pleine De ce Gregeois qui sut si caut.

Adieu donc, enfans de la terre,
Qui la guerre
Entreprintes contre les Dieux,
Ce n'est pas moy qui vous raconte,
Ne qui monte
Auecque vous iusques aux cieux.

Gruiet, ie poursuiuray ma mode, Par mainte Ode, Où mes vers seront fleuriss: Les autres de Mars diront l'ire, Mais ma lire Bruira l'amour que ie sens.

AVX MOVSCHES A MIEL.

(Texte de 1578; retranché en 1584.

Où allez vous, filles du ciel,
Grand miracle de la Nature,
Où allez vous, mousches à miel,
Chercher aux champs vostre pasture?
Si vous voulez cueillir les steurs
D'odeur diuerse & de couleurs,
Ne volez plus à l'auanture.

Autour de ma Dame halenée
De mes baisers tant bien donnez,
Vous trouuerez la rose née,
Et les œillets enuironnez
De fleurettes ensanglantées
D'Hyacinthe, & d'Aiax, plantées
Pres des liz sur sa bouche nez.

Les mariolaines y fleurissent,
L'amôme y est continuel,
Et les lauriers qui ne perissent
Pour l'Hyuer, tant soit il cruel:
L'anis, le chéurefueil qui porte
La manne qui vous reconsorte,
Y verdoye perpetuel.

Mais ie vous pri' gardez-vous bien,
Gardez-vous qu'on ne l'eguillonne,
Vous apprendriez bien tost combien
Sa poincture est trop plus selonne,
Et de ses sleurs ne vous soulez
Sans m'en garder, si ne voulez
Que mon ame ne m'abandonne.

DE FEV LAZARE DE BAIF,

A Caliope.

(Texte unique de 1550; retranché en 1553.)

Si les Dieus
Larmes d'yeus
Versent pour la mort d'un homme,
A cétte heure
Dieus qu'on pleure,
Et qu'en dueil on se consomme.

Caliope,
Et ta trope,
Baif chantez en vois telle,
Que sa gloire
Par memoire
Soit saintement immortelle.

En maint tour,
Alentour
Du cercueil croiffe l'ierre.
Nuit, & iour
Sans seiour,
A l'ignorance il eut guerre.

L'excellance
De la France
Mourut en Budé premiere,
Et encores
Morte est ores
Des Muses l'autre lumiere.

A IOACHIM DV BELLAI,

Angeuin.

(Texte de 1560; retranché en 1567.)

Si les ames vagabondes
Aus enfers, des peres vieus,
Apres auoir beu les ondes
Du dous fleuue obliuieus,
Dedignans l'obscur seiour,
Pleines d'amour de la vie premiere
Reuiennent voir de nos cieus la lumiere,
Et le clair de nostre iour:

Si ce qu'a dit Pythagore
Pour vrai l'on veut estimer,
L'ame de Petrarque encore
T'est venue r'animer:
L'experience est pour moi,
Veu que ses vers Tuscans tu ne leus onques
Et tu écris ainsi comme lui, donques
Le même esprit est en toi.

Vne Laure plus heureuse
Te soit vn nouueau souci,
Et que ta plume amoureuse
Engraue à son tour aussien,
A celle fin que nostre siecle encore
Comme le vieil, en te lisant t'honore,
Pour gaster l'encre si bien.

D'vne nuit oblivieuse
Pourquoi tes vers caches-tu?
La lumiere est envieuse
S'on lui céle la vertu:
Par vn labeur glorieus
Ont surmonté les sureurs poetiques
Du vieil Homere, & des autres antiques
Les siecles iniurieus.

A MERCVRE.

(Texte de 1578; retranché en 1584.)

Facond neueu d'Atlas, Mercure, Qui le soin as pris & la cure Des bons esprits sur tous les Dieux, Accorde les nerfs de ma lyre, Et fay qu'un chant i'y puisse dire Qui ne te soit point odieux. Honore mon nom par tes odes: L'art qu'on leur doit, leurs douces modes A ton disciple ramentoy: Comme à celuy que Thebes vante Monstre moy, afin que ie chante Vn vers qui soit digne de toy. le garniray tes talons d'ailes, Ta capeline de deux belles, Ton baston ie n'oubliray pas, Dont tu nous endors & resueilles, Et fais des œuures nompareilles Au ciel, en la terre, & là bas. le feray que ta main deçoiue (Sans que nul bouuier l'apperçoiue) Phebus, qui suit les pastoureaux,

Lui desrobant & arc & trousse, Lors que plus fort il se courrousse D'auoir perdu ses beaux toreaux.

le diray que ta langue sage
Apporte par l'air le message
Des Dieux, aux peuples & aux Rois,
Lors que les peuples se mutinent,
Ou lors que les Rois qui dominent
Violentent les saintes lois:

Comme il me plaist de te voir ores
Aller parmy la nuict encores
Auec Priam au camp des Grecs
Racheter par dons, & par larmes
La fleur des magnanimes armes
Hector, qui causa ses regrets.

C'est toy qui guides, & accordes L'ignorant pouce sus mes cordes: Sans toy sourdes elles sont, Dieu, Sans toy ma guiterre ne sonne: Par toy elle chante & fredonne, Si elle chante en quelque lieu.

Fay que toute France me louë,
M'eslime, me prise, m'auouë
Entre ses Poëtes parsaits:
Ie ne sens point ma voix si basse,
Qu'vn iour le ciel elle ne passe
Chantant de mon Prince les faits.



Au livre IV.

A BOVIV ANGEVIN.

(Texte unique de 1550; retranché en 1553.)

Cetui-ci en vers les gloires Des Dieus vainqueurs écrira, Et cetui-là les victoires De nos vieus princes dira. Mais moi ie veil que ma Muse Répande ton nom par l'air, Et que toute s'i amuse Si peu qu'elle sçait parler : Pour estre de nostre France L'un de ceus qui ont défait Le villain monstre Ignorance Et le siecle d'or refait. Que celui qui s'estudie D'estre pour iamais viuant, La main d'un peintre mandie, Ou l'encre d'un ecriuant! Mais toi qui hautain deprise Vne empruntée faueur De la main (tant soit apprise) D'un poëte, ou engraueur: Tu peus maugré la mort bléme Mieus qu'vne plume, ou tableau, T'arracher viuant toi méme Hors de l'oublieus tumbeau, Faisant un vers plus durable Qu'vn Colosse elabouré, Ou la tumbe memorable Dont Mausole est honoré.

Les Pyramides tirées Des entrailles d'un rocher. ladis des Rois admirées. Le tens a fait trebucher. Mais si l'esprit poëtique Qui m'agite, n'est errant, Plus que nul pilier antique Ton euure sera durant. Et si preuoi que la gloire De ton vagabond renom Ne fera sonner à Loire Contre ses bords que ton nom. Et le tournant en son onde Le rura dedans la mer, Affin que le vent au monde Le puisse par tout semer.

CONTRE VN

qui lui deroba fon Horace.

(Texte unique de 1550; retranché en 1553.)

Quiconques ait mon liure pris, Dorenauant soit-il épris D'une fureur, tant qu'il lui semble Voir au ciel deus souleils ensemble Comme Penthée.

Au dos pour sa punition
Pende sans intermission
Vne furie qui le suiue:
Sa coulpe lui soit tant qu'il viue
Representée.

AV FLEVVE DV LOIR.

(Texte de 1578; retranché en 1584.)

O Loir, dont le beau cours distille
Au sein d'un pays si fertile,
Fay bruire mon renom
D'un grand son en tes riues,
Qui se doiuent voir viues
Par l'honneur de mon nom.
Ainsi Thetis te puisse aimer
Plus que nul qui entre en la mer.

Si Calliope m'est prospere,
Fameux comme Amphryse, i'espere
Te faire un iour nombrer
Aux rangs des eaux qu'on prise,
Et que la Grece apprise
A daigné celebrer:
Pour estre le sleuue eternel
Qui baignes mon nic paternel.

Sus donq à haute voix resonne
Le bruit que ma Muse te donne:
Tu voirras desormais
Par moy ton onde siere
S'enster par ta riuiere
Qui ne mourra iamais:
« Le renom qui des Muses vient,
« Ferme contre l'âge se tient.

Loir, de qui la bonté ne cede Au Nil qui l'Egypte possede, Pour le loyer d'auoir (Eternizant ta gloire
De durable memoire)
Fait si bien mon deuoir:
Quand i'auray mon âge accomply,
Enseuely d'un long oubly,

Si quelque pelerin arriue
Aupres de ta parlante riue,
Dy luy à haute vois
Que ma Muse premiere
Apporta la lumiere
De Grece en Vandomois.
Dy luy ma race & mes ayeux,
Et le sçauoir que i'eu des cieux.

Dy leur, que moy d'affaire vuide, Ayant tes filles pour ma guide, A tes bords i'encorday Sur la lyre ces Odes, Et aux Françoises modes Premier les accorday: Et tousiours rechante ces vers Qu'à ton bord ie sonne à l'enuers.

ODE VII.

(Texte de 1573; retranché en 1578.)

Tu me fuis de plus vite course Qu'vn san la dent siere d'une ourse, Fan qui va les tetins chercher De sa mere pour se cacher, Allongeant sa iambe sugace Si un rameau le vient toucher: Car pour le moindre bruit que fasse
D'un serpent la glissante trace,
Et de genous, & de cœur tremble:
Las! toy belle qui m'es ensemble
Ma douce vie, & mon trepas,
Atten moy: ie ne te cours pas
Comme un loup pour te faire outrage.
Mets donc, ma mignonne, un peu bas
La cruauté de ton courage:
Arreste, fuiarde, tes pas,
Et toi ia d'âge pour m'atendre
Laisse ta mere, & vien aprendre
Combien l'amour donne d'esbas.

DV IOVR NATAL DE SA DAME.

A Joland Chantre.

(Texte de 1578; retranché en 1584.)

Chanson, voicy le iour Où la beauté qui la terre decore, Et que mon œil peu sagement adore, Vint en ce beau seiour.

Le Ciel d'amour atteint, Ardant de voir tant de beautez l'admire, Et se courbant dessus sa face, mire Tout l'honneur de son teint.

Les celestes flambeaux, Grandeur, Vertu, les Amours, & la Grace, A qui mieux-mieux embellirent sa face De leurs dons les plus beaux: Afin que par ses yeux Tout l'imparsait de ma ieunesse folle Fust corrigé, & qu'elle sust l'idole Pour me guider au mieux.

Heureux iour retourné, Mesme là bas i'auray de toy memoire, Et vis & mort ie chanteray la gloire De l'honneur en toy né.

Despan de ce crochet Ma lyre oisiue, à fin que ie l'encorde : Donne ton liure, loland, que i'accorde Ce iour sous mon archet.

Seme par la maison Tout le tresor des prez & de la plaine, Le liz, la rose, & cela dont est pleine La nouvelle saison:

Puis crie au temple aussi, Que le Soleil ne vit oncques iournée Qui fust de gloire & d'honneur tant ornée Comme il voit ceste-ci.

DES ROSES PLANTÉES PRÉS VN BLE.

(Texte de 1573; retranché en 1,78.)

Dieu te gard l'honneur du printemps Qui étans Tes beaux trefors defur la branche, Et qui découures au Soleil Le vermeil De ta couleur viuement franche. D'assez loin tu vois redoublé
Dans le blé
Ta face du vermillon teinte,
Dans le blé qu'on voit reiouir
De iouir
De ton image en son verd peinte.

Pres de toy sentant ton odeur,
Plein d'ardeur,
le façonne un vers, dont la grace
Maugré mile siecles viura,
Et suiura
Le long vol des ailes d'Horace.

Les uns chanteront les œillets Vermeillets, Ou du lis la fleur argentée, Ou celle qui s'est par les prez Diaprez Du sang des Princes enfantée.

Mais moy tant que chanter pourray
le louray
Touiours en mes odes la Rose,
D'autant qu'elle porte le nom
De renom
De celle où ma vie est enclose.

A LA SOVRCE DV LOIR.

(Texte de 1578; retranché en 1584.)

Source d'argent toute pleine, Dont le beau cours eternel Fuit pour enrichir la plaine De mon pays paternel, Sois toute orgueilleuse & fiere De le baigner de ton eau, Nulle Françoise riuiere N'en peut lauer vn plus beau:

Que les Muses eternelles D'habiter n'ont desdaigné, Ne Phœbus qui dit par elles L'art où ie suis enseigné:

Qui desfus ta riue herbuë Iadis fut en-amouré De la Nymphe cheueluë, La Nymphe au beau crin doré:

Et l'attrapa de vistesse Fuyant le long de tes bords, Et là rauit sa ieunesse Au milieu de mille efforts:

Si qu'auiourd'huy d'elle encores Immortel est le renom Dedans vn antre, qui ores Se vante d'auoir son nom.

Fuy donq, Source, & pren ces roses

Que ie respan au giron

De ton onde, qui arroses

Mon pays à l'environ.

Et te prie par mes Muses De tousiours l'auoir à cœur, Et que toussours tu luy vses Des saueurs de ta liqueur:

Ne noyant ses pastourages D'eau par trop se respandant, Ne defraudant les ouurages Du laboureur attendant:

Mais fay que ton onde vtile Luy riant ioyeusement, Innocente se distile
Par noz prez heureusement.
Ainsi du Dieu venerable
De la mer, puisses auoir
Vne acolade honorable,
Entré chez luy pour le voir.

2024-

Au Bocage.

Odes non mesurées.]

A SON LVT.

(Texte de 1573; retranché en 1578.)

Si autre-fois sous l'ombre de Gastine Auons ioué quelque chanson Latine De Cassandre enamouré: Sus, maintenant Lut doré, Sus, l'honneur mien, dont la vois delectable Sçait resiouir les Princes à la table, Change de forme, & me sois Maintenant vn Lut François.

> le t'asseure que tes cordes Par moy ne seront poluës De chansons salement ordes D'vn tas d'amours dissoluës: le ne chanteray les Princes, Ni le soin de leurs prouinces, Ni moins la nes que prepare Le marchant las! trop auare

Pour aller apres ramer Iusqu'aux plus lointaines terres, Peschant ne sçay quelles pierres Au bord de l'Indique mer.

Tandis qu'en l'air ie souffleray ma vie, Sonner Phebus i'auray toustours enuie, Et ses compagnes aussi, Pour leur rendre vn grand-merci De m'auoir fait poëte de nature, Aime-musique, ensemble aime-peinture, Et Prestre de leurs chansons Qui accordent à tes sons.

> L'enfant que la douce Muse Naissant d'œil benin a veu, Et de sa science infuse Son ieune esprit a pourueu, Touiours en sa fantasie Brulera de Poësie Sans pretendre vn autre bien: Encor qu'il combatist bien, lamais les Muses poureuses Ne voudront le prémier De laurier, sustorieuses.

La Poësie est vn seu consumant
Par grand ardeur l'esprit de son amant,
Esprit que iamais ne laisse
En repos tant el' le presse.
Voila pourquoy le ministre des Dieux
Vit sans grans biens, d'autant qu'il aime mieux
Abonder d'inuentions
Que de grans possessions.

Mais Dieu iuste qui dispense
Tout en tous, les fait chanter
Le futur en recompense
Pour le monde espouuanter.
Ce sont les seuls interpretes
Des hauts Dieux que les Poëtes:
Car aux prieres qu'ils font
L'or aux Dieux criant ne sont,
Ni la richesse qui passe:
Mais un lut touiours parlant
L'art des Muses excellant
Pour dessus leur rendre grace.

Que dirons nous de la musique sainte?
Si quelque amante en a l'oreille atainte,
Lente en larmes goute à goute
Fondra sa chere ame toute,
Tant la douceur d'une harmonie éueille
D'un cœur ardant l'amitié qui sommeille,
Au vif luy representant
L'aimé par ce qu'elle entend.

La Nature, de tout mere,
Preuoyant que nostre vie
Sans plaisir seroit amere,
De la Musique eut enuie,
Et ses acords inuentant
Alla ses fils contentant
Par le son, qui loin nous iette
L'ennuy de l'ame suiette,
Pour l'ennuy mesme donter:
Ge que l'emeraude fine
Ni l'or tiré de sa mine
N'ont la puissance d'outer.

Sus, Muses, sus, celebrez-moy le nom
Du grand Appelle immortel de renom,
Et de Zeuxe qui paignoit
Si au vif, qu'il contraignoit
L'esprit raui du pensif regardant
A s'oublier soy-mesme, ce-pendant
Que l'œil humoit à longs trais
La douceur de ses portrais.

C'est un celeste present
Transmis çà bas où nous sommes,
De terrestre faix exent
Pour leuer en haut les hommes:
Car ainsi que Dieu a fait
De rien le monde parsait,
Il veut qu'en petite espace
Le paintre ingenieux fasse
(Alors qu'il est agité)
Sans auoir nulle matiere
L'air, la mer, la terre entiere,
Instrument de deité.

On dit que cil qui r'anima les terres
Vuides de gens, par le iet de ses pierres
(Origine de la rude
Et grossiere multitude),
Auoit aussi des diamans semé
Dont tel ouurier sut viuement sormé,
Son esprit saisant connoistre
L'origine de son estre.

Dieux! de quelle oblation Aquitter vers-vous me puis-ie, Pour remuneration Du bien receu qui m'oblige? Certes ie suis glorieux D'estre ainsi amy des Dieux! Qui seuls m'ont fait receuoir Le meilleur de leur sçauoir Pour mes passions guarir: Et d'eux, mon Lut, tu attens Viure çà bas en tout temps, Non de moy qui doy mourir.

O de Phebus la gloire, & le trophée,
De qui iadis le Thracien Orphée
Faifoit arrester les vens,
Et courir les bois suyuans,
le te saluë o Lut harmonieux,
Raclant de moy tout le soin ennuieux,
Et de mes amours tranchantes
Les peines, lors que tu chantes.

A CASSANDRE.

(Texte unique de 1550; retranché en 1553.)

Si cet enfant qui erre Vagabond par la terre Auecques le carquois Frere de l'arc turquois, Arc qui me point & mord, Auoit son flambeau mort Allumé dans l'aleine Du Geant, qui à peine Tient le mont enuoié Sur son dos foudroié, Et m'en eust en dormant

Bruste le cueur amant, Comme (flamme indiscrete) A la Roine de Créte : Encor ne m'auroit tant Brusté, sa flamme étant Reprise en son flambeau, Que ton visage beau, Que ta bouche qui semble Roses, & lis ensemble, Que tes noirs yeus lascifs, Armés d'archiers sourcis, Qui mille fleches tirent Dans les miens, qui se mirent En ta face ô pucelle, Me plaisant plus que celle Qui dedaignant Tithon, Au matin la voit-on Peindre de mille roses Ses barrieres decloses.

D'VN ROSSIGNOL ABVSÉ.

(Texte unique de 1550; retranché en 1553.)

En Mai, lors que les rivieres
Desenssent leurs ondes sieres
De la nége de l'iver,
Et que l'on voit arriver
Le beau signe qui r'assemble
Les amoureus ioints ensemble:
Duquel la clarté naissant,
Sur un bateau perissant,
Le vent se couche, & la mer
Rengorge son slot amer,

Le marinier soucieus Prenant un front plus ioieus : Donc, au retour de ce tens Que tout rit sous le printens, Le rossignol passager Estoit venu r'assieger Sa forteresse ramée, De son caquet animée: Là, soit qu'il voulust chanter Amour, ou le lamanter, S'assit, si l'antiquité Chenue dit verité, Sur vn buis, dont s'écartoit Vn ruisseau qui cler partoit, Chantant de vois si sereine, Si gaie, fi souveraine, Que les chénes bien oiants, Et les pins en bas ploiants Leurs oreilles pour l'ouir S'en voulurent réiouir. Cétte nimphe sonoreuse Du fier enfant amoureuse, lusqu'au ciel le chant rapporte, Redoublant la vois, de sorte Oue les rochiers d'eaus laués, Et leurs piés d'elles caués, Le ciel feirent assés seur De la champestre douceur. Mais lui qui écoute vn son Tout semblable à sa chanson, Puis voiant son ombre vaine Remirée en la fontaine, Pense que son ombre étoit Vn oiseau qui mieus chantoit.

Amour de gloire obstinée Auec toute beste est née : Voulant demeurer le maistre Et de soi le vaincueur estre, Plus haut que dauant il sonne, Plus haut le bois en resonne. Il dit. & chante comment Il fut témoin du torment Oue la ialouse receut Sous faint nom qui la deceut : Et comme le cheualier Au iauelot singulier Se páma desus la face Que déia la mort efface, Appellant plustost les Dieus, Et les astres odieus, Plustost auecque grands cris Comblant l'air de sa Procris, Dépitoit le nom semblable, Et le vent du fait coulpable, Il vouloit encore dire De Clitie le martire, Lors que les nimphes des bois D'aise ne tenans leurs vois, A se mocquer commencerent Et le mocquant l'offencerent: Lui qui a bien aperceu, Les oiant, qu'il est deceu, Taignit, tant ire le donte, Ses ioues d'honeste honte, Si que rompant vite en l'air Le vide par son voler, Tellement se disparut Qu'onques puis il n'apparut.

Qui est mieux semblable à toi Petit rossignol que moi? Tous deus des nimphes ensemble Sommes trompés ce me semble. Toi de ton chant, moi du mien, Ainsi nous nuit nostre bien. Car vers, ne chansons écrites, Ne rimes tant soient bien dites, N'ont rompu la cruauté D'vne, de qui la beauté Me lime iusques au font Le cueur qui en flammes fond. Mais ô déesse dorée Des beaus amans adorée : Liure la moi quelque iour Dedans un lit à seiour, Affin qu'ell' me baise, & touche, Qu'ell' me mette dans la bouche, le ne scai quoi, dont enuie Ait dépit toute sa vie : Qu'ell' me serre, qu'ell' m'enchene (Comme un l'hierre le chéne. Ou la vigne les ormeaus) Mon col, de ses braz iumeaus,

[A GASPAR D'AVVERGNE.]

(Texte de 1573; retranché en 1578.)

Soyon constans, & ne prenon souci Quel iour suyuant poussera cestuy-ci, letton au vent, mon Gaspar, tout l'affaire Dont nous n'auons que faire. Pourquoy m'iray-ie enquerir des Tartares, Et des païs estranges & Barbares, Quand à grand peine ay-ie la connoissance Du lieu de ma naissance?

Volontiers l'ignorant
Va touiours s'enquerant
Du ciel plus haut que luy:
Las! malheur sur les hommes,
Nais au monde ne sommes
Que pour nous faire ennuy!

C'est se moquer de genner & de poindre Le bas esprit des hommes, qui est moindre Que les conseils de Dieu, ou de penser Sa volonté passer.

Touiours en luy fichon nostre esperance Et en son fils nostre serme asseurance, Au demeurant, alon auec le temps Heureusement contens.

> A l'homme qui est né, Peu de temps est donné Pour se rire & s'esbatre. Nous l'auons, ce-pendant Qu'alons-nous attendant? Vn bon iour en vaut quatre.

Soit que le ciel de foudres nous despite, Ou que la terre en bas se precipite, Soit que la nuit deuienne iour qui luit, Soit que le iour soit nuit, lamais de rien n'auray frayeur ne crainte : Comme affeuré que la pensée sainte De l'Eternel gouuerne en equité Ge monde limité.

- « Le Seigneur de là haut
- « Connoist ce qu'il nous faut
- « Mieux que nous tous ensemble :
- « Sans nul égard d'aucun
- « Il départ à chacun
- « Tout ce que bon luy semble.

le t'aprendray, si tu veux m'escouter, Comment l'ennuy d'vn cœur se peut outer, Et ce que tient la tristesse cruelle, D'importune sequelle.

Tu ne seras conuoiteux d'amasser Le bien qui doit si vitement passer, Comme tresors, honneurs, & auarices, Escolles de tous vices.

> Car c'est plus de refraindre Son desir, que de soindre L'Ourse au midy ardant, L'Escosse sablonneuse A l'Arabie heureuse, Ou l'Inde à l'Occident.

Tu dois encor euiter, ce me semble, Faueurs des Rois, & des peuples ensemble: De leurs mignons touiours quelque tempeste Vient soudroyer la teste. Ge n'est pas tout, auecques prouidence Fais vn amy, dont l'heureuse prudence Te seruira de secours necessaire Contre l'heur aduersaire.

> Ton cœur bien preparé, De force remparé, En la fortune aduerse Patience prendra: En la bonne, craindra Que l'heur ne le renuerse.

Apres l'hyuer, la faison variable
Pousse à son rang le printemps amiable:
Si auiourd'huy nous sommes soucieux,
Demain nous serons mieux.

Touiours de l'arc Apollon ne moleste Le camp des Grecs pour leur tirer la peste, Aucune-fois tout paisible, réueille Sa harpe qui sommeille.

> En orage outrageux Tu seras courageux: Puis si bon vent te sort, Tes voiles trop enslées De la faueur soussées Conduiras, sage, au port.

Apres auoir prié, deuotieux, Les deux Iumeaux qui decorent les cieux, De touiours luire au fort de la tempeste Sur le haut de ta teste: L'un escrimeur en vers tu descriras, L'autre donteur des cheuaux tu diras, Ou pour leur sœur la querelle ennemie D'Europe & de l'Asie.

A LVI MESME.

(Texte unique de 1550; retranché en 1553.)

Que tardes-tu, veu que les Muses T'ont élargi tant de sçauoir, Que plus souuent tu ne t'amuses A les chanter, & que tu n'v[es De l'art qu'ell' t'ont fait receuoir? Tu as le tens qui faut auoir, Repos d'esprit, & patience, Dous instruments de la science : Et toutefois l'heure s'enfuit D'un pié leger & diligent, Sans que ton esprit negligent Face apparoistre de son fruit. On ne voit champ tant soit fertil, S'il n'est poitri du labourage, Ou'à la fin ne vienne inutil, Voire & le champ ioignant fut-il Du Nil l'Ægyptien riuage: Tant soit vn cheual de courage, Et coutumier à surmonter, S'on est long tens sans i monter Il devient rosse, & fort en bride: Ainsi des Muses l'écriuain, S'il les delaisse, hêlas en vain Il les inuocque apres pour guide.

L'orfeure de tenir n'a honte Les instrumens de son métier, Son plaisir sa peine surmonte, Tellement qu'il feroit grand conte Estre oisif un iour tout entier: Ton art le passe d'un cartier, Quoy? voire du tout ce me semble, Toutefois encre & plume ensemble Tu crains paresseus à toucher. D'orenauant écri, compose : La louange pour peu de chose S'achette, & qu'est-il rien plus cher? Mainte ville iadis puissante Est ores morte auec son nom, Enseuelie, & languissante, Et Troie est encor florissante Comme un beau printens, en renom: Bien d'autres Rois qu'Agamemnom, Ont fait reluire leur vertu, Et si sont morts, car ils n'ont 'u Vn Homere, qui mieus qu'en cuiure, En medaille, en bronze, ou tableau, Les eust arrachés du tumbeau, Faisant leur nom viure, & reuiure,

CHANT DE FOLIE A BACCHVS.

(Texte unique de 1550; retranché en 1553.)

Delaisse les peuples vaincus Qui sont sous le lit de l'Aurore, Et la ville, qui ô Bacchus, Ceremonieuse t'adore.

De tes tigres tourne la bride En France, où tu es inuocqué, Et par l'air ton chariot guide Dessus en pompe collocqué. Que cette feste ne se face Sans t'i trouuer, Pere ioieus, C'est de ton nom la dedicasse, Et le iour où lon rit le mieus. Voi-le ci ie le sen venir, Et mon cueur étonné, ne peut Sa grand divinité tenir, Tant elle l'agite & l'émeut. Quels sont ces rochiers où ie vois Leger d'esprit, quel est ce fleuue, Quels sont ces antres, & ces hois Où seul egaré ie me treuue? l'enten le bruire des cimbales Et les champs sonner euoué. l'oi la rage des Bacchanales Et le son du cor enroué. Ici le chancellant Silene Sus vn tardif asne monte, Les inconstans Satyres mene Qui le soustiennent d'un costé. Qu'on boute du vin en la tasse, Soumelier, qu'on en verse tant Qu'il se répande dans la place, Qu'on mange, qu'on boine d'autant. Amoureus, menez vos aimées, Ballez, & dansez sans seiour, Que les torches soient allumées Iusques à la pointe du iour. Sus, sus, mignons, aus confitures

Le codignac vous semble bon,

Vous n'aués les dens assés dures
Pour faire peur à ce iambon.
Amis, à force de bien boire
Repoussez de vous le souci,
Que iamais plus n'en soit memoire:
Là donques, faites tous ainsi.
Hélas que c'est un dous tourment
Suiure ce Dieu qui enuironne
Son chef de vigne & de sérment,
En lieu de roialle couronne.

[A GASPAR D'AVVERGNE.]

(Texte de 1573; retranché en 1578.)

Puis que la mort ne doit tarder
Que pronte vers moy ne paruienne,
Trop humain suis pour me garder
Qu'espouuanté ne m'en souvienne,
Et qu'en memoire ne me vienne
Le cours des heures incerténes,
Gaspar, qui aux bords de Vienne
As rebasti Rome & Athénes.

En vain l'on fuit la mer qui sonne Contre les goufres, ou la guerre, Ou les vents mal sains de l'autonne Qui soufflent la peste en la terre: Puis que la mort qui nous enterre leunes nous tue, & nous conduit Auant le temps, au lac qui erre Par le royaume de la nuit. « L'auaricieuse Nature,

« Et les trois Sœurs filans la vie,

« Se deulent quand la creature

« Dure long temps, portant enuie

« Au corps, si tost il ne deuie :

« Le creant rose du printemps,

« A qui la naissance est rauie

« Et la grace tout en un temps.

L'un deuient gouteux, l'autre étique, L'autre n'atend que le cyprés, Et celuy qui fut hydropique Guarist pour retomber apres : Nous sommes humains tout exprés, Pour auoir le cœur outragé D'un aigle, qui le voit d'auprés Naistre afin qu'il soit remangé.

Bien tost sous les ombres, Gaspar,
La mort nous guidera subite,
N'or ni argent de telle part
Ne font que l'homme resuscite:
Diane son cher Hippolyte
N'en tire hors, ains gist parmy
La troupe, où Thesé se despite
Qu'il n'en peut r'auoir son amy.

« L'homme ne peut fuir au monde « Le certain de sa destinée, Le marinier craint la fiere onde, Le soldat la guerre obstinée, Et n'ont peur de voir terminée Leur vie sinon en tels lieux, Mais vne mort inopinée Leur a touiours sermé les yeux.

Dequay sert donc la medecine, Et tout le gaiac estranger, Vser d'onguens ou de racine, Boire bolus, ou d'air changer: Quand cela ne peut alonger Noz iours contez? où cours-tu, Muse? Repren ton stile plus leger Et à ce graue ne t'amuse.

PRIERE A DIEV POVR LA FAMINE.

(Texte de 1573; retranché en 1578.)

O Dieu des exercites. Qui aux Israëlites Donnant jadis secours, Fendis en deux le cours De la rouge eau salée, Et comme une valée Que deux tertres espars Emmurent de deux pars, Tu fis au milieu d'elle Vne voye fidelle, Où à pied sec parmy Passa ton peuple amy. Et puis en renuersant Le flot obeissant Sur le Prince obstiné : Tu as exterminé Luy, & sa gent noyée Sous l'onde renuoyée. Ton peuple errant delà Aux desers çà & là, Les veaux de fonte adore : Mais pour sa faute encore Le ciel ne laissa pas De pleuuoir son repas,

Ou'il receut de ta grace Par quarante ans d'espace. O Seigneur, retourne ores Tes yeux. & vov encores Ton peuple languissant, Ton peuple perissant, Que la palle famine (Mort estrange) extermine. Pere, nous scauons bien Selon tes loix, combien Noz iournalieres fautes Sont horribles & hautes: Et voyant noz pechez Dont sommes entachez, Que cette affliction N'est pas punition: Mais nous scauons austi Que nous aurons mercy Toutes les fois que nous Flechistans les genous, Et souleuans la face Demanderons ta grace. Las ô Dieu, sur nous veille: Et de benigne oreille En cette aspre saison Reçoy nostre oraison: Ou bien sus les Tartares, Turcs, Scythes, & Barbares Qui n'ont la connoissance Du bruit de ta puissance, O Seigneur, hardiment Espan ce chastiment, Et ton peuple console Qui croit en ta parolle,

Ou fay encor renaistre
Les ans du premier estre,
L'age d'or precieux,
Où le peuple ocieux
Viuoit aux bois sans peine
De glan cheut & de feine.

A CASSANDRE.

(Texte unique de 1550; retranché en 1553.)

Le printens vient, naissez fleurettes Coupables de mes amourettes, Sus naissez, & toutes ensemble Variez par vostre peinture Vn manteau verd, à la nature.

Cassandre, qui tant leur resemble, Tu crois comme elles, ce me semble, Et ton petit poil accoursi, S'alonge en fils d'or, auec l'age Comme un reuerdissant sueillage.

Tu croitras donq pour le souci De maint peuple, & de moi aussi, Et si feras les sleurs compaignes Qui croissent à l'enui de toi Pallir de l'amour comme moi.

Et les eaus baignants les campaignes, Celles qui tonnent aus montaignes, Frappant contre leurs bords dolents, Bruiront leurs amours éternelles Si ton bel œil se mire en elles.

Apres maints cours de l'an volant, Les cieus pour t'enfanter, voulant Se piller eus mesmes, ont pris
Tout le beau vers eus retourné
Et de toi le monde ont orné.

Affin qu'on ne mette à mépris
Mes chants pour t'amour entrepris
Qui les trais de ta beauté suivent,
Et qui d'vn vers laborieus
La font remonter iusqu'aus Dieus.
Les beautés iusque aus cieus arrivent
Si les Poëtes les décrivent,
Donc Cassandre si tu m'aimois,
Tu apprendrois de main docile,
L'art, & la maniere facile
Des Odes du luc Vandomois.

CONTRE LA IEVNESSE FRANÇOISE

CORROMPVE.

(Texte unique de 1550; retranché en 1553.)

Esperons nous l'Italie estre prise,
Ou regaigner par meilleure entreprise
D'un bras vindicatif,
Le serf butin de nos pertes si amples
Dont l'Espagnol a decoré ses temples
De sous le Roi captis?
Que telle gloire est loin de l'esperance,
Voiant (ô tens) la ieunesse de France
A tout vice estre incline.
Outrecuidée en ses fautes se plast,
Hait l'enseigneur, l'ignorante qu'ell' est
De toute discipline.

Ni escrimer, combatre à la barriere, Ne façonner poulains en la carriere

Peu vertueuse n'ose.

Suit les putains, les naquets, les plaisans, Et lachement corront ses ieunes ans

Sans ofer plus grand chose.

De telles gens, Charles n'a pas donté Naples, Venise, & Milan surmonté,

Dessous son iouc rebelle,

Mais d'un soudart braue, vaillant, & fort Qui de soi mesme alloit hastant sa mort

Par vne plaie belle.

Le pigeon vient du pigeon, & la chieure Naist de la chieure, & le lieure du lieure.

Le fils tousiours raporte

Le naturel des parens auec lui:

Quel peuple donc pourroit naistre auiourdhui

De race si peu forte?

La fille preste à marier, accorde Trop librement sa chanson à la corde

D'un pouce curieus:

Et veut encor Petrarque retenir, Assin que mieus ell' puisse entretenir

L'amant luxurieus.

Il n'i a rien que cet age où nous sommes N'ait corrompu, il a gâté les hommes,

Les noces sont polues:

Des Dieus vangeurs, sans honneur & sans pris

Les temples met l'Alemen à mépris

Par sectes dissolues.

A VN SIEN AMI

fasché de suiure la Court.]

(Texte de 1578; retranché en 1584.)

Maclou, amy des Muses,
En la Musique expert,
Pour-neant tu t'amuses,
Le temps en vain se pert
Menant vn dueil couuert:
Il vaut mieux que tu iettes
Les soigneuses sagettes
Qui ton cœur vont greuant,
Aux Scythes & aux Gétes,
A l'abandon du vent.

Ceux à qui point n'agréent
Tes beaux arts tant cognus,
Et qui ne se recréent
De voir les Syluains nus,
Et les peres cornus
Pendre au haut d'un rocher,
Doiuent bien se fâcher:
Non toy, dont la Poesse
Peut le soin arracher
Hors de la fantasse.

Et quoy? ie voy tes yeux
Moites d'un pleur amer:
Soit quand Phebus aux cieux
Vient le iour allumer,
Ou quand dedans la mer
Ses cheuaux il abreuue,

Gemissant ie te treuue
La fin de ton malheur,
Puis que ne bois ne fleuue
N'appaise ta douleur?
Donc la faueur du monde
Te fait desesperer,
Laquelle on peut à l'onde
Iustement comparer,
Qui ne scauroit durer
Vne heure sans orage.
« Appren à ton courage
« Voler ainsi qu'il faut:
« Par ceste aile le sage

« S'en-vole aux Dieux là haut. Il est vray que la Court Des Princes est louable, Mais long temps on y court Sans fortune amiable. Sor de là miserable:

« Quand la mort se courrousse,

« Sans egard elle pousse

« A bas vn Empereur,

« De la mesme secousse

« Qu'un pauure laboureur.

La vertu qui ordonne
Aux bons immortel nom,
N'a baillé la couronne
De Laurier pour renom
A nul homme, finon
Qu'à celuy qui n'a garde
De prendre l'or en garde,
Viuant du fien contant,
Et à qui le regarde
D'un visage constant.

« C'est plus de commander

« A ses affections,

« Qu'aux Princes d'amender

« De mille nations.

« Qui de ses passions

« Est maistre absolument,

« Celuy vit seulement

« N'eust-il qu'un toict de chaume,

« Et plus asseurément

« Qu'un Roy de son royaume.

Quand nostre vie humaine Longue en santé seroit, Chaqu'on à iuste peine Des biens amasseroit, Et point n'offenseroit!

« Pour la vie si breue

« Faut-il tant qu'on le greue

« D'amasser & d'auoir? Matin le iour se leue Pour mourir sur le soir.

O foin meurtrier, encores Oue lon s'allast cacher Outre les riues Mores, Tu nous viendrois chercher Pour nos esprits fâcher. Le gendarme en sa troupe Te va portant en croupe, Quoy que t'ailles cachant Au plus creux de la poupe Compagnon du marchant.

Donques puis que l'enuie Et l'auarice forte Sont bourreaux de la vie De l'homme qui les porte :

Mon amy, ie t'enhorte De les chasser : entens A te donner bon temps, Fuy les maux qui t'ennuyent : « Qu'est-ce que tu attens? « Les ans legers s'enfuyent. « Le temps bien peu durable « Tout chauue par derriere « Demeure inexorable « S'il franchit sa carriere. L'infernale portiere Hoche de main egale La grand cruche fatale: Soit tost ou tard, le Sort Viendra vers toy tout palle Pour t'annoncer la mort. Et pource un iour ne laisse Voler sans ton plaisir, L'importune vieillesse Court tost pour nous faisir: Tandis qu'auons loisir. Tes amours anciennes Chantons auec les miennes : Ou bien, si bon te semble, Ne chantons que les tiennes Sur noz flutes en(emble. Pour tuer le soucy Qui rongeoit ton courage, Asséon nous icy Sous ce mignard ombrage: Voy pres de ce riuage Quatre Nymphes qui viennent, A qui tant bien auiennent Leurs corsets simplement,

Et leurs cheueux qui tiennent A vn nœud seulement.

Hé, quel pasteur sera-ce
Qui au prochain ruisseau
Ira rinser ma tasse
Quatre ou cinq fois en l'eau?
D'autant que vin nouueau
Esface les ennuis,
Et fait dormir les nuis:
Autrement la memoire
De mes maux ie ne puis
Estrangler qu'apres boire.

A SON RETOVR DE GASCONGNE,

VOIANT DE LOIN PARIS.

(Texte unique de 1550; retranché en 1553.)

Deus, & trois fois, heureus ce mien regard,
Duquel ie voi la ville, où sont infuses
La discipline, & la gloire des Muses,
C'est toi Paris que Dieu conserue, & gard:
C'est toi qui as de science, auec art
Endoctriné mon ieune age ignorant,
Et qui chez toi par cinq ans demeurant
L'as alaicté du laict qui de toi part.
Combien je sen ma mie heureuse en elle

Combien ie sen ma vie heureuse en elle
En te voiant, au pris de ces monts blancs
Qui ont l'échine, & la teste, & les slancs
Chargés de glace, & de nége eternelle:
Ie voi desta la bande solennelle
Du saint Parnase en auant s'approcher,
Et me baiser, m'accoler, & toucher,
Me r'appellant à son estude belle.

De l'autre part ma librérie, hélas,
Grecque, latine, espaignole, italique,
En me tanssant d'un front melancolique
Me dit, que plus ie n'adore Pallas.
Vn milion d'amis ne seront las
Deus iours entiers de me faire la feste,
Vn Peletier qui a dedans sa teste
Muses, & Dieus, les Nimphes, & leurs lacs.

Daurat, reueil de la science morte,
Et mon Berger qui s'est fait gouuerneur
Non de troupeaus, mais de gloire, & d'honneur,
Tiendra mon col lassé d'une main forte:
Tel iour heureus qui tant d'aise m'apporte
Soit par mes vers iusque au ciel coloqué,
Et sur mon cueur d'un blanc trauers merqué,

A celle fin que iamais il n'en forte.

Mon Oradour, ne Maclou n'i font mie,
L'vn est allé à Romme pour le Roi,
L'autre en Aniou esclaue de sa foi
Vit sous l'empire assés dous de sa mie.
Soit par la reste vne ioie acomplie,
De folâtrer faison nostre deuoir,
Ce iour passé, ie suis prest d'aller voir
Si pour le tens les léttres on oublie.

Plus que dauant ie t'aimerai, mon liure:
A celle fin que le sçauoir i'aprinsse,
l'ai delaisse & court, & Roi, & Prince
Où i'estoi bien quand ie les vouloi suiure,
Pour recompense aussi ie me voi viure
Et iusque au ciel d'ici bas remué:
Ainsi qu'Horace en Cigne transmué
l'ai fait vn vol qui de mort me deliure.

Car si le iour voit mon euure entrepris, L'Espaigne docte, & l'Italie apprise, Celui qui boit le Rin, & la Thamise Vouldra m'apprendre ainsi que ie l'appris, Et mon labeur aura louange, & pris: Sus, Vandomois (petit pais) sus donques, Eioui toi si tu t'éiouis onques, le voi ton nom sameus par mes écris.





LES AMOVRS

de P. de Ronsard Vandomoys.

Ensemble

Le cinquiesme de ses Odes.

1552.

[SONNET.]

(Texte de 1552; retranché en 1553.)

D'un foyble vol, ie volle apres l'espoyr,
Qui mieux vollant volle oultre la carrière,
Puis quand il voyt que ie volle derrière,
De mon voller rensorce le pouvoyr.

Voyant le sien qui volle pour m'auoyr,
Me revoltant ie franchi la barrière,
Et d'un bas vol ie m'escarte en arrière,
Pour ne le prendre, & pour pris ne me voyr.

le suis semblable au malade qui songe,
Lequel en vain ses doigtz mocquez allonge,
Pour tastonner l'idole qui n'est pas:
L'un suit, l'un suit d'une vaine poursuite,
Ainsi suyuant l'espoyr qui est en suite,
Et qui ne suit, ie perdz en vain mes pas.

A P. PASCHAL,

Gentilhomme du pays de Languedoc, Historiographe du Roy.

(Texte de 1578; retranché en 1584.)

De toy, Paschal, il me plaist que i'escriue,
Qui de bien loin le peuple abandonnant,
Vas des Romains les tresors moissonnant
Le long des bords où la Garonne arriue.
Haut d'une langue eternellement viue,
Son cher Paschal Tolose aille sonnant:
Paschal Paschal Garonne resonnant,
Rien que Paschal ne responde sa riue.
Si ton Durban, l'honneur de nostre temps,
Lit quelquesois ces vers par passetemps,
Dy luy, Paschal (ainsi l'aspre secousse
Qui m'a fait choir, ne te puisse esmouvoir):
Ge pauure Amant estoit digne d'auoir
Vne Maistresse, ou moins belle, ou plus douce.

SONNET.

(Texte de 1578; retranché en 1584.)

Le seul penser, qui me fait deuenir
Braue d'espoir, est si doux que mon ame
Desia gaignée, impuissante se pâme,
Songeant au bien qui me doit aduenir.
Sans mourir donq pourray-ie soustenir
Le doux combat que me garde ma Dame,
Puis qu'un penser si brusquement l'entame
Du seul plaisir d'un si doux souuenir?

Helas! Venus, que l'escume feconde Non loin de Cypre enfanta dessus l'onde, Si de fortune en ce combat ie meurs, Reçoy marvie, & Deesse, & la guide Parmy l'odeur de tes plus belles sleurs Dans les vergers du Paradis de Gnide.

SONNET.

(Texte de 1578; retranché en 1584.)

Quand en songeant ma follastre i'accole,
Laissant mes flancs sus les siens allonger,
Et que d'on branle habilement leger
En sa moitié ma moitié ie recole:
Amour adonq si follement m'affole,
Qu'on tel abus ie ne voudroy changer,
Non au butin d'on riuage estranger,
Non au fablon qui iaunoye en Pactole.
Mon Dieu! quel heur & quel contentement
M'a fait sentir ce faux recolement,
Changeant ma vie en cent metamorphoses?
Combien de fois doucement agité,
Suis-ie ore mort, ore resuscité
Entre cent liz, & cent vermeilles roses?

[SONNET.]

(Texte de 1552; retranché en 1553.)

Moins que deuant m'agitoit le vouloyr, Qui me piquoyt d'vne ardeur fanatique, Quand pour garir ma verue poëtique, Laissant Paris i'aborde sus le Loyr. Là ie viuoy pour plus ne me chaloyr

Ny de la Muse, ou Romaine, ou Attique,
Alors qu'Amour de son trait fantastique
Causa le mal qui tant me fait douloyr.

Dedans des prez, & dans vn boys champestre,
Parmy les sleurs où seur ie pensoys estre
Le doulx Tyran me martela de coupz:
Et me sit voyr, que iamais on n'estrange
Loing de son ches, quelque pais qu'on change,
L'arrest du ciel qui preside sur nous.





LIVRET DE FOLMSTRIES,

A Ianot Parisien.

Plus, quelques Epigrames grecs : & des Dithyrambes chantés au Bouc de E. Iodelle Poëte Tragiq.

1553.

GAYETÉ.

(Texte de 1578; retranché en 1584.)

l'ay vescu deux mois ou trois Plus heureux que tous les Rois De la plus fertile Asie, Quand ma main tenoit saisse Celle, qui tient dans ses yeux le ne sçay quoy, qui vaut mieux Que les perles Indiennes, Ne les masses Mydiennes.

Mais depuis que deux Guerriers, Deux Soldats auanturiers Par vne tréue mauuaise Sont venus attrister l'aise De mon plaisir amoureux, l'ay vescu plus mal-heureux Qu'vn Empereur de l'Asie, De qui la terre est saiste, Fait esclaue sous la loy
D'vn autre plus vaillant Roy.
Las! si quelque hardiesse
Enslame vostre ieunesse,
Si l'amour de vostre Mars
Tient vos cœurs, allez Soldars,
Allez bien-heureux gendarmes,
Allez, & vestez les armes,
Secourez la Fleur-de-lis:
Ainsi le vineux Denis,
Le bon Bachus porte-lance

Soit toufiours vostre defance.

Et quoy? ne vaut-il pas mieux
Par les combats furieux,
De coups esclaircir les foules,
Qu'ainsin effroyer les poules
De voz sayons bigarrez?
Allez & vous reparez
De voz belles cottes d'armes,
Allez bien-heureux gendarmes
Secourir la Fleur-de-lis:
Ainsi le vineux Denis,
Le bon Bachus porte-lance

Soit tousiours vostre defance.
Il ne faut pas que l'Hyuer
Vous engarde d'arriuer
Où la bataille se donne,
Où le Roy mesme en personne
Plein d'audace & de terreur
Espouuante l'Empereur
Tout blanc de crainte poureuse
Dessus les bords de la Meuse.

A ce bel œuure, Guerriers, Ne serez-vous les premiers? Ah! que vous aurez de honte
Si vn autre vous raconte
Combien le Roy print de forts,
Combien de gens seront morts
A telle ou telle entreprise:
Et quelle ville fut prise
Par eschelle ou par assaut,
Combien le pillage vaut,
En quel lieu l'infanterie,
En quel la gendarmerie
Heureusement a fait voir
Les exploits de son deuoir,
Noble de mille conquestes.

Lors vous baisserez les testes,
Et de honte aurez le teint
Tout vergongneusement teint:
Et fraudez de telle gloire
N'oserez manger ny boire
A l'escot des tauerniers,
Ny iurer comme Sauniers
Entre les gens du village:
Mais portans bas le visage,
Et mal-asseurez de cœur,
Tousiours vous mourrez de peur
Qu'vn bon guerrier ne brocarde
Vostre lascheté coüarde.

Donc si quelque honneur vous poingt, Soldars, ne cagnardez point, Suyuez le train de voz peres, Et r'apportez à voz meres De voz victoires le bien: Voz sœurs ie garderay bien Sans vostre aide: allez gendarmes, Allez & vestez les armes,

Secourez la Fleur-de-lis: Ainsi le vineux Denis, Le bon Bachus porte-lance Soit tousiours vostre defance.

GAYETÉ.

(Texte de 1557; retranché en 1560.)

En ce pendant que la ieunesse D'une tremoussante souplesse Et de manimens fretillars Agitoit les rougnons gaillards De Catin à gauche & à dextre: lamais ny à Clerc, ny à Prestre, Moine, Chanoine, ou Cordelier N'a resusé son hatelier.

Car le mestier de l'vn sus l'autre, Où l'vn dessus l'autre se veautre, Luy plaisoit tant, qu'en remuant, En haletant, & en suant Tel bouc sortoit de ses esselleles, Et tel parsun de ses mammelles, Qu'vn mont Liban ensafrané En eust pui tout embrené.

Ceste Catin en sa ieunesse
Fut si nayue de simplesse,
Ou'autant le pauure luy plaisoit
Comme le riche, & ne faisoit
Le soubresaut pour l'auarice,
Mais ell' disoit que c'estoit vice
De prendre ou cheine, ou diamant
De pauure, ny de riche amant,
Pourueu qu'il seruist bien en chambre,
Et qu'il eust plus d'un pié de membre.

Autant le beau, comme le laid,
Et le maistre, que le valet
Estoient receus de la doucette
A la luitte de la fossette.
Et si bien les ressecuoit,
Les repoussoit & remouuoit
De meinte paillarde venue,
Qu'apres, la fieure continue
Ne failloit point de les saisir,
Pour paiment d'auoir fait plaisir
A Catin, non iamais soulée
De tuer, pour estre foulée,
Et qui de tourdions a mis
Au tombeau ses plus grans amis.

Mais quoy? il n'est rien que l'année Ne change en une matinée. Catin, qui le berlam tenoit Au premier ioueur qui venoit, Or' se voyant décolorée Comme une image dédorée, Se voyant dehors & dedans Chancreuses & noires les dens, Se voyant rider la mammelle Comme un Escouillé de Cybele. Se voyant grisons les cheueux, L'œil chassieux, le nez morueux, Et par ses deux conduis, souflante A bas vne haleine puante, Elle changea de volonté, Et son premier train éfronté Par ne sçay quelle frenaiste A counert d'une hypocrisie.

Maintenant des le plus matin Le Secretain ouure à Catin Le petit guichet de l'églife,
Et pour mieux voiler sa feintise
Dedans vn coing va marmotant,
Rebarbotant, rebigotant
Iusque au soir que le Curé sonne
Le couureseu, puis ceste bonne
Bonne putain, va pas à pas
Pieusement le nez tout bas
Triste, pensiue, & solitaire
Entre les croix du Cimetiere.

Et là se veautrant sus les corps Appelle les ombres des mors, Ores s'éleuant toute droitte, Ores sus une fosse estroitte Se tapissant comme un fouyn, Contresait quelque Mitouyn, D'un drap mortuere voilée, Tant qu'elle, & la nuit étoilée Ayent fait peur au plus hardi, Qui passant là le mecredi Vient de la Chartre, ou de la foire De l'Auardin, ou de Montoire.

Catin a mille inventions

De mille bigotations,

Quand la terre est la plus esprise

De froidure, elle en sa chemise

Masquant son nez de toile blanche

D'un gros caillou se bat la hanche,

L'estomac, les yeux, & le front,

Ainsi comme l'on dit que font

Ceux qui sont maris de leurs meres,

Ou ceux qui meurdrissent leurs peres,

Expiant l'horrible forfait

Qu'innocemment ils auoient fait.

Et toutesfois ceste insensée, Ayant bani de sa pensée Le souvenir d'auoir esté L'exemple de mechanceté, Ose bien prescher ma pucelle, Pour la convertir ainsi qu'elle A mille bigotations Dont elle a mille inventions.

Et quoy (dit elle) ma mignonne? Ce n'est pas une chose bonne D'aymer ainsi les iouuenceaux. Amour est vn goufre de maux, Amour affolle le plus sage, Amour n'est sinon qu'une rage, Amour aueugle les raisons, Amour renuerse les maisons, Amour honnist la renommée, Amour n'est rien qu'vne fumée Qui par l'air en vent se répent, Tousiours d'aymer on se repent. Fuyez les banquets, & les dances, Les cheines d'or, les grands bombances, Les bagues, & les grands atours : Pour auoir suyui les amours Les saints n'ont pas sauué leur ame. Ainsi Catin la bonne dame, (Maintenant miroer de tout bien) Prescha dernierement si bien La ieune raison de m'amie, Qu'en bigote l'a conuertie. Si qu'or', quand baiser ie la veux, Elle me tire les cheueux : Si ie veux tater sa cuissette, Ou fesser sa fesse grossette,

Ou si ie mets la main dedans Ses tetins, elle à coups de dens Me dechire tout le visage Comme vn Singe émeu contre vn page.

Puis elle me dit en courroux, Si autrefois aueques vous M'abandonnant i'ay fait la folle, le ne veux plus que l'on m'acolle. Pource oftez vostre main d'abas. Catin m'a dit, qu'il ne faut pas Oue charnelement on me touche. Halà, ma Cousine, il me couche, Ha ha, lestez, lestez, lestez, Bran, pourneant vous me préssez, Bran, i'aymeroy mieux estre morte, Que vous m'eussiez de telle sorte : Ostéz vous donques, aussi bien Mercydieu vous ne gaignez rien, Ma cuisse en biez accoustrée Defendra l'amoureuse entrée, Et plus les bras vous m'entorsez Et plus en vain vous efforcez.

Ainsi depuis vne semeine, La longue roydeur de ma veine, Pourneant rouge & bien en point Bat ma chemise & mon pourpoint. Qu'à cent diables soit la prestresse Qui a bigotté ma maistresse.

Sus donq, pour venger mon esmoy, Sus, lambes, secourez moy, Venez, lambes, sur la teste De ce luitton, de ceste beste, Qui ores semme n'estant plus Mais ombre d'un tombeau reclus Miserablement porte enuie
Aux doux passetems de ma vie,
Qui Dieu me faisoient deuenir:
Et si ne veut se souuenir
Qu'encependant que la ieunesse
D'vne tremoussante soupplesse
Et de manimens fretillars
Agitoit ses rougnons paillars
Ores à gauche, ores à dextre,
lamais ny à clerc, ny à prestre,
Moine, Chanoine, ou Cordelier
N'a resusé son passetement

GAYETÉ.

(Texte de 1578; retranché en 1584.)

laquet aime autant sa Robine Ou'vne pucelle sa poupine : Robine aime autant son laquet Qu'vn amoureux fait son bouquet. O amourettes doucelettes, O doucelettes amourettes, O couple d'amis bien-heureux, Ensemble aimez & amoureux! O Robine bien-fortunée De s'estre au bon laquet donnée! O bon laquet bien-fortune De s'estre à Robine donné! Que ny les robes violettes, Les ribans, ny les ceinturettes, Les brasselets, les chaperons, Les deuanteaux, les mancherons N'ont eu la puissance d'espoindre Pour macreaux ensemble les ioindre. Mais les riuages babillars, L'oissueté des prez mignars, Les fontaines argentelettes Qui attrainent leurs ondelettes Par un petit trac mousselet Du creux d'un Antre verdelet, Les grands forests renouuellées, Le solitaire des vallées Closes d'effroy tout à l'entour Furent cause de telle amour.

En la saison que l'Hyuer dure,
Tous deux pour tromper la froidure,
Au pied d'un chesne my-mangé
De main tremblante ont arrangé
Des cheneuotes, des fougeres,
Du chaume sec & des bruyeres,
Des buchettes & des brochars,
Et souslans le seu de deux pars
Chausoient à sesses acroupies
Le cler degout de leurs roupies.

Apres qu'ils furent un petit Def-angourdis, un appetit Se vint ruer en la poitrine Et de laquet & de Robine.

Robine tira de son sein Vn gros quignon buret de pain, Qu'elle auoit fait de simple aueine Pour tout le long de la sepmaine: Et le frottant contre des aux, En esternuant des naseaux De l'autre costé reculée Mangeoit à part son esculée.

D'autre costé laquet espris D'une faim enragée, a pris Du ventre de sa panetiere Vne galette toute entiere Cuitte sur les charbons du sour, Et blanche de sel tout autour, Que Guillemine sa marraine Luy auoit donné pour estraine. Comme il repaissoit, il a veu Guignant par le trauers du seu De sa Robine recourssée La grosse motte retroussée, Et son petit cas barbelu D'un or iaunement crespelu, Dont le fond sembloit une rose Non encor' à demy-déclose.

Robine aussi d'une autre part De laquet guignoit le tribart, Qui luy pendoit entre les iambes Plus rouge que les rouges flambes Qu'elle attisoit soigneusement. Apres auoir veu longuement Ce membre gros & renfrongné, Robine ne l'a desdaigné, Mais en leuant un peu la teste A laquet sist ceste requeste.

laquet (dit-ell') que l'aime mieux Ny que mon cœur ny que mes yeux, Si tu n'aimes mieux ta galette Que ta mignarde Robinette, le te pri' laquet, chouze moy Et mets la quille que ie voy Dedans le rond de ma fossette.

Helas! (dit laquet) ma doucette, Si plus cher ne t'est ton grignon Que moy laquinot ton mignon, Approche toy mignardelette, Mignardelette doucelette, Mon pain, ma faim, mon appetit, Pour mieux t'embrocher un petit.

A-peine eut dit qu'elle s'approche, Et le bon laquet qui l'embroche Fist trepigner tous les Syluains Du dru maniment de ses reins. Les boucs barbus qui l'aguetterent, Paillards, sur les chéures monterent, Et ce laquet contr'aguignant Alloient à l'enuy trepignant.

O bien-heureuses amourettes,
O amourettes doucelettes!
O couple d'amans bien-heureux,
Ensemble aimez, & amoureux!
O Robine bien-fortunée
De s'estre au bon laquet donnée!
O bon laquet bien-fortuné
De s'estre à Robine donné!
O doucelettes amourettes,
O amourettes doucelettes!

GAYETÉ.

(Texte de 1578; retranché en 1584.)

Au vieil temps que l'enfant de Rhée N'auoit la terre dedorée, Les grands Heros ne desdaignoient Les chiens qui les accompaignoient Fideles gardes de leur trace: Mais toy chien de meschante race, En lieu d'estre bon gardien Du trac de m'amie & du mien, Tu as comblé moy & m'amie De deshonneur & d'infamie.

Car toy par ne sçay quel destin Desloyal & traistre mastin, Iappant à la porte fermée De la chambre, où ma mieux aimée Me dorlotoit entre ses dras Flanc desur stanc & bras à bras, Tu donnas soupçon aux voisines, Aux sœurs, aux freres, aux cousines, T'oyans plaindre à l'huys lentement Sans entrer, que secrettement Tout seul ie faisoy la chosette Auecque elle dans sa couchette.

Et si bien le bruit de cela
Courut par le bourg çà & là,
Qu'au rapport de telle nouuelle
Sa vieille mere trop cruelle
Brulante d'vn ardant courrous
Sa fille diffama de coups,
Luy escriuant de vergelettes
L'yuoire de ses costelettes.

Ainsi traistre, ton aboyer
Traistre, m'a rendu le loyer
De t'aimer plus cher qu'vne mere
N'aime sa fille la plus chere.
Si tu ne m'eusses esté tel,
le t'eusse fait chien immortel,
Et t'eusse mis parmy les Signes
Entre les Astres plus insignes,
Compaignon du chien d'Orion,
Ou de celuy qui le Lion
Abaye quand la vierge Astrée
Se voit du Soleil rencontrée.

Car certes ton corps n'est pas laid, Et ta peau plus blanche que lait De mille frisons houveluë, Et ta basse oreille veluë, Ton nez camard, & tes gros yeux Meritoient bien de luire aux cieux : Mais en lieu d'une gloire telle Vne demangeante gratelle, Vne fourmilliere de pous, Vn camp de puces & de loups, La rage, le farcin, la taigne, Vn dogue affamé de Bretaigne lusqu'aux oz te puissent manger Sur quelque fumier estranger, Meschant mastin, pour loyer d'estre Si traistre à ton fidele maistre.

GAYETÉ.

(Texte de 1560; retranché en 1567.)

Enfant de quatre ans, combien
Ta petitesse a de bien,
Combien en a ton enfance,
Si elle aŭoit cognoissance
De l'heur que ie dois auoir,
Et qu'elle a sans le sçauoir!
Mais quand la douce blandice
De ta raillarde nourrice,
Des le point du iour te dit,
He quoy, vous couchés au lit
De Iane, honteus à l'heure,
Mignon, ton petit œil pleure,
Et te cachant dans les dras,
Et petillant de tes bras,

Depit, tu gimbes contre elle.

Et luy dis, Mem mam, ma belle,
Mon gateau, mon fucre doux,

Et pourquoy me dictes vous

Que ie couche aueq Ianette?

Puis el' te baille sa tette,

Et t'apaisant d'vn ioüet,

D'vne clef, ou d'vn roüet,

De poix, ou de piroüettes,

Essuye tes larmelettes.

Ha pauuret, tu ne sçais pas,

Celle qui dedans ses bras

Toute nuict te poupeline!

C'est mignon, ceste maline,

Las mignon, c'est ceste là Qui de ses yeus me brula.

Que pleust à Dieu que ie pusse Pour vn soir deuenir puce, Ou que les ars Medeans Eussent raieuni mes ans, Ou conuerty ma ieunesse, En ta peu caute simplesse Me faisans semblable à toi! Sans soupçon ie coucheroy, Entre tes bras, ma cruelle, Entre tes bras, ma rebelle. Ore baisant tes beaus yeus, Or' ton sein delicieus, D'où les amours qui me tuent Dix mille sleches me ruent.

Lors certes ie ne voudroy Estre faict vn nouueau roy Pour ainsi laisser m'amie Toute seulette endormie.

FOLASTRIE VIII.

Le Nuage ou l'Yurongne.

(Texte de 1553; retranché des recueils suivants.)

Vn soir, le iour de sainct Martin, Thenot au milieu du festin Ayant desia mille verrées D'un gozier large deuorées, Ayant gloutement aualé Sans macher maint iambon salé, Ayant rongé mille saucisses, Mille pastez tous pleins d'espices, Ayant meint flacon rehumé, Et mengé meint brezil fumé, Hors des mains luy coula sa coupe: Puis bégayant deuers la troupe, Et d'un geste tout furieux Tournant la prunelle des yeux, Pour mieux digerer son vinage Sur le banc pancha son visage. la ia commençoit à ronfler,

A nariner, à renifler,
Quand deux flacons cheuz contre terre,
Pessemesse aueques vn verre,
Vindrent reueiller à demy
Thenot sur le banc endormy.

Thenot done qui demy s'eueille, Frottant son front, & son oreille, Et s'alongeant deux ou trois fois, En sursault getta ceste voix: Il est iour dit l'Alouette.

Non est non, dit la fillette.

Ha là là là là là là là,

le voy deça, ie voy dela,

le voy mille bestes cornues,

Mille marmotz dedans les nues:

De l'vne sort vn grand Toreau,

Sur l'autre sautelle vn cheureau:

L'vne a les cornes d'vn Satyre,

Et du ventre de l'autre, tire

Vn Cocodrile mille tours.

Ie voy des villes, & des tours, l'en voy de rouges, & de vertes, Voy-les-là, ie les voy couuertes De sucres, & de poix confis. l'en voy de mors, i'en voy de vifz, l'en voy, voyez-les donq? qui semblent Aux blez qui soubz la bize tremblent.

l'auise un camp de Nains armez. l'en voy qui ne sont point formez, Tronçez de cuisses, & de iambes, Et si ont les yeux comme flambes Aux creux de l'estomaq assis. l'en voy cinquante, i'en voy six Qui sont sans ventre, & si ont teste Efroyable d'une grand'creste.

Voyci deux nuages tous plains
De Mores, qui n'ont point de mains,
Ny de corps, & ont les visages
Semblables à des chatz sauuages:
Les vns portent des piedz de cheure,
Et les autres n'ont qu'une leure
Qui seule barbotte, & dedans
Ilz n'ont ny machoires, ny dens.

l'en voy de barbus comme hermites, le voy les combas des Lapithes. l'en voy tous herissez de peaux, l'entr'auise mille troupeaux De Singes, qui d'un tour de ioue D'enhault aux hommes font la moue. le voy ie voy parmi les flos D'une Baleine le grand dos, Et ses espines qui paroissent Comme en l'eau deux roches qui croissent, Vn y gallope un grand destrier Sans bride, (elle, ny estrier. L'un talonne à peine une vache, L'autre dessus un asne, tache De vouloir iallir d'un plain sault Sus vn qui manie vn crapault. L'un va tardif; l'autre galope, L'un s'elance dessus la crope D'vn Centaure tout débridé. Et l'autre d'un Geant guidé Portant au front vne sonnette, Par l'air cheuauche à la genette. L'un sur le dos se charge un veau, L'autre en sa main tient un marteau. L'un d'une mine renfrongnée Arme (on poin d'une cougnée : L'un porte un dart, l'autre un trident, Et l'autre, un tison tout ardent.

Les vns sont montez sus des grues, Et les autres sus des tortues Vont à la chasse auecq' les Dieux. le voy le bon Pere ioyeux Qui se transsorme en cent nouuelles. I'en voy qui n'ont point de ceruelles Et font vn amas nompareil,
Pour vouloir battre le foleil,
Et pour l'enclorre en la cauerne
Ou de faint Patrice, ou d'Auerne.
le voy fa Sœur qui le defend,
le voy tout le ciel qui se fend
Et la terre qui se creuace
Et le chaös qui les menace.

le voy cent mille Satyreaux
Ayant les ergotz de Cheureaux
Faire peur à mille Naiades,
le voy la dance des Dryades
Parmy les foretz trepigner:
Et maintenant se repeigner
Au fond des plus tiedes valées,
Ores à tresses aualées,
Ores gentement en vn rond,
Ores à flocons sur le front,
Puis se baigner dans les fonteines.

Las! ces nuës de grélle pleines
Me predisent que lupiter
Se veut contre moy depiter,
Bré bré bré bré voyci le foudre,
Craq craq craq n'oyez vous decoudre
Le ventre d'un nuau? i'ay veu
l'ay veu, craq craq, i'ay veu le feu
l'ay veu l'orage, & le Tonnerre
Tout mort me brise contre terre.

A tant cet yurongne Thenot De peur qu'il eut, ne dit plus mot, Pensant vrayment que la tempesse Luy auoit soudroyé la teste.

DITHYRAMBES

à la pompe du Bouc de E. Iödelle poëte Tragiq.

(Texte de 1553; retranché des recueils suivants.)

Tout rauy d'esprit ie forcene, Vne nouvelle fureur me mene D'un saut de course dans les bois, lach ïach, i'oy la vois Des plus vineuses Thyades, le voy les folles Menades Dans les antres trepigner, Et de serpens se peigner. lach ïach Euoé, Euoé ïach ïach.

le les oy,

le les voy

Comme au trauers d'vne nüe,
D'vne cadance menuë

Sans ordre, ny fans compas,
Lesser chanceler leurs pas.

le voy les fegrés mistiques

Des festes Trieteriques,
Et les Syluans tout autour,
De maint tour,
Cotissans desus la terre,
Tous herissez de lierre,
Badiner, & plaisanter,
Et en voix d'Asnes chanter,
lach ïach Euoé,

Eugé jach jach.

le voy d'un œil assez trouble
Vne couple
De Satyres cornus, cheurepiez, & mibestes,
Qui soutiennent de leurs testes
Les yures costez de Sylene,
Tallonnant à toute peine
Son Asne musard, & le guide
D'une des mains sans licol ne sans bride:
Et de l'autre, à ses oreilles,
Pend deux bouteilles,
Et puis il dit qu'on rie,
Et qu'on crie,
lach ïach Euoé,
Euoé ïach ïach.

Hoh, ie me trouble sous sa chanson,
Vne horrible frisson
Court par mes veines, quand i'oy brére
Ce vieil Pere,
Qui nourrit, apres que Semele
Sentit la stamme cruelle,
Le bon Bacchus Diphyen
Dedans l'antre Nyssien,
Du laist des Tigresses:
Les Nymses, & les Déesses
Chantant' autour de son bers
Ces beaux vers.
lach ïach Euoé,
Euoé ïach ïach.
Euoé, Cryphien, ie sens

Euoé, Cryphien, ie sens M'embler l'esprit, & le sens Sous vne verue, qui m'afolle, Qui me ioint à la carolle Des plus gaillardes Bandes montaignardes, Et à l'auertineuse trope
Des Mimalons, qui Rhodope
Foulent d'un pié barbare,
Où la Thrace se separe
En deux,
Du flot glacé de Hebre le negeux.
Iach ïach Euoé,
Euoé ïach ïach.

Il me semble qu'une poussière Offusque du iour la lumiere, S'eleuante par les champs Sous le pié des marchans. Euoé, Pere, Satyre, Protogone, Euastire, Doublecorne, Agnien, Oeiltoreau, Martial, Euien, Portelierre, Omadien, Triete, Ta fureur me gette Hors de moy, Ie te voy, ie te voy, Voi-te-cy Rompsoucy: Mon cœur bouillonnant d'une rage, Enuole vers toy mon courage. le forcene, ie demoniacle, L'horrible vent de ton oracle, l'entens l'esprit de ce bon vin nouueau, Me tempeste le cerueau. lach iach Euoé, Euoé iach iach.

Vne frayeur par tout le corps Me tient: mes genoux peu fors A l'arriuer de ce dieu tremblotent, Et mes parolles sanglotent le ne sçay quelz vers insensez, Auancez auancez auancez, Ceste vendange nouuelle, Voicy le filz de Semele, le le sen dessus mon cœur S'assoir comme un Roy vainqueur. I'ov les clerons tintinans. Et les Tabourins tonnans, I'oy autour de luy le Buys Caqueter par cent pertuis, Le Buys Phrygien, que l'Antourée D'une aleine mal mesurée Enfle autour de ses Chatrez, le les voy tous penetrez D'une rage insensée, Et tous esperdus de pensée Chanter iach Euoé, Euoé ïach ïach.

Euan, Pere, ou ie me trompe,
Ou ie voy la pompe
D'un Bouc aux cornes dorées,
De lierre decorées,
Et qui vrayment a le teint
Teinct
De la couleur d'un Sylene,
Quand tout rouge il pert l'aleine
D'auoir d'un coup euidé son flacon
Plain d'un vin Tholozan ou bien d'un vin Gascon.
lach ïach Euoé,
Euoé ïach ïach.

Mais qui sont ces enthyrsséz, Herisséz De cent fueilles de lierre, Qui sont rebondir la terre De leurs piés, & de la teste A ce Bouc font si grand seste? Chantant tout autour de luy Ceste chanson bris ennuy Iach ïach Euoé, Euoé ïach ïach.

Tout forcené, à leur bruit ie fremy, l'entreuoy Bayf, & Remy, Colet, lanuier, & Vergesse, & le Conte, Pascal, Muret, & Ronsard qui monte Dessus le Bouc, qui de son gré Marche, assin d'estre sacré Aux pieds immortelz de lödelle, Bouc le seul pris de sa gloire eternelle: Pour auoir d'une voix hardie Renouvellé la Tragedie Et deterré son honneur le plus beau Qui vermoulu gisoit sous le tumbeau. Iach ïach Euoé, Euoé ïach ïach.

Hoh, hoh, comme ceste Brigade Me fait signe d'une gambade, De m'aller mettre sous ton ioug Pour ayder à pousser le Bouc.

Mais, Pere, las! pardonne moy, pardonne:

Assez & trop m'esperonne

Ta fureur sans cela,

Assez deça & dela

Ie suy tes pas à la trace,

Par les Indes, & par la Thrace:

Ores d'on Thyrse portelierre

Faisant à tes Tygres la guerre:

Ores aueques tes Euantes,

Et tes Menades bien boiuantes,

Redoublant à pleine voix Par les boix lach ïach Euoé, Euoé ïach ïach.

Maugré moy, Pere, ta fureur, Plain d'horreur
M'y traine, & ne voulant pas, Maugré moy ie sens mes pas
Qui me derobent mal sain,
Où lödelle de sa main
Du Bouc tenant la moustache,
Que poil à poil il arrache,
Et de l'autre nonparesseuse
Haut éleuant vne coupe vineuse
Te chante, o Dieu Bacchique,
Ceste hymne dithyrambique.
lach ïach Euoé,
Euoé ïach ïach.

Hayauant Muses Thespiennes, Hayauant Nymphes Nyssiennes, Rechantez moy ce Pere Bromien, Race stameuse du Saturnien, Qu'engendra la bonne Semele, Enfant orné d'une perruque belle, Et de gros yeux Plus clers que les astres des Cieux. Iach iach Euoé, Euoé iach iach.

Euoé mes entrailles sonnent Sous ses fureurs qui m'epoinçonnent, Et mon esprit de ce Dieu trop chargé Forcene enragé. Iach ïach Euoé, Euoé ïach ïach. Que l'on me donne ces clochettes, Et ces iazardes sonnettes, Soit ma perruque decorée D'une couronne couleurée: Perruque lierreporte, Que l'ame Thracienne emporte Deça dela dessus mon col. Iach ïach Euoé, Euoé ïach ïach.

Il me plaist ores d'estre fol,
Et qu'à mes stancs, les Edonides
Par les montaignes les plus vuides
D'un pié sacré tremblant,
En un rond s'assemblant
Frapent la terre, & de hurlées
Es froyent toutes les valées,
Le Tallonneur de l'asne tard,
Basar, Euan, redoublant d'autre part.
lach ïach Euoé,
Euoé ïach ïach.

Il me plaist comme tout espris De ta sureur, ce iour, gaigner le pris, Et haletant à grosse alaine, Faire poudrer sous mes piés, ceste plaine.

Ça ce Thyrse, & ceste Tiare,
C'est toy, Naxien, qui m'egare
Sur la cime de ce rocher,
Il me plaist d'acrocher
Mes ongles, contre son escorse,
Et cheuestré dessous ta douce force
Aller deuant ton Orgie inconnue,
La celebrant de voix aguë,
Orgie, de toy Pere
Le Mystere,

Qu'vn panier enclôt saintement,
Et que nul premierement
En vain oseroit toucher, sans estre
Ton prestre:
Ayant neuf fois deuant ton Simulacre
Enduré le sainst lauacre
De la fonteine verrée,
Aux Muses sacrée.
lach iach Euoé,
Euoé iach iach.

O Pere, où me guides tu?

Deuant ta vertu

Les bestes toutes troublées

Se baugent dans les valées:

Ny les oiseaux n'ont pouvoir de hacher

Comme ilz faisoient le vague, sans bruncher

Incontinent qu'ilz te sentent:

Dessous leurs goufres s'absentent

De l'Ocean les troupes escaillées,

Horriblement emerueillées

De voir

La force de ton pouvoir.

Iach ïach Euoé,

Euoé ïach ïach.

Par tout les Amours te suivent,

Par tout les Amours te suivent,
Et sans toy les Graces ne vivent,
La force, la leunesse,
La bonne Licesse
Te fuit,
Le foucy te fuit
Et la viellesse chenue
Plustost qu'vne nue
Deuant Aquilon
Au gozier felon.

lach ïach Euoé, Euoé ïach ïach.

Vn chaqun tu vas liant Soubz ton Thyrse impatient. Alme Denys, tu es vrayment à craindre Qui peus contraindre tout, & nul te peut contraindre. O Cuissené, Archete, Hymenien, Basare, Roy, Rustique, Euboulien, Nyctelien, Trigone, Solitere, Vengeur, Manic, Germe des Dieux, & Pere, Nomien, Double, Hospitalier, Beaucoupforme, Premier, Dernier, Lynean, Portesceptre, Grandime, Lyssien, Baleur, Bonime, Nourriuigne, Aymepampre, Enfant. Gange te vit triomphant, Et la gemmeuse mer Oue le Soleil vient alumer De la premiere sagette, Qu'à son leuer il nous gette. Bien te sentit la Terriere Corte Des Geans, montaigneporte: Et bien Mime te (entit, Quand ta main Rhete abatit, Et bien te sentit Penthée Qui méprisa ta feste inusitée, Et bien les Nautonniers barbares Ouand leurs mains auares Te tromperent, toy beau, Toy Dieu celé dessous vn iuuenceau, lach iach Euoé, Euoé ïach ïach.

Que diray-ie de ces Thebaines, Qui veirent leurs toilles pleines De vigne, & par la nuict Elles gettans un petit bruit Se virent de corps denuées En chauuesTouris muées? Ouov du Soldart de Mysie? Et de l'impieteux Acrisse, Qui, à la fin sentit bien ta puissance Bien que puny d'une tarde vengeance? C'est toy qui flechis les rivieres, Et les mers tant soyent elles fieres, Toy fainct, toy grand, tu romps en deux Les rochers vineux, Et tu fais hors de leurs veines Tressauter à val les fonteines Douces de Nectar. & des Houx Tu fais suinter le miel doux. Iach ïach Euoé, Euoé iach iach.

Le Coutre en voute doublé
Te doit, & Ceres porteblé,
Les loys te doyuent, & les villes,
Et les polices Ciuiles,
La liberté qui ayme mieux s'ofrir
A la mort, qu'un Tyran foufrir,
Te doit, & te doit encore
L'honneur par qui les haux dieux on decore.
lach iach Euoé,
Euoé iach iach.

Par toy on aioute pareil, Le pouuoir, au conseil, Et les Mimalons arrachans Par les champs, Les veaux des tetins de leurs meres, Comme feres, D'un pié veillard vont rouant Autour de Rhodope iouant. Iach ïach Euoé, Euoé ïach ïach.

Mille cœurs de Poëtes divins, Mille Chantres, & Deuins, Fremissent à ton honneur:
Tu es à la vigne donneur
De sa grappe, & au pré
De son email diapré.
Les riues par toy fleurissent,
Les blés par toy se herissent,
O Alme Dieu,
En tout lieu
Tu rens compagnables
Les semances mal sortables.
lach ïach Euoé,
Euoé ïach ïach.

Tu repares d'une ieunesse,
La vieillesse
Des siecles suyans par le Monde,
Tu poises cette Masse ronde
O Daimon, & tu enserre'
L'eau tout au rond de la terre,
Et au milieu du grand air fortement
Tu pens la Terre iustement.
Iach ïach Euoé,
Euoé ïach ïach.

Par toy chargés de ton Neclar, Rempans auec toy dans ton char, Nous conceuons des cieux Les segrés precieux, Et bien que ne soyons qu'hommes, Par toy Demidieux nous sommes. lach iach Euoé. Euoé iach iach. le te salue ô Lychnite, le te salue ô l'elite Des Dieux, & le Pere A qui ce tout obtempere. Dextre vien à ceux Qui ne sont point paresseux De renouueler tes mysteres, Ameine les doubles Meres Des Amours, & vien, Euien, Oeillader tes bons amis, Auecq ta compaigne Themis Enclose des anciennes Nymfes Coriciennes, Et reçoy, O Roy, Le Bouc rongeuigne

Euoé iach iach.
Vien dong, Pere, & me regarde,
D'un bon wil, & pren en garde
Moy ton poëte lödelle,
Et pour la gloire eternelle
De ma braue tragwdie
Reçoy ce www qu'humble ie te dedie.

Qui trepigne Sur ton autel Immortel. Iach ïach Euoé.

TRADVCTION

de quelques Epigrammes Grecz.

D'AVTOMEDON.

(Texte de 1573; retranché en 1578.)

L'homme vne fois marié,
Qui lié
Se reuoit par mariage,
Par deux fois se vient ranger
Au danger,
Sauué du premier naufrage.

DE AMMIAN.

(Texte de 1573; retranché en 1578.)

Tu penses estre veu plus sage Pour porter grand barbe au visage: Et pource à l'entour de ta bouche Tu nourris vn grand chassemouche, Si tu m'en crois iette la bas, La grand'barbe n'engendre pas Les meurs, ni les Muses sçauantes, Mais des morpions & des lentes.

DE NICARCHE.

(Texte de 1553; retranché des recueils suivants.)

Quelcun voulant à Rodes nauiguer,
Ains qu'entreprendre vn si long nauigage
Pour s'enquerir s'il auroit bon voiage,
Il vint d'Olymp' le prestre interroguer,
Il luy respond, Monte dans vn vaisseau,
Qui soit tout vuide, & par l'hiuer ne pousse,
Mais en esté quand la saison est douce,
Hors de son port ton nauire sur l'eau.
Si tu parfais ce que ma voix t'aprend,
A Rode iras sur les stotz de Neptune
A seureté, i'enten si de fortune
Quelque Pirate en la mer ne te prend.

DE PALLADAS.

(Texte de 1573; retranché en 1578.)

O mere des flateurs, Richesse, Fille de soin & de tristesse, T'auoir est une grande peur Et ne t'auoir grande douleur.

DE NICARCHE.

(Texte de 1553; retranché des recueils suivants.)

Le pet qui ne peut sortir A maintz la mort fait sentir, Et le pet de son chant donne La vie à mainte personne. Si donc vn pet est si fort Qu'il sauue, ou donne la mort, D'vn pet la force est egale A la puissance royale.

DE LVCIL.

(Texte de 1573; retranché en 1578.)

Ayant tel crochet de naseaux Fuy les fonteines & les eaux, Et ne te mires en leur bord: Si ton visage tu mirois, Comme Narcisse tu mourrois, Te haissant iusqu'à la mort.

DE PALLADAS.

(Texte de 1573; retranché en 1578.)

Trop plus que la misere est meilleure l'enuie, Ceux qui sont enuiez ont vne heureuse vie : On a touiours pitié de ces pauures chetifs. Puisse-ie n'estre & Dieux, des grands ni des petits, « La mediocrité fait la personne heureuse : « Le haut degré d'honneur est chose dangereuse, « Et le trop bas estat traine ordinairement « Pour la suite vne injure & vn mesprisement.

SONET.

(Texte de 1553; retranché des recueils suivants.)

Lance au bout d'or qui sais & poindre & oindre, De qui iamais la roideur ne defaut, Quand en camp clos bras à bras il me faut Toutes les nuis au dous combat me ioindre. Lance vraiment qui ne fus iamais moindre
A ton dernier qu'à ton premier affaut,
De qui le bout brauement dressé haut
Est touiours prest de choquer & de poindre.
Sans toi le Monde vn Chaos se feroit,
Nature manque inabille seroit
Sans tes combas d'acomplir ses offices:
Dong, si tu es l'instrument de bon heur
Par qui lon vit, combien à ton honneur
Doit on de vœus, combien de sacrifices?

L.M.F.

(Texte de 1553; retranché des recueils suivants.)

Ie te salue o vermeillette fante,
Qui viuement entre ces flancs reluis:
Ie te salue o bienheuré pertuis,
Qui rens ma vie heureusement contante.
C'est toi qui fais, que plus ne me tourmante
L'archer volant, qui causoit mes ennuis.
T'aiant tenu seulement quatre nuis
Ie sen sa force en moi desia plus lente.
O petit trou, trou mignard, trou velu
D'vn poil folet mollement crespelu,
Qui à ton gré domtes les plus rebelles,
Tous vers galans deuoient pour t'honorer
A beaus genous te venir adorer
Tenans au poin leurs stambantes chandelles.





LES AMOVRS

de P. de Ronsard, nouuellement augmentées par lui.

1553.

(Pour ce sonnet et le suivant, texte de 1572-73; retranché en 1578.)

l'ay cent fois espreuue les remedes d'Ouide,
Cent fois ie les espreuue encore tous les iours,
Pour voir si ie pourray de mes vieilles amours,
Qui trop m'ardent le cœur, auoir l'estomach vuide.
Mais cét amadoüeur, qui me tient à la bride,
Me voyant aprocher du lieu de mon secours,
Maugré moy tout soudain fait vanoyer mon cours
Et d'où ie vins mal sain, malade il me reguide.
Hà, Poëte Romain, il te sut bien aysé,
Quand d'une courtizane on se voit embrasé,
Donner quelque remede, asin qu'on s'en depestre:
Mais l'homme accort qui voit les yeux de mon Soleil,
Qui n'a de chasteté au monde son pareil,
Tant plus il est esclaue & tant plus le veut estre.

A ton frere Paris tu sembles en beauté, A ta sœur Polyxene en chaste conscience, A ton frere Helenin en prophete science, A ton pariure ayeul en peu de loyauté, A ton pere Priam en braue royauté,
Au vieillard Antenor en mieleuse eloquence,
A ta tante Antigone en superbe arrogance,
A ton grand frere Hector en siere cruauté.
Neptune n'assit onc une pierre si dure
Dedans le mur Troyen, que toy pour qui i'endure
Vn million de mors: ny Vlysse veinqueur
N'emplit tant llion de feux, de cris, & d'armes,
De soupirs, & de pleurs, que tu combles mon cœur
Sans l'auoir merité, de sanglos & de larmes.

Sur les Erreurs amoureuses de Ponthus de Tyard Masconnois.

(Texte de 1578; retranché en 1584.)

De tes Erreurs l'erreur industrieuse,
Qui de la mort ne doute point l'assaut,
Errant de Thule au Bactre le plus chaut
Se fera voir des ans victorieuse.
Heureuse erreur, douce manie heureuse,
Où la raison errante ne defaut,
Seule tu erre' en t'esgarant si haut
Au droit chemin de l'erreur amoureuse.
L'Astre besson qui ton cœur offença,
De ses rayons iusqu'au Ciel t'eslança,
Où ton erreur des siennes sut attainte:
Puis retombant par les spheres à bas,
Pour contre-errer tu fais errer mes pas
Apres l'erreur de ton erreur si sainte.





LE CINQIEME DES ODES

de P. de Ronsard, augmenté.

1553.

SONET

à Guillaume des Autelz Charrolois.

(Texte de 1553; retranché en 1560.)

Sur vn autel sacré, ie veus sacrer ton lôs Mon deuot des Autelz, lôs que la France honore Fameuse par tes vers, de Thule iusque au More: More, qui tout le ciel assure de son dôs.

Puisse touiours la mer au choquer de ses stôs Faire bruire ton nom, puisse le vent encore L'aler soussant par tout, du riuage Hyperbore Iusques à l'autre riue, où le iour est éclôs.

Car c'est toi, brauement qui n'as point eu de creinte Hardi, d'aler à Thebe' & d'épuiser l'eau sainte, Dont Dirce sit iadis son Pindare inmortel:

Aussi ta même ardeur en même flôt humée, N'enflame moins que lui, ça bas, ta renommée, Ne moins que slame au ciel ton signe de l'Autel.

EPITAPHE DE IAN MARTIN.

(Texte de 1573; retranché en 1578.)

Entreparleurs,

Le Chemineur, & le Genie.

Le Chemineur.

Tandis qu'à tes edifices
Tu faisois des frontispices,
Des termes, des chapiteaux:
Ta truële, & tes marteaux,
N'ont sceu de ta destinée
Rompre l'heure terminée.

Le Genie.

Qui es-tu qui de mes os Troubles ainsî le repos? « Pauure sot, ne sçais-tu comme

« La mort ne pardonne à l'homme,

« Et que mesme le trespas

« Les grands Rois n'euitent pas?

Le Chemineur.

Quoy? ceux qui par la science D'vne longue experience Et d'vn soin ingenieux Ont vagué par tous les cieux, Ont les estoilles nombrées, Et d'vn nom propre nommées, Ont d'vn oser plus qu'humain Cherché Dieu iusques au sein, Meurent-ils? la Parque noire Dans Styx les fait-elle boire?

Le Genie.

Aussi bien que moy Platon
Sentit la loy de Pluton,
Et par sa philosophie
Ne sceut alonger sa vie,
Combien qu'il eust espluché
Tous les cieux, & recherché
Les secrets de la Nature,
Et qu'il n'eust à la mort dure
Rien concedé que les os,
Et la peau qui tient enclos
Le fardeau qui l'ame charge:
Mais d'AEac la cruche large
Hocha son nom aussi bien
Comme elle a hoché le mien.

Le Chemineur.

le pensois ô bon Genie,
Que la mort eut seigneurie
Sur ceux qui vont seulement
Par la mer auarement:
Et sur ceux qui pour aquerre
De l'honneur vont à la guerre:
Non sur les hommes qui sont
Philosophes, & qui vont
Retraçant les pas de celles
Qu'on nomme les neuf pucelles:
Et quoy, ne peut le sçauoir
Cette Parque deceuoir?

Le Genie.

« Il faut mourir, & le sage

« N'obtient non plus d'auantage

« Que le fol : ieunes & vieux,

« Et pauures, & fils des Dieux

« Marchent tous par mesme sente

« Au throne de Rhadamante.

Là, sans chois, le laboureur S'acoste d'vn Empereur:
Car la maison infernale
A tous venans est egale:
Et peut estre ce-pendant
Que tu me vas demandant
Responce de ta requeste,
Que la mort guigne ta teste,
Et que sa cruelle main
Tranche ton filet humain.

Le Chemineur.

Mais ie te pry (di-moy) Ombre, Es-tu là bas, ou sous l'ombre
Des beaux myrthes ombrageux,
Ou dedans le lac fangeux
Qui de bourbeuse couronne
Neuf fois l'enfer enuironne?
Ou bien si tu es là haut
Entre ceux où point ne faut
La lumiere, & où la glace,
Et le chaut n'a point de place?
Ombre, ie te pry di-moy,
Di-moy que c'est que de toy?

Le Genie.

Ton prier n'est raisonnable. Car il n'est pas conuenable A toy de t'en enquester, Ni à moy de t'en conter : Tandis que tu es en vie, Pour Dieu, Passant, n'aye envie De sçauoir que fait çà bas L'esprit apres le trespas : Et ne trouble les genies Des personnes seuelies : « Mais croy par foy seulement « (Sans en douter nullement) « Oue les ames des fidelles « Viuent touiours eternelles. « Et que la Parque n'a lieu « Dessus les esteus de Dieu.

Le Chemineur.

Bonne ame! que tu merites (Pour tant de raisons bien dites)
Sur ta tombe de lauriers,
De pampres, & d'oliuiers!
Reçoy donc ces belles roses,
Ges lis, & ces steurs decloses,
Ce laict, & ce vin nouueau
Que i'espen sus ton tombeau.

Le Genie.

le ne veux de telles choses, Serre tes liz, & tes roses, Et n'espen sur mon tombeau Ton laiet, ni ton vin nouueau. Mais bien nostre Seigneur prie, Que mon esprit il alie Au troupeau qu'il a fait franc Par la rançon de son sang. Apres fais autre priere Que la terre soit legere A mes os, & qu'vn sorcier Ne me vienne destier Iamais du clos de ma pierre: Trois sois couure moy de terre, Puis va-t'en à ton plaisir, Et me laisse en paix gestre.





LE BOCAGE

de P. de Ronsard, Vandomoys.

1554.

[N. B. — Les cinq pièces suivantes n'ont paru que dans l'édition princeps et dans sa réimpression textuelle de 1557 (Rouen, Nic. le Rous); retranchées en 1560.]

ODE.

Toutes les fleurs espanouyes Dont le chef ie me suis orné, Au vent se sont éuanouyes: Et tout le bien que i'ay donné Par ma bouche, à mon ingrat ventre S'est en rien laissé consumer, Comme un tresor noyé, qui entre Au fond d'un gouffre de la mer. Mais la leçon, que par l'oüye La muse m'a mise au cerueau, Ne s'est perdue éuanouye, Comme vne fleur du renouueau: Car tous les iours elle foisonne En fruict qui n'a point son egal, Tesmoing ce liure que ie donne Pour un present à mon Paschal.

Quelcun trouuera bien estrange, Et ridera son front, dequoi l'heure Paschal d'une louange Dont heureux le tiendroit un Roi: Mais moi contant, qui ne mandie Des Rois ni biensfaictz ni honneurs, Aux sçauans mes vers ie dedie Plus volentiers qu'aux grans Seigneurs. Car leur faueur n'est perdurable, Et leurs biensfaicts sont inconstans: Mais la science venerable Dure pour iamais, ou long tems. Puis i'espere qu'en recompense, Paschal me fera quelquesfois Immortel par son éloquence, Qui vault mieux que le bien des Rois.

VOEV D'VN CHEMINEVR A VNE FONTAINE.

Pour m'estre dedans ton onde, Fonteine, desalteré
Or' que le chien aitheré
De soif tourmente le monde,
l'eleue à tes bors champestres
En trosée, pour guerdon
Et ma gourde, & mon bourdon,
Ma panetiere, & mes guestres.

D'VN VANEVR DE BLÉ AV VENT ZEFIRE.

Durant l'Esté que i'ahanne A mon fourment que ie vanne Ça & là sur mes genous, Pour m'auoir, Zesire dous, Euenté de tes deus ailes
Et le sein & les esselles,
Qui me faisoient mal au cœur
De leur bouquineuse odeur:
A toi Zestre, à ta Flore,
Et à ta compagne Clore,
En recompense i'apen
Mon steau, ma fourche, & mon van.

D'VN PASTEVR AV DIEV PAN.

De ma brebis ecorchée,
Morte entre les dens du lou,
A toi i'apen à ce clou
La dépouille pour trofée.
O Dieu Pan, si quelque grace
T'emeut en lieu de ceci,
Donne m'en cet an icy
Vn cent d'autres en sa place.

D'VNE COVRTIZANNE A VENVS.

Si ie puis ma ieunesse folle
Hantant les bordeaus, garentir
De ne pouuoir iamais sentir
Ne poulains, chancre, ne verole,
O Venus, de Bacus compaigne,
A toi ie promets en mes væus
Mon éponge, & mes faus cheueus
Mon fard, mon miroer, & mon paigne.

ODE.

(Texte de 1573; retranché en 1578.)

Si tost, ma doucette Isabeau, Que l'Aube à tes yeux ressemblable Aura chassé dehors l'étable Parmi les champs nostre troupeau : Au marché porter il me fault (Ma mere lanne m'y enuoye) Nostre grand cochon, & nostre oye Qui le matin crioit si haut. Tu veux que i'achete pour toy Vne ceinture verdelette, Et vne bague ioliette Pour en orner ton petit doy. Tu veux l'épingler de velous, Et une hourse toute telle Qu'a Toinon, la sœur de Michelle Qui vient aux champs auecque nous. Bien, à mon retour du marché Tu les auras, pourueu, bergere, Qu'au premier somme de ta mere, Quand le mastin sera couché, Tu viennes querir tes presens Desfous la coudre où ie t'atens, Tu sçais où elle est mignonnette: Mais vien, mon cœur, toute seulette.

EPITAPHE DE FRANÇOIS RABELAIS.

(Texte de 1573; retranché en 1,78.)

Si d'un mort qui pourri repose
Nature engendre quelque chose,
Et si la generation
Est faite de corruption:
Vne vigne prendra naissance
De l'estomac & de la pance
Du bon Rabelais, qui boiuoit
Touiours ce pendant qu'il viuoit.
Car d'un seul trait sa grande gueule
Eust plus beu de vin toute seule
(L'epuisant du nez en deux cous)
Qu'un porc ne hume de lait dous,
Qu'Iris de steuues, ne qu'encore
De vagues le riuage more.

lamais le Soleil ne l'a veu
Tant fust-il matin, qu'il n'eust beu,
Et iamais au soir la nuit noire
Tant fust tard, ne l'a veu sans boire.
Car alteré, sans nul seiour
Le gallant boivoit nuit & iour.

Mais quand l'ardente Canicule
Ramenoit la faifon qui brule,
Demi-nus se troussoit les bras,
Et se couchoit tout plat à bas
Sur la ionchée entre les tasses:
Et parmi des escuelles grasses
Sans nulle honte se touillant,
Alloit dans le vin barbouillant
Comme vne grenouille en la fange:
Puis yure chantoit la louange

De son ami le bon Bacchus, Comme sous luy furent vaincus Les Thebains, & comme sa mere Trop chaudement receut son pere, Qui en lieu de faire cela Las! toute viue la brula.

Il chantoit la grande massue,
Et la iument de Gargantue,
Le grand Panurge, & le païs
Des Papimanes ébaïs,
Leurs loix, leurs façons & demeures,
Et frere lean des Antoumeures,
Et d'Episteme les combas:
Mais la mort qui ne boiuoit pas
Tira le beuueur de ce monde,
Et ores le fait boire en l'onde
Qui fuit trouble dans le giron
Du large steuue d'Acheron.

Or toy quiconques sois qui passes Sur sa fosse répen des taces, Répen du bril, & des stacons, Des ceruelas, & des iambons: Car si encor dessous la lame Quelque sentiment a son ame, Il les aime mieus que des lis Tant soyent ils fraichement cueillis.

EPITAPHE DE HVGVES SALEL.

(Texte de 1573; retranché en 1578.)

Les rochers Capharez (où l'embuche traistresse De Nauple sit noyer la stotte donteresse Du mur Neptunien, quand l'ireuse Pallas Destourna son courroux d'Ilion sus Aias) Te deuoyent faire sage, & te deuoyent aprendre, Salel, à plus n'oser le sang Troyen espandre, Et ne rensanglanter tes vers au sang des fils De tant de puissans Dieux à Troye desconsits.

Non pour autre raison aueuglé fut Homere, Que pour auoir de neus restraichy la misere Des malheureux Troyens, & pour auoir encor Par ses vers retrainé la charongne d'Hector: Pour auoir renauré la molle Cyprienne, Pour auoir ressouillé la poudre Phrygienne Au sang de Sarpedon, & pour auoir laissé Encor Mars ressaigner de sa plume blessé.

A toy, ainsi qu'à luy les Dieux ont eu enuie, Qui sauorisoyent Troye, & t'ont coupé la vie Au milieu de tes ans, de peur qu'vne autre-sois Hestor ne sust r'occis par les vers d'vn François.

Mais bien que mort tu sois au plus verd de ton áge, Si as-tu pour confort gaigné cet auantage
D'estre mort riche poete, & d'auoir par labeur
Le premier d'un grand Roy merité la faueur,
Qui chassa loin de toy la pauureté moleste
A la troupe des Sœurs, dont la race celeste
Peu leur sert auiourd'huy, que cliquetans des dens,
Que d'un palle estomac assamé par desans,
Que d'un œil ensoncé, que toutes desolées
De faim, parmy les bois n'errent escheuelées.

François le premier Roy des vertus, & du nom, Prenant à gré d'ouir l'Atride Agamemnon
Parler en son langage, & par toy les gensdarmes
De Priam son ayeul, faire bruire leurs armes
D'vn murmure François: Prince sur tous humain
Te fit sentir les biens de sa Royale main,
Et le fit à bon droit, comme à l'vn de sa France
Qui des premiers tira nostre langue d'ensance,

Et de qui le sçauoir auoit bien merité
D'estre d'un si grand Roy si doucement traité.
Ainsi toy bien-heureux, si Poete heureux se treuue,
Plus dispos, & plus gay tu trauersas le steuue
Qui n'est point repassable, & t'en allas ioyeux
Rencontrer ton Homere és champs delicieux,
Où sur les bancs herbus ces vieux peres s'assistent,
Et sans soin, de l'amour parmy les steurs deuisent
Au giron de leur Dame: un se couche à l'enuers,
Sous un myrte esgaré, l'autre chante des vers,
L'un luitte sur le sable, & l'autre à l'escart saute
Et sait bondir la bale, où l'herbe est la moins haute.

Là Orphé habillé d'un long surpelis blanc Contre quelque laurier se reposant le flanc Tient sa lyre cornuë, & d'une douce aubade, En rond parmy les prez sait dancer la brigade.

Là les terres sans art portent de leur bon gré L'heureuse panacée, & le rosier pourpré Fleurit entre les lis, & sur les riues franches Naissent les beaux œillets, & les paqu'rettes blanches.

Là sans iamais cesser, iargonnent les oiseaux Ore dans un bocage, & ore pres des eaux, Et en toute saison auec Flore y souspire D'un souspir eternel le gratieux Zephire.

Là comme icy n'a lieu fortune ni destin,

Et le soir comme icy ne court vers le matin,

Le matin vers le soir, & comme icy la rage

D'acquerir des honneurs, ne ronge leur courage.

Là le bœuf laboureur d'vn col morne & lassé

Ne reporte au logis le coutre renuersé,

Et là le marinier d'auirons n'importune

Chargé de lingos d'or, l'eschine de Neptune:

Mais sans point trauailler touiours boiuent du ciel

Le nectar qui distille, & se paissent de miel.

Là bien-heureux Salel, (ayant à la nature
Payé ce que luy doit chacune creature)
Tu vis franc de la mort, & du cruel soucy
Tu te moques là bas, qui nous tormente icy:
Et moy chetif, ie vy! & ie traine ma vie
Entre mille douleurs, dont la bourrelle enuie
Me tormente à grand tort de pincemens cuisans,
Me faisant le iouët d'on tas de courtisans
Qui deschirent mon nom, & ma gloire naissante
(Dieux destournez ce mal!) par leur langue meschante:
Ah! France, ingrate France, & faut il receuoir
Tant de derisions pour faire son deuoir?

Enuoye de là bas (mon Salel) ie te prie,
Pour leur punition, quelque horrible Furie,
Qui d'un fouët retors de serpens furieux
Leur frape sans repos & la bouche & les yeux,
Et d'un long repentir leur tourne dedans l'ame
Icy mon innocence, & là le meschant blasme
Qu'ils commettent vers moy, & frayeur leur donnant
La nuit de mille horreurs les aille espoinçonnant.

Et toy Pere vangeur de la simple innocence, Si i'ay d'vn cœur deuot suiuy dez mon enfance Tes filles les neuf Sœurs, si ie suis coustumier Touiours mettre ton nom dans mes vers le premier: Tonne là haut pour moy, & dardant la tempeste Escarbouille en cent lieux le cerueau de leur teste, Signe de ta faueur, & ne laisse outrager Si miserablement les tiens sans les vanger.

EPITAFE DE IEHAN DE RONSARD, fon oncle.

(Texte de 1554 et de la réimpression rouennaise de 1557; retranché en 1560.)

Que sert aus hommes de suiuir Apollon, & les neuf pucelles, Et toute nuit pour les seruir Vser tant d'huille & de chandelles? Et le iour, bien loing separé Du peuple, ou dans les antres vuides, Ou dedans vn bois egaré Béer apres les Pierides? Puis qu'Apollon n'est assés fort, Ni sa pauure foiblette troupe, D'angarder que la fiere mort La vie à les mignons ne coupe? Toutesfois là bas, mon Ronfard, Vn bien pour confort te demeure, C'est qu'il faut soit tost ou soit tard Qu'vn chacun, ainsi que toi, meure.

A VN ROSSIGNOL.

ODE.

(Texte de 1578; retranché en 1584.)

Chantre Rossignol passager, Qui t'es encor venu loger Dedans ceste fresche ramée Sur ton espine accoustumée, Et qui nuich & iour de ta vois Assourdis les monts & les bois, Redoublant la vieille querelle De Terée, & de Philomele:

le te supplie (ainsi tousiours Puisses iouyr de tes amours) De dire à ma douce inhumaine, Au soir quand elle se promeine Icy pour ton nic espier, Que iamais ne faut se fier En la beauté ny en la grace Qui plus tost qu'vn songe se passe.

Dy luy que les plus belles fleurs En lanuier verdent leurs couleurs. Et quand le mois d'Auril arriue, Qu'ils reuestent leur beauté viue : Mais quand des filles le beau teint Par l'âge est une fois esteint, Dyluy que plus il ne retourne, Mais bien qu'en sa place seiourne Au haut du front ie ne sçay quoy De creux à coucher tout le doy: Et toute la face seichée Se fait comme une fleur touchée Du soc aigu: dy luy encor Qu'apres qu'elle aura changé l'or De ses blonds cheueux, & que l'âge Aura crespé son beau visage, Qu'en vain lors elle pleurera, Dequoy ieunette elle n'aura Prins les plaisirs qu'on ne peut prendre Quand la vieillesse nous vient rendre Si froids d'amours & si perclus, Que les plaisirs ne plaisent plus.

Mais Rossignol, que ne vient-elle Maintenant sur l'herbe nouuelle Auecque moy sous ce buisson? Au bruit de ta douce chanson le luy ferois sous la coudrette Sa couleur blanche vermeillette.

LA GRENOVILLE

A Remy Belleau.

(Texte de 1578; retranché en 1584.)

Nous t'estimons une Déesse,
Gente Grenouille, qui sans cesse
Au fonds des ruisselets herbeux
Te desalteres quand tu veux:
Et iamais la soif vehemente
Qui l'Esté les gorges tourmente
Du pauure peuple & des grands Rois,
Ne te tourmente: car tu bois
(Hé Dieu que ie porte d'enuie
Aux felicitez de ta vie!)
A gorge ouuerte sous les eaux
Comme la Royne des ruisseaux.

Quand tu es sur la riue herbue
Aux rais du Soleil estendue,
Que tu es aise, si vn beuf
Passe par là mourant de seuf:
Tu ensles contre la grand beste
Si fort les veines de la teste,
Et coaces d'vn si haut bruit,
Que de crainte le beuf s'enfuit,
Toy demeurant sur l'herbe espesse,

Des ondes la seule maistresse. En ton royaume le Serpent Te combat, mais il se repent Tout sus l'heure de t'auoir prise : Car tu luy tiens la teste mise

Si long temps au fond du ruisseau, Oue tu l'estouffes dessous l'eau.

Le Laboureur à ta venue loyeux de ton chant, te salue Comme profete du Printemps : Ores tu predis le beau temps, Ore la pluye, ore l'orage : Iamais ta bouche n'endommage Ny herbe, ny plante, ny fruit, Ny rien que la terre ait produit.

Tu vaus trop plus en Medecine Qu'herbe, qu'onguent, ny que racine : Et ton fiel en quelque saison Donne au malade guarison: Tu vaus contre le mal d'Hercule, Ton gosier les venins recule De ceux qu'empoisonner on veut : Ta langue charmeresse peut Faire conter à la pucelle Les propos que veut sçauoir d'elle Le ieune Amant qui la poursuit, La luy pendant au col de nuit.

Bref, que diray-ie plus? ta vie N'est comme la nostre asseruie A la langueur du temps malin: Car bien tost en l'eau tu prens fin : Et nous trainons noz destinées Quelquefois quatre vingts années,

Et cent années quelquefois,

Et tu ne dures que six mois Franche du temps, & de la peine A laquelle la gent humaine Est endettée dés le iour Qu'elle entre en ce commun seiour.

Mais le don de ne viure guiere Tu le dois à la finguliere Bonté du ciel, qui ne fait pas Tels dons à tous ceux d'icy bas.

LE FOVRMY,

A Remy Belleau.

(Texte de 1578; retranché en 1584.)

Puis que de moy tu as en don Et ma Grenouille & mon Freslon, Don bien petit, mais qui ne cede Aux biens qu'vn Monarque possede, le te ferois tort, mon Remy, Si vn autre auoit ce Fourmy.

Mais bon Dieu! que dira la France,
Qui tousiours m'a veu dés enfance
Sonner les Princes & les Rois,
Et maintenant que ie deurois
Ensler d'auantage ma veine,
Me voit quasi perdre l'haleine
M'amusant à ie ne sçay quoy
Indigne de toy & de moy?
Or si à Vergile on veut croire,
On n'acquiert pas petite gloire
A traiter bien vn œuure bas:
Aussi tousiours il ne faut pas

Que le bon menestrier accorde Tousiours vn chant sus vne corde, Et qui voudra bien plaire, il faut Ne chanter pas tousiours le haut.

Là donques ma petite Lyre, Sonne, & laisse à la France dire Cela que dire elle voudra: L'homme graue qui ne prendra Plaisir en si basse folie, Aille fueilleter la Delie.

Mais il est temps, mon cher Remy, De loüanger nostre Fourmy, Que l'ingenieuse Nature Aime sur toute creature, D'autant qu'il est caut à iuger Le futur, & grand mesnager Du bien qu'il recelle en reserue, A sin que l'Hyuer il luy serue, Ayant un prudent souuenir Que l'Hyuer doit bien tost venir, Et qu'on meurt de faim en vieillesse S'on ne trauaille en la ieunesse.

Mon Dieu! quand vn oft de Fourmis
Aux champs de bon matin s'est mis,
Qu'il fait bon voir par la campagne
Marcher ceste troupe compagne
Au labeur ententiuement!
L'vn apporte vn grain de froment,
Et l'autre cache dans sa gorge
Vn grain de seigle, ou vn grain d'orge:
L'autre qui voit son faix trop gros,
Ne le porte dessus le dos,
Mais d'une finesse ouveriere
Le traine du pied de derriere,

Dessus le deuant s'efforçant
Ainsi qu'vn crocheteur puissant
Qui se courbe l'eschine large
Sous la pesanteur de sa charge:
Puis d'vn long ordre s'en-reuont
Par vne sente estroite, & sont
Tremeiller la campagne toute
De noires ondes de leur route,
Allant porter à la maison
Le viure de leur garnison,
Qu'ils ont auec soigneuse peine
L'Esté conquis parmy la plaine.

L'un est commis pour receuoir Les plus chargez, l'autre pour voir Les paresseux qui rien n'amassent: Leurs republiques se compassent Par Loix, par Princes, & par Rois.

Apprenez d'eux, peuples François, D'estre mesnagers, & d'attendre L'heure qu'on doit le sien despendre, Et d'amasser d'art studieux Des biens à quand vous serez vieux. C'est pour cela que les Poëtes Asservent, Fourmis, que vous estes Les ancestres des Myrmidons Qui furent mesnagers tresbons, Et de ceux de l'Isle d'Aegine, Nous monstrans par telle origine Que les Myrmidons anciens Et les peuples Aegineens Estoient soigneux de leur affaire, Preuoyans l'heure necessaire, Et qu'ils gardoient auecq' grand soin Les biens acquis pour leur besoin.

L'Inde n'est point si precieuse Pour sa perle delicieuse, Que pour l'or que vous y trouuez: Les cornes qu'au chef vous auez, Sont des merueilles de l'Asie.

Nulle plaisante Poësie,
Ou soit des Grecs ingenieux,
Ou des Latins laborieux,
Sans vous ne fut iamais parfaite
Ny ne pourroit: car le Poète
N'embellist ses vers seulement
D'vn orage, ou d'vn tremblement
D'vne mer aux vents courroucée,
Ou de quelque foudre estancée:
Mais il embellist ses raisons
De dix mille comparaisons
Qu'il prend de vous, & des ouurages
Que vous faites en voz mesnages.

Nature à tous les animaux N'a pas fait des presens egaux: Car aux vns des piez elle donne, Aux autres des ailes ordonne: Mais à vous seuls donne des piez, Et des ailerons despliez Pour voler par le ciel grand erre, Et pour marcher dessus la terre.

Que diray plus? vous auisez Les vents que vous profetisez Plus d'un iour deuant leur venue: La Nature vous est cognue, Et toutes les saisons des cieux: Bref, vous estes de petits Dieux.

Or gentils Fourmis, ie vous prie Si vn iour Belleau tient s'amie A l'ombre de quelque Fouteau, Sous qui sera vostre troupeau, Ne piquez point la chair douillette De sa gentille mignonnette.

ODE.

(Texte de 1578; retranché en 1584.)

Corydon, verse sans sin
Dedans mon verre du vin,
Asin qu'endormir ie face
Vn procez qui me tirace
Le cœur & l'ame plus fort
Qu'vn mastin vn lieure mort.

Apres ce procez icy
Iamais peine ne soucy
Ne feront que ie me dueille:
Aussi bien vueille ou non vueille,
Sans faire icy long seiour
Il faut que ie meure vn iour.

Le long viure me desplaist:
Mal-heureux l'homme qui est
Accablé de la vieillesse:
Quand ie perdray la ieunesse,
le veux mourir tout soudain
Sans languir au lendemain.

Ce-pendant verse sans sin
Dedans mon verre du vin,
Asin qu'endormir ie sace
Vn procez qui me tirace
Le cœur & l'ame plus sort
Qu'vn mastin vn liéure mort.

A SA MAISTRESSE.

ODE.

(Texte de 1560; retranché en 1567.)

le t'ai offencée maistresse Esciemment, ie le confesse, le t'ai offencée, & ne puis Meriter pardon, tant ie suis Coupable d'une horrible faute. Hé Dieu du ciel, elle est si haute Qu'en mon peché ie ne puis voir Que le remors d'un desespoir. Helas pardonne, ie te prie, A ton serf qui merci te crie. Ouelle penitence veus-tu? Vn cœur tristement abatu Merite à bon droit, qu'on lui face Pour son humblesse quelque grace. Las! plus tu me pardonneras Plus d'honneur tu receueras. D'autant que ma faute incensée A plus ta grandeur offencée: Et que celuy va meritant Plus de louange en remettant Au coupable vne faute grande, Que d'absouldre vn qui ne demande Qu'vn pardon d'un petit peché Dont il n'estoit qu'on peu taché.

ODE.

(Texte de 1578; retranché en 1584.)

Hé! mon Dieu que ie te hay, Somme, Et non pour-autant qu'on te nomme Le froid simulacre des mors:
Mais pour-autant que quand ie dors, Par toy du penser m'est rauie L'ardeur qui me tenoit en vie: En dormant penser ie ne puis Au bien par qui viuant ie suis, Et sans lequel ie ne pourroye Estre vif, si ie n'y songeoye.

Pource ne me vien plus seiller L'œil, pour me faire sommeiller: Le veiller m'est plus agreable Que n'est ton dormir miserable, Qui du cœur la nuiet me soustrait Le penser qui viure me fait.

ODE.

(Texte de 1578; retranché en 1584.)

Laisse moy sommeiller, Amour!
Ne te sussisse, que de iour
Les yeux trop cruels de ma Dame
Me tourmentent le corps & l'ame,
Sans la nuics me vouloir ainsi
Tourmenter d'un nouueau souci,
Alors que ie deurois refaire
Dans le licst, la peine ordinaire
Que tout le iour ie sousser au cœur?
Helas! Amour plein de rigueur,

Cruel enfant, que veux-tu dire? Tousiours le vautour ne martire Le pauure cœur Promethean Sus le sommet Caucasean, Mais de nuiet recrosstre il le laisse, Afin qu'au matin s'en repaisse.

Mais tu me ronges iour & nuit, Et ton soin qui tousiours me suit, Ne veut que mon cœur se reface: Mais tousiours tousiours le tirace, Ainsi qu'vn acharné limier Tirace le corps d'vn sanglier.

Chacun dit que ie suis malade, Me voyant la couleur si fade Et le teint si morne & si blanc, Et dit-on vray: car ie n'ay sang En veine, ny force en artere: Aussi la nuiët ie ne digere, Et mon souper me reste cru Dans l'estomac d'amours recru.

Mais Amour, i'auray la vengeance De ta cruelle outrecuidance, Quittant ma vie : & si ie meurs, Ie seray franc de tes douleurs : Car rien ne peut ta tyrannie Sus vn corps qui n'a plus de vie.





LES MESLANGES

de P. de Ronsard.

1555.

ODELETTE A SA MAISTRESSE.

(Texte de 1555, réimprimé en 1557 (Rouen, Nic. le Rous); retranché en 1560.)

le veux aymer ardentement, Aussi veus-ie qu'egallement On m'ayme d'vne amour ardente :

Toute amitié froidement lente « Oui peut dissimuler son bien

« Ou taire son mal, ne vaut rien,

« Car faire en amours bonne mine,

« De n'aymer point, c'est le vray sine.

Les amans si frois en esté
Admirateurs de chasteté,
Et qui morfondus petrarquisent,
Sont touiours sots, car ils meprisent
Amour qui de sa nature est
Ardent & pront, & à qui plest
De faire qu'vne amitié dure
Quand elle tient de sa nature.

ODE.

(Texte de 1573; retranché en 1578.)

Mon petit Bouquet, mon mignon, Qui m'es plus fidel' compaignon Qu'Oreste ne sut à Pilade:
Tout le iour quand ie suis malade,
Mes valets qui pour leur deuoir,
Le soin de moy deuroient auoir,
Vont à leur plaisir par la vile,
Et ma vieille garde inutile
Apres auoir largement beu,
Ture, s'endort aupres du seu,
A l'heure qu'elle me deust dire
Des contes pour me faire rire.

Mais toy, petit bouquet, mais toy Ayant pitié de mon émoy Iamais le iour tu ne me laisses Seul compaignon de mes tristesses.

Que ne pui-ie autant que les Dieux? le t'enuoiroy là haut aux cieux Fait d'un bouquet un astre insigne, Et te metrois aupres du signe Que Bachus dans le ciel posa Quand Ariadne il espousa, Qui seule lamentoit sa perte Au pied d'une riue deserte.

SONNET.

(Texte de 1572-73; retranché en 1578.)

Celuy qui boit, comme a chanté Nicandre,
De l'Aconite, il a l'esprit troublé,
Tout ce qu'il voit luy semble estre doublé
Et sur ses yeux la nuit se vient espandre.
Celuy qui boit de l'amour de Cassandre,
Qui par ses yeux au cœur est écoulé,
Il perd raison, il deuient afolé,
Cent sois le iour la Parque le vient prendre.

Mais la chaux viue, ou la rouille, ou le vin, Ou l'or fondu, peuuent bien mettre fin Au mal cruel que l'Aconite donne: La mort sans plus a pouvoir de guarir Le cœur de ceux que ma dame empoisonne, Mais bien-heureux qui peut ainsi mourir.

SONNET.

(Texte de 1560; retranché en 1567.)

Que tu es, Ciceron, vn affetté menteur,
Qui dis qu'il n'y a mal sinon que l'infamie:
Si tu portois celui que me cause m'amie,
Pour le moins tu dirois que c'est quelque malheur.
le sen iournelement vn aigle sus mon cœur,
l'entens vn soing grifu, qui comme vne Furie
Me ronge impatient, puis tu veus que ie die
Abusé de tes mots, que mal n'est pas douleur.
Vous en disputerés ainsi que bon vous semble,
Vous Philosophes Grécs, & vous Romains ensemble,
Si esse que d'amour le trauail langoreus
Est douleur, quand vn œil l'encharne dedans l'ame:
Et que le deshonneur, la honte, & le dissame
N'est point de mal, au pris du tourment amoureus.

(Texte de 1578; retranché en 1584.)

Foudroye moy le corps, ainsi que Capanée, O pere Iupiter, & de ton seu cruel Esteins moy l'autre seu qu'Amour continuel Tousiours m'allume au cœur d'one slame obstinée. Il vault mieux, o grand Dieu, qu'vne seule iournée
Me despouille soudain de mon fardeau mortel,
Que de souffrir tousiours en l'ame un torment tel,
Que n'en souffre aux enfers l'ame la plus damnée.
Ou bien si tu ne veux, Pere, me foudroyer,
Donne le desespoir, qui me meine noyer,
M'élançant du sommet d'un rocher solitaire:
Puis qu'autrement par soin, par peine & par labeur,
Trahy de la raison, ie ne me puis dessaire
D'amour, qui maugré moy se campe dans mon cœur.

(Texte de 1572-73; retranché en 1578.)

Amour tu semble' au phalange qui point,
Luy de sa queuë, & toy de ta quadrelle,
De tous deux est la pointure mortelle,
Qui rempe au cœur, & si n'aparoit point.
Sans souffrir mal tu me conduis au point
De la mort dure, & si ne voy par quelle
Playe ie meurs, ny comme ta cruelle
Poison autour de mon ame se ioint.
Ceux qui se font saigner le pié dans l'eau,
Meurent sans mal, pour un crime nouueau
Fait à leur Roy, par traitreuse cautelle.
Ie meurs comme eux, voire & si ie n'ay fait
Encontre amour, ny traison, ny forfait,
Si trop aimer un crime ne s'appelle.

ODE.

(Texte de 1560; retranché en 1567.)
Tay toy, babillarde Arondelle,
Ou bien ie plumeray ton aile
Si ie t'empongne, ou d'un couteau

le te couperay la languette,
Qui matin sans repos caquette
Et m'estourdit tout le cerueau.
le te preste ma cheminée
Pour chanter toute la iournée,
De soir, de nuics, quand tu voudras:
Mais au matin ne me reueille,
Et ne m'oste quand ie sommeille
Ma Cassandre d'entre mes bras.

EPIGRAMME, A IVLIEN.

(Pour cette pièce et la Responce, texte de 1560; retranché en 1567.)

Touiours tu me préches, Iulien, Que ie ne parle que de boire, Et que ce n'est pas le moyen De m'aquerir ny biens, ny gloire: Mais répons, gentil glorieux, (le veux defendre mon afaire) Répons moy, ne vaut-il pas mieux En écrire, que de le faire?

RESPONCE DE IVLIEN.

Tu veux auecques ton bel art Du bon sophiste contrefaire: Il ne faudroit, gentil Ronsard, Ny en écrire, ny le faire.

CHANSON.

(Texte de 1572 - 73; retranché en 1578.)

Il me semble que la iournée Dure plus longue qu'une année, Ouand par malheur ie n'ay ce bien De voir la grand' beauté de celle Qui tient mon cœur, & (ans laquelle, Veisse-ie tout, ie ne voy rien. Quiconque fut iadis le sage, Qui dit que l'amoureux courage Vit de ce qu'il aime, il dit vray : Ailleurs viuant il ne peut être, Ny d'autre viande se paitre : I'en suis seur, i'en ay fait l'essay. Toussours l'amant vit en l'aimée : Pour cela mon ame afamée Ne se veut souler que d'amour: De l'amour elle est si friande, Que sans plus de telle viande Se veut repaitre nuit & iour. Si quelqu'on dit que ie m'abuse, Voye luy mesme la Meduse Qui d'un rocher m'a fait le cœur, Et l'ayant veuë, ie m'assure Qu'il sera fait sus la mesme heure Le compagnon de mon malheur. Car est-il homme que n'enchante La voix d'une Dame scauante, En fut-il Scythe en cruauté? Il n'est point de plus grand' magie Que la docte voix d'une amie, Quand elle est iointe à la beauté.

Or i'aime bien, ie le confesse, Et plus i'iray vers la vieillesse, Et plus constant i'aymeray mieux : Ie n'oubliray, fussay-ie en cendre, La douce amour de ma Cassandre, Qui loge mon cœur dans ses yeux. Adieu liberté ancienne, Comme chose qui n'est plus mienne, Adieu ma chere vie, adieu : Ta fuite ne me peut deplaire Puis que ma perte volontaire Se retreuue en vn si beau lieu. Chanson, va-t'en où ie t'adresse Dans la chambre de ma maistresse, Dy luy, baisant sa blanche main, Que pour en santé me remettre, Il ne luy faut sinon permettre Que tu te caches dans son sein.

ODE.

(Texte de 1578; retranché en 1584.)

Si tu me peux conter les fleurs
Du Printemps, & combien d'arene
La mer trouble de ses erreurs
Contre le bord d'Afrique amene:
Si tu me peux conter des cieux
Toutes les estoilles ardantes,
Et des vieux chesnes spacieux
Toutes les fueilles verdoyantes:
Si tu me peux conter l'ardeur
Des amans, & leur peine dure,
le te feray le seul conteur,
Magny, des amours que i'endure.

Conte d'un rang premierement Deux cens que ie pris en Touraine, De l'autre rang secondement Quatre cens que ie pris au Maine. Conte, mais gette pres à pres, Tous ceux d'Angers, & de la ville D'Amboise, & de Vendôme apres, Qui se montent plus de cent mille. Conte apres six cens à la fois Dont à Paris ie me vy prendre, Conte cent millions, qu'à Blois le pris dans les yeux de Cassandre. Quoy? tu fais les contes trop cours: Il semble que portes enuie Au grand nombre de mes amours, Conte les tous, ie te supplie. Mais non, il les vaut mieux oster : Car tu ne trouuerois en France Assez de gettons, pour conter D'amours vne telle abondance.

ODE.

(Texte de 1573; retranché en 1578.)

Pipé des ruses d'Amour,
Ie me promenois vn iour
Deuant l'huis de ma cruelle,
Et tant rebuté i'estois,
Qu'en iurant ie prometois
De ne rentrer plus chez elle.
Il sussit d'auoir esté
Neus ou dix ans arresté
Es cordes d'Amour, disoye,
Il saut m'en déueloper

Ou bien du tout les couper A fin que libre ie soye. Et pour-ce faire ie pris Vne dague que ie mis Bien auant dedans la lesse: Et son noud i'eusse brisé Si lors ie n'eusse auisé Deuant l'huis vne Déesse. Mais incontinent que i'eu Son dos garni d'aisles veu, Sa robe & sa contenance, Et son roquet retroussé, Incontinent ie pensé Que c'estoit Dame Esperance. le m'aproche, elle me prit Par la main dextre, & me dit:

Esperance.

Où vas-tu, pauure Poëte? Tu auras auec le temps Tout le bien que tu pretens, Et ce que ton cœur souhaite. Ta maistresse auoit raison De tenir quelque (aison Rigueur à ta longue peine : Elle le faisoit exprés, Pour au vray connoistre aprés Ton cour & ta foy certaine. Mais ores qu'elle scait bien Par seure espreuue, combien Ta loyale amitié dure : D'elle-mesme te prira, Et benigne guarira Le mal que ton cœur endure.

Ronfard.

Alors ie luy respondis: Hé qu'esse que tu me dis! Veux-tu rabuser ma vie? Apres me voir eschapé De celle qui m'a trompé, Veux-tu que ie m'y refie? Dix ans (ont que ie la suis, Et que pour elle ie suis Comme une personne morte: Mais en lieu de luy ployer Son orgueil, pour tout loyer le muse encor à sa porte. Non non, il vaut mieux mourir Tout d'un coup, que de perir En langueur par tant d'années : Ores ie veux de ma main Me tuer, pour voir soudain Toutes mes douleurs finées.

L'esperance.

Ah, qu'il te feroit bon voir
De tomber en desespoir,
Quand l'Esperance te guide:
Laisse laisse ton esmoy,
Laisse ta dague, & suy-moy
Là haut chez ton homicide.

Disant ces mots ie suiuy
Ses pas, tant que ie me vy
Dans la chambre de Cassandre.
Tien, dist l'Esperance, tien:
Tout exprés icy ie vien
Pour ton sugitif te rendre.

Il t'a serui longuement, C'est raison que doucement Ses angoisses tu luy ostes : Il te faut bien le traiter. Craignant ce grand lupiter, Puis qu'il est l'un de tes hostes. A-tant elle s'estança Dans le ciel. & me laissa Seul en ta chambre, m'amie. Là, donque par amitié, Là, maistresse, pren pitié De ton hoste, qui te prie. Si i'ay quelque mal chez toy, Iupiter le iuste Roy Foudroyra ta chere teste: Car il garde ceux qui [ont Hostes, & tous ceux qui font En misere une requeste.





LES QVATRE PREMIERS

liures des Odes.

1555.

Au livre III.

ODE

A DIANE DE POITIERS, Duchesse de Valentinois.

(Texte de 1578; retranché en 1584.)

Quand ie voudrois celebrer ton renom, le ne dirois que Diane est ton nom, Car on seroit sans se trauailler guiere De ton seul nom vne lliade entiere: Mais recherchant tes honneurs de plus loin, le chanterois d'vn Pindarique soin Tes vieux ayeux valeureux en la guerre, Qui ont porté le Sceptre en mainte terre, Ensans de Rois, ou de Rois heritiers.

Ie chanterois le beau sang de Poitiers
Venu du Ciel, & la race divine
Que Remondin conceut en Meluzine.
Ie chanterois comme l'vn de leurs fils
Aux bords du Clain dormant, luy fut aduis
Que hors de l'eau le petit Dieu de l'onde
Iusques au col tiroit sa teste blonde,

L'amonestant d'aller en Dauphiné:
Et luy disoit, Enfant predestiné
Pour commander à plus haute riviere,
Laisse mes bords, cherche la rive siere
Du large Rhosne, & poursuy ton destin
Qui conduira ta voye à bonne sin:
Car ia le Ciel pour iamais à ta race
Aux bords du Rhosne a destiné la place.

Il luy conta quels Seigneurs & quels Rois Naistroient de luy, & en combien d'endrois Soit d'Italie, ou d'Espagne, ou de France, Tiendroient le Sceptre en longue obeyssance. Il luy chanta (es hoirs de point en point, Ceux qui mourroient, ceux qui ne mourroient point Ains que regner, & combien de Princesses Viendroient de luy, de Ducs & de Duchesses. Mais par-sur tous, ce fleuue luy chantoit D'une Diane, & iurant, promettoit Qu'ell' passeroit en chasteté Lucrece, Et en beauté ceste Helene de Grece : Qu'elle prendroit d'un seul trait de ses yeux Les cœurs rauis des hommes & des Dieux, Et qu'à iamais ses fameuses louanges Iroient volant par les terres estranges.

Disant ainsi le steuue deualla Son chef dans l'eau, & l'ensant s'en-alla Tout bouillonnant d'affection nouuelle D'estre l'ayeul d'une race si belle.

Ie chanterois encores ta bonté, Ton port diuin, ta grace, & ta beauté: Comme tousiours ta bien-heureuse vie A repoussé par sa vertu l'enuie:

Ie chanterois vers l'Eglise ta foy, Comme tu es la parente du Roy Qui te cherit comme une Dame sage, De bon conseil, & de gentil courage, Graue, benigne, aimant les bons espris, Et ne mettant les Muses à mespris. le chanterois d'Annet les edifices, Termes, piliers, chapiteaux, frontispices, Voutes, lambris, canelures, & non, Comme plusieurs, les fables de ton nom: Et te louant, ie chanterois peut estre Si hautement, que ce grand Roy mon maistre En ta faueur auroit l'ouurage à gré Qu'en vœu i'aurois à tes pieds consacré.




Au livre IV.

EPITAFE DE ROSE.

(Texte de 1560; retranché en 1567.)

Rose tant seulement icy
Ne gist seule dessous la lame,
Le trait d'amour y gist aussi,
Son carcois, son arc & sa stame:
Et les beaus cheueus que la Grace,
Et Venus s'arracherent, lors
Que Rose de viure trop lasse
Alla voir le fleuue des mors.
Verse donc, passant, mainte rose
Dessus la tumbe à plein panier:
Celle qui morte ici repose
Fleurissoit vne rose hier.





LES MESLANGES

de P. de Ronsard.

Seconde edition.

1555.

ODELETTE A IAN BRINON, ET A SA SIDERE.

(Texte de 1555; retranché en 1560.)

Au parauant i'auoy, Brinon, Orné mon liure de ton nom : Mais ores ie me delibere, Affin de doublement l'orner, De le partir, & d'en donner Vne partie à ta Sidere.

Car puis qu'Amour vous veut lier
Ensemble, il vous faut dedier
Mon liure à tous deus, ce me semble:
Ensemble doncques receuez
Mon liure, puis que vous n'auez
Qu'vn cors, & qu'vn esprit ensemble.

SVR LE TOMBEAV DE IAN BRINON. L'ombre parle.

(Texte de 1573; retranché en 1578.)

La mort m'a clôs dans ce tombeau, Qui fus en mon viuant plus beau

Que Narcisse, & parauanture, Passant, ébai tu seras, Quand de mon corps tu ne verras Vne fleur, sus ma sepulture. La terre qui presse à l'entour Mes os, ardans de mon amour, A laissé dans soymesme cuire Toute son humeur, & n'a peu, Comme seche de trop de feu, De mon corps une fleur produire. Or' dong', passant, arrose-la Et verse de-çà & delà Tes larmes sus elle, & peut estre Qu'elle arrosée de ton pleur, Soudain quelque nouuelle fleur Du corps de Brinon fera naistre.





CONTINUATION DES AMOURS

de P. de Ronsard Vandomois.

1555.

[N. B. — Pour deux des sonnets suivants, l'aurai tousionrs en vne bayne extrème et Pourtant si la maistresse, retranchés dès la deuxième édition parisienne de la Continuation des Amours (1557), nous donnons le texte de l'édition princeps, reproduit tel quel par l'édition rouennaise de 1557. Pour tous les autres, retranchés seulement en 1578, nous donnons le texte de 1572-73. — P. L.]

Marie, vous passez en taille, & en visage,
En grace, en ris, en yeux, en sein, & en teton,
Vostre plus ieune sœur, d'autant que le bouton
D'vn rosier franc surpasse vne Rose sauuage.

le ne sçaurois nier qu'vn rosier de bocage
Ne soit plaisant à l'œil, & qu'il ne sente bon:
Aussi ie ne dy pas que vostre sœur Annon
Ne soit belle, mais quoy! vous l'estes dauantage.

le sçay bien qu'apres vous elle a le premier pris,
Et que facilement on deuiendroit épris
De son ieune en-bon-point, si vous estiez absente.

Mais quand vous paroissez, lors sa beauté s'ensuit,
Ou morne elle deuient par la vostre presente,
Comme les astres sont, quand la lune reluit.

le ne suis seulement amoureux de Marie, Anne me tient aussi dans les liens d'Amour, Ore l'une me plait, ore l'autre à son tour: Ainsi Tibulle aimoit Nemessis & Delie. Vn loyal me dira que c'est vne folie
D'en aimer, inconstant, deux ou trois en vn iour,
Voire, & qu'il saudroit bien vn homme de seiour,
Pour, gaillard, satisfaire à vne seule amie.
le respons, Cherouurier, que ie suis amoureux,
Et non pas iouissant de ce bien doucereux,
Que tout amant souhaitte auoir à sa commande.
Quand à moy seulement ie leur baise la main,
Les yeux, le front, le col, les leures, & le sein,
Et rien que ces biens là, Cherouurier, ne demande.

Vous ne le voulez pas? & bien, i'en suis content, Contre vostre rigueur Dieu me doint patience, Deuant qu'il soit vingt ans i'en auray la vengence, Voyant ternir vos yeux qui me trauaillent tant.

On ne voit amoureux au monde si constant
Qui ne perdit le cœur, perdant sa recompence:
Quant à moy, si ne fut la longue experience,
Que i'ay de ma douleur, ie mourrois à l'instant.
Toutessois quand ie pense vn peu en mon courage
Que ie ne suis tout seul des femmes abusé,

Et que de plus acorts en ont receu dommage, le pardonne à moy-mesme, & m'ay pour excusé: Puis vous qui me trompez, en estes coustumiere, Et qui pis est sur toute en beauté la premiere.

Bien que vous surpassiez en grace & en richesse Celles de ce pays, & de toute autre part: Vous ne deuez pour tant, & fussiez-vous princesse, lamais vous repentir d'auoir aimé Ronsard C'est luy, Dame, qui peut auecque son bel art,

Vous afranchir des ans, & vous faire Déesse: Il vous promet ce bien, car rien de luy ne part, Qui ne soit bien poli, son siecle le confesse.

Vous me responderez, qu'il est un peu sourdaut, Et que c'est déplaisir en amour parler haut : Vous dites verité, mais vous celez apres, Que luy, pour vous ouyr, s'aproche à vostre oreille, Et qu'il baise à tous coups vostre bouche vermeille Au milieu des propos, d'autant qu'il en est pres.

Mon amy puisse aimer une semme de ville,
Belle, courtoise, honneste, & de doux entretien:
Mon haineux puisse aimer au village une fille,
Qui soit badine, sotte, & qui ne seache rien.
Tout ainsi qu'en amour le plus excellent bien
Est d'aimer une semme, & seauante, & gentille:
Aussi le plus grand mal à ceux qui aiment bien,
C'est d'aimer une semme indocte, & mal-habille.
Vne gentille Dame entendra de nature
Quel plaisir c'est d'aimer, l'autre n'en aura cure,
Se peignant un honneur dedans son esprit sot.
Vous l'aurez beau prescher, & dire qu'elle est belle:
Froide comme un rocher, vous entendra pres d'elle
Parler un iour entier, & ne respondra mot.

le croy que ie mourroy, si ce n'estoit la Muse
Qui deçà qui delà fidelle m'accompaigne,
Par bois, par champs, par eau, par taillis, par montaigne,
Et de ses beaux presens tous mes soucis abuse.
Si ie suis ennuyé ie n'ay point autre ruse
Pour me desennuyer, que Clion ma compaigne:
Si tost que ie l'inuoque elle ne me dédaigne
Me venir salüer, & iamais ne s'excuse.
Des presens des neuf sœurs soit en toute saison
Pleine toute ma chambre, & pleine ma maison,
Car la rouille iamais à leurs beaux dons ne touche.

Le Tin ne fleurist pas aux Abeilles si doux, Comme leurs beaux presens me sont doux à la bouche, Et dont les bons esprits ne surent iamais saouls.

Baif, il semble à voir tes rymes langoureuses, Que tu sois seul amant en France langoureux, Et que tes compagnons ne sont point amoureux, Mais déguisent leurs vers sous pleintes malheureuses.

Tu te trompes, Baïf, les peines doloreuses
D'amour autant que toy nous rendent doloreux,
Sans nous feindre vn tourment: mais tu es plus heureux
Que nous, à raconter tes peines amoureuses.

Quant à moy, si i'estois ta Francine chantée, le ne serois iamais de ton vers enchantée, Qui se feignant un dueil, se fait pleurer soy-mesme.

Non, celuy n'aime point, ou bien il aime peu, Qui peut donner par signe à connoistre son feu, Et qui peut raconter le quart de ce qu'il aime.

Hé que me sert, Pasquier, ceste belle verdure,
Oui rit parmy les prez, & d'ouir les oyseaux,
D'ouir en contre-val le gazouillis des eaux,
Et des vents printanniers le gracieux murmure?
Quand celle qui me blesse, & de mon mal n'a cure,
Est absente de moy, & pour croistre mes maux
Me cache la clarté de ses astres iumeaux,
De ses yeux, dont mon cœur prenoit sa nourriture.
Pasquier, i'aimeroy mieux, qu'il sust hyuer tousiours:
Car l'hyuer n'est si propre à nourrir les amours,
Comme est le renouueau, qui d'aimer me conuie,
Ainçois de me hayr, puis que ie n'ay pouuoir
En ce beau mois d'Auril entre mes bras d'auoir
Celle qui dans ses yeux tient ma mort & ma vie.

le ne sçaurois aimer autre que vous,
Non, Dame, non, ie ne sçaurois le faire:
Autre que vous ne me sçauroit complaire,
Et fust Venus descendue entre nous.
Vos yeux me sont si gracieux & dous,
Que d'vn seul clin ils me peuuent defaire,
D'vn autre clin tout soudain me refaire,
Me faisant viure ou mourir en deux coups.
Quand ie serois cinq cens mille ans en vie,
Autre que vous, ma mignonne m'amie,
Ne me feroit amoureux deuenir:
Il me faudroit refaire d'autres venes,
Les miennes sont de vostre amour si pleines,

Pour aimer trop vne fiere beauté,
le suis en peine, & si ne scaurois dire
D'où, ny comment, me suruint mon martyre,
Ny à quel ieu ie perdy liberté.
Si scay-ie bien que ie suis arresté
Au lacs d'Amour: & si ne m'en retire,
Ny ne voudrois, car plus mon mal empire
Et plus ie veux y estre mal traitté.
le ne dy pas, s'elle vouloit vn iour
Entre ses bras me garir de l'amour,
Que son vouloir bien à gré ie ne prinse.
Hé Dieu du ciel! hé qui ne le prendroit!
Quand sculement de son baiser, vn Prince,
Voire vn grand Dieu bien-heureux se tiendroit.

Qu'vn autre amour n'y scauroit plus tenir.

Dittes, maistresse, hé que vous ay-ie fait! Hé pourquoy las! m'estes vous si cruelle? Ay-ie failly de vous estre sidelle, Ay-ie enuers vous commis quelque forfait? Dittes, maistresse, hé que vous ay-ie fait!

Hé, pourquoy las! m'estes vous si cruelle!

Ay-ie failly de vous estre sidelle,

Ay-ie enuers vous commis quelque forsait?

Certes nenny, car plustost que de faire

Chose qui deust, tant soit peu, vous desplaire,
l'aimerois mieux le trespas encourir.

Mais ie vois bien que vous brustez d'enuie

De me tuer, faittes moy donc mourir

Puis qu'il vous plaist: car à vous est ma vie.

Plus que iamais ie veux aimer, maitresse,
Votre bel œil qui me detient rauy
Mon cœur chez luy, du iour que ie le vy,
Tel, qu'il sembloit celuy d'vne déesse.
C'est ce bel œil qui me paist de liesse,
Liesse, non, mais d'vn mal dont ie vy,
Mal, mais vn bien, qui m'a tousiours suiuy,
Me nourrissant de ioye. & de tristesse.
Desia deux ans euanouis se sont
Que vos beaux yeux en me riant, me sont
La playe au cœur, & si ne me soucie
Quand ie mourrois d'vn mal si gracieux:
Car rien ne part de vous ny de vos yeux
Qui ne me soit trop plus cher que la vie.

Ie vous enuoye vn bouquet, que ma main
Vient de trier de ces fleurs épanies,
Qui ne les eust à ce vespre cueillies,
Cheutes à terre elles fussent demain.
Cela vous soit vn exemple certain,
Que vos beautez, bien qu'elles soient fleuries,
En peu de tems cherront toutes fletries,
Et comme fleurs, periront tout soudain.

Le tems s'en va, le tems s'en va, ma Dame, Las! le tems non, mais nous nous en allons, Et tost serons estendus sous la lame: Et des amours, desquelles nous parlons, Quand serons morts, n'en sera plus nouuelle: Pour-ce aimez moy, cependant qu'estes belle.

Gentil Barbier, enfant de Podalyre,

le te suply, seigne bien ma maistresse,
Et qu'en ce mois, en seignant, elle laisse
Le sang gelé dont elle me martire.

Encore vn peu dans la palette tire
De ce sang froid, ains cette glace espesse,
Afin qu'apres en su place renaisse
Vn sang plus chaut qui de m'aimer l'inspire.

Ha! comme il sort, c'estoit ce sang si noir,
Que ie n'ay peu de mon chant émouuoir
En souspirant pour elle mainte année.

Ha! c'est assez, cesse, gentil Barbier,
Ha ie me pasme: & mon ame estonnée
S'euanouist, en voyant son meurtrier.

l'aurai tousiours en vne hayne extréme
Le soir, la chaire, & le lit odieus,
Où ie su pris, sans y penser, des yeus
Qui pour aimer me font hayr moi-mesme.
l'aurai tousiours le front pensis & bléme
Quand ie voirray ce bocage ennuieus,
Et ce iardin de mon aise enuieus,
Où i'auisay cette beauté supréme.
l'aurai touiours en haine plus que mort
Le mois de Mai, le lyerre, & le sort
Qu'elle écriuit sus vne verte feille:

l'auray tousiours cette lettre en horreur, Dont pour Adieu sa main tendre & vermeille Me feit present pour me l'empreindre au cœur.

Hé Dieu du ciel, ie n'eusse pas pensé
Qu'vn seul depart eust causé tant de peine!
le n'ay sur moy ners, ny tendon, ny veine,
Faïe, ny cœur qui n'en soit offensé.
Helas! ie suis à demy trespassé,
Ains du tout mort, las! ma douce inhumaine,
Auecques elle, en s'en allant, emmaine
Mon pauure cœur de ses beaux yeux blessé.
Que pleust à Dieu ne l'auoir iamais veuë!
Son œil si beau ne m'eust la stamme esmeuë,
Par qui me faut vn torment receuoir,
Tel, que ma main m'occiroit à cette heure,
Sans vn penser que i'ay de la reuoir,
Et ce penser garde que ie ne meure.

Belleau, ie suis tombé & dire ne te puis
De laquelle des deux plus amoureux ie suis,
Car i'en aime bien l'vne, & l'autre est bien m'amie.
Plus mon affection en amour est demie
Et plus cette moitié me consomme d'ennuis,
Car au lieu d'vne à part, deux au coup i'en poursuis
Et pour en aymer vne, vne autre ie n'oublie:

« Or tousiours l'amitié plus est enracinée,

D'une belle Marie, en une autre Marie,

« Plus long temps elle est ferme & plus est ostinée

« A souffrir de l'amour l'orage vehement.

« Hé! sçais-tu pas, Belleau, que deux ancres getées

« Quand les vents ont plus-fort les ondes agitées, « Tiennent mieux une nef, qu'une ancre (eulement? Quand ie serois vn Turc, vn Arabe, ou vn Scythe, Pauure, captif, malade, & d'honneur déuestu, Laid, vieillard, impotent, encor' ne deurois-tu Estre, comme tu es, enuers moy si dépite:

le suis bien asseuré que mon cœur ne merite D'aymer en si bon lieu, mais ta seule vertu Me force de ce faire, & plus ie suis batu De ta siere rigueur, plus ta beauté m'incite.

Si tu penses trouuer vn seruiteur qui soit Digne de ta beauté, ton penser te deçoit, Car vn Dieu (tant s'en saut vn homme) n'en est digne.

Si tu veux donc aymer, il faut changer de cœur: Ne sçais-tu que Venus (bien qu'elle fut diuine) ladis pour son amy choisit bien vn pasteur?

Dame, ie ne vous puis offrir à mon depart Sinon mon pauure cœur, prenez-le ie vous prie : Si vous ne le prenez, autre nouuelle amie (l'en iure par voz yeux) iamais n'y aura part.

Ie le sen desia bien, comme ioyeux il part Hors de mon estomach peu soigneux de ma vie, Pour vous aller seruir, & rien ne le conuie D'y aller (ce dit-il) que vostre doux regard.

Or si vous le chassez, ie ne veux qu'il reuienne Dedans mon estomach, en sa place ancienne, Comme celuy qui hait ce qui vous desplaira.

Il m'aura beau conter sa peine & son malaise, Car bien qu'il soit à moy, plus mien il ne sera, Pour ne voir rien chez moy (dame) qui vous desplaise.

Rossignol mon mignon, qui par ceste saulaye Vas seul de branche en branche à ton gré voletant, Et chantes à l'enuy de moy qui vay chantant Celle qui saut tousiours que dans la bouche i'aye: Nous souspirons tous deux, ta douce voix s'essaye
De sonner les amours d'une qui t'ayme tant,
Et moy triste ie vais la beauté regrettant
Qui m'a fait dans le cœur une si aigre playe.
Toutes-fois, Rossignol, nous disserons d'un poinct,
C'est que tu es aymé, & ie ne le suis point,
Bien que tous deux ayons les musiques pareilles:
Car tu stéchis t'amye au doux bruit de tes sons,
Mais la mienne qui prent à dépit mes chansons
Pour ne les escouter, se bouche les oreilles.

Pour-ce que tu sçais bien que ie t'ayme trop mieux,
Trop mieux dix mille fois que ie ne fais ma vie,
Que ie ne fais mon cœur, ma bouche, ny mes yeux,
Plus que le nom de mort, tu suis le nom d'amie.
Si ie faisois semblant de n'auoir point enuie
D'estre ton seruiteur, tu m'aymerois trop mieux,
Trop mieux dix mille fois que tu ne fais ta vie,
Que tu ne fais ton cœur, ta bouche, ny tes yeux.
C'est d'amour la coustume, alors que plus on aime
D'estre tousiours hay: ie le sçay par moy-mesme
Qui suis tousiours bany du meilleur de tes graces
Quand ie t'aime sur toute: helas, que doy-ie faire?
Si ie pensois guarir mon mal par son contraire

le te voudrois hayr afin que tu m'aimasses.

Quand ie vous dis Adieu, Dame, mon seul apuy,
En voz yeux ie laissay mon cœur pour sa demeure,
En gaige de ma foy : & si ay depuis l'heure
Fuyant le peuple & moy, tousiours vescu d'ennuy.
Mais pour Dieu ie vous pry me le rendre auiourd'huy
Que ie suis retourné, de peur que ie ne meure :
Ou bien que d'vn clin d'œil vostre beauté m'asseure
Que vous me donnerez le vostre en lieu de luy.

Las! donnez-le moy donc, & de l'ail faites signe
Que vostre cœur est mien & que vous n'auez rien
Qui ne soit fort ioyeux, vous laissant, de me suiure.
Ou bien si vous voyez que ie ne sois pas digne
D'auoir chez moy le vostre, au-moins rendez le mien,
Car sans auoir vn cœur ie ne scaurois plus viure.

Doncques pour trop aimer il faut que ie trépasse,

La mort de mon amour sera donc le loyer,

« L'homme est bien malheureux qui se veut employer

« De seruir & d'aimer d'une ingrate la grace :

Mais ie te pry' dy moy, que veux-tu que ie face?

Quelle preuue veux tu afin de te ployer?

Las! cruelle, veux-tu que ie m'aille noyer,

Ou, que de ma main propre (helas) ie me déface?

Es-tu quelque Busire, ou Cacus inhumain,

Pour te saouler ainsi du pauure sang humain?

Fiere, ne crains-tu point Nemessis la Deesse,

Qui te demandera mon sang versé à tort?

Ne crains-tu point des Sœurs la troupe vengeresse,

Qui puniront là bas ton crime apres la mort?

Ne me dy plus, Imbert, que ie chante d'Amour,

Ge traistre, ce méchant: comment pourroy-ie faire

Que mon esprit voulust louer son aduersaire,

Qui ne donne à ma peine vn moment de seiour!

S'il m'auoit fait, Imbert, seulement vn bon tour,

le l'en remercirois, mais il ne se veut plaire

Qu'à rengreger mon mal, & pour mieux me défaire,

Me met deuant les yeux ma Dame nuit & iour.

Bien que Tantale soit miserable là bas,

le le passe en malheur: car s'il ne mange pas

Le fruit qui pend sur luy, toutessois il le touche,

Et le baise, & s'en iouë: & moy bien que ie sois Aupres de mon plaisir, seulement de la bouche, Ny des mains tant soit peu, toucher ne l'oserois.

Dame, ie meurs pour vous, ie meurs pour vous, madame, Dame, ie meurs pour vous, & si ne vous en chaut, Ie sens pour vous au cœur vn brasier si treschaut, Que pour le refroidir, ie veux bien rendre l'ame.

Vous aurez pour iamais vn scandaleux disame
Si vous me meurdrissez sans vous faire vn defaut.
Ha que voulez vous dire? est-ce ainsi comme il faut Par vne cruauté vous honorer d'vn blasme?

Non, vous ne me pouez reprocher que ie sois
Vn effronté menteur, car mon teint & ma voix,
Et mon ches ia grison vous seruent d'asseurance,
Et mes yeux trop enstez, & mon cœur plein d'émoy.
Hé que feray-ie plus! puis que nulle credence
Il ne vous plait donner aux témoins de ma foy.

Il ne sera iamais, soit que ie viue en terre,
Soit qu'aux enfers ie sois, ou là haut dans les cieux,
Il ne sera iamais que ie n'aime trop mieux
Que myrthe, ou que laurier, la fueille de lierre.
Sus elle ceste main, qui tout le cœur me serre,
Trassa premierement de ses doigts gracieux
Les lettres de l'amour que me portoient ses yeux,
Et son cœur qui me fait vne si douce guerre.
lamais si belle sueille à la riue Cumée
Ne fut par la Sibylle en lettres imprimée
Pour bailler par écrit aux hommes leur destin,
Comme ma Dame a peint d'one espingle poignante
Mon sort sus le lierre: hé Dieu qu'amour est fin!
Est-il rien qu'en aimant vne Dame n'inuente?

A pas mornes & lents seulet ie me promene, Non-challant de moy-mesme, & quelque-part que i'aille Vn penser importun me liure la bataille, Et ma siere ennemie au deuant me ramene:

Penser! vn peu de treue, & permets que ma peine Se soulage vn petit, & tousiours ne me baille Argument de pleurer pour vne qui trauaille Sans relasche mon cœur, tant elle est inhumaine.

Or si tu ne le fais, ie te tromperay bien, le t'assure, penser, que tu perdras ta place Bien-tost, car ie mourray pour abatre ton sort:

Puis quand ie seray mort, plus ne sentiray rien (Tu m'auras beau naurer) que ta rigueur me sace, Ma dame, ny amour, car rien ne sent un mort.

Pourtant si ta maitresse est un petit putain,
Tu ne dois pour cela te courrousser contre elle.
Voudrois-tu bien hayr ton ami plus sidelle
Pour estre un peu iureur, ou trop haut à la main?
Il ne faut prendre ainsi tous pechés à dedain,
Quand la faute en pechant n'est pas continuelle:
Puis il faut endurer d'une maitresse belle
Qui confesse sa faute, & s'en repent soudain.
Tu me diras qu'honneste & gentille est t'amie,
Et ie te respondrai qu'honneste sut Cynthie
L'amie de Properce en vers ingenieus,

Et si ne laissa pas de saire amour diuerse: Endure donq, Ami, car tu ne vaus pas mieus Que Catulle valut, que Tibulle & Properce.

Ie veux lire en trois iours l'Iliade d'Homere, Et pour-ce, Corydon, ferme bien l'huis sur moy: Si rien me vient troubler, ie t'asseure ma soy Tu sentiras combien pesante est ma colere. Ie ne veux seulement que nostre chambriere
Vienne faire mon lit, ton compagnon, ny toy,
le veux trois iours entiers demeurer à requoy,
Pour follastrer apres vne sepmaine entiere.
Mais si quelqu'un venoit de la part de Cassandre,
Ouure luy tost la porte, & ne le fais attendre,
Soudain entre en ma chambre, & me vien acoustrer.
le veux tant seulement à luy seul me monstrer:
Au reste, si un Dieu vouloit pour moy descendre
Du ciel, ferme la porte, & ne le laisse entrer.

ODE.

(Texte de 1573; retranché en 1578.)

L'un dit la prinse des murailles De Thebe, & l'autre les batailles De Troye: mais i'ay entrepris De dire comme ie fus pris. Ni nef, pieton, ni Cheualier Ne m'ont foint rendu prisonnier. Qui donc a perdu ma franchise?

Ne m'ont point rendu prisonnier. Qui donc a perdu ma franchise? Vn nouueau scadron furieux D'amoureaux armé des beaux yeux De ma Dame, a causé ma prise.

Du Grec de d'Aurat.

(Texte de 1557, Paris; retranché en 1560.)

Celui qui veut sçauoir Combien de feu i'endure Dans le cœur, pour auoir Vne maitresse dure, Contemple de mon corps
La peau toute halée,
Sans couleur par dehors
Comme cendre brulée.
Et, m'aiant ainsi veu
Mon feu pourra comprendre:
Car la grandeur d'vn feu
Se cognoist à la cendre.

[Epigramme.]

(Texte de 1555; retranché en 1557, Paris.)

Vn pasteur m'auoit oubliée, Dans les pretz de Myron l'autr'hier, Qui par vengeance m'a liée Des quatre pieds sur ce pilier.





LES HYMNES

de

P. de Ronsard, Vandomois.

1555.

Vers heroïques.

(Texte de 1555; retranché en 1560.)

MON ODET, MON PRELAT, mon seigneur, mon confort, Mon renom, mon honneur, ma gloire, mon support, Ma Muse, mon Phebus, qui fais ma plume escrire, Qui animes ma langue, & reueilles ma Lyre, Et qui moins enuers moy ne te monstres humain, Oue feist enuers Maro ce Mecenas Romain: Pren, s'il te plaist, icy deux presens tout contraires, L'un que j'ofre pour toy, & l'autre pour tes Freres, C'est mon liure & ma vie, & tout ce que jamais Ma plume, en ta faueur, escrira desormais, Laquelle ne scauroit (bien qu'elle sceust parfaire Mille œuures en ton nom) à l'honneur satisfaire Que je reçois de toy, sans l'auoir merité: Et serois bien ingrat si la Posterité Ne cognoissoit d'Odet le nom tresuenerable, Et combien un Ronfard luy estoit redeuable, Publieur de son los qui jamais ne mourra.

Or' ma plume escrira tout ce qu'elle pourra, (Que la trouppe des Sœurs n'a jamais abusée) Puis, quand je la voiray, de te louer vsée, l'iray trouuer ton Frere ou François, ou Gaspar Au front d'une bataille, ou dessur un rampar: Et là, changeant ma plume en quelque grande Pique, Hardy, je me ruray dans la presse bellique Pour mourir vaillamment à leurs piedz estendu, Ayant d'un Coutelas le corps outre-sendu: Et si n'auray regret que ma vie s'en-aille Pour eux, soit que je meure au fort d'une bataille, Soit gardant une ville, au haut des bastillons, A sin que vis & mort je sois aux Chastillons.

LE TEMPLE DE MESSEIGNEVRS

le Connestable, & des Chastillons,
A tresillustre & Reuerend.
Odet Card. de Chastillon.

(Texte de 1573; retranché en 1578.)

le veux, mon Mecenas, te bastir à l'exemple
Des Romains & des Grecs, la merueille d'vn Temple,
Sur la riue où le Loing trainant sa petite eau,
Baigne de ses replis les pieds de ton chasteau.
Là, d'vn vœu solennel au milieu d'vne prée
le veux fonder les ieux d'vne feste sacrée,
Chommable tous les ans: & pendre le laurier,
Digne pris de celuy qui sera le premier
Publié le vainqueur (comme au lustre Olympique)
Soit de lutte, ou de course, ou de lance, ou de pique.

Tout le Temple sera basti de marbre blanc, Où, grauez en airain i'attacheray de rang Tes ayeux esleuez à l'entour des murailles, Qui tous auront escrit aux pieds de leurs medailles Leurs gestes & leurs noms, & les noms ennemis Des cheualiers qu'en guerre à mort ils auront mis. A part, vers la main dextre, appuyé sur sa lance Ton pere, qui iadis sut Mareschal de France, Sera viuant en marbre, & tellement le trait De sa face premiere au vif sera portrait, Qu'on luy reconnoistra viuement en la pierre La mesme audace au front, qu'il eut iadis en guerre.

Dans le milieu du Temple Anne Montmorency Sera portrait tout seul, mais portrait tout ainsi Qu'vn Mars est equippé, quand il arenge en armes Du long bout de sa pique vn peuple de gendarmes, Ou quand il pousse à-bas les murs d'vne cité, Contre les citoyens iustement irrité, Ou pource qu'ils n'ont pas aux pauures fait iustice, Ou qu'ils n'ont pas aux Dieux payé leur sacrifice.

Ainsi ce Connestable habillé comme un Dieu, Du Temple à luy sacré tiendra tout le milieu, Ayant le glaiue nud, tiré pour l'asseurance Des bons, & pour punir des vicieux l'offence. Tout à-l'entour de luy sus quatre pilliers blancs le feray cizeler ses gestes les plus grands, Et non-pas les petis : car qui voudroit deduire Tous ses faits vn-à-vn, on n'y pourroit suffire : Et le Temple occupé de ses faits d'armes seuls, N'auroit plus nulle espace à mettre ses nepueux.

Là pour seruir d'entrée à ses vertus premières
le peindray tout cela qu'il feit dedans Mezieres
Compagnon de Bayard, & tout cela qu'il fit,
Quand le grand Roy François le Souisse defit.
Là, les camps d'Artigny, & de Valenciennes
Seront peints, & les murs de Bethune, & d'Auannes,
Ceux de Mont, & d'Arras, lesquels il a cent fois
Espouuantez d'effroy, Lieutenant de noz Rois.
Là sera peint aussi le Pas estroit de Suse,
Où dix mille Espagnols se virent par sa ruse

Tuez, si qu'à vn seul il ne fut pas permis Retourner raconter la mort de ses amis.

Dessur l'autre pillier, viuement imprimée Se verra d'Auignon la furieuse armée, Dont il fut conducteur, auec tel iugement Qu'il chassa l'Empereur de France sagement: Et sans perdre les siens mit en fuite le reste Des Espagnols mattez de famine & de peste. Les cheuaux & les gens y seront si bien faits, Et les murs d'Auignon si au vis contresaits, Et luy si bien graué d'un visage semblable, Qu'on ne le dira seint, mais chose veritable.

Le Rhosne d'autrepart dedans ses eaux couché, Laschant la bride longue à son steuue espanché D'une cruche versée, ayant la dextre mise Au menton herissé d'une moustache grise, Et portant une rame en la senestre main, Et une grand' fontaine au milieu de son sein, Chantera sa louange, accordant sous les ondes A l'hymne triomphal des Nymphes vagabondes, Qui feront ses vertus deçà delà semer Aux vents par l'uniuers entrans dedans la mer, A sin qu'il n'y ait terre en ce monde, ni riue Où de Montmorency la victoire n'arriue.

Apres ie feray voir, compagnon de bon-heur D'auoir vaincu Cesar, le bien-fait & l'honneur Que sa vertu receut, quand il sut de Grand-maistre Erigé Connestable, & qu'il eut en la dextre Le sainct glaiue royal, honneur qui ne se fait Qu'à celuy qui par preuue aux armes est parfait, Comme est Montmorency: dont la sage vaillance A chasse plusieurs-fois les ennemis de France. Sur les autres pilliers se verront engrauez Les magnanimes saits par luy-mesme acheuez

Depuis huit ans passez, que Dieu mit la couronne Sur le chef de Henry, dont le renom fleuronne Sur tous les autres Rois, comme Roy nompareil, Pour croire de ton oncle au combat le conseil, Qui le sera bien-tost (s'il l'a tousiours pour guide) Vaincre le monde entier soumis dessous sa bride.

Pres de ce Connestable, une marche plus bas, le mettray le portrait de toy mon Mecenas, Mon honneur, mon support, qui fais que la lumiere Du iour, plus que deuant m'est plus douce & plus chere. le peindray sur ton chef un chapeau rougissant, Puis au-tour de ton col vn roquet blanchissant Sur l'esclat cramoisy d'une robe pourprée, De mainte belle histoire en cent lieux diaprée : Là, d'un art bien subtil i'ourdiray tout au-tour La Verité, la Foy, l'Esperance, & l'Amour, Et toutes les Vertus qui regnerent à l'heure Que Saturne faisoit au monde sa demeure. Sur cette robe apres sera portrait le front De Pinde, & d'Helicon, & de Cyrrhe le mont, Les antres The piens, & les sacrez riuages De Pimple, & de Parnasse, & les diuins bocages D'Ascre, & de Libetrie, & de Heme le val, Et Phebus qui conduit des neuf Muses le bal: Les Muses y seront elles-mesmes empraintes, Que ta vertu garda, lors qu'ell's estoyent contraintes La France abandonner, ne prenant à dedain Quand plus on les moquoit, de leur tendre la main, Caressant leur present : voire & de leur promettre (O nouvelle bonté!) quelque-fois de les mettre En paisible repos, pour les faire chanter le ne sçay quoy de grand qui te doit contenter.

A ton dextre costé ie veux faire portraire Sus un terme doré, nostre Amiral, ton frere,

Nostre François Neptune, ayant le mesme port, Et le front de celuy qui la mer eut en sort ; le le peindray dessus une coche emaillée De bleu, que trois daulphins à l'échine escaillée Traineront sous le ioug, & Glauque qui fera Semblant de les brider, tout bien peint y sera : Il tiendra dans la dextre un trident venerable, Dedans la gauche main une hache effroyable : Il regira de l'un les vagues de la mer, Et de l'autre il fera semblant de faire armer Noz escadrons François, soit pour donner bataille, Soit pour gaigner d'affaut quelque forte muraille : Il aura sur le chef un morrion graué, Et sur le morrion un panache esteué, Qui par ondes ioura le long de son échine, Et dessus le panache il aura peint un cygne, Tel qu'on le voit errer par les prez Asiens Paissant les doux replis des bords Meandriens.

Au sommet du pillier, au milieu d'une frize Pour trophée pendra mainte nauire prise, Maint corselet captis, maints dards, & maints escus Es batailles conquis, despouilles des vaincus.

Apres tout à-l'entour de la mesme colonne
S'esleuera le camp, & les forts de Boulongne,
Et luy, qui ne fera que commencer encor
A friser son menton d'un petit crespe d'or,
Valleureux, chassera les Angloises cohortes
Peste-meste à monceaux tombantes dans leurs portes
Pales de froide peur, qui courra par leurs os
Le voyant ia desia tout courbé sur leurs dos
Branler sa longue creste, & sa pique homicide,
De la mesme façon qu'Achille Peleide
Chassoit sous Ilion les Troyens qui trembloyent,
Et l'un sus l'autre à soule en leurs portes tomboyent

De voir pres de leur dos l'ombre de son panache, Et d'ouir parmy l'air sisser sa grande hache.

Ainsi les ennemis fuiront deuant sa main:

Le sang des Anglois morts fera rougir le sein

De Thetis, & leur corps chargera la campagne.

Apres sera pourtrait tout le camp d'Allemagne,

Chimets, & Rodemarc, Mommedy, Danuillier,

Hedin, Yuoy, Dinant, où il su le premier

Des soldats à l'assaut, prodigue de sa vie:

Pour monstrer par effect combien il a d'enuie

De seruir nostre Roy, & luy faire sçauoir

Qu'vn plus vaillant que luy la France ne peut voir.

Apres de la grand mer, & des ondes liquides L'image sera peinte, & des sœurs Nereides, D'Inon, & des Tritons, qui bruiront ses vertus Tout-au-sommet de l'eau dans leurs cornets tortus, Flottans demy-poissons: à celle-sin que l'onde Soit pleine de son loz, aussi bien que le monde, Et que la renommée espandue en tous lieux Auecque sa trompette en remplisse les cieux.

Suyuant ce mesme ranc sera la portraiture De ton frere second, mais une nue obscure Couurira tout le haut de son armet cresté, Pour le signe fatal de sa captiuité. Si sera-il pourtant l'un des Dieux de mon Temple, Bien qu'il soit prisonnier, en imitant l'exemple Des plus grands Dieux du ciel, qui se virent bien mis Quelque-fois és prisons des Geans ennemis.

Hercule fut-il pas l'esclaue d'Eurysthée?
Et non-obstant apres sa puissance indontée
L'assit entre les Dieux, bien qu'il eut mille-sois
Senti de ce tyran les outrageuses loix:
Et toy, qui les soldats à la bataille guides,
Mars, ne fus-tu captif des freres Aloides?

Et toy grand Iupiter, n'as tu pas quelque temps
Esté le prisonnier des superbes Titans?
Et toutessois apres ta captiue misere,
Tu su nommé des Dieux & des hommes le pere,
Et seul tenant la soudre esparse dans tes mains,
Tu as puni du ciel le vice des humains,
Regissant du sourcy haut & bas toute chouse,
Iunon te secondant ta sœur & ton espouse.
Qu'il prenne donc courage, & qu'il soit glorieux
D'auoir en son mal-heur pour compagnons les Dieux.

Ainsi, mon Mecenas, dans ce Temple de gloire le mettray ces pourtraits sacrez à la Memoire : Afin que des longs ans les cours s'entresuyuans Ne foulent point à-bas leurs honneurs suruiuans : Et que des Chastillons la maison estimée Viue, maugré le temps, par longue renommée, Pour auoir tant aimé les nombreuses douceurs Dont Phebus Apollon anime les neuf Sœurs. Et moy, leur grand Poëte, au sainct iour de leur feste, Ayant de verd laurier toute enceinte la teste, Planté sur un genouil aux marches de l'autel, le feray resonner leur renom immortel Aux nerfs les mieux-parlans de ma cythare courbe : Ensemble de la voix ie prescheray la tourbe Espandue à-l'entour, d'ensuyure la vertu, Et que par autre point les Chastillons n'ont eu Tiltres d'honneurs diuins, que pour auoir suyuie L'honorable vertu tout le temps de leur vie, Comme Hercule iadis, qui pour suyure en tout lieu L'honneur, & la vertu, d'homme se fit un Dieu.

Apres dedans le Temple, imitant les antiques, le feray sacrifice aux esprits Olympiques, Aux Heros le second, & le troisième honneur Sera du sacrifice à lupiter sauneur. Lors moy, le seul auteur d'un si diuin office, le feray dignement le premier sacrifice Enuironné du peuple, à tes nobles ayeux, Qui habitent l'Olympe assis au rang des Dieux. Puis aux Heros, qui sont tes deux freres qui viuent, Et des preux demi-Dieux les beaux gestes ensuyuent : Et le troisième honneur apres ces deux icy Se fera pour ton oncle Anne Montmorency Mon Iupiter sauueur: car c'est luy qui ma teste Veut sauuer de la dent de ceste fiere beste Que Styx contre le ciel asprement irrité Conceut, & la nomma l'horrible Pauureté. Dieux! faites que iamais, iamais ie ne rencontre Aupres de ma maison cet effroyable monstre! Mais bien puisse tousiours ce cruel animal Aller loger chez ceux qui me voudront du mal.

Or' ie vois commencer maintenant à vous faire Vn sacrifice neuf qui vous pourra complaire, Non par sang de taureaux, ou de vaches encor, Ou de boufs qui auront le haut des cornes d'or Tuez en hecatombe : ains ie vous sacrifie Des ores à vous tous mon esprit & ma vie, Mes Muses, & ma plume : & si iure les eaux De Pimple & de Pegase, & les tertres iumeaux De Parnasse sacré, choses non periurables A ceux, à qui les Sœurs se monstrent fauorables : Qu'ingrat ie ne seray par le temps apperceu Du bien & de l'honneur que de vous i'ay receu : Et sans me reposer, par les terres estranges Tousiours de mieux-en-mieux i'enuoiray les louanges, Non pas de l'oncle seul, mais de tous les nepueux, Ausquels bien humblement i'apen icy mes voux: Car soit que Lachesis de couper n'ait enuie Pour vingt ou pour trente ans la trame de ma vie,

Ou soit qu'elle & ses sœurs d'une cruelle main Trenchent bien tost le fil de mon mestier humain : l'acheueray touiours d'ourdir en ma pensée De l'oncle & des nepueux l'histoire commencée.

PRIERE A LA FORTVNE.

A Tres-illustre & Reuerendissime Cardinal de Chastillon.

(Texte de 1573; retranché en 1578.)

l'ay pour iamais par serment fait un vœu De ne sacrer tout cela que i'ay leu, Ni tout cela qu'encore ie doy lire, Sinon à vous, Monseigneur, car ma lyre, Comme deuant, ne veut plus resonner Si vostre nom ie ne luy fais sonner : l'ay beau pincer cent fois le iour sa corde Au nom d'un autre, elle iamais n'accorde A mes chansons, & semble en la pinçant Qu'en me grondant elle m'aille tençant : Mais aussi tost que vostre nom i'entonne, Sans la forcer d'elle mesme le sonne, Car elle sçait combien ie suis tenu A vous, Prelat, qui d'un simple inconnu M'auez aymé outre mon esperance: C'est pour cela qu'au theatre de France De mieux en-mieux touiours ie publiray Des Chastillons l'honneur que i'escriray En cent papiers pour le rendre admirable : Aussi seroy-ie à bon droit miserable Si les faueurs que i'ay receu de vous le ne chantois aux oreilles de tous,

Et si ma langue aux nations estranges D'un autre nom annonçoit les louanges Sinon du vostre, & les faicts glorieux De vostre frere. & de tous voz ayeux : Pour émouvoir les grands Rois & les Princes, Par vostre exemple, en toutes leurs prouinces: Car desormais voz vertus seruiront D'exemple à ceux qui mes œuures liront, D'estre Mecene, & patron des Poëtes En leur pais, comme icy vous le m'estes, Et pour mouuoir les Poëtes aussi A n'estre ingrats, & d'auoir en soucy Tousiours la gloire, & les vertus louables De ceux, ausquels ils seront redeuables, Contre-eschangeant la liberalité D'une faueur, à l'immortalité.

Or quant à moy, par les Muses ie iure De ne pallir iamais de telle iniure Que d'estre ingrat de l'honneste faueur Que de vous seul a receu mon labeur: Car soit que vif au monde ie demeure, Soit que banni de ce monde ie meure, l'auray tousiours au sond de mon esprit Le souuenir de vostre nom escrit.

Mais ce pendant, Monseigneur, que i'amuse A vous louër, la faueur de ma Muse, Qui ne se plaist d'autre chose, sinon Qu'à celebrer des Chastillons le nom, « Le temps s'enfuit, le temps qu'on ne r'atrappe « Quand vne fois des mains il nous eschape. Vn iour viendra qu'en termes bien plus haux le chanteray la guerre, & les assaux De vostre frere, & de quelle prudence Vostre oncle & luy gouuernent nostre France,

Mais maintenant il vaut trop mieux sonner Ceste chançon que tant la fredonner, Qui vous pourroit par sa longueur déplaire Vous ennuyant, ce que ie ne veux faire: Car vous auez à quoy passer le temps D'autres plus grands & meilleurs passe-temps Que cestuy-cy, puis ie fais conscience D'abuser trop de vostre patience.

Las! qu'il me fache, & que i'ay de soucy De ce qu'il faut que ie detourne icy Mon vers tout court de sa premiere addresse Pour rencontrer vne aueugle Deésse Comme est Fortune, en qui ne sut, ni n'est Veuë en ses yeux, ni en ses pieds d'arrest: Mais toutessois il saut que ie la chante, Car c'est le but de ma chanson presente.

O grand' Deésse, ô Fortune, qui tiens Entre tes mains les hommes & leurs biens, Desfus les champs qui conduits les armées, Et sur la mer les galeres ramées! Qui t'estouis de n'auoir point de foy, Qui d'un potier fais s'il te plaist un Roy, Et d'un grand Roy fais un maistre d'escole: Qui de ton chef heurtes le haut du pole, Et de tes pieds la terre vas foulant Desfus vn globe incessamment roulant : Qui n'euz iamais ni arrest ni demeure, Oui des humains à toute-heure à toute-heure, Es appellée en langage diuers, Mais tout d'un jens, Roine de l'uniuers : Qui seule es bonne & mauuaise nommée, Seule haie & seule reclamée, Seule inuoquée & seule qui fais tout, Seule qui es commencement & bout

De toute chose, à qui chacun refere Egalement son bien & sa misere: Et bref, qui tout en ce monde accomplis, Et le sueillet des deux pages remplis!

Escoute moy, du monde l'Emperiere, O grand' Deésse! escoute ma priere, Arreste toy, & fais signe du front, Qu'assez à gré mes prieres te sont.

Puisque noz Rois espoints de trop de gloire, N'ont autre soin que par une victoire De quelque ville, ou d'on chasteau conquis Hausser leur bruit par sang d'hommes acquis, Et puis qu'ils ont de toute leur contrée, Pour cherir Mars, chassé la belle Astrée, Et pour la paix ont choysi le discord, Et pour la vie ils ont choysi la mort Dedans leurs cœurs, ayant bien peu de crainte De lesuschrist, & de sa loy tressainte, Expressement qui deffend aux humains Du sang d'autruy ne se souiller les mains, Ains viure ensemble en paix & en concorde, Loin de la guerre & de toute discorde : Et puis qu'ils sont obstinez durement Iusqu'à fuir tout admonnestement : Si ne faut-il qu'en chacune prouince Le peuple laisse à prier pour son Prince, Et pour ceux là qui sont en dignité Constituez sous leur autorité: « Car vn Roy seul ne scauroit tout parfaire.

Maintenant donc, que sçaurois-ie mieux saire Voyant mon Roy & ses Princes aux champs, Vestus de ser, & de glaiues tranchans, Enuironnez d'un monde de gendarmes, Tous esclatans en slamboyantes armes, Sinon prier la Fortune, qui peut
Faire vainqueur vn Roy quand elle veut,
Voire & n'eust-il qu'vne petite bande:
Et cestuy là qui en meine vne grande
Rendre vaincu, d'autant qu'elle a pouvoir
Dessu vn camp, plus que n'a le sçavoir,
Ni la vertu: tesmoin en est l'histoire
De ce grand Roy qui perdit la victoire
Contre les Grecs bien qu'aux champs il cust mis
Vn camp bien grand, contre vn peu d'ennemis:
Vien donc Fortune, & seule favorise
A nostre Roy, & à son entreprise.

Premierement, garde sa Maiesté.
Encores nulle en Gaule n'a esté
Si grande qu'elle en force, ne puissance:
Tu le sçais bien, tu en as connoissance:
Car c'est ce Roy qui te tenoit au crin
Quand les François beurent dedans le Rhin,
Et quand sa main t'amenant pour compagne
De sa grandeur esfroya l'Allemagne,
Et l'Empereur, qui pallissoit d'esfroy
Te connoissant tenir la part du Roy.

Garde en apres tous noz Princes, qui tiennent De sa vertu, comme Princes qui viennent Du sang de luy, qui n'a point de pareil En tout ce rond qu'echauffe le Soleil: Princes vrayement qui donroyent bien maticre Sans en mentir, d'une Iliade entiere, Voire de deux, aux François escriuains, Tant ils ont sait d'actes preux de leurs mains.

Garde en apres ce preux seigneur de Guise, Dont la vertu par armes s'est acquise Le nom d'Heros, & du rampart François, Ainsi qu'Achil' celuy là des Gregeois: Mais si lon veut égaler la prouësse
De ce François, à ce Prince de Grece,
(Bien que Vulcan luy ait armé le corps,
Et que sa dextre ait enionché de morts
Par grands monceaux la campagne Troyenne,
Faisant branler sa hache Pelienne)
On trouuera que les faises Guisiens
Doyuent passer les faises Achilliens,
D'autant qu'Achille & son faise n'est que fable,
Et que le faiset de Guise est veritable.

Garde en apres ce grand Montmorency, Qui par vertu d'homme s'est fait aussi Heros diuin, ia mesprisant la terre Fait demi-Dieu par l'honneur de la guerre. C'est ce Seigneur, qui en force & conseil N'eut, ni n'a point, ni n'aura son pareil, Bien que la Grece ait vanté Palamede, Nestor, Vlysse, Aiax, & Diomede, Et les Romains les vaillants Curiens, Leurs Scipions, & leurs grands Fabiens: Car celuy seul en hauteur les surpasse D'autant qu'vn mont une campagne basse: Mais tout ainsi que le tonnerre assaut Plus volontiers quelque sapin bien haut Qu'un petit fresne: ainsi la mort assomme Plus tost vn grand, que quelque petit homme: Garde le donc, nous aurions plus d'ennuy, Et plus de dueil pour la perte de luy Que les Troyens a sliegez n'en receurent Quand de leurs murs Hector ils aperceurent Qui sanglotoit (estendu sur le bord De Simois) aux longs traits de la mort, Estant nauré par la lance d'Achille: Vn pleur le fit neuf iours parmy la ville,

Où sans cesser, de tous costez sonnoyent Les coups de poing que ses gens se donnoyent Sur la poitrine, accablez de tristesse, Pour le trépas d'Hector, leur forteresse, Qui conseilloit, & des mains acheuoit Tout ce que dit au conseil il auoit, Ayant autant au combat de vaillance, Comme au conseil il auoit de prudence.

Garde en apres l'Amiral Chastillon, L'autre rempart, & l'autre bastillon De nos soudars conduits dessous sa charge, Ainçois gardez comme dessous la targe Du grand Aiax les Grecz estoyent gardez Quand par Hector les feux Troyens dardez, (Qui petilloyent par une grand' aspresse) Bruloyent au port le retour de la Grece : le di les naus, & les Gregeois dedans Morts de fumée, & de braziers ardans. Tu connoistras cet Amiral de France A voir sans plus le geste de sa lance, Dont il regit les bandes des soudars, Les surpassant du front, ainsi que Mars Passe du dos & de toute la face Les cheualiers qu'il ameine de Thrace Pour ruiner quelque Roy vicieux, Qui par malice a depité les Dieux, Voulant par force occuper la prouince, Et les citez de quelque innocent Prince.

Non, ce n'est pas, ce n'est pas du iourd'huy Que tu connois les merueilles de luy: Long temps y a que sa vaillante dextre A toy s'est faite en cent lieux à connoistre Deuant Boullongne, où sa ieune vertu Ainçois chenuë a touiours combatu Ses ennemis, & toy-mesme Fortune:
Car la vertu ne te sait place aucune:
Tu le connus bien ieune d'ans aussi
Auec son Frere, es murs de Landrecy:
Tu le connus n'aguiere en Allemagne,
Tu le connus sur tous en la campagne
De Luxembourg, en age resemblant
A Scipion, qui son camp assemblant
Pour saccager & Carthage, & Lybie,
Fut appelé l'espoir de l'Italie.

Garde donc bien d'encombrier & de mal Ce ieune Heros, ce vaillant Amiral, Frere d'Odet, de qui pend l'esperance Non de moy seul, mais des muses de France. Si par ta ruse il a quelque mechet, le t'enuoiray tout d'un coup sur le chef, Comme Archiloq mille iambes, pour prendre Quelque licol, à fin de t'aller pendre, Touchée en vain de repentance au cœur D'auoir tué le frere à Monseigneur.

Hé que ie suis en-contre toy colere Que tu n'as peu garder son second frere, Que sa vaillance en combatant a mis Entre les mains de ses siers ennemis! Mais tout ainsi comme un lion sauuage Quand il se voit eschapé de sa cage Où il estoit prisonnier arresté, Deuient plus sier auec la liberté, Et plus cruel qu'il n'auoit de coustume, Ouure la gueule, & de slammes allume Ses yeux marris, & son poil herissant, Se va le cœur de colere emplissant, Coup-dessus coup se frappe de la queuë Pour s'irriter, tournant sa siere veuë

Deuers la part qu'il entend des taureaux, Lesquels soudain, maugré les pastoureaux, Romp & dechire, & de sa dent sanglante Fait craqueter leur pauure chair tremblante Deuant les chiens, qui n'osent dire mot : Ne plus ne moins le Seigneur d'Andelot, Ayant trouué sa liberté premiere Retrouuera sa force coustumiere, Ainçois plus fort qu'il n'estoit par-auant, Et plus hardy viuement ensuyuant Le naturel de sa divine race, Ses ennemis estendra dans la place L'un dessus l'autre horriblement tuez Des coups par luy es bataille ruez : Si que touiours (a main sera saigneuse Du sang hai de l'Espagne odieuse. Laquelle doit luy payer l'interest De la prison où maintenant il est En seruitude, & si n'a commis vice, Si vice n'est faire à son Roy seruice.

Garde en apres le Mareschal d'Albon, Tant au conseil comme à la guerre bon, Qui maintessois a mis en ieu sa vie Pour nostre Roy es camps de Picardie, Et pour trophée a touiours raporté L'heureux honneur de l'ennemy donté.

Garde en apres le reste de l'armée
De toutes pars en colere animée
Contre Cesar, qui ne tasche sinon
Par meurdre & sang accroistre son renom,
Ou par aguets, surprise, ou tromperie.
Et si tu fais cela dont ie te prie,
Tu n'auras plus de boule sous tes pieds
Comme deuant, ni les deux yeux liez

La voile en main, ni au front la criniere, Ni ton rouët, ni des ailles derriere, Ni tout cela dont furent inuenteurs En te peignant les vieux peintres menteurs, Pour remonstrer que tu n'es plus volage Comme tu fus, mais Déesse bien sage, D'auoir voulu d'vn bon œil regarder En ma faueur, la France, & la garder.

HYMNE DES ASTRES,

A Mellin de Sainct-Gelais.

(Texte de 1578; retranché en 1584.)

C'est trop long temps, Mellin, demeuré sur la terre Dans l'humaine prison, qui l'esprit nous enserre, Le tenant engourdy d'un sommeil ocieux: Il faut le deslier, & l'enuoyer aux Cieux. Il me plaist en viuant de voir sous moy les nues, Et presser de mes pas les espaules chenues Du Maure porte-ciel: il me plaist de courir lusques au Firmament, & les secrets ouurir (S'il m'est autant permis) des Astres admirables, Et chanter leurs aspects de noz destins coulpables: Pour t'en faire un present, Mellin, ensant du Ciel, Mellin, qui pris ton nom de la douceur du miel Qu'au berceau tu mangeas, quand en lieu de nourrice L'Abeille te repeut de Thin & de Melisse.

Aussi ie ferois tort à mes vers & à moy, Si ie les consacrois à vn autre qu'à toy, Oui sçais le cours du Ciel, & qui sçais les puissances Des Astres dont ie parle, & de leurs influences.

Dés le commencement (s'il faut le croire ainsi) Les Estoilles n'auoient noz destins en souci, Et n'auoient point encor de tout ce Monde large,
Comme ell' ont auiourd'huy, ny le soin ny la charge:
Sans plus elles flamboient pour vn bel ornement
Esparses, sans vertu, par tout le Firmament.
Quand le Soleil hurtoit des Indes les barrières
Sortant de l'Ocean, les Heures ses portières
Couroient vn peu deuant son lumineux flambeau
R'amasser par le Ciel, des Astres le troupeau
Qui demenoit la danse, & les comptoient par nombre,
Ainsi que les pasteurs, qui le matin sous l'ombre
D'vn chesne vont comptant leurs brebis & leurs bœuss
Ains que les mener paistre aux riuages herbeux.

Quand la Lune monstroit sa corne venerable, Les Heures derechef ouuroient la grande estable, Où les Astres logeoient en repos tout le iour, Les remenant baller du Ciel tout à l'entour: Puis les serroient par compte à l'heure accoustumée

Que le Soleil auoit nostre terre allumée.

Si est-ce qu'à la fin un estrange malheur (Vn malheur peut seruir) mist leur stame en valeur.

La nuiel que les Geants à toute peine enterent
Pelion dessus Osse, & sur Osse planterent
Le nuageux Olympe, à sin de debouter
Iupiter de son regne, & vaincu, le donter:
Les Astres, dés ce soir, force & puissance prindrent,
Et pour iamais au Ciel vn lieu ferme retindrent.
Desia ces grands Geants en grimpant contre-mont,
D'Olympe sourcilleux auoient gaigné le front,
Et ia tenoient le Ciel: & le sils de Saturne
Eusent emprisonné dans la chartre nocturne
De l'abysme d'Enser, où il tient enserrez
Et de mains & de pieds les Titans enserrez,
Sans l'Astre, qui depuis eut le surnom de l'Ourse,
Qui regardoit pour lors toute seule la course

Des autres qui dansoient, & si ne dansoit pas,
Ayant comme ia lasse arresté ses beaux pas
Fermes deuers Borée: & voyant la cautelle
Que brassoient les Geants, tout soudain elle appelle
La troupe de ses Sœurs, & s'en-va raconter
En tremblant, l'embuscade au pere lupiter.
Armez-vous (dist l'Estoille) armez, vestez voz armes,
Armez-vous, armez-vous: ie ne sçay quels gendarmes
Ont voulu trois grands monts l'vn sur l'autre entasser
Pour conquerir le Ciel, & pour vous en chasser.
Adonques lupiter tout en-sursaut commande,
Vestu de son Aegide, à la Celeste bande
D'endosser le harnois, pour garder leur maison,
Et leurs mains de porter des sers en la prison.

la-desia s'attaquoit l'escarmouche odieuse,
Quand des Astres stambans la troupe radieuse,
Pour esblouyr la veuë aux Geants surieux,
Se vint droicte planter vis-à-vis de leurs yeux:
Et alors lupiter du traict de sa tempeste
Aux Geants aueuglez escarbouilla la teste,
Leur faisant distiller l'humeur de leurs cerueaux
Par les yeux, par la bouche, & par les deux naseaux,
Comme vn fromage mol, de qui l'humeur s'esgoute
Par les trous d'un pannier à terre goute à goute.

Lors des Astres divins (pour leur peine d'avoir Envers sa Maiesté si bien fait leur devoir)
Arresta la carriere, & tous en telle place
Qu'ils avoient de fortune, & en pareille espace,
D'vn lien aimantin leurs plantes attacha,
Et comme de grands cloux dans le Ciel les sicha:
Ainsi qu'vn Mareschal qui hors de la fournaise
Tire des cloux ardans tous rayonnez de braise,
Qu'à grands coups de marteaux il congne durement
A l'entour d'une rouë arrengez proprement;

Puis il leur mit és mains le fil des destinées, Et leur donna pouvoir sur toutes choses nées, Et que par leurs aspects fatalisé seroit Tout cela que Nature en ce monde feroit: Retenant toutefois la superintendence A soy, de leurs regards, & de leur instuence, Et que quand il voudroit, tout ce qu'ils auroient sait N'auroit authorité, ny force, ny effait.

Les Estoilles adonc seules se firent dames
De tous les corps humains, & non pas de noz ames,
Prenant l'Occasion à leur service, à fin
D'executer çà-bas l'arrest de leur destin.
Depuis, tous les oiseaux qui volent & qui chantent,
Tous les poissons muets qui les ondes frequentent,
Et tous les animaux, soit des champs, soit des bois,
Soit des monts caverneux, furent sers de leurs lois:
Mais l'homme par-sur tout eut sa vie suiette
Aux destins, que le Ciel par les Astres luy iette,
L'homme, qui le premier comprendre les osa,

Et tels noms qu'il voulut au Ciel leur imposa.
L'on s'adonne à la guerre, & ne vit que de proye,
Et cherche de mourir deuant les murs de Troye,
Ayant percé le cœur de la lance d'Hector:
L'autre deuient Typhis, & veut mener encor'
Les Herôs voir le Phase, & repasser sans crainte
Des rocs Cyanëans l'emboucheure contrainte,
Et sçait pronostiquer deux ou trois iours deuant
Courbé sur le tillac, la tempeste & le vent.

L'un est né Laboureur, & maugré qu'il en aye Aiguillonne ses bœufs, & fend de mainte playe Auec le soc aigu l'eschine des gueréts Pour y semer les dons de la mere Cerés: L'autre est né Vigneron, & d'une droite ligne Dessus les monts pierreux plante la noble vigne, Ou taille les vieux ceps, ou leur beche les piez, Ou rend aux eschallats les prouins mariez.

L'un pesche par contrainte (ainsi vous pleut Estoilles)
Et conduisant sur l'eau ses rames & ses voiles,
Traine son reth maillé, & ose bien armer
Son bras, pour assommer les monstres de la mer:
Aucunesois il plonge, & sans reprendre haleine
Espie les Tritons iusqu'au sond de l'arene:
Aucunesois il tend ses friands hameçons,
Et sur le bord desrobe aux steuues leurs poissons:
L'autre se fait Chasseur, & perd dans son courage
Le soin de ses ensans & de tout son mesnage,
Pour courir par les bois apres quelque sangler,
Ou pour faire les loups aux dogues estrangler,
Et languist s'il n'attache à sa porte les testes
Et les diuerses peaux de mille estranges bestes.

L'vn va dessous la terre, & fouille les metaux
D'or, d'argent & de fer, la semence des maux,
Que Nature n'auoit, comme tressage mere,
(Pour nostre grand prosit) voulu mettre en lumiere:
Puis deuient Alchimiste, & multiplie en vain
L'or ailé, qui si tost luy vole de la main:
L'autre par le mestier sa nauette promeine,
Ou peigne les toisons d'vne grossiere laine,
Et diriez que d'Arachne il est le nourrisson.

L'vn est Graueur, Orféure, Entailleur, & Maçon, Trasiqueur, Lapidaire, & Mercier, qui va querre Des biens, à son peril, en quelque estrange terre. Aux autres vous donnez des mestiers bien meilleurs, Et ne les faites pas Mareschaux ny Tailleurs, Mais Philosophes grands, qui par longues estudes Ont fait vn art certain de voz incertitudes: Ausquels auez donné puissance d'escouter Voz mysteres diuins pour nous les raconter.

Cestuy-cy cognoist bien des oiseaux le langage, Et sçait coniecturer des songes le presage: Il nous dit nostre vie, & d'un propos obscur, A qui l'en interrogue, annonce le futur. Cestuy-là dés naissance est fait sacré Poète, Et iamais sous ses doigts sa Lyre n'est muete, Qu'il ne chante tousiours d'un vers melodieux Les Hymnes excellens des hommes & des Dieux, Ainsi que toy, Mellin, orné de tant de graces, Qui en cest art gentil les mieux-disans surpasses.

Cestuy-ci plus ardent, & d'un cœur plus hautain Guide vne Colonie en vn pays lointain, Et n'y a ny torrent ny mont qui le retienne: Ores il fait razer une ville ancienne, Ores une nouuelle il bastit de son nom, Et ne veut amasser tresor que de renom. Cestuy-là fait le braue, & s'ose faire croire Que la hauteur du Ciel il hurte de sa gloire Presque adoré du peuple, & ne veut endurer Qu'un autre à luy se vienne en credit mesurer : Mais il voit à la fin son audace coupée, Et meurt pauure & fuitif comme un autre Pompée. Cestuy comme un Cesar apres auoir rué L'Empire sous ses pieds, est à la fin tué De ses gens, & ne peut suyr la destinée Certaine, qu'en naissant vous luy auez donnée. Sans plus vous nous causez nos biens & nos malheurs: Mais vous causez aussi nos diverses humeurs: Vous nous faites ardans, flumatiques, coleres, Rassis, impatiens, courtisans, solitaires, Tristes, plaisans, gentils, hardis, froids, orgueilleux, Eloquens, ignorans, simples, & cauteleux.

Que diray plus de vous? par voz bornes marquées

Le Soleil refranchist ses courses reuoquées,

Et nous refait les mois, les ans, & les saisons, Selon qu'il entre ou sort de voz belles maisons. Dessous vostre pouvoir s'asseurent les grands villes : Vous nous donnez des temps les signes tresutilles : Et soit que vous couchez, ou soit que vous leuez, En diverses façons les signes vous avez Imprimez sur le front, des vents & des oraiges, Des pluyes, des frimats, des gresles & des naiges, Et selon les couleurs qui paignent voz flambeaux, On cognoist si les iours seront ou laids ou beaux. Vous nous donnez austi par voz marques celestes Les presages certains des fiéures & des pestes. Et des maux qui bien tost doiuent tomber çà bas, Les signes de famine, & des futurs combas: Car vous estes de Dieu les sacrez characteres, Aincois de ce grand Dieu fideles secretaires. Par qui sa volonté fait sçauoir aux humains, Comme s'il nous marquoit un papier de ses mains. Non seulement par vous ce grand Seigneur & maistre Donne ses volontez aux hommes à cognoistre, Mais par l'onde & par l'air & par le feu trespront : Voire (qui le croira) par les lignes qui sont Escrites dans noz mains, & sur nostre visage, Desquelles qui pourroit au vray sçauoir l'vsage, Nous verrions imprimez clairement là dedans Ensemble noz mauuais & noz bons accidans: Mais faute de pouvoir telles lignes entendre Qui sont propres à nous, nous ne pouvons comprendre Ce que Dieu nous escrit, & sans iamais preuoir Nostre malheur futur, tousiours nous laissons cheoir Apres une misere, en une autre misere: Mais certes par-sus tous en vous reluit plus clere La volonté de Dieu, d'autant que sa grandeur Allume de plus pres vostre belle splendeur.

O que loin de raison celuy follement erre
Qui dit que vous paissez des humeurs de la terre!
Si l'humeur vous paissoit, vous seriez corrompuz:
Et pource, Astres diuins, vous n'estes point repuz:
Vostre seu vous nourrist, ainsi qu'vne fonteine
Qui tant plus va coulant, plus se regorge pleine,
Comme ayant de son eau le surgeon perennel:
Ainsi, ayant en vous le surgeon eternel
D'vn seu natis, iamais ne vous faut la lumiere,
Laquelle luit en vous, comme au Soleil premiere.

Comment pourroit la Terre en son giron fournir Tousiours assez d'humeur pour vous entretenir, Quand la moindre de vous en grandeur la surpasse? Comment iroit l'humeur de ceste terre basse Iusques à vous là-haut, sans se voir dessecher Des rayons du Soleil, auant que vous toucher?

Fol est encor celuy, qui mortels vous pense estre,
Mourir quand nous mourons, & quand nous naissons, naistre,
Et que les plus luisans aux Rois sont destinez,
Et les moins stamboyans aux pauures assignez.
Tel soing ne vous tient pas: car apres noz naissances
Que vous auez versé dessus nous voz puissances,
Plus ne vous chaut de nous, ny de noz faits aussi:
Ains courez en repos, deliurez de souci,
Et francs des passions, qui dés le berceau suivent
Les hommes qui çà-bas chargez de peine viuent.

le vous saluë, Enfans de la premiere nuit,
Heureux Astres diuins, par qui tout se conduit:
Pendant que vous tournez vostre tasche ordonnée
Au Ciel, i'accompliray çà-bas la destinée
Qu'il vous pleut me verser, bonne ou mauuaise, alors
Que mon ame immortelle entra dedans mon corps.

A CHARLES DE PISSELEV,

Euesque de Condon.

(Texte de 1578; retranché en 1584.)

- « Auant que l'homme soit en ce bas monde né,
- « Pour souffrir mille maux il est predestiné:
- « L'un meurt dedans son liet, l'autre meurt en la guerre,
- « L'autre meurt sus la mer, l'autre meurt sus la terre :
- « Et quoy que lon se cache és pays estrangers,
- « On ne fuit pour cela la mort, ny les dangers :
- « Car mort, peine, foucy, maladie & dommage
- « Sont ordonnez du ciel aux hommes en partage.
- « Si Dieu nous auoit faits exempts de tout mal-heur,
- « Si Dieu nous auoit jaits exempts de tout mui-neur, « Comme Anges, non suiets à peine & à douleur,
- « Comme Anges, non juiets a peine & a aouteur,
- « On ne cognoistroit point la vertu de prudance,
- « La magnanimité, la force & la constance,
- « Que cognoistre on ne peut en la prosperité
- « Quand Fortune nous rit, mais en l'aduersité,
- « Lors que la maladie, ou lors que la tristesse,
- « Ou lors qu'en la prison le lien nous oppresse.
 - « Certes, mon Pisseleu, il n'est pas de besoin
- « Que l'homme soit tousiours deliuré de tout soin :
- « Mais il faut quelquefois qu'à son tour il endure
- « Apres un doux plaisir une tristesse dure,
- « S'il veut bien longuement son estre conseruer :
- « Car qui voudroit tousiours en un poinct se trouuer,
- « Il ne pourroit durer : telles loix fist Nature
- « Dés le commencement à toute creature.
 - « On ne voit pas tousiours en mesme estat les cieux:
- « Quelquefois ils sont beaux, quelquefois pluuieux.
- « Apres le renouueau vient l'Esté, puis l'Autonne,
- « L'Hyuer l'Autonne suit, puis le Printemps retourne.

« Si donc tout est suiet à se muer souuent,

« L'homme qui n'est sinon que fumée & que vent,

« Comme le fils du Temps, ne doit trouuer estrange

« Si quelquesois d'estat comme son pere il change :

« Et nous voyons cela, pour mieux nous asseurer

« Que rien ferme ne peut en ce monde durer.

« Quand il nous survient donc une fortune amere,

« Il la faut prendre ainsi que s'elle estoit prospere,

« Et ne murmurer point, mais patiens souffrir

« Tout ce qu'il plaist à Dieu pour present nous offrir, Comme tu sais, Prelat, que longue maladie, Que playe mal-pansée aux despens de ta vie N'a le cœur esbranlé, ny le courage egal A souffrir autant bien vne ioye qu'vn mal.

Austi te souvenant de ceste horrible beste
Qui portoit en ses dents la foudre & la tempeste,
Laquelle eust bien esté d'Hercule la terreur,
Et des bois Marsians l'espouvantable horreur:
Tu prens cœur d'auoir eu la cuisse outrepersée
(Puis qu'il falloit ainsi que tu l'eusses blessée)
D'on si brave sanglier, & non d'on dain craintis,
Ou de quelque chéureul devant les chiens fuitif.
Puis quand tu vois aussi qu'one telle fortune
Auecques tant d'Heros si vaillans t'est commune,
« Tu la prens plus à gré: car c'est allegement
« D'avoir des compaignons en vn mesme tourment.

L'Abantiade Idmon grand Augure & Prophete,
Du sainct vouloir des Dieux aux hommes l'interprete,
Qui lisoit le futur és cœurs des animaux,
Qui entendoit la langue & le vol des oiseaux,
Vit d'un coup de sanglier sa vie terminée,
Et rien ne luy seruit la chose deuinée:
Bien qu'il eust eschappé les rocs Gyaneans
Et les Cœstes plombez des forts Bebrycians,

Quand Aefonide alloit auec sa troupe eslue Conquerir la Toison de sin or crespelue Qui pendoit pres du Phase, au haut d'vn chesne espars Dans vn bocage verd, ioignant le champ de Mars.

Ancée cognut bien quel homicide foudre
Porte cest animal, quand il rougist la poudre
De Calyde en son sang, voulant contre le gré
De Diane tuer le grand pourceau sacré
Qu'elle auoit enuoyé despite contre Oenée,
Lequel ayant cueilly tous les fruits de l'année,
Auoit payé la disme à tous les immortels
Ayant mis à mespris Diane & ses autels.

Vlysse qui passa les hommes en faconde,
Oui sut le plus accort & le plus sin du monde,
Qui de nuiet des roba le saint Palladion,
Et des guisé cognut tous les forts d'Ilion,
Fut blesse d'un sanglier de telle cicatrice
Ou'il en sut recognu par sa vieille nourrice
Apres vingt ans passez, un iour en luy lauant
Les pieds lors qu'il estoit prosondement resuant
Comme il se vangeroit de l'amoureuse trope
Oui chez luy muguetoit sa semme Penelope.

Courage donc, Prelat, & mets premierement
Ton esperance en Dieu, & le prie humblement
(Car c'est le Dieu benin lequel iamais n'oublie
Soit tost ou tard, celuy qui de bon cœur le prie)
De t'enuoyer santé: au reste pren bon cœur,
Et ne laisse fouler ton courage au labeur:
Et par un bon espoir ta fortune soulages,
Ayant pour compaignons de si grands personnages.





LE

SECOND LIURE DES HYMNES

de P. de Ronsard Vandomois.

1556.

EPISTRE A CHARLES

Cardinal de Lorraine.

(Texte de 1578; retranché en 1584.)

Quand vn Prince en grandeur passeroit tous les Dieux, S'il n'est doux & benin, courtois & gracieux, Humain, facile, honneste, asfable & debonnaire, Il ne gaigne iamais le cœur du populaire: Chacun fuit deuant luy, comme vn agneau tremblant Fuit le loup rauisseur: bien que d'vn beau semblant On seigne de l'aimer, toutesois on luy porte, En lieu d'vne amitié, vne haine bien sorte.

Vn Roy ne peut auoir à son commandement
De ses propres suiets que les corps seulement:
Nous luy deuons le corps, soit par zele ou par crainte,
Mais il n'est pas Seigneur de noz cœurs par contrainte.
Or s'il veut estre Roy des cœurs comme des corps,
Il faut les acquerir par douceur, & alors
Il aura cœurs & corps de toute sa province,
« Tant l'honneste douceur est seante à vn Prince:
Comme à vous mon Seigneur, bien que seul vous soyez
L'honneur des Cardinaux, & que vous employez

Vostre esprit genereux aux affaires de France, Bien que tout le conseil suyue vostre eloquance, Bien que vous entendiez Grec, Latin, & François, Bien que vous respondiez d'une tresdocte vois A tous Ambassadeurs de quelque part qu'ils viennent. Bien que les plus sçauans aupres de vous se tiennent, Bien que vous gouverniez presque seul nostre Roy, Bien que pour vostre ayeul vous vantiez Godefroy, Bien que Ierusalem en voz tiltres se lise. Bien que vostre niepce ait la Couronne prise, Royne de ce pays qui entend les cheuaux Du Soleil se coucher assez loin de ses eaux: Royne qui doit un iour par nopce solennelle Ioindre au sang de Valois vostre race immortelle : Bien que voz freres soient magnanimes guerriers, Soit en paix soit en guerre, à l'œuure les premiers, Soit qu'il faille garder sagement la muraille De Mets enuironné, ou soit qu'en la bataille De Renty, par les coups de leurs glaines trenchans Il faille d'hommes morts engresser tous les champs, Ou soit que sur la mer pour nostre foy Chrestienne Ils respandent le sang de la race Payenne: Si n'estes vous pourtant ny superbe ny fier, Mais humble ne vous plaist voz faits glorifier Par ceux de voz ayeux, bijayeux, & grands-peres, Ny des gestes nouveaux acheuez par voz freres.

C'est le plus grand honneur que vous sçauriez auoir, Tant plus vostre grandeur est puissante en pouvoir, Tant plus vous maniez les affaires publiques, Tant plus vous soustenez les decrets Catholiques, Tant plus vous commandez, tant plus vous gouvernez Nostre Roy, sous lequel ses loix vous ordonnez, D'estre humble & gracieux. Le sçay que vostre race

De victoires ornée est digne qu'on luy face

Honneurs dessus honneurs: & ie sçay bien que vous Meritez à bon droit qu'on baise voz genous, Ou'on embrasse voz pieds: mais, Prince, ou ie me trompe, Ou vous deuez fuyr ceste mondaine pompe, Et ne deuez vser de si hauts appareils Sinon vers les plus grands qui seront voz pareils. A ces monstres de Court vous deuez comme maistre Faire d'un braue front voz grandeurs apparoistre, Et combien vous pouuez: mais aux petits qui vont Tremblant en vous voyant, & qui n'osent le front Hausser vers les rayons de vostre clair visage, Vous deuez estre simple, & plein de doux langage Pour leur gaigner le cœur, imitant l'Eternel Qui se daigna vestir d'un habit corporel, Et reiettant les grands où tout orgueil abonde, Se rendit familier des plus petits du monde.

« C'est peu de cas, Prelat, de cest honneur mondain,

« Qui plustost que le vent du iour au lendemain

« S'enfuit, & longuement ne seiourne nostre hoste :

« Car vn iour nous le donne, & l'autre iour nous l'oste.

Il y a plus de peine à bien garder son rang,

A gouverner vn Roy, à bien faire le grand,

Que tout l'honneur ne vaut : ceste charge honorable

S'accompaigne tousiours d'un soucy miserable,

D'une sollicitude & d'une ambition,

D'un trauail espineux, & d'une passion

Qui tousiours dans le cœur eternelle demeure, Ne nous laissant dormir la nuict vne seule heure.

C'est peu de cas aussi de bastir iusqu'aux cieux Maints Palais esleuez d'un front ambitieux, Qui ne seruent de rien que de pompeuse montre, Qui ne peuuent durer (tant soient forts) à l'encontre De la suite du Temps: car bien que les chaleurs, Les hyuers ou les vents, ou mille autres malheurs Soit de pluye ou de gresle, ou le slambant tonnerre, Ou l'ire d'vn Seigneur, ou le suc d'vne guerre, Ne les fissent tomber : si est-ce que le Temps Les sera de su faulx en moins de deux cens ans Renuerser pied sur teste, & à la petitesse Des champs egalera leur superbe hautesse.

Ie ne dy pas, Prelat, que ce ne soit bien fait
De bastir un Palais en delices parsait,
D'obtenir d'un grand Roy tout ce qu'on luy demande,
De se faire soy-mesme & sa race bien grande:
Mais il ne faut pas tant que le cœur y soit mis,
Ou'on ne face un tresor de fideles amis,
Sur lequel les larrons ny le seu n'ont puissance,
Ny l'ire des grands Rois, ny du Temps l'inconstance:
Il faut se rendre amy de ceux qui ont pouvoir
De chanter vostre nom, & de faire sçavoir
Aux siecles à venir vostre immortelle gloire
Par œuvre poëtique, ou par certaine histoire:
Lors vous serez pour vous trop plus que ne pensez
Si par ce beau moyen les ans vous devancez.

Mais ne voyez-vous pas comment la renommée
De vostre oncle defunct est desia consommée
Dans le creux du tombeau morte auecques ses os
(Si son nom quelquesois ne survient à propos)
Bien qu'il fust liberal, magnifique & honneste,
Bien qu'il eust comme vous le Chapeau sur la teste,
Et bien qu'il gouvernast l'autre Roy tout ainsi
Que vostre saincteté gouverne cestuy-cy?
On ne parle de luy non plus que d'un pauvre homme
Que la commune mort sans renommée assomme
Dans un liet incognu, par faute que les vers
Ne respandent son nom dedans cest Vnivers.

Dong' à fin, mon Seigneur, qu'on tel malheur n'emmure Vous & vostre renom sous mesme tombe obscure, Deuez en preuoyant vostre maison garnir
D'hommes qui scauront bien voz vertus maintenir,
Hardis contre la mort, qui les Princes emmene.
Tel à Rome iadis s'apparut vn Mecene,
Qui pere entretenoit les plus gentils esprits
Pour enrichir son nom de leurs nobles escrits:
Il ne sut point deceu de su belle esperance,
Ny ne sera iamais: il vit par souvenance
Autant que son Auguste, & encore auiourd'huy
Les Princes biensacteurs se surnomment de luy.

Or sus parlon de moy qui vous doy recognoistre Mon Mecene, mon tout, mon seigneur & mon maistre.

Muses, qui les sommets de Parnasse tenez, Et qui de nuict & iour voz danses demenez Sur le bord de Permesse: ô race genereuse, Qui pressez les ingrats d'une nuict oublieuse, Vous ne passerez pas ny au siecle futur, Ny en l'âge present mon nom d'un voile obscur Sous le titre d'ingrat: car une ingrate tache Ne souillera iamais mon cœur que ie le sçache: Ains ie diray, Seigneur, à noz peuples François Le bien que m'auez fait pour la seconde sois, Vous suppliant n'aguiere au chasteau qui s'appelle Du gracieux surnom d'une sontaine belle.

l'estois plus esperdu qu'vn viateur de nuit
Ne se perd en vn bois quand la Lune ne luit,
Et quand aucune estoille à ses yeux ne se montre:
Poursuiuant vn sentier, de fortune rencontre
Vn carrefour douteux en cent chemins croisé:
Il s'arreste au milieu comme mal-auisé,
Et comme ne pouuant en tenebres comprendre
Entre tant de chemins lequel il luy faut prendre,
Doutant bien longuement en ses sens esbahis
Lequel est le meilleur: par aduis de pais

Suit le plus droit chemin, qui sans seiourner guiere Le guide hors du bois, où il voit la lumiere Des loges des pasteurs, lesquels à la parfin Ayant de luy pitié, luy monstrent le chemin. Ainsi tout esgaré dedans la Court i'alloye, Entre mille chemins ne sçachant quelle voye le prendrois seurement pour me tirer du bois. l'entens du labyrinth de l'esprit où i'estois. Comme i'errois ainsi, ie veis luire une flame: Hà! ce tut le secours propice de ma Dame Sour vnique du Roy, & le vostre, Seigneur. Qui me fut du chemin le fidele enseigneur. Il est vray que la chose à la fin n'est venue Comme nous l'esperions: ie ne sçay quelle nue Couurit vostre faueur, & le sort inhumain Se mist deuant le fruit pour empescher ma main. Ainsi que la moisson se perd dessus la terre Lors que le mesnager dans la grange la serre. le perdis le bien-faict que i'auois eu du Roy Pour n'ofer m'attaquer à un plus grand que mov. « Quand quelque grand Seigneur au petit se colere, « Bien qu'en dissimulant son courroux il digere, « Si est-ce que son cœur qui se sent outragé, « lamais ne dort contant qu'il ne s'en soit vangé. Mais autant, mon Prelat, ie vous en remercie Oue si i'en iouyssois : car tandis que la vie Animera mon corps, fussay-ie en ceste part Où le vent Aquilon armé de glaces part, Ou fussay-ie tout nud sur l'Aethiope arene, l'auray tousiours pour Prince vn Charles de Lorraine Engraue dans le cœur d'un ferme souuenir : Et quand la froide mort me fera deuenir Vain hoste du sepulchre, encore d'un murmure le bruiray vostre nom dedans ma sepulture.

Vous m'auez honore, & non pas comme ceux Qui caressent les gens pour une fois ou deux, Puis le matin venu, hagards ne les cognoissent. Pensant estre honnis si les yeux ils abaissent Pour regarder quelqu'un, soit entrant chez le Roy, Ou soit en lieu public, ou en lieu de requoy, Ou dedans une allée, ou deuant une porte. 'Mais vous ne fustes ong' vers moy de telle sorte: Car à toutes les fois que me suis presenté A vous, mon cher Seigneur, vous m'auez escouté, Et comme treshumain, d'une douce maniere Vous auez entendu tout du long ma priere Sans me tourner les yeux, ny sans baisser le front, Signes distinulez que les courtizans font Quand ils trompent quelqu'vn, ou quand ils n'ont enuie De prester un plaisir à celui qui les prie.

Me blasme qui voudra d'importuner le Roy D'augmenter ma fortune : or Seigneur, quant à moy le ne seray honteux de luy faire requeste : Il ne sçauroit monstrer largesse plus honneste Que vers ceux que la Muse, & Phæbus Apollon Nourrissent cherement pour illustrer son nom. le ne sçaurois penser que des peintres estranges Meritent tant que nous les postes des louanges, Ny qu'un tableau basty par un art ocieux Vaille vne Franciade œuure laborieux: le vous en fais le iuge, & pour certain ie pense Que iuste donnerez pour moy vostre sentence. Hà, bons Dieux, qui mettroit la Franciade à fin Sans le bien-faict d'un Roy? ie le vous dis, à fin Que vostre saincteté quelquefois luy redie, Pour rendre à bien chanter ma Muse plus hardie. Virgile n'eust iamais si brauement chanté Sans les biens de Cesar : i'ay experimenté

Qu'un pauure ne scauroit entreprendre un grand œuure : Volontiers le marteau d'un soufreteux manœuure Ne fait vn grand Palais: tant plus il monte haut, Plus la faim le rabaisse, & le cœur luy defaut. Vne ode, une chanson se peut faire sans peine: Mais une Franciade, œuure de longue haleine, Ne s'accomplist ainsi : il me taut esprouuer La longueur de dix ans auant que l'acheuer : Car vn liure si grand & si plein d'artifice Ne part ainsi des mains sans qu'on le repolisse. Peut estre on me dira que ie suis de loisir. Et que ie la deurois chanter pour mon plaisir : Mais certes ce n'est moy qui en vain me distille Le cerueau par dix ans pour une œuure inutile, Qui n'apporte nul bien sinon rendre grison, Palle, & boufy l'auteur en sa ieune saison, Gouteux & catharreux des humeurs amassées Par tant & tant de nuicts sur les liures passées.

l'ay Dieu mercy, Prelat, vn peu de bien pour moy, le suis demy-contant: mais pour chanter du Roy Les ayeux, bisayeux, leurs faits, & leur prouesse, le n'en ay pas assez: honteux ie le confesse, Et si aime trop mieux le confesser, Prelat, Que la posterité m'accuse d'estre ingrat.

Non non, ie ne quiers pas ces publiques offices, Ces grasses Eueschez, ces riches Benefices: Tels biens sont deuz à ceux qui le meritent mieux, A noz Ambassadeurs qui d'vn soin curieux Veillent pour nostre France, & pour ceux qui en guerre Au danger de leur sang augmentent nostre terre.

Or viuez, mon Prelat, viuez heureusement, Prelat digne de viure au monde longuement: O l'honneur plus sameux de vostre noble race, le vous suppli' vouloir d'vne ioyeuse face Ces vers forgez à haste en voz mains receuoir Pour le gage tresseur de mon humble deuoir : Et s'ils ne sont bien faicts, si bien ie ne vous chante (Le vouloir seulement, & non l'œuure ie vante) Vous me verrez un iour plus hautement iouer, S'il vous plaist d'un bon œil pour vostre m'auouer, Non pas au rang nombreux de voz Protenotaires: Car les champs & les bois & les lieux solitaires Et les prez, où le Loir parmy les herbes court, Me plaisent beaucoup plus que le bruit de la Court : Il me suffist, Prelat, si venant du village Ouelquefois pour vous voir, i'ay de vous bon visage, Vn ris, vne accollade, vn petit clin des yeux: Si i'ay telle faueur, ie suis au rang des Dieux, Et tout l'obscur brouillas qui mes Muses oppresse, De bien loin s'enfuira deuant ceste caresse.

« Que sert dessous la terre un abismé tresor « S'il n'est mis en usage? & que seruent encor

« Les nauires au port de voiles empennées,

« S'elles n'ont un pilot pour estre gouvernées?

« Et que seruent les vers, tant doctes soient escris, « Si de quelque grand Prince ils ne sont fauoris?

Ma Muse quelquesois sera de vous aimée,
Puis que vostre faueur est toute accoustumée
D'attirer doucement les Poëtes chez vous,
Non pas comme seigneur, mais comme pere dous.
Sainct Gelais est à vous, Carle est à vous encore,
Et Dorat aux vers d'or qui vostre nom redore,
Et celuy qui a fait d'un ton grauement haut
Le premier resonner le François eschaufaut.
Si par vostre bonté vous me mettez au nombre
De ces quatre diuins, i'esclairciray tout l'ombre
Qui me detient obscur, pour ne vous repentir
De m'auoir au besoin vostre ayde sait sentir.

Ie ne vous seray point en deshonneur: car i'ose
Sans rougir asseurer que ie sçay quelque chose,
Et (si quelqu'un se peut honnestement vanter)
Que vous prendrez plaisir à m'entendre chanter:
Non pour l'amour de moy, mais pour l'amour des belles
Filles de Iupiter, les neuf Muses pucelles
Dont ie suis serviteur, & desquelles l'amour
Tout furieux d'esprit me ravit nuist & iour,
Descouurant leurs secrets aux nations Françoises,
Que hardy i'espuisay des sontaines Gregeoises.

Ceste belle neuuaine amoureuse en son cœur De vous, qui me serez amiable seigneur, loyeuse m'ouurira ses grottes recullées, Et me fera dormir au fond de ses vallées, Où pour l'honneur de vous, trois fois m'abreuuera Du ruisseau qui Poëte en vn iour me fera, Pour mieux choisir, rauir, & desrober les choses Que belles ie verray dans son giron encloses. Tout ainsi que l'abeille, animal né du ciel, Choisift les belles fleurs pour en faire du miel, Honorant son logis de ces liqueurs infuses : Ainsi ie choisiray les belles fleurs des Muses A fin d'en esmailler un liure en vostre nom, Pour engarder, Prelat, que vostre beau renom Ne soit proye des ans, qui volontiers oppressent Les meilleures vertus, & les pires nous laissent.





NOUVELLE

CONTINUATION DES AMOURS

de P. de Ronsard Vendomois.

1556.

ELEGIE.

(Texte de 1557, Paris; retranché en 1560.)

Au bœuf, qui tout le iour a trainé la charüe, On oste au soir le ioug quand la nuiét est venüe, Et mis dedans l'estable est pensé doucement, Soulageant son trauail par un bon traittement.

Quand le cheual guerrier, courant aus bords de Pise Des Ieux Olimpiens a la gloire conquise, Et que son corps poudreux des loustes de cinq ans Il a bien nettoyé dans les flots Alpheans, Plus son ventre vieillard son maistre n'esperonne, Mais luy oste le frain, & liberté luy donne.

Quand vn Soldat a fait es guerres son effort Pour gaigner la bataille, ou pour fausser vn fort, Et qu'il a tout le corps marqué de belles playes, Il vit franc des combats, au rang des mortes-payes, Et à quelque crochet, ou debout contre vn bois, Pour l'y laisser rouiller, attache son harnois:

Mais toy, meschant amour, tousiours tu renouvelles Tes playes contre moy, & tes siertez cruelles: Et bien que ia trente ans poisent dessus mon chef, Pourtant tu n'as pitié de mon triste meschef: Mais comme un sier tyran inexorable & rude, Tu ne m'ostes du col le ioug de servitude, Foulant du pied ma teste, & brulant sans repos D'un seu continuel mes venes & mes os.

Pour n'estre desormais une nouvelle fable Au peuple, il seroit tems (s'il te fust agreable) De me donner congé, & mettre en liberté Mon col, qui si long temps au joug fut arrellé, Afranchi du trauail & des peines gaignées, Suyuant tes estendarts par dix ou douze années Sans receuoir un bien: car iamais dessous tou Amant ne guerroya si malheureux que moy, Ni si desesperé. Et quoy, fils de Déesse! le ne suis plus dispos, ne bouillant de ieunesse Pour faire vne couruée : il te faut attizer Ceux, à qui le menton ne se fait que friser, Afin que tes beaus traits leur (eruent d'exercice : Ceux de cet age là sont bons à ton service, Ilz sont forts & dispos, & n'ont encor senty Le mal dont tant de fois ie me suis repenty: Mais quoy? c'est un tribut qu'il faut que chacun paye: Non que ie sois lasse d'auoir au cœur la playe Que ton beau trait me feit, plustost mille trespas Me puissent auenir, que iamais i'en sois las : Car ie te seruiray soit en barbe mestée, Ou soit que tout mon chef blanchisse de gelée.

le ne suis ny tout seul, ny certes le premier A qui tu sais du mal : ton trait est coustumier De naurer les plus grands, & ceux dont la nature Des plus nobles vertus gentillement a cure. Tous les Dieux ont aymé, & les hommes aussi, Et bref il n'y a rien exempt de ton soucy.

Si quelque homme mortel m'auoit fait cet outrage, l'armerois contre luy l'ire de mon courage, Et m'en voudrois venger: mais puis que c'est vn Dieu, Ie ne me puis deffendre, il luy faut donner lieu: Car on tient pour certain qu'vne humaine poitrine Ne sçauroit refister à la force diuine. De cela sont tesmoings les Geans odieux, Qui en vain seirent teste à la force des Dieux.

Or fay moy doncque, Dieu, tout ce que voudras faire, Rien qui vienne de toy ne me sçauroit desplaire, le suis ton seruiteur, ie ne veux d'autre Roy.

Sans barbe ie suz tien, barbu ie suis à toy:

Tien ie seray tousiours, & deussay-ie en tristesse
Vser ma pauure vie auecques ma maitresse.

CHANSON

(Texte de 1572-73; retranché en 1578.)

Pourquoy tournez vous voz yeux Gracieux, De moy quand voulez m'occire? Comme si n'auiez pounoir Par me voir D'vn seul regard me destruire?

Las! vous le faittes afin Que ma fin Ne me semblast bien-heureuse, Si i'allois en perissant loüissant De vostre œillade amoureuse.

Mais quoy? vous abusez fort:
Cette mort
Qui vous semble tant cruelle,
Ge m'est vrayment vn bon heur
Pour l'honneur
De vous, qui estes si belle.

[SONETS.]

(Pour les trois sonnets suivants, texte de 1572-73, retranché en 1578.)

O toy qui n'es de rien en ton cœur amoureuse
Que d'honneur & vertu, qui te font estimer,
Quoy! en glace & en seu voirras-tu consommer
Tousiours mon pauure cœur sans luy estre piteuse?
Bien que vers moy tu sois ingrate, & dédaigneuse,
Fiere, dure, rebelle, & nonchallant' d'aimer,
Encor ie ne me puis engarder de nommer
La terre où tu nasquis sur toute bien-heureuse.
Ie ne te puis hair, quoy que tu me sois siere,
Mais bien ie hay celuy qui me mena de nuist
Prendre de tes beaux yeux l'acointance premiere:
Celuy sans y penser à la mort m'a conduit,
Celuy seul me tua, hé mon Dieu! n'est-ce pas
Tuer que de conduire vn homme à son trespas?

Autre (i'en iure amour) ne se sçauroit vanter D'auoir part en mon cœur, vous seule en estes dame, Vous seule gouuernez les brides de mon ame, Et seulz vos yeux me sont ou pleurer, ou chanter.

Ils m'ont sceu tellement d'on regard enchanter, Que ie ne puis ardoir d'autre nouuelle flamme, Quand i'aurois deuant moy toute nuë vne semme, Encores sa beauté ne me scauroit tenter.

Si vous n'estes d'un lieu si hautain que Cassandre, le ne sçaurois qu'y faire, Amour m'a fait descendre lusques à vous aymer, Amour, qui n'a point d'yeux,

Qui tous les iours transforme en cent fortes nouvelles Aigle, Cygne, Toreau, ce grand maistre des dieux, Pour le rendre amoureux de nos femmes mortelles. Las! pour vous trop aymer ie ne vous puis aymer:
Car il faut en aymant auoir discretion,
Helas! ie ne l'ay pas: car trop d'affection
Me vient trop follement tout le cœur enflammer.
D'vn feu desesperé vous faites consommer
Mon cœur que vous brulez sans intermission,
Et si bien la fureur nourrist ma passion,
Que la raison me faut, dont ie me deusse armer.
Ah! garissez moy donc de ma fureur extreme,
Afin qu'auec raison honorer ie vous puisse,
Ou pardonnez au moins mes fautes à vous mesme,
Et le peché commis en tatant vostre cuisse:
Car ie n'eusse touché en lieu si dessendu,
Si pour trop vous aymer mon sens ne suit perdu.

L'AMOVR OYSEAV.

(Texte de 1572-73; retranché en 1578.)

Vn enfant dedans vn bocage Tendoit finement ses gluaux, Afin de prendre des oyseaux Pour les emprisonner en cage : Quand il veit par cas d'auenture, Sur vn arbre Amour emplumé, Qui voloit par le bois ramé Sur l'une & sur l'autre verdure. L'enfant qui ne cognoissoit pas Cét oyseau, fut si plein de ioye Que pour prendre vne si grand' proye Tendit sur l'arbre tous ses lats. Mais quand il vit qu'il ne pouuoit (Pour quelques gluaux qu'il peust tendre) Ce cauteleux oyseau surprendre, Qui voletant le deceuoit :

Il se print à se mutiner Et getant sa glus de colere, Vint trouuer une vieille mere. Qui se messoit de deuiner. Il luy va le fait auoüer, Et sur le haut d'on Buys luy monstre L'oyseau de mauuaise rencontre, Qui ne faisoit que se iouer. La vieille en branlant ses cheueux Qui ia grisonnoient de vieillesse, Luy dit : Cesse mon enfant, cesse, Si bien tost mourir tu ne veux, De prendre ce fier animal, Cet oyfeau, c'est Amour qui vole, Qui tousiours les hommes affole Et iamais ne fait que du mal. O que tu seras bien heureux Si tu le fuis toute ta vie, Et si iamais tu n'as enuie D'estre au rolle des amoureux. Mais i'ay grand doute qu'à l'instant Que d'homme parfait auras l'âge, Ce malheureux oyfeau volage, Qui par ces arbres te fuit tant, Sans y penser te surprendra, Comme une ieune & tendre queste, Et foulant de ses pieds ta teste, Que c'est que d'aimer, t'aprendra.

CHANSON.

(Texte de 1572-73; retranché en 1578.)

le te hay bien (croy moy) maistresse, le te hay bien, ie le confesse Et te deurois encor plus fort
Hayr que ie ne fais la mort.
Toutesfois il faut que ie t'aime
Plus que ma vie & que moy-mesme,
Car plus ta fiere cruauté
Me reiette, plus ta beauté
(Pour mourir & viure auec elle)
A ton service me rappelle.

CHANSON.

(Texte de 1572-73; retranché en 1578.)

Plus tu connois que ie bruste pour toy,
Plus tu me fuis cruelle:
Plus tu connois que ie vis en esmoy,
Et plus tu m'es rebelle.
Te laisseray-ie? helas ie suis trop tien,
Mais ie beniray l'heure
De mon trespas: au-moins s'il te plaist bien
Qu'en te seruant ie meure.

LE GAY.

(Texte de 1557, Paris; retranché en 1560.)

Te tairas tu, Gay babillard?
Tu entreromps le chant mignard
De ce Linot qui se degoise,
Qui fait l'amour dans ce buisson,
Et d'une plaisante chanson
Sa ieune semelle appriuoise.
Tu cries encore, vilain,
Va-ten, tu as le gousier plein
D'un chant qui predit les orages:
Que ne vient icy l'Espreuier!

On t'orroit bien plus hault crier Le iargon de mille langages. Va-ten donc tes petits couuer, Ou bien afin de leur trouuer le ne sçay quoy pour leur bechée: Pendant que tu m'es importun, Puisse arriuer icy quelqu'on Qui te derobbe ta nichée.

A LA DVCHESSE DE VALENTINOIS.

(Texte de 1573; retranché en 1578.)

Seray-ie seul viuant en France de vostre âge,
Sans chanter vostre nom si craint & si puissant?
Diray-ie point l'honneur de vostre beau croissant?
Feray-ie point pour vous quelque immortel ouurage?
Ne rendra point Anet quelque beau tesmoignage
Qu'autre-sois i'ay vescu en vous obeyssant?
N'iray-ie de mes vers tout le monde emplissant,
Celebrant vostre sille, & tout vostre lignage?
Commandez-moy, Diane, & me ferez honneur
Si de vostre grandeur ie deuiens le sonneur,
Vous seruant de ma Muse à vostre nom voüée:
l'ay peur d'estre accusé de la posterité,
Qui tant oyra parler de vostre Deité,
Dequoy, moy la voyant, ie ne l'auray loüée.

A MONSEIGNEVR LE CONNESTABLE.

(Texte de 1560; retranché en 1567.)

L'an est passé, & ia l'autre commence, Que ie trauaille à celebrer voz faits, Et les combats qu'en la guerre auez faits, Seruant le pere, & le fils, & la France: Et toutesfois vostre grande puissance
Ne m'a du Roy fait sentir les bienfaits,
Et suis contraint de plier sous le fais
S'il ne vous plaist en auoir souvenance.
Vous plaise donc me rendre ceste année
Mieux que l'autre an ma Muse fortunée,
Pour vous chanter plus que deuant encor.
Ainsi tousiours du Roy le bon visage
Vous fauorise, ainsi du vieux Nestor
Sain & dispos puissiez vous auoir l'âge.

AV ROY HENRY.

(Texte de 1573; retranché en 1578.)

Roy, qui les autres Rois surmontez de courage,
Ne vous excusez plus desormais sur la guerre,
Que vostre ayeul Francus ne vienne en vostre terre,
Qui durant voz combats differoit son voyage.

Apres la guerre il faut qu'on remette en vsage
Les Muses & Phebus, & que leur bande asserre
Des chapeaux de laurier, de myrthe, & de lierre,
Pour ceux qui vous feront present d'un bel ouurage.
En guerre il faut parler d'armes & de harnois:
En temps de paix, d'esbats, de ioustes, de tournois,
De nopces, de sestins, d'amour, & de la danse:
Et de chercher quelqu'un pour celebrer voz faits:
Car il vaudroit autant ne les auoir point faits,
Si la posterité n'en auoit connoissance.

A MADAME MARGVERITE Duchesse de Sauoye.

(Texte de 1573; retranché en 1578.)

Ni du Roy, ni de vous, ni de mon cher Mecene
le n'ay dequoy me plaindre, aussi ie ne m'en plains,
Seulement de Fortune à bon droit me complains,
Qui ose de vous trois triompher de la peine.
Mais d'où vient que touiours douce mere, elle ameine
Des biens aux hommes sots, inutiles, & vains?
Et que les bons esprits volontiers sont contrains
De la nommer tousiours leur Marátre inhumaine?
Contre son impudence vn espoir me conforte,
C'est qu'elle qui sans cesse en tous lieux se pourmeine,
Viendra sans y penser quelque iour à ma porte,
Et maugré qu'elle en ait me sera plus humaine:
Car ie suis asseuré qu'elle n'est assez forte
Pour seule veincre vn Roy, & vous & mon Mecene.

A LA ROYNE D'ESCOSSE, pour lors Royne de France.

ODE.

(Texte de 1578; retranché en 1584.)

O belle & plus que belle & agreable Aurore,
Qui auez delaissé vostre terre Escossoise
Pour venir habiter la region Françoise,
Qui de vostre clarté maintenant se decore :
Si i'ay eu cest honneur d'auoir quitté la France
Voguant dessus la mer pour suiure vostre pere :

Si loin de mon pays, de freres & de mere,
l'ay dans le vostre vsé trois ans de mon enfance:
Prenez ces vers en gré, Royne, que ie vous donne
Pour fuyr d'vn ingrat le miserable vice,
D'autant que ie suis nay pour faire humble service
A vous, à vostre race, & à vostre couronne.

ODE. En Dialogue.

(Texte de 1578; retranché en 1584.)

Ronfard.

Pour auoir trop aimé vostre bande inégale, Muses qui dessiez (ce dites vous) les temps, l'ay les yeux tous batus, la face toute palle, Le chef grison & chaune, & si n'ay que trente ans.

Mufes.

Au nocher qui sans cesse erre sur la marine, Le teint noir appartient : le soldat n'est point beau Sans estre tout poudreux : qui courbe la poitrine Sur noz liures, est laid, s'il n'a palle la peau.

Ronfard.

Mais quelle recompense auray-ie de tant suiure Voz danses nuict & iour, vn Laurier sur le front? Et ce-pendant les ans, ausquels ie deusse viure En plaisirs & en ieux, comme poudre s'en-vont?

Mufes.

Vous aurez en viuant une fameuse gloire,
Puis quand vous serez mort, vostre nom sleurira:
L'âge de siecle en siecle aura de vous memoire,
Seulement vostre corps au tombeau pourrira.

Ronfard.

O le gentil loyer! que sert au vieil Homere, Ores qu'il n'est plus rien sous la tombe là bas, Et qu'il n'a plus ny chef, ny bras, ny iambe entiere, Si son renom sleurist, ou s'il ne sleurist pas?

Mufes.

Vous estes abusé : le corps dessous la lame Pourry ne sent plus rien, aussi ne luy en chaut : Mais vn tel accident n'arriue point à l'âme, Qui sans matiere vit immortelle là haut.

Ronfard.

Bien, ie vous suiuray donc d'vne face riante, Deussay-ie trespasser de l'estude veincu, Afin qu'apres ma mort à la race suiuante le ne sois dissamé qu'en porc i'auray vescu.

Mufes.

- « Voila sagement dit : ceux dont la fantasie « Sera religieuse, & deuote enuers Dieu,
 - « Tousours maugré les ans viura leur Poësie,
 - « Et dessus leur renom la Parque n'aura lieu.

SONET.

(Tente de 1572-73; retranché en 1578.)

O ma belle Maitresse, à tout le moins prenez De moy vostre seruant ce Rossignol en cage, Il est mon prisonnier, & ie vis en seruage Sous vous, qui sans mercy en prison me tenez. Allez donc, Rossignol, en sa chambre, & sonnez
Mon dueil à son oreille auec vostre ramage,
Et s'il vous est possible émouuez son courage
A me faire mercy, puis vous en reuenez.
Non non, ne venez point, que feriez vous chez moy?
Sans aucun reconfort, vous languiriez d'esmoy,
« Vn prisonnier ne peut vn autre secourir.
le n'ay pas, Rossignol, sur vostre bien enuie,
Seulement ie me hay & me plains de ma vie,
Qui languist en prison, & si n'y peut mourir.

SONET.

(Texte de 1557; retranché en 1560.)

Penses tu, mon Aubert, que l'empire de France
Soit plus chery du ciel que celuy des Medois,
Que celuy des Romains, que celuy des Gregeois,
Qui sont de leur grandeur tombez en decadance?
Nostre empire mourra, imitant l'inconstance
De toute chose née, & mourront quelquesois
Nos vers & nos escrits soient Latins, ou François,
Car rien d'humain ne fait à la mort resistance.
Ah! il vaudroit mieux estre Architecte ou Maçon,
Pour richement tymbrer le haut d'vn ecusson
D'vne crosse honorable, en lieu d'vne Truelle:
Mais dequoy sert l'honneur d'escrire tant de vers,
Puis qu'on n'en sent plus rien, quand la Parque cruelle,
Qui des Muses n'a soin, nous a mis à l'enuers?





CHANT DE LIESSE

AU ROY.

1559.

(Texte de 1578; retranché en 1584.)

le ne serois digne d'auoir esté Nourry petit dessous ta Maiesté, Si au milieu de tant de voix qui sonnent, Tant d'instrumens qui doucement resonnent, Tant de combats, de ioustes, de tournois, De tabourins, de fifres, de haubois, Oui sont tous pleins de ioyeuse allegresse, le ne sentois la publique liesse. Ie ne serois ton fidele suiet, Si en voyant un si plaisant obiet Ie ne monstrois d'escrit & de visage De ma liesse un publiq' tesmoignage, Pour louer Dieu si fauorable, & toy Qui t'es monstré si bon pere, & bon Roy: Qui, comme Auguste, apres la longue guerre As ramené l'âge d'or sur la terre, Themis, Astrée, & nous as fait auoir Ce que ton pere a souhaité de voir, Et toutes fois iamais n'auoit sceu faire Ce qu'en un iour tu nous as [ceu parfaire. Tu as changé tes guerriers estendars En Oliviers: le fer de tes soldars

Iu as changé tes guerriers estendars En Oliviers: le fer de tes soldars (Qu'avoit si bien affilé la querelle) S'est esmoussé dessous la paix nouvelle. Tu as lié de cent chaisnes de ser
Le cruel Mars aux abysmes d'enser:
Et la Discorde, Enyon & Bellonne,
Par ton moyen n'offensent plus personne:
La mort, le sang, & le meurtre importun
Ont donné place au doux repos commun,
Et en grondant de menaces despites,
Par ton moyen sont allé voir les Scythes
Loin de l'Europe, & ton peuple ont laissé
Libre du ioug qui trop l'auoit pressé.

Quel plaisir est-ce en lieu d'ouyr les armes, De voir les champs tous foulez de gendarmes, De voir en l'air les estendars rampans En taffetas, tout ainsi que serpens Qui vont par l'herbe, & d'un col qui menace, A cent replis entre-coupent leur trace? De voir le fer des soldats tous sanglans, Voir les vieillards tous palles & tremblans Assassinez aupres de leur famille? Voir une mere, une veufue, une fille Porter au col ou son frere ou son fils, Et pauurement mendier d'huis en huis? Quel plaisir est-ce en lieu de voir les villes, Places, chasteaux, & campagnes fertilles, Du haut en bas & razer & bruster, Et iusqu'au ciel les plaintes se mester D'hommes, d'enfans, de filles & de femmes, Sauuant leurs corps demy-bruslez de flames? Quel plaisir est-ce en lieu d'ouyr le bruit D'un mur tombé, ou d'un rempart destruit, Voir maintenant à Paris dans les rues De tes suiets les troupes espandues loyeusement à ce retour de l'an Crier Hymen, ô Hymené, Hymen:

Verser œillets & liz comme une pluye Tombe en Esté quand le chaut nous ennuye?

Hé quel plaisir de voir le peuple en bas, En se pressant de testes & de bras, Deçà delà se mouvoir, ainsi qu'ondes Ou de la mer, ou des campaignes blondes, Lors que les vents doucement redoublez Crespent le haut de la mer & des blez? Tourbe ondoyante, en soule espoisse mise, De ton Palais iusqu'à la grand Eglise D'un pied pressé t'attendre, pour auoir Tant seulement ce bien que de te voir Mener ta sille en royal equipage, Ou bien ta sœur au sacré mariage!

Hé quel plaisir d'ouyr ioindre la vois Du peuple gay à celle des haubois, De voir marcher en ordonnance egale Tes fils chargez de couronne royale? Et par-sus tous de voir la grauité De ta treshaute & grande Maiesté? Voir au Palais les tables solennelles, Ainsi qu'au ciel les tables eternelles De Iupiter, quand au Palais des cieux Il se marie, ou festie ses Dieux, Et qu'au milieu de la celeste troupe La ieune Hebé luy presente la coupe? Hé quel plaisir voir danser & baller, Voir l'amoureuse à son amy parler, Voir nouneaux ieux, masques & mommeries, Au pris de voir les sanglantes tu'ries Du cruel Mars, que ta douce bonté Par une paix pour iamais a donté?

Ceux qui liront depuis le Roy Clotaire (lusqu'à François premier du nom, ton pere) Les Rois qui ont par un Sceptre (uiuant Si bien regy la France au parauant, Ne trouueront par antique memoire Que les vieux Rois parangonnent ta gloire: Car leurs honneurs sont surpassez des tiens, Soit en victoire, en prouesse, ou en biens. Presque en douze ans tu as assuietie De tes voisins la plus grande partie, Et loin de France en l'une & l'autre mer Les Fleurs-de-liz tu as fait renommer. Or d'estre Roy cela vient de fortune, Qui aux petits & aux grands est commune : Mais ton grand heur (que Roy iamais n'eut tel) N'est point commun à nul autre mortel, Desur ton chet encor' n'est retournée De l'âge tien la quarantieme année, Et toutefois en la fleur de tes ans Tu as du ciel les plus riches presens.

Sire, tu as ainsi comme il me semble Seul plus d'honneur que tous les Rois ensemble : De ton viuant tu vois ainsi que toy Ton fils aisné en sa ieunesse Roy, Qui pour ta brus t'a donné la plus belle Royne qui viue, & fust-ce vne immortelle, Et qui peut estre aura dessus le chef Vne Couronne encores derechef, Pour ioindre ensemble à la terre Escossoile L'honneur voisin de la Couronne Angloise. Tes autres fils si belliqueux seront, Que d'Orient les Sceptres ils auront, Et chasseront par guerriere contrainte Les mescreans hors de la Terre-sainte. Ta fille aisnée encores doit auoir Ce Roy qui passe en biens & en pouuoir

Les Rois d'Europe, à qui toute l'Espaigne, Flandres, Milan, la Secile, Sardaigne, Naples, Maiorque obeyssent ainsi Que dessous toy ce grand Royaume ici. D'une autre part le grand Duc d'Austrasie Ton autre fille en espouse a choisie: Et ta petite est pour le fils aisné Du Roy qui s'est pour ton gendre donné: D'une autre part ta sœur en qui repouse Toute vertu, est maintenant l'espouse De ce grand Duc qui souloit te hayr, Et maintenant est prest de t'obeyr, Amortissant toute noise ancienne, Ayant conioint sa race auec la tienne.

Qui donques Roy fut iamais si heureux, Si plein d'honneur, d'enfans si plantureux, Qui dessous toy ia grandets apparoissent Comme sions qui sous vn arbre croissent? Qui viuent tous, & si n'en as pas-vn Qui soit pourueu d'vn petit bien commun: Car ils sont tous abondans en richesses, Ou Rois, ou Duces, ou Roynes, ou Duchesses.

Tu es gaillard, tu es ieune & dispos,
Et qui plus est, tu as mis en repos
Ton peuple & toy: car sans la paix publique
Peu t'eust vallu ton bon-heur domestique.
Tu as par tout ton peuple obeyssant:
Mais le seul poince qui te rend si puissant,
C'est le service, & la sidele peine
De la maison illustre de Lorraine,
Qui t'a servy & en guerre & en paix,
Et iusqu'au ciel a egallé tes saits:
C'est d'autre part le service agreable
De ton vaillant & sage Connestable,

Auquel tu fais comme à ton pere honneur, Et dont les ans t'ont seruy de bon-heur : C'est vn d'Albon, vn Chastillon, & mille Autres Seigneurs dont ta France est fertille.

Donques ayant tant de felicité, Contente toy de ceste humanité: N'aspire point aux Deitez d'Homere, Bien qu'en ses vers ils facent si grand chere: Et vy cent ans en France bien-heureux: Car ton bon-heur vaut bien celuy des Dieux.





A la suite de

LA PAIX. AU ROY.

Par P. de Ronsard, Vandomois.

1559.

ENVOY DES CHEVALIERS AVX DAMES,

au tournay de Monseigneur le Duc de Lorraine.

(Texte de 1560; retranché en 1567.)

Bien que les traits d'Amour qui blessent la ieunesse, Soyent dedans son carquois languissans de paresse, Et que tous ses brandons qui rendent allumés Les ieunes amoureux soyent presque consumés Par l'iniure de Mars qui dedans la campaigne Du sang des chevaliers cruellement se baigne, Ne voulant point souffrir qu'Amour dompte le cour Des hommes valeureux dont il est le veinqueur : Si est-ce toutesfois que Mars n'a (ceu tant faire, Que douze Cheualiers & douze, pour complaire Aux dames, ne se soyent à ses ioutes trouvez, Où tous les combatans aux armes esprouuez, Des quatre parts du monde, où toutes Damoyselles Qu'on estime en beauté surpasser les plus belles Se deuoyent convier à fin de faire honneur Au iour, qui aux François promet tant de bonheur.

Ces combatans qui sont en nombre vingt & quatre Ont iuré douze à douze ensemble de combatre A la lance, à l'espée, & pour iuges ont pris Les Cheualiers qui sont aux armes mieux apris : Vn fi braue defir leurs courages alume, Ou'ils meprisent les dons que lon a de coustume De donner aux veinqueurs, comme les rameaux verts, Dont les jousteurs d'Olympe auoyent les fronts couvers, Ou viure dans un marbre, ou se rendre admirable Par une Pyramide aux siecles memorable, Ou vendre leur vertu pour les presents d'un Roy Atachez au perron au deuant du Tournoy: Ains se sont contentez en montrant leurs prouesses, De faire par espreuue entendre à leurs maistresses Oue non tant seulement se voudroyent hazarder (S'il en estoit besoing) pour leurs honneurs garder, Mais qu'ils sont suffisans, soit en guerre ou en lice, De forcer les plus forts à leur faire seruice Et de contreindre ceux lesquels ne voudroyent pas A soutenir la loy des ioustes de ce pas : Et pour ceste raison un chacun de la bande A choysi sa maistresse, à laquelle il demande Quelque honneste faueur, vous suppliant aussi De prendre de leur part ces petits dons icy. S'ils obtiennent de vous une faueur si belle, Ils ont gagé leur foy par promesse fidelle Que ceux qui gaigneront la victoire, pourront Faire service apres de tout ce qu'ils voudront (Auecques tout honneur & toutes courtoifies) Des autres Cheualiers les maistresses choisies : Pource ils vous ont transmis cet escrit pour auoir De vous quelque faueur, vous priant de vouloir Leur faire cet honneur de voir rompre leur lance : Car se fiant en vous, ils ont bonne esperance De montrer auiourd'huy que celles qui auront Deux si bons Cheualiers, contentes se tiendront,

Et que celles au si qui tel bien ne reçoiuent, Pour telle occasion, courroucer ne se doiuent, Mais tenir leurs faueurs pour tresbien employées, Que par affection elles ont enuoyées Aux autres Cheualiers, qui ont perdu l'honneur Du prix, par la fortune & non faute de cueur.





DISCOURS

A treshault & trespuissant Prince Monseigneur le Duc de Sauoye.

CHANT PASTORAL

A Madame Marguerite, Duchesse de Sauoye.

Plus, XXIIII Inscriptions

en faueur de quelques grands Seigneurs, lesquelles deuoyent seruir en la Comedie qu'on esperoit representer en la maison de Guise par le commandement de Monseigneur le Reuerendissime Cardinal de Lorraine.

Par Pierre de Ronsard Vandomois.

1559.

Pour les Rois de France & d'Espagne.

(Texte de 1578; retranché en 1584.)

Grand Iupiter, habite si tu veux Tout (eul l'Olympe, & garde ton tonnerre : Ces deux grands Rois les plus grands de la terre Departiront tout ce monde pour eux.

Pour le Roy de France.

(Texte de 1578; retranché en 1584.)

Pour vn Croissant il te faut vn Soleil: Plus ta vertu n'a besoin d'accroissance, Qui toute ronde & pleine de puissance Te fait reluire en terre sans pareil.

Pour le Roy d'Espagne, sur sa deuise.

(Texte de 1578; retranché en 1584.)

Espoir & crainte est la seule misere Qui nous tourmente: & qui en ce bas lieu Ainsi que toy ne craint plus ny espere, Se doit nommer non pas homme, mais Dieu.

Pour luy mesme.

(Texte de 1573; retranché en 1578.)

O l'heritier des vertus de Iason! O de lunon race recommandée, Tu as au col la Colchide toison, Mais en ton liët tu n'as point de Medée.

Pour la Royne mere du Roy.

(Texte de 1578; retranché en 1584.)

Plus que Rhea nostre Royne est feconde De beaux enfans, lesquels en diuers lieux Ayant regy la plus grand part du monde, Iront au ciel pour estre nouueaux Dieux.

Royne d'Espaigne.

(Texte de 1578; retranché en 1584.)

Comme vn beau liz, se monstre la ieunesse D'Elizabet: & si en corps mortel Vouloit çà bas descendre vne Déesse, Pour estre belle, elle en prendroit vn tel. Pour le Roy François fecond de ce nom, alors nommé Roy-Dauphin.

(Texte de 1578; retranché en 1584.)

On ne voit point qu'vn fort Lion ne face Ses lionneaux hardis & furieux: Ce ieune Roy forty de bonne race Aura le cœur pareil à ses ayeux.

A luy mesmes.

(Texte de 1559; retranché en 1560.)

Tel fut Achille apres que l'Itaquois Luy eut osté l'habit de damoiselle, Pour le mener dans le camp des Gregois Tuer Hector de sa lance nouvelle.

Pour la Royne d'Escosse, alors Royne de France.

(Texte de 1578; retranché en 1584.)

Ainsi qu'on voit demy-blanche & vermeille Naistre l'Aurore, & Vesper sur la nuit, Ainsi sur toute en beauté nompareille Des Escossois la Princesse reluit.

Pour elle mesme.

(Texte de 1578; retranché en 1584.)

Moins belle fut ceste Venus diuine Quand à Cythere en sa Gonque aborda, Lors que le stot qui neuf mois la garda, La feit sortir de l'escume marine.

Duc de Sauoye.

(Texte de 1578; retranché en 1584.)

Alcide acquist louange non petite D'auoir gaigné les riches pommes d'or : Ayant acquis la belle MARGVERITE, Tu as tout seul du monde le tresor.

Duchesse de Sauoye.

(Texte de 1578; retranché en 1584.)

Ceste vertu des yeux de la Gorgonne Est dans les tiens vnique sœur du Roy, Endurcissant en vn roc la personne Qui vicieuse apparoist deuant toy.

Pour elle mesme.

(Texte de 1578; retranché en 1584.)

La Marguerite est la Pallas nouuelle Qui hors du chef de son pere sortit : Le corselet dont elle se vestit Est la Vertu qui la rend immortelle.

Pour elle mesme.

(Texte de 1573; retranché en 1578.)

La grand Minerue & la Pallas de France Loing des mortels ont chassé le discord, A l'oliuier l'une donne naissance, L'autre le fait reuiure apres sa mort.

Duc de Lorraine.

(Texte de 1578; retranché en 1584.)

Achille estoit ainsi que toy formé: Dedans tes yeux est Venus & Bellonne: Tu sembles Mars quand tu es tout armé, Et desarmé, une belle Amazonne.

Duchesse de Lorraine.

(Texte de 1573; retranché en 1578.)

Ainsi qu'on voit dedans la poussiniere Sur tout vn astre apparoistre plus beau, Ainsi paroist sur toutes la lumiere De ton esprit qui luit comme vn stambeau.

Duchesse douairiere de Lorraine.

(Texte de 1578; retranché en 1584.)

La belle Paix abandonna les Cieux Pour accorder l'Europe qui t'honore, Et se venant loger dedans tes yeux Elle pensoit dans le Ciel estre encore.

Duchesse de Guise.

(Texte de 1578; retranché en 1584.)

Venus la faincle en ses graces habite, Tous les Amours logent en ses regards: Pource à bon droit telle Dame merite D'auoir esté semme de nostre Mars. Pour Madame de Guise doüairiere.

(Texte de 1578; retranché en 1584.)

Pareil plaisir la mere Phrygienne Reçoit voyant ses fils aupres de soy, Que tu reçois ô mere Guisienne, Voyant tes fils tout à l'entour du Roy.

Pour la Royne d'Escosse doüairiere.

(Texte de 1578; retranché en 1584.)

Ie fuis en doute 6 guerriere Camille, Duquel des deux plus d'honneur tu auras, Ou pour auoir vne si belle fille, Ou pour auoir les freres que tu as.

Pour Monfeigneur le Cardinal de Lorraine, & Duc de Guife fon frere.

(Texte de 1578; retranché en 1584.)

Allez, Lauriers, enuironner les testes De deux Lorrains, à l'un pour son sçauoir Comme à Mercure, à l'autre pour auoir Ainsi que Mars, tant gaigné de conquestes.

Pour eux mesmes.

(Texte de 1578; retranché en 1584.)

L'vn des lumeaux au ciel bien souuent erre, L'autre aux enfers d'vne nuë est vestu: Mais des Lorrains la iumelle vertu Tousiours illustre apparoist sur la terre. Pour la Paix.

(Texte de 1578; retranché en 1584.)

Des morrions l'abeille soit compaigne, Pendent rouillez les coutelas guerriers, Dans les harnois tousiours file l'araigne, Et les Lauriers deuiennent Oliuiers.

Pour les Nopces.

(Texte de 1578; retranché en 1584.)

Vien, Hymenée, & d'un estroit lien Comme un lhyerre estroitement assemble Le sang d'Austriche au sang Valesien, Pour viure en paix heureusement ensemble.





SUTTE DE L'HYMXE

de tres illustre prince Charles, Cardinal de Lorraine.

1559.

(Texte de 1578; retranché en 1584.)

Quand i'acheuay de te chanter ton Hynne,
Où ta loüange entre les Rois insigne
Est peinte au vis, & de mille couleurs
Resemble vn pré tout esmaillé de sleurs:
Ie n'esperois de plus mettre en lumiere
Autre vertu que ta vertu premiere,
Comme parfaite en sa perfection:
Mais ie sus loin de mon intention,
Car dereches en voicy de nouuelles
Qui à l'enuy sont encores plus belles.

Ta vertu semble au champ gras & sertil, Auquel le grain ne se germe inutil, Mais en croissant en espic se façonne, Et cest espic en semence soisonne:
Ou comme au soir à l'embrunir des cieux Vn Astre icy s'apparoist à noz yeux, Vn autre là, puis vers l'Occidentale, Puis vers la part de l'Ourse Boreale Vne autre esfoille, & puis vne autre aupres, Et puis vne autre, & puis dix mille apres.

En ceste sorte, ô Prelat venerable, Ta vertu propre apparoist innombrable: Et tout ainsi qu'autour de la minuit
Toute Planette egalement ne luit,
Mais vne seule au milieu de la bande
Reluit plus claire, & plus belle, & plus grande:
Ainsi reluit & plus clair & plus beau
Sur tes honneurs cest honneur tout nouueau,
Que tu t'acquiers pour auoir retirée
Ca bas du ciel la paix tant desirée.

Or tu n'as pas ce bien tant desiré
Du haut du ciel seulement retiré,
Pour le laisser au bout de quelque année
Esuanouyr ainsi qu'vne iournée:
Mais cherement tu le gardes, & veux
Qu'il serue à nous & à tous noz nepueux
Pour en iouyr, comme vne chose acquise
Par toy, Prelat, le plus grand de l'Eglise.

Si à Céres iadis on a basty

Des Temples saincts pour auoir conuerty

Le glan en blé, quand la tourbe inutille

Laissa les bois pour habiter la ville:

Si à Bacchus on fist honneurs divins

Pour nous planter seulement des raisins:

Et si Pallas pour estre inventeresse

D'un Olivier, se fist une Déesse:

France te doit & temples & autels,

Et te doit mettre entre les immortels,

Et te nommer le Guisian Alcide,

Qui de la guerre as esté homicide:

Car ce n'est moins de nous donner la paix

Que voir sous toy noz ennemis desfaicts.

Au temps que Mars Jes portes eut déclojes, Par ton conseil ton frere a fait des choses Que noz nepueux estimeront plus fort Que les labeurs d'un Hercule tresfort: Il a gardé des places ingardables,
Seul il a prins des places imprenables,
Et d'un haut cœur, qui n'a point de pareil,
Osa fausser auec peu d'appareil
L'Alpe chenue, & conduire sa trope
Sur le tombeau qui couure Parthenope:
Mais ton bienfait d'entretenir la paix
Passe en grandeur la grandeur de ses faits.

Il est bien vray que la vieille Memoire A toy tout seul n'en donnera la gloire: Quelques Seigneurs, comme Montmorenci Et Sainct André y ont leur part aussi: Qui tous ont fait pour le public affaire A leur pouvoir cela qu'ils devoient faire.

Ainst qu'on voit quand le ciel veut armer L'onde & le vent contre vn vaisseau de mer, Chacun craignant la fortune commune: Vn matelot va redresser la hune, L'autre le mast, l'autre la voile, & font Tous leur deuoir en l'estat où ils sont: Mais par sur-tous le bon Pilote sage Prend le timon, coniecture l'orage, luge le ciel, & d'vn wil plein de soin Sçait euiter les vagues de bien loin: Ores à gauche il tourne son nauire, Ores à dextre en coustoyant le vire, Fait grande voile, ou petite, & par art Au bord prochain se sauche du hazard.

Ainsi seis-tu n'aguere en l'assemblée, Qui comme une onde estoit toute troublée D'opinions, & de conseils diuers, Qui çà qui là alloient tous de trauers: Seul tu guidois au milieu de la noise Le gouuernal de la barque Françoise,

Et tu gardois comme lage & rusé, Que ton Seigneur ne fust point abusé: Car s'il falloit démesser par querelle De longs propos la noise mutuelle De noz deux Rois, d'où elle procedoit, A quelle fin dommageable tendoit, Qui auoit tort ou droit en ceste guerre, Oui iustement demandoit ceste terre, Ou ceste-là: d'où vindrent leurs aveux. Qui fut icy, ou là victorieux: Ou s'il falloit leur remonstrer l'Eglise En quel estat trop piteux elle est mise: Ou s'il falloit profondement parler, Et les raisons douteuses démesser D'une parole en douceur toute pleine, C'estoit le faict de Charles de Lorraine : Tout ce fardeau te pendoit (ur le doz : Et c'est pourquoy (Prelat) ce second loz A ton premier i'attache, de la sorte Qu'une nacelle au grand bateau qui porte Vn plus grand faix, & arrive tout plein D'un or cherché dans un pays lointain.

Donques, Seigneur, puis que par ta prudence Tu mets en paix tout le peuple de France, Par ta bonté mets en repos d'esprit Celui qui met tes vertus par escrit.

En tel chemin si tu me sers de guide, Tu me seras un protecteur Alcide, Et me seras, remparé de bon-heur, Plus que deuant deuenir bon sonneur: Sans auoir peur du temps ny de l'enuie, Estant au port le plus seur de la vie.



LE SECOND LIURE DES MESLANGES

de P. de Ronsard

1559.

(Voyez Blanchemain, t. VIII, p. 147.)

EN FAVEVR DE N. NICOLAI.

A Monseigneur le Connestable.

Monfeigneur, ie vous donne en ceste carte icy Les acquets de Henry & les vostres aussy: Car par vostre conseil, maugré la force angloise Il reconquit Boulongne & la remist françoise. Vous y verrez Calais au naturel depeint, Lequel par deux cents ans l'Anglois auoit contraint De nous abandonner. Maintenant la puissance De nostre Roy le tient en son obeissance. Vous verrez la grandeur, les places & les forts Du Boulongnois & d'Oye, & la mer & les ports, Monts, fleunes & forelts qui s'estouissent d'estre Reduits dessous la main de leur ancien maistre. Si doncques un pays qui n'a nul sentiment Est ayse de son Roy, combien plus viuement Croiriez-vous que de joye au cœur m'est auenue Comme à vostre servant, pour vostre bienuenue.





LES

OEVVRES DE

P. DE RONSARD

GENTILHOMME

VANDOMOIS.

1560.

Au tome I.

LES AMOVRS.

CHANSON.

(Texte de 1560; retranché en 1567.)

le suis amoureux en deux lieux : De l'un i'en suis desesperé De l'autre i'en espere mieux, Et si n'en suis pas asseuré. Que me sert d'auoir soupiré Pour deux amours si longuement, Puis qu'en lieu du bien desiré le n'ay que malheur & torment: Or, quant à moy, ie suis content Desormais toute amour quitter Puisqu'on voit un menteur autant Qu'vn veritable meriter: le ne m'en veus plus tourmenter Ny mettre en espreuue ma foy. Il est temps de se contenter Et n'aymer plus autre que moy.

[SONETS.]

(Texte de 1572-73; retranché en 1578.)

L'an se raieunissoit en sa verde iouuence,
Quand ie m'épris de vous, ma Sinope cruelle,
Seize ans estoyent la steur de vostre age nouuelle,
Et vostre teint sentoit encore son enfance.
Vous auiez d'une infante encor la contenance,
La parolle, & les pas, vostre bouche estoit belle,
Vostre front, & voz mains dignes d'une immortelle,
Et vostre wil qui me fait trespasser quand i'y pense.
Amour, qui ce iour là si grandes beautez vit,
Dans un marbre, en mon cœur d'un trait les escriuit:
Et si pour le iourd'huy voz beautez si parfaites
Ne sont comme autressois, ie n'en suis moins rauy:
Car ie n'ay pas égard à cela que vous estes,
Mais au dous souuenir des beautez que ie vy.

(Texte de 1578; retranché en 1584.)

Auant vostre partir ie vous fais vn present
(Bien que sans ce present impossible est de viure)
Marie, c'est mon cœur qui brulle de vous suiure:
Mettez le en vostre Coche, il n'est pas si pesant.
Il vous sera fidele, humble, & obeissant,
Comme vn, qui de son gré à vous seruir se liure:
Il est de toute amour, fors la vostre, deliure,
Mais la vostre le tue, & taist le mal qu'il sent.
Mais plus vous le tuez, & plus vostre se nomme,
Et iure par voz yeux, qu'il vaut le gentilhomme,
Qui vous brusse d'amour sans en estre allumé.
O merueilleux essess de l'inconstance humaine!
« Celuy qui aime bien, languist tousiours en peine:
« Celuy qui n'aime point, est tousiours bien aimé.

(Texte de 1572-73; retranché en 1578.)

Ma Sinope, mon cœur, ma vie, & ma lumiere, Autant que vous passez toute ieune pucelle En grace & en beauté, autant vous estes celle Qui m'estes à grand tort inconstante & legere.

Pardon, si ie l'ay dit: las! plus vous m'estes siere, Plus vous me deceuez, plus vous me semblez belle, Plus vous m'estes volage, inconstante, & rebelle, Et plus ie vous estime, & plus vous m'estes chere.

Or de vostre inconstance accuser ie me doy, Vous fournissant d'amy qui fut plus beau que moy, Plus ieune, & plus dispos, mais non d'amour si forte.

Doncques ie me condamne, & vous absous du fait: Car c'est bien la raison que la peine ie porte, Sinope, & non pas vous du peché que i'ay fait.

(Texte de 1578; retranché en 1584.)

D'vn sang froid, noir, & lent, ie sens glacer mon cœur, Quand quelcun parle à vous, ou quand quelcun vous touche: Vne ire autour du cœur me dresse l'escarmouche, laloux contre celuy qui reçoit tant d'honneur.

le suis (ie n'en mens point) ialoux de vostre sœur, De mon ombre, de moy, de mes yeux, de ma bouche: Ainsi ce petit Dieu qui la raison me bousche, Me tient tousiours en doute, en soupson, & en peur.

le ne puis aimer ceux, à qui vous faites chere, Fussent ils mes cousins, mes oncles, & mon frere: le maudis leurs faueurs, i'abhorre leur bon-heur.

Les amans & les Roys de compagnons ne veulent. S'ils en ont de fortune, en armes ils s'en deulent. Auoir un compagnon, c'est auoir un Seigneur. (Texte de 1572-73; retranché en 1578.)

C'est trop aimé, pauure Ronsard, delaisse
D'estre plus sot, & le tems despendu
A pourchasser l'amour d'une maitresse,
Comme perdu pense l'auoir perdu.
Ne pense pas, si tu as pretendu
En trop haut lieu une haute Déesse,
Que pour ta peine un bien te soit rendu:
« Amour ne paist les siens que de tristesse.
le connois bien que ta Sinope t'aime,
Mais beaucoup mieux elle s'aime soy-mesme,
Qui seulement amy riche desire.
Le bonnet rond que tu prens maugré toy,
Et des puisnez la rigoreuse loy,
La sont changer & (peut estre) à un pire.



Au tome III.

LES POEMES.

EPITAPHE D'ANDRÉ BLONDET.

(Texte de 1578; retranché en 1584.)

lcy reposent enclos Et les cendres & les os De Blondet, dont ensermée N'est icy la renommée: Qui de son maistre prisé Fut si bien fauorisé, Que seul il auoit puissance Sur les grands tresors de France. Passant qui viens en ce lieu, Ne t'en-va sans prier Dieu Qu'au Ciel son ame puisse estre Auec celle de son maistre.

POVR LVY-MESME.

(Texte de 1578; retranché en 1584.)

Bonté, vertu, honneur, & courtoisie Dans ce tombeau ont leur place choisie Auec Blondet, lequel repose icy: Verse, Passant, à toutes mains décloses Force beaux liz & force belles roses, Et prie à Dieu qu'il luy face mercy.

EPITAPHE DE LOYSE DE MAILLY Abbesse de Caen.

(Texte de 1573; retranché en 1578.)

Icy les os reposent d'vne Dame,
De qui le ciel se reiouist de l'ame:
Le corps mortel en poudre est conuerti
Sous ce tombeau que son frere a basti.
Vous qui passez faites à Dieu priere
Que cette tombe à ses os soit legere.
Les roses & les lis puissent tomber du ciel
A iamais sur ce marbre: & les mouches à miel
Puissent à tout iamais y faire leur ménage,
Et le laurier sacré à iamais face ombrage
Aux Manes de ce corps dessous ce marbre enclos,
Et la tombe à iamais soit legere à ses os.

Passant, marche plus loin, ce marbre ne regarde. Ma cendre n'est icy: mon frere me la garde Enclose en sa poitrine, & son cœur pour vaisseau Retient en luy mes os, & me sert de tombeau.

IMITATION DV GREC ET DV LATIN.

(Texte de 1573; retranché en 1578.)

le ne puis estimer vn Regent estre sage,
Qui n'a dedans la bouche autres mots que la rage,
Le courroux & la mort, l'enser & mille maux,
Armes, chiens, & voirie, & charonneux oyseaux,
Comme toy maistre Adam, qui fais en chaude colle
Touiours bruire ces mots au fonds de ton escolle:
Ores en renaurant le bon vieillard Nestor,
Ores sur vn poulpitre en retrainant Hestor,
Auecques plus de bruit de ta voix qui enteste
Que la voix d'vn Achil' tymbré d'vne grand creste,
Fay grace à mon oreille & ne cry' plus si hault:
Assez tes escolliers aprennent en ce chault
(Aprinssent ils par cœur deux ou trois Iliades)
Si en telle chaleur ils ne sont point malades.

IMITATION DE MARTIAL.

(Texte de 1573; retranché en 1578.)

Tu veux qu'à tous coups d'vn valet Tous les seruices ie te fasse, Que pour te faire aller seulet le heurte le peuple en la place, Que ie serue aux clins de ta face, Que ie rie quand tu riras, Que ie crie quand tu criras, Va va: ie ne puis satissaire,

Ni ne dois, à si sots desirs: Que puis-ie donc en ton affaire? le te puis faire les plaisirs Qu'un valet ne te sçauroit faire.

AV ROY HENRY II. DE CE NOM.

(Texte de 1573; retranché en 1578.)

De vous donner le ciel pour voz estreines, Sire,
le ferois à la France, & à vous vn grand tort,
A vous, sain & dispos, ieune, gaillard & fort:
A la France, qui seul pour son Roy vous desire.
De vous donner la Mer, que vous vaudroit l'empire
Des vagues & des vents? De vous donner le sort
Qui suruint à Pluton, que vous vaudroit le port
De l'enser odieux, des trois mondes le pire?
La France vous suffit, vous estes estrené:
Voz fils puisnez sont Ducs, Roy vostre fils aisné:
Et voz filles bien tost vous feront le grand pere
D'ensans, qui porteront le sceptre en diuers lieux.
Ainsi dorenauant vous serez dit le pere
Des Rois, dont la grandeur vaut bien celle des Dieux.

A LA ROYNE DE FRANCE.

(Texte de 1573; retranché en 1578.)

L'Angleterre & l'Escosse, & la Françoise terre,
Les deux ceintes de mer, & l'autre de montaignes,
Autour de ton berceau, ainsi que trois compaignes,
Le iour que tu naquis eurent vne grand guerre.
La France te vouloit, l'Escosse, & l'Angleterre
Te demandoyent aussi, & semble que tu daignes
Fauoriser la France, & que tu t'accompaignes
D'elle qui ton beau chef de se villes enserre.

De ces trois le debat vint deuant Iupiter,
Qui, iuste, ne voulant ces trois sœurs depiter,
Par sentence ordonna, pour apaiser leur noise,
Que tu serois trois mois la Roine des Anglois,
Et trois mois ensuyuant Roine des Escossois,
Et six mois Roine apres de la terre Françoise.

A MADAME MARGVERITE Ducheffe de Sauoye.

(Texte de 1573; retranché en 1578.)

Comme vne belle Nymphe à la riue amusée,
Qui seure voit de loin enfondrer vn bateau
Et sans changer de teint court sur le bord de l'eau
Où son pied la conduit par la fresche rosée:
Ainsi vous regardez d'asseurance poussée,
Sans point decolorer vostre visage beau,
Nostre Europe plongée au prosond du tombeau
Par Philippe & Henry au naustrage exposée.
Les vertus, que du ciel en don vous receuez
Et celles que par liure acquises vous auez,
Tout le soin terrien vous chassent hors des yeux.
Et bien que vous soyez dedans ce monde en vie,
L'eternelle vertu du corps vous a rauie,
Et viue vous asseux des la riue eles Dieux.

AV CARDINAL DE CHASTILLON.

(Texte de 1573; retranché en 1578.)

Nul homme n'est heureux sinon apres la mort.

Odet, auec raison Solon sit ce prouerbe,
Il n'y a ni Cesar, ni Roi tant soit superbe,
Qu'on doiue trop priser, s'il n'a pass'e le bord.

« Toujours à nostre vie arrive quelque sort,

« Qui nostre honneur estouffe auant qu'il croisse en gerbe,

« On le pert tout ainsi comme la fleur de l'herbe, « Qui languit contre terre aussi tost qu'elle sort.

« Certes nous sommes nez à la condition

« D'estre tous malheureux : sans nulle exception

« Fortune est de chacun la maistresse puissante,

« Louable toutesfois: car apres qu'elle a fait « Par sa legereté aux hommes un mal-fait,

« Vn bien suit son mal-heur, tant elle est inconstante.

MADAME LA DVCHESSE DE VALANTINOIS.

(Texte de 1560; retranché en 1567.)

Tout ainsi que la Lune en s'aprochant aupres Du Soleil prend clarté, vertu, force & puissance : Puis s'essongnant de luy, d'une douce influence Et Ciel, & Terre, & Mer elle nourrist apres : Ainsi nostre Soleil, vous ornant de ses rais, Vous fait par tout verser un bon heur en la France, Fors sur moy, qui ne sens encores l'abondance Que desus un chacun rependent vos beaux trais. Diane, à qui cent noms ne sçauroyent bien sufire, Prenez l'arc, & venez un monstre deconfire, Qui n'a soing des chansons, mais leur est tout contraire. Phabus ayme les vers, comme Roy des poetes, Et Diane est sa sœur : donc, si sa sœur vous estes, Aymez les seruiteurs de Phæbus vostre frere.

A MONSIEVR DV THIER.

(Texte de 1573; retranché en 1578.)

La nature est marastre à quelques-vns, du Thier,
Aux autres elle est mere, & quoy que l'homme face,
Lamais par la raison le destin il ne passe,
Auquel il pleut au ciel durement nous lier.

Mais que sert d'estre nay pour se voir oublier Apres de tout bon-heur? que sert d'auoir la grace, Le renom, le sçauoir, si la fortune est basse, Et s'il nous faut touiours les riches suplier?

Du Thier, tu és heureux, qui as eu le pouvoir De faire heureux autruy : tu le fis bien sçauoir A Salel, dont l'espoir quelque peu me console.

Coque tu peux on coup, tu le pourras bien deux : Tu fis Salel heureux, & tu peux faire heureux Ronsard, tant Jeulement d'one seule parole.

A MONSIEVR BOVRDIN.

(Texte de 1500; retranché en 1567.)

On dit qu'aucc les loups (Bourdin) il faut vrler, Et se former aux mœurs des hommes que lon hante, Mais pour hanter la court, tant la court ne te tente Que tu vueilles tes mœurs en ses vices souiller.

Te voyant si preudhomme en faists & en parler, Qui est ce qui croiroit ce qu'Hesiode chante, Que la vertu, la honte, & la foy innocente, Quittans le monde, au ciel ont deigné reuoler?

Entre mille vertus tu en as vne bonne, C'est de n'amuser point vne pauure personne Longuement à ton huis attendant son prosit.

C'est vrayement aymer Dieu, c'est cognoistre soymesme, Que d'estre pitoyable & ne faire à son proesme Si non le mesme tour qu'on voudroit qu'on nous sit.

A MONSIEVR D'AVANSON.

(Texte de 1578; retranché en 1584.)

Qu'on ne me vante plus d'Vlysse le voyage,
Qui ne vit en dix ans que Circe, & Calypson,
Le Cyclope, & Scylla qui fut demy poisson,
Et des siers Lestrigons l'ensanglanté rivage:
Nostre Vlysse François en a veu d'avantage
Seulement en trois ans: c'est ce grand d'Avanson,
Qui vit en moins de rien d'vne estrange façon
Toute Rome s'enster & de guerre & d'orage.
Il vit deux Papes morts, il vit Sienne mise
En son premier estat, puis perdre sa franchise:
Il vit l'Europe en branle, & tout ce siecle aussi
Changer d'estats, de mœurs, de loix, & de police.
Vlysse ne vit pas si grands faits que ceux-cy:
Aussi mon d'Avanson est bien plus grand qu'Vlysse.

IMITATION DE MARTIAL.

(Texte de 1560; retranché en 1567.)

Ha mauditte nature! hé, pourquoy m'as tu fait
Si dextrement formé d'esprit & de corsage?
Que ne m'as tu fait nain, ou cheuelu sauuage?
Niez, badin, ou fol, ou monstre contresait?
Si i'estois nain i'aurois toute chose à souhait,
I'aurois soixante sols par iour & d'auantage,
I'aurois faueur du Roy, caresse, & bon visage,
Bien en point, bien vestu, bien gras, & bien refait.
Ah! que vous sustes fols, mes parens, de me faire
Pauure escolier Latin! vous deuiez contresaire
Mon corps, ou me nourrir à l'escole des sous.
Ah! ingrates chansons! ah! malheureuses Muses!
Rompez moy par depit sleuttes & cornemuses,

Puis qu'auiourd'huy les nains sont plus heureus que nous.

A OLIVIER DE MAGNY.

(Texte de 1578; retranché en 1584.)

Si ie pouvois, Magny, acquerir, par la grace
De nostre d'Avanson, quelque faueur de celle,
Qui de cent mille noms pour ses effects s'appelle,
Et qui change trois fois diversement sa face:
Pres les iardins d'Annet, dans une belle place
Ie peindrois ses honneurs d'une lettre immortelle,
Et tous les puissans Dieux qui marchent apres elle,
Quand la trompe à son col elle court à la chasse.
Ie peindrois d'autre-part, mais d'une autre saçon,
Comme un nouveau Phabus, le seigneur d'Avanson,
Des Muses conduisant la neuvaine celeste.
Mais il sust temps de voir ce portrait accomply:
« Car les heures s'en vont, & des hommes ne reste

DV GREC DE POSIDIPPE.

« Apres nostre trespas, que la cendre & l'oubly.

(Texte de 1578; retranché en 1584.)

Vous auez, Ergasto, honny de vostre maistre
Le list & les amours, vous en serez marché,
Afin que les vallets prennent exemple d'estre
Fideles en voyant puny vostre peché.
Vous aurez à bon droist le nez demy tranché,
Et l'oreille senestre auec l'oreille dextre:
Ainsi vostre forfait vous sera reproché
De ceux qui vous pourront par ces marques cognoistre.
Traistre, inique, & meschant, en tout mal embourbé,
Si lon pend vn vallet pour auoir desrobé
Cinq sols à son Seigneur, hé! quelle tyrannie
Pour iuste chastiment auriez vous merité,
Qui m'auez, sous couleur d'vne sidelité,
Prins vn bien qui m'estoit trop plus cher que la vie?

A CHARLES CARDINAL DE LORRAINE.

(Texte de 1578; retranché en 1584.)

Monseigneur, ie n'ay plus ceste ardeur de ieunesse Qui me faisoit chanter les passions d'amour: I'ay le sang restroidy, le iour suiuant le iour En destrobant mes ans les donne à la vieillesse. Plus Phæbus ne me plaist ny Venus la Déesse, Et la Grecque sureur qui bouillonnoit autour De mon cœur, qui estoit son sidele seiour, Comme vin escumé sa puissance r'abaisse. Maintenant ie resemble au vieil cheual guerrier, Qui souloit couronner son maistre de Laurier: Quand il oit la trompette, il est d'ardeur espris, Et courageux en vain se pousse en la carrière; Mais en lieu de courir, demeure seul derrière, Et r'apporte au logis la honte pour le pris.





Les trois liures

du

RECUEIL DES NOUVELLES POESIES

de P. de Ronsard

Gentilhomme Vandomois.

Seconde Edition.

1564.

Au livre I.

SONNET A YSABEAV DE LA TOVR, Damoifelle de Limeuil.

(Texte de 1564; retranché en 1567.)

Quand on ne peult sur le chef d'vne Image
Mettre vn bouquet il le fault mettre au pié,
Le cueur sans plus qui est humilié,
Rend de noz faits & de nous tesmoignage.
Moy qui ne puis vous donner dauantage
Que ce liuret qui vous est dedié,
Non sur le chef en sin or delié,
Mais à voz piedz ie l'apen pour homage.
Receuez donc, ô diuine beauté,
Non le present mais bien la volonté,
Prenant mon corps & mon esprit, Madame,
L'un pour seruir, l'autre pour honorer:
Ainsi Dieu veult qu'on le vienne adorer
Quand pour offrande on donne corps & ame.

Au livre II.

A MONSIEVR DE LANSAC LE IEVNE, Senefchal d'Agenois.

(Texte de 1578; retranché en 1584.)

Quand Apollon auroit fait vn ouurage,
A qui, Lansac, le scauroit-il donner
Sinon à toy, qui pourrois estonner
De tes beaux vers les vers du premier âge?
Qui de chanter & du Luth as l'vsage,
Qui ne voulant en France seiourner,
As veu l'Asse, & le iour retourner
Quand au matin'il refait son voyage:
Qui de l'Amour cognois les passions,
Qui de la Cour scais les affections,
Né pour les Dieux & les hommes (ce semble):
Te voulant donc de ces vers estrener,
Ce n'est, Lansac, à vn seul les donner,
C'est les donner à mille hommes ensemble.

POVR LE ROY CHARLES IX celebrant le jour de sa naissance.

(Texte de 1578; retranché en 1584.)

En imitant des grands Rois l'excellance, Qui celebroient le iour de leur naissance, Vn ieune Roy (à qui les Cieux amis Ont le bon-heur de tant de Rois promis) Auec son frere (autre honneur qui egale De ses ayeux la maiesté royale) A ce iourd'huy comme Prince bien-né, A tous venans le combat a donné, Pour esmouuoir la Françoise ieunesse Par son exemple à suiure la prouësse Et la vertu dont il est amoureux, Comme animé d'vn cœur auantureux.

Ces Cheualiers yssus de grande race Tiendront le pas, & garderont la place Contre un chacun, & comme tres-vaillans Se defendront contre tous bataillans, Et si feront iuges de leurs querelles Vieux Cheualiers & ieunes Damoiselles, Pour ordonner la victoire & le pris A ceux qui sont aux armes mieux appris.

Or si quelqu'vn se sent eschauser l'ame Des beaux rayons d'une gentille Dame, Si par l'espèe il veut icy monstrer Qu'un plus loyal ne se peut rencontrer, Vienne au combat, apres auoir mis gage: Et si veinqueur il obtient l'auantage, Le gage sien & celuy du tenant Seront à luy: mais s'il est maintenant Pris & veincu, il faudra qu'il delaisse L'amour qu'il porte à sa belle Maistresse, Et qu'il s'en aille en un autre cartier Apprendre mieux des armes le mestier.

Au livre III.

SONET, AV SEIGNEVR DE CASTELNAV, dit Mauuiffiere, Gentilhomme de la Chambre du Roy, & Cheualier de fon ordre.

(Texte de 1573; retranché en 1578.)

le n'aime point ces noms ambitieux,
Qui font ensier le gros sourcil d'un liure:
Apres ma mort le mien pourra reuiure
Sans le sacrer aux Princes ny aux Dieux.
Mais rencontrant un homme ingenieux
Qui comme toy les vertus veut ensuiure,
En lieu d'un marbre, ou d'un pillier de Cuiure
le l'eternize & le mets dans les cieux.
Te voyant nay d'une ame genereuse,
Plein de faconde, & de memoire heureuse,
Ayant la face & le naturel bon:
le t'ay donné ce liure, Mauuissiere,
Qui sans faueur d'un plus superbe nom,
Comme une Aurore annonce ta lumiere.

SONET A LA ROYNE.

(Texte de 1564; retranché en 1567.)

Si Dieu (Madame) oftoit hors de ce monde Vostre vertu qui seule nous instruit, Nous deuiendrions en obscurté prosonde, Comme le Ciel quand le Soleil ne luit. Nous deuiendrions vne nef vagabonde Que le Patron par les eaux ne conduit, Nous deuiendrions (tant l'inconstance abonde) Vn fort cheual qui sans bride s'ensuit. Plus la raison en France ne vaudroit,
Le grand Seigneur vn valet deuiendroit,
Chacun iroit où son plaisir le guide.
Mais Dieu vous garde vous guarist pour nous,
Qui nous serués de Pilote & de bride:
Car tout icy ne despend que de vous.

A CLAVDE DE L'AVBESPINE, Secretaire des Commandemens.

(Texte de 1578; retranché en 1584.)

Ie fuis la Nef, vous estes mon Pilote:
Sans l'Aubespine on ne peut voyager:
Sous vostre vent ma voile il faut ranger,
Au gré duquel il convient que ie stote.
En pleine mer la tempeste trop forte
Pousse ma barque au rocher estranger:
De tous costez i'apperçoy le danger,
Et si pour moy toute esperance est morte.
Forcez le Ciel & la vigue & le vent,
Et mon vaisseau conduisez en auant
Au port heureux du tranquille riuage.
« C'est bien raison que l'homme soit humain,
Et qu'en voyant ses amis au naufrage,
Au moins du bord il leur tende la main.





ELEGIES, MASCARADES ET BERGERIE Par P. de Ronfard Gentilhomme Vandomois.

1565.

ELEGIE.

(l'exte de 1570; retranché en 1504.,

Pour vous monstrer que i'ay parfaite enuie De vous seruir tout le temps de ma vie, le vous suppli' vouloir prendre de moy Ce seul present le tesmoin de ma soy, Vous le donnant d'affection extréme Aueq' mon cour, ma peinture, & moymesme.

Or ce present que ie vous donne icy, Est d'un metal qui reluist tout ainsi Que fait ma foy, qui purement s'enstame De la clarté de vostre sainte stame, Et tellement vit en vostre amitié Qu'autre que vous n'y a part ny moitié.

L'or est gravé, & l'amour qui m'imprime Vostre vertu que tout le monde estime, M'a si au vif engravé de son trait Et vostre grace & vostre beau portrait, Que ie ne vy, sans voir en toute place Vostre presence au deuant de ma face : Car plus voz yeux sont estongnez de moy, Et de plus pres en esprit ie les voy.

Sur les deux bords sont engrauez deux Temples. Des amitiez les fideles exemples: Par la peinture il faut representer Ce qui nous peut toutes deux contenter.

Le Temple donq d'Apollon represente Le beau Chorebe, & l'ardeur violente Dont pour Cassandre Amour tant le ferut Que pour sa Dame à la fin il mourut.

O belle mort! auienne que ie meure Vostre, pourueu que vostre ie demeure! Heureuse lors ie pourrois m'estimer Quand ie mourrois ainsi pour vous aimer: Car l'amitié que ie vous porte, est telle Qu'elle sera pour iamais immortelle.

Aussi le temps, ny l'absence des lieux, Tempeste, guerre, ou effort d'enuieux N'effaceront, tant leur rigueur soit forte, Nostre amitié qui seule nous consorte.

Pource i'ay mis autour du Temple aussi Ce vers Latin qui s'interprete ainsi, Vostre amitié chaste auecque la mienne Surmontera toute amour ancienne.

Dans l'autre Temple à Diane voué
(Où la Scythie a tant de fois loué
L'amour de deux qui rarement s'affemble)
Se voit Oreste & son Pylade ensemble,
Deux compagnons si fermement amis,
Que l'vn cent fois comme prodigue a mis
Son sang pour l'autre, ayans tous deux enuie
De consacrer l'vn pour l'autre la vie:
Cœurs genereux, & dignes de renom,
Qui pour aimer ont celebré leur nom.

Telle amitié, bien qu'elle fust parfaite, Est auiourd'huy par la mienne desfaite: Car ie la passe autant que ie voudrois Mourir pour vous cent & cent mille fois. Pource i'ay pris on vers Latin qui montre Qu'amour pareille icy ne se rencontre, Et que ces deux le lieu doiuent quitter A nostre soy qui les peut surmonter.

Desfous le Temple est l'autel où la Grece (Ains que tuer la Troyenne ieunesse)
lura dessus, que point ne se lairroit,
Mais au combat l'un pour l'autre mourroit.
Sur cest autel, Maistresse, ie vous iure
De vous seruir, & si ie suis pariure,
Le Ciel vangeur de l'incertaine soy
Puisse ruer la soudre desur moy:
Le vers Romain donne assez à cognoistre,
Qu'en vostre endroit sidele ie veux estre,
Et que mon sang ie voudrois sur l'autel
Verser pour vous par service immortel.

Dedans la Pomme est peinte ma figure Palle, muette & triste, qui endure Trop griéuement l'absence de nous deux, Ne iouyssant du seul bien que ie veux.

Hà! ie voudroy que celuy qui l'a faite,
Pour mon secours ne l'eust point fait muette:
Elle pourroit vous conter à loisir
Seule à par-vous l'extreme desplaisir
Que ie reçoy, me voyant separée
De vous mon tout, demeurant esgarée
De tant de bien qui me souloit venir,
Ne viuant plus que du seul souuenir
Et du beau nom que vous portez, Madame,
Qui si auant m'est escrit dedans l'ame.

Mais quel besoin est-il de presenter Vn portrait mort qui ne peut contenter, Quand de mon corps vous estes la Maistresse, Et de l'esprit qui iamais ne vous laisse? Las! c'est afin qu'en le voyant ainsi, A tout le moins ayez quelque souci De moy qui suis en douleur languissante Pour ne voir point vostre face presente: Plus grand plaisir ie ne pourrois auoir Que vous seruir en presence, & vous voir.

Puis tellement dedans vous ie veux estre, Qu'autre que vous ie ne veux recognoistre. Le vers Romain mis au tour du portrait Declare affez mon desir si parfait: C'est qu'Anne vit en sa Diane esprise, Diane en Anne, & que le temps qui brise Empire & Rois & qui tout sait plier, Deux si beaux noms ne sçauroit deslier.

Le plus grand bien que Dieu çà bas nous face, C'est l'amitié qui toute chose efface.

« Sans amitié la personne mourroit, Et viure saine au monde ne pourroit. C'est donq le bien qu'au monde il nous faut suiure: Le sang, le cœur ne font les hommes viure Tant comme fait la fidele amitié Quand on retrouue vne fois sa moitié.

Telle, Maistresse, en m'ayant esprouuée
M'auez certaine en vostre amour trouuée:
Car vous & moy ne sommes sinon qu'vn,
Et si n'auons qu'vn mesme corps commun:
Vostre penser est le mien, & ma vie
Est de la vostre entierement suiuie:
Ce n'est qu'vn sang, qu'vne ame & qu'vne foy:
le suis en vous, & vous estes en moy
D'vn nœud si fort estroitement liée,
Que ie ne puis de vous estre oubliée
Sans oublier vous mesmes, & ainsi
le n'ay ny peur ny crainte ny souci,

Tant toute en vous ie me trouue, Madame, Et mon ame est toute entiere en vostre ame.

Ce bien me vient (pour point n'en abuser)
De la faueur dont il vous plaist m'vser,
Me cognoissant de beaucoup estre moindre:
Mais vous daignez vostre hautesse ioindre
A moy plus basse, asin que tel honneur
Me rende egale à vous par le bon-heur:
C'est la raison pourquoy ie vous dedie
Mon sang, mon cœur, ma peinture, & ma vie.

SONET.

(Texte de 1578; retranché en 1584.)

Anne m'a fait de sa belle figure

Vn beau present que ie garde bien cher,
Cher, pour-autant qu'on n'en sçauroit chercher
Vn qui passass si belle portraiture.

Diane icy redonne sa peinture
A sa maistresse Anne, pour reuancher
Non le present, mais humble pour tâcher
Que son service envers son Ame dure.

Des deux costez le portrait est gravé
De maint exemple entre amis esprouvé,
D'un beau Coréb', de Pylade, & d'Oreste,
Et d'un autel sacré à l'Amitié:
Pour tesmoigner qu'une amour si celeste
N'a fait qu'un cœur d'une double moitié.

[SONET.]

(Texte de 1572-73; retranché en 1578.)

Las! sans espoir ie languis à grand tort, Pour la rigueur d'une beauté si fiere, Qui sans ouyr mes pleurs ny ma priere Rid de mon mal si violent & fort.

De la beauté dont i'esperois support,
Pour mon service & longue foy premiere,
Ie ne reçoy que tourment & misere,
Et pour secours ie n'attens que la mort.

Mais telle dame est si sage & si belle
Que si quelqu'un la veut nommer cruelle
En me voyant traitté cruellement,
Vienne au combat, icy ie le dessie,
Il cognoistra qu'un si dur traitement
Pour ses vertus m'est une douce vie.

ELEGIE POVR VNE MASCARADE.

(Texte de 1573; retranché en 1578.)

Ce diamant, Maistresse, ie vous donne, Du tout semblable à la mesme personne Du cheualier, qui bien heureux se sent De vous en faire vn gracieux present.

Il est bien clair, mon ame est toute claire, Où de voz yeux la belle slame esclaire: Il est durable & durable est mon cœur, Opiniastre à souffrir sa langueur Pour vous seruir comme chose diuine, Car la vertu en est seule origine.

La bague est ronde, & mon cœur est tout rond:
D'or espuré le plus riche qu'on fond
Est fait l'aneau, qui tous metaux surpasse
Comme ma foy toutes autres esface:
Il est graué, mon cœur porte le trait
Bien engraué de vostre beau portrait.

Et bref, Madame, en nous voyant ensemble Vous iugerez qu'au present ie resemble : Mais ie vous pry' que par vostre bonté Au diamant vous laissiez la durté Sans la loger en vostre ame si belle: Ou bien suiuez la douceur naturelle De ce ioyau, qui plus tendre est rendu Par sang de bouc chaudement espendu.

Ainsi n'ayant contre amour autres armes Ny contre vous sinon mes chaudes larmes, Mollissez vous, voyant que mes douleurs Me sont verser mon sang en lieu de pleurs.

CARTEL.

(Texte de 1578; retranché en 1584.)

Six Cheualiers aux armes valeureux, Autant vaillans que parfaits amoureux, Ayans senty les gracieuses stames Des yeux veinqueurs de six honnestes Dames, Dont tous les six viuement sont espris, Ont pour l'Amour ce voyage entrepris Par le congé de leurs belles Maistresses, Pour esprouuer au combat leurs prouësses, Et faire voir par le glaiue pointu Que peut vn cœur animé de vertu.

Ces Cheualiers yssus de bonne race Et courageux, d'une amoureuse audace Ont pris pour guide un Prince du haut sang, Dont les ayeux conduits d'un Cygne blanc, Par longs combats & par guerres sans tréues Ont mis au ciel l'illustre nom de Cléues.

Or pour-autant qu'on oyt de toutes pars Qu'en ceste Court habite le Dieu Mars Qui a vestu de Charles le visage, Dont les vertus sont plus grandes que l'áge: Puis cognoissant que tant de Cheualiers Pres d'on tel Roy se trouuent à milliers, Qui comme nous reçoiuent dedans l'ame Le doux soucy d'one gentille Dame, Sommes venus (Sire) pour leur prouuer Que plus vaillans ne se peuuent trouuer.

Par les chemins nous auons ouy dire Qu'vn Prince vit suiet de vostre Empire Braue & courtois, qu'on dit estre conceu Du mesme sang dont vous estes yssu, Qui pour tromper la paresse & le vice Fait volontiers des armes exercice.

Sire, son nom est le Comte-Daulphin: Contre celuy nous voulons mettre à fin (Le dessiant) nostre ieune entreprise, Qu'Amour anime, & que Mars fauorise.

Ce Comte donq six Cheualiers prendra Les choisissant les meilleurs qu'il voudra, Pour six à six combatre à la barriere A coups de pique ou de lance guerriere: A sin de faire à noz Maistresses voir Combien leurs yeux ont sur nous de pouvoir.

De noz combats vous donnerez la gloire A qui voudrez, Sire : car la victoire De ce Tournoy qui vous est appresté, Seule depend de vostre Maiesté.

ENVOY A VNE DAMOYSELLE pour vne Mascarade.

(Texte de 1573; retranché en 1578.)

Quand le loisir me seroit presenté Autant parfait que i'ay la volonté, Et quand celuy qui au combat m'appelle M'eust aduerty d'une entreprise telle: l'eusse monstré par un cœur liberal Que peut un Prince amoureux & loyal, l'eusse monstré que peut la courtoisse D'un cœur remply d'une amoureuse enuie.

Mais me voyant tout sur l'heure presse, Le bon vouloir par contrainte est forcé, Voire si bien qu'en tel affaire extresme le ne sçaurois presenter que moymesme, Offrant icy pour gage suffisant Mon cœur en lieu de tout autre present.

Pource, Maistresse, heureux seu de ma slamme, Dont la vertu si viuement m'enslamme, Faites sçauoir aux Dames mon vouloir, Et que le temps a vaincu mon deuoir.

Vous leur direz que mon gentil courage Comme hautain donne bien d'auantage Que des presens, tant soyent ils de grand pris, Offrant le cœur que voz yeux tiennent pris.

Receuez donq, gracieuse Thenye, Le cœur offert, le service & la vie, Et cette troupe ardante de monstrer Qu'vne plus brave on ne peut rencontrer, Pour honorer voz vertus, & de celles Qui comme vous sont honestes & belles.

SONET

pour chanter à vne Mascarade.

(Texte de 1578; retianché en 1584.)

Si les guerriers s'esmeuuent pour les Dames, Ayez pitié de douze que voicy, Qui sur le front ont portrait le soucy,
Le dueil aux yeux, & l'ennuy dans les ames.
C'est grand horreur de voir ces pauures semmes
En noir habit qui se plaignent ainsi
De ces guerriers, dont le cœur endurcy
Passe en rigueur les rochers & les slames.
Celuy qui peut des Dames offenser
Fait honte au ciel, & s'il ne veut penser
Qu'vn Dieu vengeur des pechez se courrouce,
Desur son front son vice est apparant:
Car quel peché peut-on faire plus grand
Que d'offenser vne chose si douce?

SONET POVR VNE MOMMERIE le iour de Careme-prenant.

(Texte de 1573; retranché en 1578.)

L'an & le mois, le iour, & le moment
Ne font au ciel leurs cours de mesme sorte,
Car en suyant ilz sont portez de sorte
Que tout n'est rien que diuers changement.
Apres la guerre on void soudainement
Naistre la paix qui tous biens nous apporte,
Par l'appetit la raison se transporte,
Et chacun vit sous diuers iugement.
Comme le ciel nostre plaisir varie:
N'esperez donq que nostre mommerie,
Tournois, sestins, puissent tousiours durer.
Demain viendra la penitence extresme:
Dames, prenez ces poissons de caresme
Où si long temps il vous faudra pleurer.

AV ROY.

(Texte de 1573; retranché en 1578.)

Apres l'ardeur de la guerre cruelle
Ie voy fleurir le beau fiecle doré,
Où vous serez des vostres adoré,
Pour la vertu qui vous est naturelle.
Cette vertu, comme vne fleur nouvelle,
Se montre en vous de tous biens honoré,
Car on ne voit vn Prince decoré
D'vn corps si beau que l'ame n'en soit belle.
Donques, mon Roy, si vous estes bien né,
Si Dieu vous a vn tel sceptre donné,
Si Mars sous vous a perdu sa colere,
N'en soyez fier, mais gratieux & doux:
Car ces deux biens ne viennent pas de vous,
L'un vient de Dieu, l'autre de vostre mere.

SONET

à Monfeigneur le Prince de Condé.

(Texte de 1565; 1etranché en 1567.)

Qui a point veu aux tristes iours d'hyuer
Froids & obscurs, la terre morne & sombre
Pleine de nuit & d'vne mauuaise ombre
Où le Soleil ne se daigne leuer?
Celuy a peu la tristesse esprouuer,
De cette court toute pleine d'encombre,
Où les soucys aux cœurs volloient sans nombre
Deuant qu'on vist voz vertus arriuer.
Mais tout ainsi que le Printemps esface
Du froid Hyuer les neiges & la glace,
Vous illustrés cette court de voz rays,

La reueillant de masques & d'alarmes : Sans vous Amour auoit perdu ses traiz Et Mars sans vous auoit perdu ses armes.

A LOYS DE BOVRBON,

Prince de Condé.

(Texte de 1578; retranché en 1584.)

Prince du sang Royal, ie suis d'une nature
Constante, opiniastre, & qui n'admire rien:
Ie voy passer le mal, ie voy passer le bien,
Sans me donner soucy d'une telle auenture.
Qui va haut, qui va bas, qui ne garde messure,
Qui fuit, qui suit, qui tient, qui dit que tout est sien:
L'un se dit Zuinglien, l'autre Lutherien,
Et fait de l'habile homme au sens de l'Escriture.
Tandis que nous aurons des muscles & des veines
Et du sang, nous aurons des passions humaines.
Chacun s'opiniastre, & se dit veritable:
Apres une saison vient une autre saison,
Et l'homme ce-pendant n'est sinon qu'une fable.

SONET

des Larmes de ma Maitreffe.

(Texte de 1565; retranché en 1567.)

Quand en pleurant ma Maitresse s'ennuye, Voyant s'amye auoir mille douleurs, L'enfant Amour se baigne dans ses pleurs, Et dans ses yeux ses larmes il essuye. C'est du Cristal, ce n'est pas une pluye
Qui tombe helas! au sein pour qui ie meurs,
Helas ie meurs en si plaisans malheurs,
Mais telle mort m'est une douce vie.
O belle larme, o Cristal argentin
Qui rond & clair arroses le tetin
Où loge Amour de mes pensers veinqueur,
Que ne te pui-ie à mon aize humer?
De ta froideur ie pourrois consommer
Le seu qui m'ard si viuement le cœur.

SONET AV ROY.

Pour la Nymphe de la Fonteine du Logis de Monseigneur d'Orleans à Fonteine-bleau.

(Texte de 1565; retranché en 1567.)

La renommée allant de place en place

De ciel en ciel annonçant ton pouvoir,

M'a fait venir desur terre pour voir

Aux raidz du iour les beaux traitz de ta face.

C'est doncq' raison qu'en retournant ie face

Entendre aux Dieux du terrestre manoir,

Que ta grandeur ne se peut conceuoir

Par le renom que ta presence esface.

Or te voyant ie puis dire là bas:

Qu'en tout ce monde vn pareil tu n'as pas,

Estant cent sois plus grand que ton Empire.

Auise doncq' combien doit s'esmouvoir

De tes vertus le ciel qui te peut voir,

Quand mesme l'eau souz la terre t'admire.

SONET.

(Texte de 1578; retranché en 1581.)

On dit qu'Amour fut au commencement
Nourry de douce & d'amere pasture,
Et que deslors il retint la nature
De ce contraire & diuers aliment:
Il tire au cœur deux traits diuersement
Qui sont tous deux portez à l'auenture:
Ils sont aussi de diuerse poincture,
Monstrans qu'Amour n'est rien que changement.
Ce petit Dieu nasquit de la tourmente,
Et pource il est de nature inconstante:
Aussi tousiours à varier il tasche.
Quand vous m'aimiez, sur tous vous m'estiez cher,
Mais maintenant qu'il vous plaist vous sascher
Encontre moy, contre vous ie me fasche.





LES OEVVRES DE

P. DE RONSARD, GENTILHOMME VANDOMOIS.

1567.

Au tome I.

LES AMOVRS.

[SONET.]

(Texte de 1572-73; retranché en 1578.)

Las! ie ne veux ny ne me puis desfaire

De ce beau ret, où Amour me tient pris,
Et puis que i'ay tel voyage entrepris
Ie veux mourir, ou ie le veux parfaire.
I'oy la raison qui me dit le contraire,
Et qui retient la bride à mes espris,
Mais i'ay le cœur de vos yeux si épris
Que d'vn tel mal ie ne me puis distraire.
Tay toy, raison: on dit communement,
« Belle sin fait qui meurt en bien aymant,
De telle mort ie veux suyure la trace:
Ma foy ressenble au rocher endurcy,
Qui sans auoir de l'orage soucy,
Plus est batu & moins change de place.

Au tome III.

SONNETS A DIVERSES PERSONNES.

(Pour les quatre sonnets suivants, texte de 1573, retranché en 1578.)

A LA ROYNE.

De mon present moy-mesme ie m'estonne,
Donnant du fruit à vous, qui à foison
En faites naistre en chacune saison:
Car tous voz iours nous seruent d'vn Autonne:
Charles qui tient des François la couronne,
Qui regit tout par prudence & raison,
Les freres siens, sa sœur & sa maison,
Sont les bons fruits que vostre arbre nous donne:
Voz autres fruits sont la paix, la police,
Le bon conseil, les loix, & la iustice,
La guerre morte, & le discord détruit:
C'est dong', Madame, vne folle arrogance
Que mon present, quand vous estes de France
L'arbre, la fueille, & la fleur, & le fruit.

AV ROY.

Le grand Hercule auant qu'aller aux cieux
Daigna loger chez vn pasteur: Vous Sire,
Que pour son Roy tout le monde desire,
Daignez grand Prince entrer en si bas lieux.
Pour mieux vous voir les bois ont pris des yeux,
Loyre en ses stots voz maiestez admire,
Et moy i'apren à ces maisons à dire
Que la vertu vous met entre les Dieux.
le ne voirray steur, ni herbe, ni riue,
En qui le nom de Charles ie n'escriue,
Le tirant hors des tenebres consuses

Qui des grands Rois estaingnent la clarté: Pour tesmoigner à la posterité Qu'vn si grand Prince a fait honneur aux Muses.

A LA ROYNE.

Vous qui auez forçant la destinée
Si bien conduit cette trouble saison,
Vous qui auez par prudence & raison
Si dextrement la France gouvernée,
Estes icy des Muses amenée
Par un destin : car c'estoit la raison
Que d'un trait d'œil vous vissez la maison
Que vous m'auez en leur faueur donnée.
Si ce lieu n'est un grand palais doré,
S'il n'est orné de marbre elaboré,
S'il n'est assis sur piliers de porphyre,
S'il n'est paré d'un artistice humain,
Il m'est pourtant aussi cher qu'un empire :
Tant vaut le bien qui vient de vostre main.

A MONSIEVR.

Prince bien né, la seconde esperance
De nostre siecle & des peuples contens,
Qui fleurissez auant vostre printemps,
Donnant du fruit au sortir de l'enfance:
Vous n'estes pas en ces palais de France
Chez les Seigneurs richement habitans,
Qui de plaisans & diuers passetemps
Vous ont monstré toute magnificence.
Voicy le lieu des peuples separé
Mal acoustré, mal basti, mal paré:
Et toutessois les Muses y demeurent,
Et Apollon de laurier reuestu,
Qui vont gardant que les Princes ne meurent
Qui comme vous ont aimé la vertu.



LE SIXIESME LIURE DES POEMES

de Pierre de Ronfard Gentil-homme Vandosmois.

1569.

VERSION D'VN EPIGRAMME GREC.

(Texte de 1573; retranché en 1578.)

Dame au gros cour, pourquoy t'espargnes-tu
Faisant d'un rien l'apuy d'une vertu?
En cependant que tu es ieune & belle
Eschause toy d'une amour mutuelle,
Aime en viuant: car apres ton trespas
Sous le tombeau tu ne trouueras pas
Vn amoureux lequel te vueille prendre:
« Apres la mort nous ne sommes que cendre.

STANCES LYRIQVES pour vn banquet.

Texte de 1578: retranché en 1584.)

I. IOVEVR.

Autant qu'au Ciel on voit de flames Dorer la nuit de leurs clartez, Autant voit-on icy de Dames Orner ce soir de leurs beautez.

II. IOVEVR.

Autant que lon voit une prée Fleurir en ieunes nouueautez, Autant ceste troupe sacrée S'enrichist de mille beautez.

ī.

La Cyprine & les Graces nues, Se defrobant de leur feiour, Sont au festin icy venuës, Pour de la nuit faire vn beau iour.

II.

Ce ne sont pas femmes mortelles Qui nous esclairent de leurs yeux, Ce sont Déesses eternelles Qui pour vn soir quittent les Cieux.

I

Quand Amour perdroit ses flameches Et ses dards trampez de soucy, Il trouueroit assez de steches Aux yeux de ces Dames icy.

11.

Amour qui cause noz destresses Par la cruauté de ses dards, Fait son arc de leurs blondes tresses, Et ses sleches de leurs regards.

Ι.

Il ne faut point que lon desire Qu'autre saison puisse arriuer, Voicy vn Printemps qui souspire Ses sleurs au milieu de l'Hyuer.

II.

Ce mois de lanuier qui surmonte Auril par la vertu des yeux De ces Damoiselles, fait honte Au Printemps le plus gracieux.

Ι.

Ce grand Dieu Prince du tonnerre Puisse sans moy l'air habiter, Il me plaist bien de voir en terre Ce qui peut blesser lupiter.

1.1

Les Dieux espris comme nous sommes, Pour l'amour quittent leur seiour : Mais ie ne voy point que les hommes Aillent là haut faire l'amour.

Ι.

A la couleur des fleurs escloses Ces Dames ont le teint pareil, Aux blancs Liz, aux vermeilles roses Qui naissent comme le Soleil.

ΕĪ.

Leur blanche main est vn Yuoire, De leurs yeux les Astres se font: Amour a planté sa victoire Sus la maiesté de leur front.

Ι.

Las! que ne suis-ie en ceste trope Vn Dieu caché sous vn Toreau? Ie rauirois encore Europe Au beau milieu de ce troupeau. HI.

Que n'ay-ie d'on Cygne la plume Pour iouyr encore à plaisir De ceste beauté qui m'allume Le cœur de crainte & de desir?

I

Amour qui tout voit & dispense, Ces Dames vueille contenter: Et si la rigueur les offense, Nouuel amy leur presenter.

II.

Afin qu'au changer de l'année Et au retour des ieunes fleurs, Vne meilleure destinée Puisse commander à leurs cœurs.

OVATRAIN POVR VN LIVRE

bien composé, & mal relié.

(Texte de 1573; retranché en 1578.)

Les Dames sont benignes de nature, Ayez pitié de ces beaux vers qui sont De vostre liure enster le premier front, Et leur donnez vn peu de couuerture.

SONET POUR MADAME DE LA CHASTRE en faueur d'vn liure compofé de fes louanges.

(Texte de 1573; retranché en 1578.)

Ces vers grauez icy plus fort que dans le cuiure Sont plus propres à vous qu'au Soleil la splendeur, Le pesant à la terre, à la mer sa froideur, A l'air l'agilité, qui le monde fait viure. C'est pourquoy ie ne veux autre suiet poursuiure
Que celuy de ces vers, les steches & l'ardeur,
Traits, attraits, seux & rais qu'Amour par sa grandeur
En vous faisant honneur respand dedans ce liure.
Heureuses mille fois rimes si bien escrites,
Que i'ay cent & cent fois en cent sortes redites,
Les premiers passetemps de ma douce ieunesse!
Perles & diamans, les stammes, les glaçons:
Ces mots mignards, ces rais, sont les ieunes chansons
Qu'à vingt ans ie chantois pour stechir ma maitresse.





LE SEPTIESME LIURE DES POEMES

de Pierre de Ronfard Gentil-homme Vandosmois.

1560.

A CASSANDRE.

(Texte de 1578; retranché en 1584.)

L'abjence, ny l'oubly, ny la course du iour
N'ont effacé le nom, les graces ny l'amour
Qu'au cœur ie m'imprimay dés ma icunesse tendre,
Fait nouveau jeruiteur de toy belle Cassandre:
Qui me sus autresois plus chere que mes yeux,
Que mon jang, que ma vie, & que seule en tous lieux
Pour suiet eternel ma Muse avoit choisie,
A sin de te chanter par longue poësie.

Car le trait qui sortit de ton regard si beau, Ne sut l'un de ces traits qui deschirent la peau, Mais ce sut un de ceux, dont la poinste cruelle Perse cœur & poumons, & veines & mouëlle. Ma Cassandre, aussi tost que ie me vy blessé, leune d'ans & gaillard, depuis ie n'ay pensé Qu'à toy mon cœur, mon ame, à qui tu as rauie Absente si long temps la raison & la vie.

Et quand le bon destin iamais n'eust fait reuoir Tes yeux si beaux aux miens, le temps n'auoit pouuoir D'enleuer vne esquierre, ou d'amoindrir l'image Qu'Amour m'auoit portraite au vif de ton visage: Si bien qu'en souvenir ie t'aimois tout ainsi Que dés le premier iour que tu sus mon souci.

Et si l'age qui rompt & murs & forteresses, En coulant a perdu vn peu de noz ieunesses, Cassandre, c'est tout vn! car ie n'ay pas esgard A ce qui est present, mais au premier regard: Au trait qui me naura de ta grace enfantine, Qu'encores tout sanglant ie sens en la poitrine.

Bien-heureux soit le iour que tes yeux ie reuy, Qui m'ont & pres & loin de moy-mesmes rauy.

Et si i'estois vn Roy qui toute chose ordonne, le mettrois en la place vne haute Colonne Pour remerque d'amour: où tous ceux qui viendroient, En baisant le pilier, de nous se souvendroient.

Ic denins on idole aux rayons de ta veue,
Sans parler, sans marcher, tant la raison esmeüe
Me gela tout l'esprit, loin de moy m'estrangeant,
Et viuois de tes yeux seulement en songeant.
Tousiours me souuenoit de ceste heure premiere,
Où ieune ie perdy mes yeux en ta lumiere,
Et des propos qu'on soir nous eusmes, deuisant,
Dont le seul souuenir, non autre m'est plaisant.

Ce fut en la saison du Printemps qui est ores : En la mesme saison ie t'ay reueue encores : Face Amour que l'Auril où ie sus amoureux, Me sace aussi content que l'autre malheureux.

SONET.

(Texte de 1572-73; retranché en 1578.)

Puis qu'autrement ie ne sçaurois iouir, De voz beaux yeux qui tant me font la guerre, Ic veux changer de constume & de terre, Pour ne vous voir ny voz propos ouyr. le ne seaurois helas! me resionir
Sans vostre main qui tout le cœur m'enserre.
Et vostre voix qui Sereine m'enserre,
Et voz regardz qui me sont esblouyr:
Tant plus ie pense à me vouloir distraire,
De vostre Amour & moins ie le puis faire,
Si ce n'estoit en m'ensuiant bien loing,
Mais i'aurois peur qu'Amour par le voyage,
De plus en plus n'enstamast mon courage:
« Car plus on suit & plus on a de soing.

SONET.

(Texte de 1572-73; retranché en 1578.)

Le iour me semble aussi long qu'vne année,

Quand ie ne voy l'esclair de voz beaux yeux,

l'eux qui font honte aux estoilles des cieux,

En qui ie voy quelle est ma destinée.

Fiere beauté que le Ciel m'a donnée

Pour si doux mal: helas! il valloit mieux

Aller soudain sur le bord Stygieux,

Que tant languir pour chose si bien née.

Au moins la mort eust finy mon desir

Qui en viuant en cent formes me muë:

Le voir, l'ouir me causent desplaisir,

Et ma raison pour neant s'eucrtuë;

Car le penser que i'ay voulu choisir

Pour me conduire, est celuy qui me tuë.

SONET.

(Texte de 1572-73; retranché en 1578.)

Non ce n'est pas l'abondance d'humeurs, Qui te rend morne & malade & blesmie, C'est le peché de n'estre bonne amie, Et ta rigueur par laquelle ie meurs. Le Ciel vangeur de mes iustes douleurs,
Me voyant ardre en chaleur infinie,
En ma faueur, cruelle, t'a punie
De longue fieure & de palles couleurs.
Si tu guaris le coup de la langueur,
Que tes beaux yeux m'ont versé dans le cœur,
Si tu guaris d'une amoureuse œillade
Mon cueur blessé qui se pâme d'esmoy,
Tu guariras: car tu n'es point malade
Sinon d'autant que ie le suis pour toy.

EPIGRAMME GREC.

(Texte de 1573; retranché en 1578.)

Ie suis la plante de Pallas, Pourquoy, Vigne, de tant de laqs Me presses tu le corps si ioin&? Va-t'en ailleurs trainer tes bras, Minerue ne s'enyure point.

SONET.

(Texte de 1572-73; retranché en 1578.)

Seul & pensif i'allois parmy la ruë,
Me promenant à pas mornes & lents,
Quand i'aperceu les yeux estincelants
Aupres de moy, de celle qui me tuë.
De chaut & froid mon visage se muë,
Coup dessus coup mille traits violens
Hors des beaux yeux de la belle volans,
Ge faux Amour de sa trousse me ruë:

Ie ne foufry l'esclair de ses beaux yeux,
Tant il estoit poignant & radieux,
Qui comme foudre entra dans ma poitrine:
Ie fusse mort, sans elle qui pœureux
Me r'asseura, & de la mort voisine
Me rapela d'un salut amoureux.

SONET.

(Texte de 1572-73; retranché en 1578.)

Si trop souvent quand le desir me presse
Tout afamé de viure de voz yeux,
Pœureux, honteux, pensis & soucieux
Deuant vostre huis ie repasse, maistresse,
Pardonnez moy ma mortelle Déesse,
Si malgré moy ie vous suis ennuyeux,
Malgré moy non, car i'aime beaucoup mieux
Sans vous facher trespasser de tristesse.

Las! si ie passe & passe si souvent
Aupres de vous fantassique & resuant,
C'est pour embler vn trait de vostre veuë
Qui fait ma vie en mon corps seiourner:
Permettez donc que l'ame soit repeuë
D'vn bien qui n'est moindre pour le donner.

ODELETTE.

(Texte de 1578; retranché en 1584,)
Boiuon, le iour n'est si long que le doy:
Ie perds, amy, mes soucis quand ie boy.
Donne moy viste un iambon sous ta treille,
Et la bouteille
Grosse à merueille
Glou-gloute aupres de moy:
Aueq la tasse & la rose vermeille
Il faut chasser es moy.

ELEGIE A AMADIS IAMYN.

(Texte de 1573; retranché en 1578.)

Couure mon chef de Pauot ie te prie,
Afin, lamyn, que mes soucis i'oublie:
De luy tout seul pour perdre mon mechef,
le ne veux point me couronner le chef,
Mais de son ius à longs traits ie veux boire
Pour de mes maux endormir la memoire
De fond en comble, & pour ne retenir
lamais au cœur vn si dur souuenir:
Voulant du tout en forçant ma nature
Du caractère effacer la figure
Que ie portois engraué dans le cœur,
Qui par deux ans a nourry ma langueur.

Le temps perdu soit perdu, & ie pense Auoir assez entiere recompense, Si de ses retz ie me puis deslier, Et tout à sait son amour oublier.

Charge mon vin de pauots & ma teste, Et ne vien plus d'vne reprise honneste Me condamner, que ie suis inconstant, Ou si tu veux, repren, i'en suis contant, Pourueu qu'ainsi ie la puisse en ma vie Autant hair comme ie l'ay servie.

Le mal traité s'essouist à son tour Quand le desdain triomphe de l'amour: Et bien souvent pour ne pouvoir complaire, Le trop d'amour se transforme en colere, En rage, en seu, qui de vengeance sert, « Et pour vn rien souvent le tout se perd.

ELEGIE A MONSIEVR NICOLAS Secretaire du Roy.

(Texte de 1573; retranché en 1578.)

Belot, afin que mort tu puisses viure,
l'ay par ton nom encommencé mon liure:
Mais pour autant que tu n'es pas vn Dieu
Tu n'auras pas la fin ny le milieu,
Ainsi qu'auoit ce lupiter antique,
Qui entendoit la chanson olympique
Se commencer & se finir par luy:
Tu n'oirras dong, mon Belot, auiourd'huy
Finir par toy le bout de cét ouurage.

Mais tout ainst que ceux du premier age, Sortant de table auant que leur coucher, Laissoyent du vin sur la terre espancher, En finissant le iour par leur Mercure, Haut l'inuoquant contre la nuit obscure Dieu sous la terre & dans le ciel puissant:

Ainsi ie vais mon labeur finissant Par Nicolas qui mon Mercure enstame, Et dont le nom m'est portrait dedans l'ame, Et par qui seul cent biensaits ie reçoy, Apuy certain des Muses & de moy.

Pren donc, amy, ces vers que ic te donne, En atendant qu'Euterpe me façonne Vn œuure entier plus digne de ton nom, Car cettuy-cy, Nicolas, n'est sinon Vn auant-ieu d'une chanson plus grande, Qui hautement tes louanges respande, De tous costez chantant le nom veinqueur Qui a donté les peuples & leur cœur.



LES

O E V V R E S D E

GENTIL-HOMME

Vandomois.

1571.

Au tome III.

SONETS A DIVERSES PERSONNES.

SONET AV SEIGNEVR SOREAV valet de chambre du Roy.

(Texte de 1573; retranché en 1578.)

C'est à grand tort, Soreau, que les siecles on blasme
De perdre les vertus qui naissent auec nous:
Alceste au temps passé mourut pour son espoux
Et tu voudrois mourir pour racheter ta semme.
Cœur vrayment genereux rempli d'une belle ame,
Qu'Amour & Charité ont du lien si doux
Ataché d'une foy, pour estre exemple à tous
Combien un vray mary doibt honorer sa Dame.
Si noz premiers ayeux ont dressé des autels
Aux hommes enrollez au rang des immortels
Pour auoir en ce monde inventé quelque chose,
Soreau, tu as autels & temples merité
Comme le vray patron d'honneste charité,
Qui as & viue & morte honoré ton espose.

Au tome U.

ELEGIES, ECLOGVES ET MASCARADES.

A MONSIEVR BRVLARD

Secretaire des Commandemens.

(Texte de 1573; retranché en 1578.)

l'aime, Brulard, les hommes que Fortune
Poussé aux honneurs quand ilz sont vertueux,
Et non pas ceux qui sont voluptueux,
Que la faueur tire de la commune.
Vostre vertu & faueur ne font qu'vne,
Vous esleuant au rang des Demy-dieux
De nostre France, où d'vn wil soucieux
Vous surmontez l'enuie & la rancune.
Voila pourquoy ie vous donne ce liure:
Apollon suit ceux qui le veulent suiure
Et qui diuins le veulent escouter.
Au Dieu Neptune on sacre la nauire,
Au Dieu Phwbus la sagette & la lyre,
A Brulard faut les Muses presenter.

A NICOLAS DE NEVFVILLE,

Seigneur de Villeroy, Secretaire d'Estat.

(Texte de 1578; retranché en 1584)

Villeroy, dont le nom & le furnom ensemble Sont pleins de maiesté, say de grace pour moy Quelque chose qui soit digne de Villeroy, Afin qu'à ton beau nom ta volonté resemble: Villeroy qui en vn toutes vertus assemble,
Roy de mœurs & de nom, mais Dieu comme ie croy:
Car n'offenser personne, & obliger à soy
Les hommes, c'est vrayment estre Dieu, ce me semble.
Par ce chemin Hercule alla dedans les Cieux,
Par ce chemin Thesée & Chiron furent Dieux,
Et tous ces vaillans Preux de la saison première:
Ainsi qu'eux dans le Ciel auras vn propre lieu,
Et chacun ensuiuant icy bas ta lumière,
Apprendra comme toy d'homme à se faire vn Dieu.

CARTEL POVR LE ROY.

(Texte de 1578; retranché en 1584.)

Si le Soleil qui voit tant de choses le iour,
Vit iamais Cheualier tres-content en amour,
Il voit en ceste place un Prince qui se vante
D'auoir sur tous Amans sa fortune contante,
D'autant que le bon-heur de son contentement
Est diuin & parfait: car le Ciel autrement
N'eust peu de ce guerrier rendre l'ame amoureuse
Sins luy donner Maistresse en tous points bien-heureuse.
Or' si quelqu'un en doute, & ne veut consesser
Qu'il est sur tous content, n'espere de passer
Ce chemin sans combatre: ainsi le lieu le porte,
Asin que son audace une honte r'emporte.
Les Dames sans faueur seront iuges du fait,

Les Dames sans saueur seront iuges du fait, Qui verront au combat combien sera parsait Ce Cheualier, d'autant que sa Maistresse passe Les autres de beautez, de vertus & de grace.

CARTEL.

(Texte de 1578; retranché en 1584.)

Tout Amant cheualeureux Oui cherche à faire conqueste, Ne se doit dire amoureux S'il n'aime d'amour honneste. Si par crainte ou par effort Forçant sa Dame, il la presse, Il hait sa Dame bien fort, Et n'est digne de Maistresse. Ce Cheualier sainctement Pres d'honneur, loin de diffame, Aime si honnestement La chasteté de sa Dame, Ou'il ne cede en telle amour A nulle autre creature Qu'à celuy qui doit ce iour Gaigner du lieu l'auanture. Et si quelqu'un pour blasmer L'honneste amour, veut debatre, Il ne doit point presumer De s'en-aller sans combatre.

SONET, AV SEIGNEVR NICOLAS Segretaire du Roy.

(Texte de 1573; retranché en 1578.)

Si quelque Dieu au millieu de l'orage Se venoit soir sur le bord de ta nes, Aurois tu peur, Nicolas, que ton ches Forcé du slot endurast le naustrage? Non, car voyant un celeste visage
Qui te viendroit deliurer du mechef,
Ioyeux d'espoir tu penserois en bres
Maugré le vent aborder au riuage.
Ainsi voyant au plus fort du danger
Les stotz plus doux souz ma nes se ranger
Qui me pressoient d'une importune troupe:
Ie ne crains plus la mer: puisque ie voy
Comme un Castor sur le haut de ma poupe
Pour me sauuer assis un Villeroy.





LES

O E V V R E S D E

GENTIL-HOMME

Vandomois.

1578.

Au tome Ier.

LES AMOVRS.

(Pour les cinq pièces qui suivent, texte de 1578, retranché en 1584.)

SVR LA MORT DE MARIE.

CHANSON.

Helas! ie n'ay pour mon obiet
Qu'vn regret, qu'vne souuenance:
La terre embrasse le suiet,
En qui viuoit mon esperance.
Cruel tombeau, ie n'ay plus rien,
Tu as desrobé tout mon bien,
Ma mort, & ma vie,
L'amant & l'amie,
Plaints, souspirs, & pleurs,
Douleurs sus douleurs.

Que ne voy-ie, pour languir mieux, Et pour viure en plus longue peine, Mon cœur en souspirs, & mes yeux Se changer en vne fonteine, Mon corps en voix se transformer, Pour souspirer, pleurer, nommer Ma mort, & ma vie, L'amant & l'amie, Plaints, souspirs, & pleurs, Douleurs sus douleurs.

Ou ie voudrois estre vn rocher, Et auoir le cœur insensible, Ou esprit, asin de cercher Sous la terre mon impossible: l'irois sans crainte du trespas Redemander aux Dieux d'embas Ma mort, & ma vie.

Mais ce ne sont que sictions:
Il me fault trouuer autres plaintes.
Mes veritables passions
Ne se peuuent seruir de feintes.
Le meilleur remede en cecy,
C'est mon torment & mon soucy,
Ma mort, & ma vie.

Au pris de moy les amoureux
Voyant les beaux yeux de leur dame,
Cheueux & bouche, sont heureux
De bruler d'vne viue flame.
En bien seruant ils ont espoir:
Ie suis sans espoir de reuoir
Ma mort, & ma vie.

Ils aiment vn fuiet qui vit:
La beauté viue les vient prendre,
L'œil qui voit, la bouche qui dit:
Et moy ie n'aime qu'vne cendre.
Le froid filence du tombeau
Enferme mon bien, & mon beau,
Ma mort, & ma vie.

Ils ont le toucher & l'ouyr,
Auant-courriers de la victoire:
Et ie ne puis iamais iouyr
Sinon d'une triste memoire,
D'un souuenir, & d'un regret,
Qui tousiours lamenter me fait
Ma mort, & ma vie.

L'homme peult gaigner par effort Mainte bataille, & mainte ville: Mais de pouuoir vaincre la Mort C'est vne chose difficile. Le ciel qui n'a point de pitié, Cache sous terre ma moitié, Ma mort, & ma vie.

Apres sa mort ie ne deuois,
Tué de douleur, la suruiure:
Autant que viue ie l'aimois,
Aussi tost ie la deuois suiure:
Et aux siens assemblant mes os,
Vn mesme cercueil eust enclos
Ma mort, & ma vie.

le mettrois fin à mon malheur, Qui hors de raison me transporte, Si ce n'estoit que ma douleur D'un double bien me reconforte. La penser Deesse, & Jonger En elle, me fait allonger Ma mort, & ma vie.

En songe la nuict ie la voy
Au ciel vne estoille nouuelle
S'apparoistre en esprit à moy
Aussi viuante, & aussi belle
Comme elle estoit le premier iour
Qu'en ses beaux yeux ie veis Amour,
Ma mort, & ma vie.

Sur mon liet ie la sens voler, Et deuiser de mille choses: Me permet le voir, le parler, Et luy baiser ses mains de roses: Torche mes larmes de sa main, Et presse mon cœur en son sein, Ma mort, & ma vie.

La mesme beauté qu'elle auoit,
La mesme Venus, & la grace,
Le mesme Amour qui la suiuoit
En terre apparoist en sa face,
Fors que ses yeux sont plus ardans,
Où plus à clair ie voy dedans
Ma mort, & ma vie.

Elle a les mesmes beaux cheueux, Et le mesme trait de la bouche, Dont le doux ris, & les doux nœuds Eussent lié le plus farouche: Le mesme parler, qui souloit Mettre en doute, quand il vouloit Ma mort, & ma vie.

Puis d'un beau iour qui point ne faut,
Dont sa belle ame est allumée,
le la voy retourner là haut
Dedans sa place accoustumée,
Et semble aux anges deuiser
De ma peine, & fauoriser
Ma mort, & ma vie.

Chanson, mais complainte d'amour,
Qui rends de mon mal tesmoignage,
Fuy la court, le monde & le iour:
Va-t'en dans quelque bois sauuage,
Et là de ta dolente vois
Annonce aux rochers, & aux bois
Ma mort, & ma vie,
L'amant & l'amie,
Plaints, souspirs, & pleurs,
Douleurs sus douleurs.

SONETS ET MADRIGALS POVR ASTRÉE.

Plus que mes yeux i'aime tes beaux cheueux,
Liens d'Amour que l'or mesme accompaigne,
Et suis ialoux du bon-heur de ton peigne,
Qui au matin desmesse leurs beaux nœuds.
En te peignant il se fait riche d'eux,
Il les desrobe: & l'Amour qui m'enseigne
D'estre larron, commande que ie prenne
Part au butin assez grand pour tous deux.

Mais ie ne puis : car le peigne fidelle Garde su proye, & puis ta damoiselle Serre le reste, & me l'oste des doigts.

O cruautez! ô beautez trop iniques! Le pelerin touche bien aux reliques Par le trauers d'une vitre, ou d'un bois.

Mon ame vit en seruage arrestée:
Il aduiendra, Dame, ce qu'il pourra:
Le cœur viura te seruant, & mourra:
Ce m'est tout vn, la chance en est iettée.
le suis ioyeux dequoy tu m'as ostée

La liberté, & mon esprit sera D'autant heureux, que serf il se verra De ta beauté, des Astres empruntée.

Il est bien vray que de nuiet & de iour le me complains des embusches d'Amour, Qui d'un penser un autre sait renaistre.

C'est mon seigneur, ie ne le puis hayr: Vueille ou non vueille, il faut luy obeyr. Le seruiteur est moindre que le maistre.

LE PREMIER LIVRE DES SONETS POVR HELENE.

En choisissant l'esprit vous estes mal-apprise,
Qui resusez le corps, à mon gré le meilleur:
De l'vn en l'esprouuant on cognoist la valeur,
L'autre n'est rien que vent, que songe & que seintise.
Vous aimez l'intellect, & moins ie vous en prise:
Vous volez, comme leare, en l'air d'vn beau malheur:
Vous aimez les tableaux qui n'ont point de couleur.
Aimer l'esprit, Madame, est aimer la sottise.

Entre les courtifans, afin de les brauer,
Il faut en disputant Trimegiste approuuer,
Et de ce grand Platon n'estre point ignorante.
Mais moy qui suis bercé de telle vanité,
Vn discours fantastiq' ma raison ne contante:
le n'aime point le faux, i'aime la verité.

LES AMOVRS DIVERSES.

Amour, ie ne me plains de l'orgueil endurcy,
Ny de la cruauté de ma ieune Lucresse,
Ny comme sans secours languir elle me laisse:
le me plains de sa main & de son godmicy.
C'est un gros instrument qui se fait pres d'icy,
Dont chaste elle corrompt toute nuiet sa ieunesse:
Voila contre l'Amour sa prudente finesse;
Voila comme elle trompe un amoureux soucy.
Aussi pour recompense une haleine puante,
Vne glaire espessie entre les draps gluante,
Vn œil haue & battu, un teint palle & desfait
Monstrent qu'un faux plaisir toute nuiet la possede.
Il vaut mieux estre Phryne & Lais tout à fait,
Que se feindre Portie auec un tel remede.





PIÈCES RETRANCHEES

de la première édition posthume (1587) par les exécuteurs testamentaires de Ronsard.

N. B. — D'autres pièces furent encore supprimées en 1587 et figurent pour cette raison parmi les « pièces retranchées », une partie dans l'édition lyonnaise de 1592, et toutes (sauf deux) dans les éditions parisiennes de 1609 à 1630. Nous les faisons connaître ici par leur incipit en renvoyant pour le texte à la présente édition. — P. L.

Tome I.

LES AMOVRS. 1er Liure.

Si iamais homme en aimant fut heureux (1, 40).

Du feu d'amour, impatient Roger (1, 58).

Ny ce coral qui double se compasse (1, 60).

I'iray toustours & resuant of songeant (1, 68).

Au mesme list où pensis ie repose (1, 86).

Veusue maison des beaux yeux de ma dame (1, 89).

SONNETS POVR HELENE.

Helene fut occasion que Troye (I, 304).

Amovrs diverses.

Ayant la mort mon cœur desallié (I, 351). Ie voudrois bien n'auoir iamais tasté (I, 352)3. Petit nombril que mon penser adore (I, 354). Cherche, Maistresse, vn poëte nouueau (I, 367)4.

- 1. Var. de 1552 : Entre tes bras, impatient Roger
- 2. Var. de 1552 : Dedans le lit où mal fain ie repose
- 3. Var. de 1553 : Pleut-il à Dieu..., de 1560 : Las! pleust à Dieu...
- 4. Var. de 1560 : Cherche, Caffandre, un poëte nouneau

SONNETS A DIVERSES PERSONNES.

Prince du sang Troyen, race des Rois de France (11, 6). le sçauois bien que la belle Florence (11, 29).

Tome II.

LES ODES.

Maintenant une fin, Denyse (11, 218).

Les fictions dont tu decores (11, 267).

Desia les grands chaleurs s'esmeuuent (11, 272).

le ne suis iamais paresseux (11, 297).

Tu as donques quitté Thalie (11, 299).

Dedans ce grand monde où nous sommes (11, 323).

Nymphe aux beaux yeux qui sousses de ta bouche (11, 327).

le n'ay pas les mains apprises (11, 341).

Lors que Bacchus entre chez moy (11, 349).

Venus est par cent mille noms (11, 356).

T'oseroit bien quelque Poëte (11, 356).

le suis homme nay pour mourir (11, 368).

Certes par estet ie sçay (11, 446).

Ma maistresse que i'ayme mieux (11, 447).

Ah! sièureuse maladie (11, 448).

Tome IV.

BOCAGE ROYAL.

Quand Iupiter le grand pere des Rois (III, 253). Vous qui passez en tristesse le iour (III, 322)8.

^{5.} Var. de 1550 : Telle fin que tu vouldras mettre, — de 1555 : Telle fin maintenant foit mise

^{6.} Var. de 1550 : Ia-ia les grands chaleurs s'emeuuent

^{7.} Var. de 1560 : Donc Belleau iu portes enuie, - de 1578 : Belleau, qui as quitté Thalie

^{8.} On retrouve cette pièce parmi les Elegies en 1623.

Tome V.

MASCARADES.

Las! pour auoir aimé trop haut (III, 502). l'ay par actes laborieux (III, 503).

Tome VI.

LES ELEGIES.

Madame oyez le mal que ie reçoy (IV, 49)9. Des faits d'amour Diotime certaine (IV, 87). Oyant un iour redoubler mes soupirs (IV, 98). Seule apres Dieu la forte destinée (IV, 105).

Tome X.

LES EPITAPHES.

De tout ce que Nature en ce monde peult faire (V, 314) 10.


9. Cette pièce commençait en 1563 par : Douce maitresse à qui i'ay dedié. Les quatre premiers vers furent supprimés en 1578.

10. Ce sonnet-épitaphe n'a pas reparu dans les anciennes éditions posthumes.



PIÈCES IMPRIMÉES

du vivant de Ronsard hors de ses recueils, mais réunies à ses Œuvres seulement après sa mort ou non encore recueillies





PIERRE DE RONSARD VANDOMOIS A OLIVIER DE MAGNY.

SONET.

En tête de : Les Amours d'Olivier de Magny Quercinois... Paris, Etienne Groulleau, 1553. — In-12. (Bibl. nat., Rés. Ye 1667.)

Bien est vraiment le trait de ces beaus yeus
De ces beaus yeus le trait est vraiment dinne,
Qui t'a blessé, d'estre au Ciel vn beau sinne,
Et de ses seux embelir tous les Dieus.
Bien est vraiment le suiet precieus,
De la beauté qui te fait nouueau Cygne,
Et qui ta voix contr'echange en Bucine,
Pour entoner sa gloire dans les Cieus.
Vy doncq (Magny) bien-heureus de ta plaie,
Bien-heureus, di-ie, & puis qu'elle te paie,
Heureus Magny, de tourmens si plaisans.
Car ie me trompe (en te lisant) ou celle
Qui t'ard le cueur d'une stame si belle,
T'apreste vn nom qui desira les ans.

TRADUCTIONS EN VERS.

Dans la Dialectique de Pierre de la Ramée... Paris, A. Wechel, 1555. — In-4°. (Bibl. nat., Rés. R 1791.)

Préface. — Les mariniers, Mecene, sauuez de la tormente & tempeste de la mer, offroyent anciennement quelque don au Dieu, par l'ayde duquel ilz pensoyent estre conduistz à port. Car ainsi dist Virgile au douziesme de l'Eneide:

Là de-fortune estoit vn oliuier sauuage, Bois iadis venerable, où sauuez du naufrage Les mariniers souloyent leurs offrandes sicher, Et leurs habitz voüez au Dieu Faune attacher.

Et afin que la ioye & congratulation de vostre biensaich soit entierement du prosond du cœur exprimée, empruntons d'Horace non seullement le vers harpé, mais aussi la harpe:

Mecene descendu de l'estoc ancien Des roys, ô le confort & le doulx honneur mien!

Et vous presenteray en ce tableau la Dialectique, telle, que i'ay peu iusques icy tellement quellement alligner & esbocher, & concluray par les vers de ce mesme poëte le veu de ma deliurance:

Ceste muraille saincte
Par une table paincte
Denote qu'en ce lieu
l'ay consacré mouillée
Ma robbe despouillée
De la mer au grand Dieu.

Page 10. — Menalque en la troiziefme eclogue de Virgile louc ainsi ses vases par l'ouurier d'iceux :

le mettray deux hanaps, qu'Alcimede au burin A grauez au fouteau vn ouurage diuin.

A l'encontre de lui, Damete semblablement :

Ce mesme Alcimedon d'un ouurage diuin Deux hanaps au souteau m'a grauez au burin.

Pages 10-11. — Ouide, au deuziefme du Remede d'Amour, comprend ces deux caufes quand il dict oyfiueté estre caufe d'amour:

Cela te faict animer

A aymer,

Et cela garde ta flamme:

C'eft l'apat, c'eft le doulx mal

Principal

Du feu qui brusle ton ame.

Si d'amour l'oysiueté

As osté,

Toutes ses stesches perissent,

Ses arcs viennent à mespris

Et sans pris

Toutes ses torches languissent.

Pages 13-14. — Mais l'efficace des ventz au premier de l'Eneide est naturelle :

Tout aplat sur la mer les ventz couchez se sont, Toute la renuersant du hault iusqu'au prosond, L'Est, ensemble le Su, l'Ouest impetueux: Et sont rouller au bort les grandz stotz escumeux.

Page 15. — Ainfi Ouide, au premier des Triftes, excuse son imprudence :

Et pourquoy chetif miserable Ay ie faict ma veüe coulpable? Helas pourquoy sans y penser Ay ie peu Cesar offenser? Ainsin Acteon a congnue Sans y penser Diane nue: Toutesfois il ne laissa pas De ses chiens estre le repas. Vrayment fortune est punisable (sic) Vcrs les haultz dieux, ny pardonnable N'est aucun cas, si leur puissance Oultragée est par quelque offence.

Page 17. — Et certes l'ignorance des causes nous a seint la temeraire efficace de sortune : Et Juvenal ne dict sans cause en la diziesme Satyre :

Nulle diuinité de celluy ne s'eslongne, Qui auecque prudence entreprend sa besongne : Mais nous pauures humains par faulte de sagesse Logeons Fortune au ciel & la faisons deesse.

Page 20. — Ainsi Virgile, au siziesme de l'Eneide, descript les faictz d'un bon prince soubz le nom du Romain:

Aie tousiours souvenance, ô Romain,
De gouverner les peuples soubz ta main
Par un tel art: en paix faire des loix,
Les glorieux vaincre par le harnois,
Et aux vaincus soumis à ta puissance
User benin, d'une doulce clemence.

Page 21. — En ceste maniere Horace, apres auoir recompté quelques causes d'yvrongnerie, descript les essested d'icelle:

L'yurongnerie ouure au iour toute chose, Nostre pensée est par elle declose, Ce qu'on espere est par elle parfaict. Ell' nous soulage & valeureux nous faict: Mais est il homme apres auoir bien beu Qui ne soit docte, & qui n'ayt beaucoup veu? De pauureté le pauure elle delie, Car par le vin la pauureté s'oblie.

Page 23. - Par ce mesme argument est dict par Properce :

Des ventz parle le marinier, Le laboureur de ses toreaux, Ses playes compte le guerrier, Et leurs brebis les pastoureaux.

Page 25. - Ainsi Martial se mocque au douziesme liure :

Tu as rouge le poil, tu as noire la bouche, Tu as le pied petit, tu as la veüe louche, Tu fais vn grand cas Iulien, Si tu es homme de bien.

Page 27. — Et si quelquesois les adjoinchez singuliers ne sont de grand poix & authorité, neantmoins assemblez en grand nombre auront souuent grande sorce & vigueur, ainsi comme de tele signes dict Ouide au deuziesme du Remede d'Amour:

Quelcun dira, cecy n'est pas grand cas, le le confesse, aussi ne l'est-il pas: Mais tout cela qui en parties semble Ne seruir rien, sert beaucoup tout ensemble.

Page 29. - Tibulie au deuziesme liure :

Dame & seruice tel, ie me sens appresté, Que dire ie puis bien: adieu ma liberté.

Page 30. — Ainsi riche & pauure sont opposez en Martial au cinquesme liure:

Si maintenant tu n'as rien, Toufiours auras indigence: En ce temps on ne faist bien Sinon aux riches en France. Page 31. - Martial au cinquiesme liure:

lane, il est vray, tu es pucelle, Nous le sçauons, & riche & belle, Chacun le peult bien aduouer, Mais quand tu te veus trop louer, Pucelle n'es, riche ne belle.

Page 35. - Virgile au fiziesme de l'Eneide :

Ceste Rome fameuse, Laquelle esgallera au grand tour spacieux Du monde son empire & son courage aux cieux.

Page 35. - Ainsi Ouide au cinqiesme liure des Tristes:

Autant qu'vn riuage a de concques sur l'arene,
De roses les rosiers & le pauot de grene,
Qui faict dormir les gens: autant que les buissons
Ont de bestes chez eux, & la mer de poissons,
Autant que les foretz ont de fueilles nouvelles,
Et autant que d'oyseaux battent l'air de leurs ailles,
Autant i'ay de soucis, de tourment & d'ancombre:
Que si ie m'essorçois les reduire par nombre,
En vain m'essorcerois de dire ou de bouter
Les slotz lcariens en nombre, & les compter.

Page 35. — Ouide au deuziesme de l'Art [d'aimer]:
Ce n'est moindre vertu garder, que d'acquerir.

Page 36. — Souuent nous voyons en comparaison choses pareilles estre reprimées par choses pareilles : Damete en la troiziesme Eclogue propose cest Enigme :

Dy moy en quelle terre on ne voit seulement Que trois brasses de ciel, & me seras vrayment Vn certain Apollon en choses dissicile. Auquel Menalque ne peult respondre, mais en propose un pareil :

Dy moy en quelle terre on voit naistre les fleurs Ayantz le nom des roys escript sur leurs couleurs, Et tu auras tout seul Phyllis, la belle fille.

Page 37. - Ciceron pour Murene:

Deiectée est d'entre nous, non seulement ceste babillarde simulation de prudence, mais aussi ceste dame des choses

Sapience:

Tout est regi par force & violence. L'orateur

non seulement

fascheux en parolles & superflu, mais ausli

bon est partout en mespris. Le fier gendarme a seullement le pris.

Page 38. - Iuuenal en la huictiesme Satyre :

l'ayme mieulx que Thersit' soit ton pere, pourueu Que tu sois comme Achil' de vaillance pourueu, Soubtenant le harnois : que si le grand Achille T'engendroit vn Thersite à la guerre inutile.

Page 39. - Ainfi Ouide au troiziesme des Tristes :

Tu es plus cruel que Busire, Et plus mille fois inhumain, Que ne sut celluy qui feist cuire Un faulx bœuf dans un bœut d'erain.

Page 40. — Quelquesois au mesme exemple semblera estre argument & du plus & du moins, comme en Ouide au premier du Remede d'Amour:

Affin que ton corps tu guerisses Tu souffres le fer & le feu, Et bien que de soif tu languisses, lamais en ta fieure n'as beu: Ne veus tu pour l'esprit guerir Toutes choses dures souffrir, D'autant qu'on luy doibt par raison Trop plus qu'au corps de guerison?

Page 41. - Ouide au premier des Tristes :

La playe dont ie peris N'aura guerison parsaicte Si toy Cesar, qui l'as saicte, Comme Achil ne la gueris.

Page 41. - Ouide au premier des Tristes:

Tout ainsi que l'or on espreuue Au feu auecques la coupele, Ainsi le bon amy se treuue Au temps d'aduersité, sidele.

Page 42. - Virgile en la deuziesme Eclogue :

O bel enfant, ne te fie Par trop en ta belle couleur, Souuent on cueil' la noire fleur, Et la blanche chét fanie.

Pages 43-44. — Empedocle (comme dict Aristote au troiziesme de la Philosophie) sembloit attribuer toute cognoissance a similitude, quand il dict, que toute chose est cognene par son semblable:

L'eau se cognoit par l'eau, la terre par la terre, L'air se cognoit par l'air, qui nous cerne à l'entour. La hayne se cognoit par la hayneuse guerre, Et l'amour se cognoit par l'amyable amour.

Page 45. — Ouide au deuzieime de l'Art [d'aimer] : Vlysse n'estoit beau, mais il estoit facond.

Page 46. - Quelquefois n'y a note aucune. Catulle :

Les Soleilz ont le pouvoir De mourir, & de se voir Reuiure en clairté nouvelle : Mais apres que serons mors Il fauldra dormir alors Vne nuist perpetuelle.

Page 48. - Properce au deuziesme liure:

Puis que tout amoureus pert tousiours liberté, Nul libre ne sera qu'amour ayt arresté.

Page 63. - Ouide au troiziesme des Tristes:

Affin que ie ne soys Veu de parolle vaine Faindre cecy, ie vouldrois Que tu sentisses ma peine.

Page 90. — Cecy est conclu & iugé par Horace au premier des Epistres:

En telle liberté qu'vn esclave attaché, Vit l'auaricieux, & qu'vn gueu de la tourbe, Quand luy pour amasser quelque liard fiché Dedans vn quarresour vilainement se courbe: Car qui desire, craint: & celluy là qui craint N'est pas libre, & iamais la liberté n'attaint.

Page 103. — La maniere de conclure est icy semblable, quand la proposition est relative : comme la Nymphe Enone en Ouide conclud l'erreur de sa squ'e pensée :

Quand Paris sans mourir Enone laissea, Xanthe droist contre-mont ses ondes tournera. Or Paris maintenant peult viure sans Enone: Xanthe, va contre-mont, & tes ondes retourne. Page 126. — Ainsi Virgile, au commencement du deuziesme des Georgiques, faict sa transition:

Iusqu'à ces vers icy nous auons par noz chantz Dict les astres du ciel & le labeur des champs: Or Bacchus ie te chante, & les sauluages plantes, Et tardement aussi les oliues naisçantes.

ELEGIE

de Pierre de Ronfard à I. Greuin.

En tête de : Le Theatre de Iaques Greuin... Paris, Vincent Sertenas et Guillaume Barbé, 1561. — In-8°. (Texte revu sur la 2° édition, 1562. Bibl. nat., Rés. Yf 2955.)

Greuin, en tous mestiers on peult estre parfaict:
Par longue experience vn aduocat est faict
Excellent en son art, & celuy qui pratique
Dessus les corps humains vn art Hippocratique:
Le sage Philosophe, & le graue Orateur,
Et celuy qui se dit des nombres inuenteur
Par estude est sçauant: mais non pas le Poëte,
« Car la Muse icy bas ne sut iamais parfaicte,
Ny ne sera, Greuin: la haulte Deité
Ne veult pas tant d'honneur à nostre humanité
Imparfaicte & grossiere: & pource elle n'est dine
De la persection d'vne sureur diuine.

Le don de Poësie est semblable à ce seu,
Lequel aux nuicts d'hyuer comme un presage est veu
Ores dessus un fleuue, ores sur une prée,
Ores dessus le chef d'une forest sacrée,
Sautant & iallissant, iettant de toutes pars
Par l'obscur de la nuict de grans rayons espars:
Le peuple le regarde, & de frayeur & crainte
L'ame luy bat au corps, voyant la flame saincte.

A la fin la clarté de ce grand feu descroist,
Deuient palle & blafart, & plus il n'apparoist:
En un mesme pays iamais il ne seiourne,
Et au lieu dont il part, iamais il ne retourne,
Il saute sans arrest de cartier en cartier,
Et iamais un pais de luy n'est heritier.
Ains il se communique, & sa flame est montrée
(Où moins on l'esperoit) en une autre contrée.

Ainsi ny les Hébreux, les Grecs, ny les Romains, N'ont eu la Poësie entiere entre leurs mains: Elle a veu l'Alemagne, & a pris accroissance Aux riues d'Angleterre, en Escosse, & en France, Sautant deçà delà, & prenant grand plaisir En estrange païs diuers hommes choisir, Rendant de ses rayons la prouince allumée, Mais bien tost sa lumiere en l'air est consumée. « La louange n'est pas tant seulement à vn,

« La touange n'est pas tant seutement à vn, « De tous elle est hostesse, & visite vn chacun,

« Et sans auoir égard aux biens ny à la race,

« Fauorisant chacun, on chacun elle embrasse.

Quant à moy, mon Greuin, si mon nom espandu S'enste de quelque honneur, il m'est trop cher vendu, Et ne sçay pas comment un autre s'en contente:
Mais ie sçay que mon art greuement me tormente, Encore que moy vis ie iouysse du bien
Qu'on donne apres la mort au mort qui ne sent rien.
Car pour auoir gousté les ondes de Permesse, le suis tout aggraué de sonne & de paresse, Inhabile, inutile: & qui pis, ie ne puis
Arracher cest humeur dont esclaue ie suis.

Ie suis opiniastre, indiscret, fantastique, Farouche, soupçonneux, triste & melancolicque, Content & non content, mal propre, & mal courtois: Au reste craignant Dieu, les princes, & les loix, Né d'assez bon esprit, de nature assez bonne, Qui pour rien ne voudroit auoir faché personne: Voila mon naturel, mon Greuin, & ie croy Que tous ceux de mon art ont tels vices que moy.

Pour me recompenser, au moins si Calliope M'auoit faict le meilleur des meilleurs de sa trope, Et si i'estois en l'art qu'elle enseigne parfait, De tant de passions ie seroy satisfait: Mais me voyant sans plus icy demy Poëte, Vn mestier moins diuin que le mien ie souhaitte.

Deux sortes il y a de mestiers sur le mont Où les neuf belles Seurs leurs demeurances font: L'un fauorise à ceux qui riment & composent, Qui les vers par leur nombre arrengent & disposent, Et sont du nom de vers dicts Versificateurs : Ils ne sont que de vers seulement inuenteurs, Froids, gelez, & glacez, qui en naissant n'apportent Sinon un peu de vie, en laquelle ils auortent : Ils ne seruent de rien qu'à donner des habits A la cannelle, au succre, au gingembre, & au ris: Ou si par trait de temps ils forcent la lumiere, Si est-ce que sans nom ils demeurent derriere, Et ne sont iamais leus: car Phebus Apollon Ne les a point touchez de son aspre éguillon. Ils sont comme apprentis, lesquels n'ont peu atteindre A la perfection d'escrire ny de peindre : Sans plus ils gastent l'ancre, & broyant la couleur, Barbouillent vn portrait d'inutile valeur.

L'autre preside à ceux qui ont la fantasie Esprise ardentement du feu de Poësie, Qui n'abusent du nom, mais à la verité Sont remplis de frayeur & de diuinité.

Quatre ou cinq seulement sont apparus au monde De Grecque nation, qui ont à la faconde Accouplé le mystere, & d'un voile diuers Par fables ont caché le vray sens de leurs vers, A fin que le vulgaire amy de l'ignorance Ne comprist le mestier de leur belle science, Vulgaire qui se mocque, & qui met à mespris Les mysteres sacrez, quand il les a compris.

Ils furent les premiers, qui la Theologie,
Et le sçauoir hautain de nostre Astrologie
Par un art tressutil de fables ont voilé,
Et des yeux ignorans du peuple reculé.
Dieu les tient agitez, & iamais ne les laisse,
D'un aiguillon ardant il les picque & les presse.
Ils ont les pieds à terre, & l'esprit dans les Cieux,
Le peuple les estime enragez, furieux,
Ils errent par les bois, par les monts, par les prées,
Et iouyssent tous seuls des Nymphes & des Fées.

Entre ces deux mestiers, un mestier s'est trouué, Qui tenant le milieu, pour bon est approuué, Et Dieu l'a concede aux hommes, pour les faire Apparoistre en renom par dessus le vulgaire, Duquel se sont polis mille autres artisans, Lesquels sont estimez entre les mieux disans, Par un vers heroique ils ont mis en histoire Des Princes & des Rois la prouesse & la gloire: Et comme seruiteurs de Belone & de Mars Ont au son de leurs vers animé les soldars. Ils ont sur l'eschaffaut par feinctes presentée La vie des humains en deux sortes chantée, Imitant des grands Rois la triste affection Et des peuples menus la commune action. La plainte des Seigneurs fut dicte Tragedie, L'action du commun fut dicte Comedie. L'argument du Comicque est de toutes saisons, Mais celuy du Tragicque est de peu de maisons.

D'Athenes, Troye, Argos, de Thebes & Mycenes Sont pris les argumens qui conviennent aux scenes. Rome t'en a donné, que nous voyons icy, Et crains que les François ne t'en donnent aussi.

Iodelle le premier d'une plainte hurdie,
Françoisement chanta la Grecque Tragedie,
Puis en changeant de ton, chanta deuant nos Rois
La ieune Comedie en langage François,
Et si bien les sonna, que Sophocle & Menandre,
Tant fussent-ils sçauans, y eussent peu apprandre.
Et toy, Greuin, apres, toy mon Greuin encor
Qui dores ton menton d'un petit crespe d'or,
A qui vingt & deux ans n'ont pas clos les années,
Tu nous as toutesfois les Muses amenées,
Et nous as surmontez, qui sommes ia grisons,
Et qui pensions auoir Phebus en nos maisons.

Amour premierement te blessa la poietrine
Du dart venant des yeux d'une beauté divine,
Qu'en mille beaux papiers tu as chantée, à sin
Qu'une si belle ardeur ne prenne iamais sin.
Puis tu voulus sçauoir des herbes la nature,
Tu te feis Medecin, & d'une ardente cure
Doublement agité, tu appris les mestiers
D'Apollon, qui t'estime, & te suit volontiers,
A sin qu'en nostre France, un seul Greuin assemble
La docte Medecine, & les vers tout ensemble.

SONET [A SOEVR ANNE DE MARQVETS].

En tête des Sonets, Prieres & Deuifes en forme de Pafquins pour l'Affemblée de Messieurs les Prelats & Dodeurs, tenue à Poissy, M.D.LXI.
Paris, Guillaume Morel, 1562. — Petit in-8°. (Bibl. de l'Arsenal, B. L. 8898.)

Quelle nouuelle fleur apparoist à nos yeux?

D'où vient ceste vouleur, si plaisante & si belle?

Et d'où vient ceste odeur passant la naturelle,

Qui parfume la terre, & va iusques aux cieux?

La rose, ny l'oillet, ny le lis gracieux,
D'odeur ny de couleur ne sont rien aupres d'elle:
Aux iardins de Poissy croist ceste steur nouuelle,
Laquelle ne se peut trouuer en autres lieux.

Le printemps & les fleurs ont peur de la froidure, Ceste diuine sleur est tousiours en verdure, Ne craignant point l'hyuer qui les herbes destruict: Aussi Dieu pour miracle en ce monde l'a mise, Son printemps est le ciel, sa racine est l'Eglise,

Sa foy & œuures sont ses fueilles & son fruiet.

P. DE RONSARD VANDOMOIS.

SONET DE P. RONSARD VANDOMOIS, AV LECTEVR.

Au ft 3 v° de Remonstrance de la vraye religion, au Roy treschrestien Charles IX, par F. Melchior de Flanin, religieux cordelier. Paris, Nicolas Chesneau, 1562. — In-8°. (Bibl. nat., Lb33 46.)

Ainsi qu'on void ondoyer à l'escart Du pié d'vn roc vne viue fontaine, Qui va baignant les herbes de la plaine Que ses beaux flotz sendent de part en part:

Ce liure ainsi, lequel a plus d'egard A la vertu qu'à la mensonge vaine, Baigne la France, & d'une riche veine Ses claires eaux purement nous depart. Ce liure icy combat les heresies,
Les vanitez, erreurs & frenesies,
Qui sainte Eglise ont agité bien fort:
Mais plus elle est de sectes agitée
Plus se soustient, comme une roche au bord,
Moins cede aux vens, plus elle est tourmentée.

LES NVES, OV NOVVELLES de Pierre de Ronfard Vandosmois, A la Royne.

S. l., 1565. — In-4° de 12 pages. (Bibl. nat., Rés. pYe 173.)

Quand le Soleil, ce grand flambeau qui orne De son regard le front du Capricorne, Retient plus court le frein de ses cheuaux, Et paresseux n'allonge ses trauaux, Monstrant au monde vne face loingtaine, Palle, desfaicte, inconstante, incertaine, Qui ne veult plus de rayons se peigner, Mais faict semblant de vouloir desdaigner Par vne amour froidement endormie La belle Flore & la Terre s'amie:

Adonc l'hyuer, que la ieune saison Du beau printemps enchaynoit en prison, Vient destier les superbes courages Des vents armez de gresles & d'orages, Qui tout soudain comme freres mutins Frappent les monts, desracinent les Pins, Et d'un grand bruit à la riue voisine Flot dessus flot renuersent la marine Blanche d'escume, & aux pieds des rochers, Froissent, helas! la maison des nochers, Faisant bransler sur les vagues prosondes Les corps noyez pour le iouet des ondes, lettez apres dessus le sable nu, Hostes puants du riuage incognu.

L'air cependant qui s'imprime des nues Forme en son sein des chimeres cornues, Et comme il plaist aux grans vents de souffler, On void la nuë estrangement s'enfler, Representant en cent divers images Cent vains portraicts de differens visages, Oui du Soleil effacent le beau front, Et sur la terre effroyables se font: Car dedans l'air telles feincles tracées Des cœurs humains estonnent les pensées : L'one en saultant & courant en auant, Vuide, sans poix, sert d'une balle au vent : L'autre chargée est constante en sa place, L'une est de rien, l'autre est pleine de glace, L'autre de neige, & l'autre ayant le teines Noir, azuré, blanc & rouge s'espreinct, Comme une esponge aux sommets des montagnes : L'autre s'aualle aux plus basses campagnes, Et se rompant en sifflemens trenchans, Verse la pluye & arrose les champs.

Vn tel brouillart dessus Paris arriue
Quand de ses rais nostre Soleil nous priue,
Et que bien loing il emporte autre part
Sa Maiesté, qui le iour nous depart,
Auec la vostre & celle de son frere,
Car sans vous deux la sienne n'est pas clere.

Incontinent que le Roy nostre iour, Nostre Soleil, faict ailleurs son seiour, Et que tournant les rayons de sa face Loing de nos yeux reluit en autre place, L'hyuer nous prend: lors mille impressions Se font en l'air d'imaginations, Qui d'un grand tour se pourmeinent ensemble, Puis tout le corps en un monceau s'assemble, Et ce monceau qui fantasticque pend Deçà, delà, diuisé se respand En cent façons, & se desimembre en nues, Non pas de gresse ou de pluyes menues, Neiges, frimats, ou de glace qui perd Le ieune bled dessus le sillon verd.

L'air imprimé ne respand choses telles Desfus Paris: mais cent mille nouuelles, Qui font pleuuoir, bruyantes d'un grand son, Leurs nouueautez en diuerse façon. A l'impourueu tantost vient une nue, Et ne scait-on comment elle est venue, Laquelle espand, que les Huguenots font Vn grand amas, & qu'assemblez se sont: Et qu'au Synode ils ont conclud de prendre La force en main, & trompez ne se rendre Soubs one paix qui friuolle retient Que l'Euangile en lumiere ne vient, Et que bien tost les peuples d'Allemagne Viendront pour eux couurir nostre campagne, Pareils en nombre aux sablons de la mer, Ou aux flambeaux que lon void s'allumer Aux nuicts d'hyuer, quand la grand' couverture Du ciel ardent est bien claire & bien pure.

L'autre au contraire apres laisse plouuoir Que la prebstrise ardante veult mouuoir Guerre à Geneue, & que ia la Sauoye Soubs son grand Duc en a trassé la voye: Et que le Roy à son aage venu Les doibt froisser comme sablon menu, Les punissant de leurs fautes commises D'auoir pillé son bien & ses Eglises.

L'autre soubdain en cheminant par l'air,
Tout en un coup sa charge faict couler,
Versant par tout que la partie est forte
Des Huguenots & des Romains, de sorte
Qu'il ne faut rien renuer des deux parts,
Que le profit en viendroit aux soldars:
Et que le Roy de puissance asseurée
A faict l'Edict d'eternelle durée:
Que le Papiste à ses messes ira,
Le Huguenot du presche iouyra.

L'autre faict cheoir qu'on brasse quelque chose, Dont la menée encore n'est declose:
Et que bien tost on verra de grands cas.
Puis l'autre au Turc faict auancer le pas,
Et va semant que sa grand Cymeterre
Doibt commander bien tost à nostre terre:
Et que pour trop disputer de la soy
A la parsin nous n'aurons plus de Loy.

L'autre, en ouurant ses ombres espaisses Pleines d'horreur, fait cheoir des propheties, Qu'on dit venir du cabinet de Dieu:
C'est qu'au palais il n'y a plus de lieu
Pour nostre Prince, & que c'est certain signe
Que de nos Rois prochaine est la ruine:
Et que la France apres tant de dangers
Doibt enrichir les sceptres estrangers:
Et que du Lis la royalle teinsture
Des Leopars deviendra la passure.

On dist alors que le palais sut saist Qu'vn grand deuin en son art tresparsaist Prophetiza qu'apres vn long espace, Quand au palais n'y aura plus de place Pour y dresser l'image de nos Roys, Que tout soubdain l'empire des Françoys Seroit destruict, ou seroit en discorde, Et qu'à cela Brigide s'y accorde: Et ceux qui pleins d'un propheticque esprit Auant mille ans de la France ont escrit.

L'autre en tombant une frayeur distille Qui faict trembler les peuples de la ville, C'est que le sang des sidelles vangé Voirra bien tost par armes saccagé Ce grand Paris, comme ville maudite, Que sa ruyne en cent lieux est predite, Pour le loyer d'auoir tant resisté A l'Euangile & à la verité.

L'autre soudain en gouttes se deuise, Et va pleurant le tort faich à l'Eglise, Et qu'on voirra nostre sceptre perdu Tant que le bien de Dieu sera vendu: Et qu'à celuy qui en sist la menée Le ciel appreste vne mauuaise année.

L'autre faict cheoir dessus Paris espais, Qu'on va iurer plus que deuant la paix, Pour assoupir toute querelle esmeue, Et qu'à Narbonne on doit faire vne veue Entre le Roy d'Espagne & nostre Roy: Et que tous deux pour soustenir la foy De leurs ayeulx prendront bien tost les armes: Qu'on void dessu l'appareil des gens darmes, Comme à soubs-main sinement se dresser, Et qu'on voirra plus qu'on ne doit penser.

L'autre qui vient de pestes toute pleine D'un bruit commun va semant qu'à grand peine Le Roy sera son chemin tout entier: Et qu'à grand peine il voirra le cartier De la Prouence & de tout ce riuage, Qu'un grand Seigneur ne meure à son voyage. L'autre soudain, ainsi qu'vn bel esclair
Qui du ciel tombe & se paist dedans l'air
De son regard appaisant les orages,
Fait distiller cinquante mariages:
Que nostre Roy pour aise reposer
De l'Empereur doibt la fille espouser:
Et que bien tost on doibt faire la nopce
D'vn Espagnol à la Royne d'Escosse:
Et qu'vn Anglois si fortuné sera
Que sa maistresse un iour l'espousera:
Et qu'vn François pour plus haultain se rendre
Des Allemans se veult saire le gendre.

L'autre en changeant de menaces predit, Que nostre Prince en armes sera dit Le plus puissant des Princes de l'Europe: Et que vainqueur en conduisant sa troppe Par les Lauriers & les Palmes sera Ge Roy qui seul la France refera,

L'autre en semant d'un iour enuironnée Vostre vertu & vostre destinée, Et vostre esprit, resonne que nos Rois N'ont pas si bien par la craincte des Loix Gardé leur sceptre, ou par la violence, Que vous, Madame, auec vostre prudence. Et à ce bruit le peuple qui se sent Vostre obligé d'un accord s'y consent.

Quand sus Paris ces nues passageres
Ont deschargé leurs nouvelles legeres,
Le bruit qui vole & revole soubdain
Dresse l'oreille & ramasse en son sein
A pleine main ces nouvelles venues,
Puis au palais, puis par toutes les rues,
Par les maisons il les seme à monceaux,
Et fait courir mille propos nouveaux,

Faux, vrais, doubteux: car tantost en l'oreille, Tantost bien hault il raconte merueille, Triste tantost, tantost ioyeux & gay Mesle si bien le faux auec le vray, Que des propos racontez à la troupe Chacun en parle, & en disne, & en soupe: Mesme en dormant on ne peut retenir L'esprit esme de son resouvenir.

Mais vous, Madame, à qui la saincte vie Donne l'honneur de surmonter l'enuie : Qui mesprisez d'un cœur sage & prudent Toute fortune & mauuais accident, Dessoubs vos pieds vous pressez ces nouvelles, Pleines de rien, sans vous effrayer d'elles, Et sans auoir ni crainte ni souci Du peuple sot, ni de sa langue aussi, Marchez Deesse au milieu de nos Princes, Reuisitant les Royalles prouinces, Et d'un ail prompt vos subiects remarquez, Les vns en biens haultement colloquez, Les autres non : car selon le merite Vous les traittez d'une faueur petite, D'une moyenne, ou d'une grande, afin Que le caquet du courtisan trop fin, Comme importun vostre esprit ne deçoiue, Et que l'honneur en flattant ne reçoiue Du vertueux qui a mieux merité D'estre de vous benignement traitté,

Donc à bon droict comme mere subtile D'heureux conseil menez de ville en ville Vostre fils Roy, & luy monstrez combien Au Prince sert de cognoistre son bien: Le façonnant des ieunesse aux affaires Qui sont aux Rois propres & necessaires: Afin qu'un iour en aage paruenu,
Ayant beaucoup appris & retenu,
De son esprit, sans aide de personne
Il puisse seul gouuerner sa couronne:
Sans se fier comme un Roy paresseux,
Et fai-neant aux flatteurs, ou à ceux
Qui de plus pres pendus à ses oreilles,
Sans nul effect luy promettent merueilles,
Pillant le peuple & rauissant le bien
Comme il leur plaist, quand le Roy n'en sent rien.

Ainsi, Madame, on chante que Cybelle Aymant son fils d'une amour naturelle, Son petit fils lupiter le tenoit Entre ses bras, & par tout le menoit Veoir les citez, les villes & la terre: Puis dans la main luy bailla le tonnerre, Et le poussant iusqu'au sommet des cieux, Pour sa vertu le feit maistre des Dieux.

Ainsi vous deux apres longues années, Qui du destin vous furent ordonnées, Irez au ciel, & comme deux stambeaux Vous reluirez en deux Astres nouueaux, Fauorizant d'vne heureuse influence Vos heritiers les Roys & vostre France.

AV ROY. CHANT I. DE RONSARD.

Avant le premier acte de la comédie Le Brave, d'Antoine de Baïf. Paris, Robert Estienne, 1567. — Petit in-8°. (Bibl. nat., Rés. Yf 3902.)

Come vn lis à la rose blanche,
Come vne rose sur la branche,
Fleurissent, l'honeur du iardin,
Et croissent, quand vne pucelle,
De sa main delicate & belle,
Les arrouse soir & matin.

Ainsi croist la belle ieunesse
De nostre grand Roy, qui sans cesse
Porte du fruict auant ses mois,
Bien arrousé de la doctrine
Et des conseils de Caterine,
Pour se faire l'honeur des Rois.
Non seulement son âge tendre

S'efforce pour homme le rendre,
Mais à l'enuy croissent encor
De sa ieunesse fleurissante
L'honeur & les vertus, qu'on chante
Auoir poli le siecle d'or.

O Ciel aux courses empennées, Haste de ce Roy les années Changeant son printams en esté, A sin qu'en pareille puissance Fleurissent la Muse & la lance, Colonnes de sa Maiesté.

La chose auiendra: ie l'augure, Voyant du ciel la flamme pure Qui autour de son chef reluit D'vne belle & viue lumiere, Come fait l'estoile premiere, Qui fait vn beau iour de la nuit.

ELEGIE DE P. DE RONSARD A N. DE NICOLAY.

En tête de: Les Quatre premiers liures des Nauigations & Peregrinations Orientales de N. de Nicolay, Dauphinoys, seigneur d'Arfeuille, varlet de chambre, & Geographe ordinaire du Roy. Lyon, Guillaume Rouille, 1568 (achevé d'imprimer 1er septembre 1567). — In-folio. (Bibl. nat., Rés. J 601.)

Soit que l'homme autresfois d'argille retastée Fut au pourtrait des Dieux moulé par Promethée : Soit que l'humeur du Nil, miracle nompareil, L'ait produit, eschausée aux raions du soleil, Quand la terre pesante au centre demourée Du ciel son compagnon se trouua separée: L'homme est vrayement diuin, sauant, ingenieux, Et sur tous animaux le plus semblable aux Dieux, Parfaist en son diuers: car de cent mille ensemble Vn ne se peut trouuer qui à l'autre resemble. Non les peuples qui sont diuersement loingtains, Mais les freres, les sœurs & les cousins germains. Et tout ainsi qu'ilz sont differens de visages, llz different aussi de mœurs & de courages.

L'un ayme sans renom le casanier repos, L'autre à ses ennemys ensanglante le dos. L'un reuesche & chagrin languit desus un liure, L'autre de la faueur des grands Princes s'enyure. L'un ayme le barreau, & suant au parquet, Reuend au poix de l'or son auare caquet. L'autre fend un rocher pour un palais du Louure, L'autre pres des Enfers les minieres decouure. L'un sillonne la mer, voguant de toutes pars, Et prodigue sa vie hostesse des hazards : L'autre parmy les champs exerce son ouurage, Et courbe sur le soc trauaille au labourage. Mais i'estime sur tous celuy le plus heureux, Qui deuant que vestir le cercueil tenebreux, Laisse par la vertu, maugré la Parque noire, D'auoir iadis vescu quelque belle memoire.

A toy, Nicolay, appartient ce bon heur, Qui as dés ton enfance aymé tousiours l'honneur, Aux armes t'adonnant, à la Cosmographie, Aux dessaings, aux pourtraitz, à la Geographie, Et à mille beaux artz, que ton divin esprit Presque dés le berceau divinement aprit. Puis ieune abandonnant les Françoises prouinces, Pour obeir aux Roys, qui lors furent nos Princes, A ce grand Roy Françoys, & à son filz Henry, L'vn du docte Apollon, l'autre de Mars chery: L'vn que tout l'vniuers apres sa mort honnore: Et l'autre qui aux siens seruiroit bien encore, Prince doux & bening, lequel n'a dedaigné, De ses plus grandz seigneurs estant accompagné, D'aller en ta maison voir mille belles choses, Qui dans ton cabinet proprement sont encloses: Aussi pour inciter à l'exemple de toy L'esprit de ses vassaux à bien servir le Roy.

Doncques des ton enfance aymant les choses belles, Et curieux de voir mille terres nouuelles, Amoureux de vertu, ennemy de repos, Ayant comme le corps, l'esprit sain & dispos, Tu courus voir premier les nations prochaines, Ceux qui vont habitant les Bourguignonnes plaines, Hennuyers, Brabançons, Liegeois, & Flamans: Puis tu passas le Rhin, & vis les Alemans, Les Hongres, & tous ceux qui d'une bouche froide Boyuent les eaus d'Ister de glace tousours roide. Tu vis les Transiluains, Daces & Polonnoys, Et les Franconyens les ayeux des Françoys. Tu vis Hongrie, Prusse, & Suede & Gothie, Les Vandales, Alains grands peuples de Scythie. Puis gaillard, retournant en un pais plus chault, Tu as veu l'Iberie, où le soleil d'enhaut Plonge en l'eau ses coursiers, & tournoyant la terre Comme ce grand flambeau, tu as veu l'Angleterre, L'Escosse, l'Ibernie, & tout ce que la mer Peut en se promenant de ses bras enfermer.

De là tu vis l'Italle, & la belle contrée Qui iadis chef du monde au monde s'est monstrée : Et n'est ores plus rien, sinon serue de ceux Qui iadis luy seruoyent de triomphes pompeux. Puis tu osas dompter la tempeste enragée Des ondes d'Ionie & de la mer Aegée Et l'humide sureur des Propontides eaux, Qui bornent aux deux boutz les Bosphores lumeaux.

Puis laissant le trauail de la mer escumeuse, Tu vins surgir au port de la ville sameuse, Que le grand Constantin accroissant son renom, Enrichist de l'Empire & orna de son nom.

De là tu allas voir les Royaumes d'Asie, Infidele demeure aux peuples de Turquie.

Tu n'as certes esté en ces terres oisif,
Ains les divers pourtraitz tu nous monstres au vis,
Des temples, des chasteaux, des regions entieres,
Des palais, des citez, des portz & des rivieres,
Par tout où tu passois ne laissant rien de beau
Sans le representer en ton docte tableau:
Et sans nous découvrir les vives pourtraitures
Par encre & par couleur de diverses vestures,
Des sciences, des mœurs & des religions,
Qui ornent les grandeurs de tant de regions.

Si bien que desormais, sans plus partir de France, Nostre François aura parfaicte cognoissance De ces peuples loingtains, que Charles ce grand Roy Doit surmonter un iour, & leur donner sa Loy. Si tu n'as pas trouué la France plus tranquille Que la mer qui tousiours de vagues est mobile, Tu l'as trouuée en guerre, & plaine de soldars, Poussée à la fureur de Bellone & de Mars. Et ce trouble fascheux est la cause premiere Dequoy ce liure tien n'estoit mis en lumiere: Qui or' comme un ensant nouvellement conceu, Est de tous à l'enuy auec faueur receu.

Le Roy le fauorise, & les terres estranges Honnorent ta vertu de diuerses louanges. Car vn si beau labeur merite en tous endroitz, Le bon acueil du peuple, & la faueur des Roys.

[SONNET DE] P. DE RONSARD.

Au ft. 4 r° de : L'Histoire d'Italie de Messire François Guicciardin, Gentilbomme Florentin. Translatée... par Hierosme Chomedey, Gentilbomme & Conseiller de la ville de Paris. Paris, Bernard Turrisan, 1568 (achevé d'imprimer 25 sept. 1567). — In-folio. (Bibl. nat. Rés. K 12.)

Non ce n'est pas le mot, Chomedey, c'est la chose
Qui rend viue l'Histoire à la posterité:
Ce n'est le beau parler, mais c'est la verité
Qui est le seul Tresor dont l'Histoire est enclose.
Celuy qui pour son but ces deux pointes se propose
D'estre ensemble eloquent & loing de vanité:
Victorieux des ans, celuy a merité
Qu'au giron de Pallas son Liure se repose.
Meint homme ambitieux a mis au parauant
Pour mieux stater les Roys son Histoire en auant,
Discourant à plaisir d'une vaine merueille,
Sans l'ouir, sans la veoir, & sans preuue de soy:
Mais ton vray Guicciardin merite plus de foy,
D'autant que l'wil témoin est plus seur que l'oreille.

SONET

DE PIERRE DE RONSARD A L'AVTHEVR.

En tête de Porcie, tragédie de Robert Garnier. Paris, Robert Estienne, 1568. — Petit in-8°. (Bibl. nat., Rés. Yf 3949.)

le fuis raui quand ce braue sonneur
Donte en ses vers la Romaine arrogance,
Quand il bastit Athenes en la France,
Par le cothurne acquerant de l'honneur:
Le bouc n'est pas digne de son bonheur,
Le lierre est trop basse recompance,
Le temps certain qui les hommes auance
De ses vertus sera le guerdonneur:
Par toy, Garnier, la Scene des François
Se change en or, qui n'estoit que de bois,
Digne où les grands lamentent leur Fortune.
Sur Helicon tu grimpes des derniers,
Mais tels derniers sont souvent les premiers
En ce bel art, où la gloire est commune.

EPITAPHE DE PIERRE DE RONSARD SVR LA MORT DE CHARLES DE BOVDEVILLE, ENFANT DE VAVLX.

Sur une plaque de cuivre, exposée sous le nº 7387 dans une salle du Musée de Cluny, à Paris.

Icy gist d'ung enfant la despouille mortelle: Au ciel pour n'en bouger volla son ame belle: Qui parmy les espritz, bien heureux iouissant Du plaisir immortel, loüe Dieu tout puissant, Qui l'a rauy de Vaulx (tant delicat pourpris) leune ensant de huiët ans, pour mettre en paradis Où s'esbatant là sus d'une certaine vie,
Au viure d'icy bas ne porte poinct d'enuie,
Au viure que viuons douteux du landemain
Soubz les iniques loix où naist le genre humain.
O belle ame! tu es en ce temps de misere
Gayement reuolée au sein de Dieu ton pere:
Laissant ton pere icy: là tu plains son malheur,
Qui de regret de toy porte griéue douleur
Qu'il tesmoigne de pleurs, arrosant l'escriture,
Dont il a faict grauer ta triste sepulture.
Repose, o doux ensant! et ce qui t'est ousté
De tes ans soit aux ans de ton pere adiousté.

Il mourut le Mardy XIIIº de Mars MVc LXXI.

BREF ET SOMMAIRE RECVEIL

de ce qui a esté faid & de l'ordre tenüe à la ioyeuse & triumphante Entree de tres-puissant. tres-magnanime & tres-chrestien Prince Charles IX. de ce nom. Roy de France, en sa bonne ville & cité de Paris, capitale de son Royaume, le Mardy sixissme iour de Mars. — Aucc le Couronnement de tres-baute, tres-issusseme iour de Mars. — Aucc le Couronnement de tres-baute, tres-issusseme tres-excellente Princesse Madame Elizabet d'Austriche son espouse, le Dimanche vingtein-quiessme. — Et Entrée de ladiste Dame en icelle ville le leudi XXIX. dudist mois de Mars, M. D. LXXI. A Paris, De l'Imprimerie de Denis du Pré, pour Oliuier Codoré. 1572. — In-4°. (Bibl. nat., Rés. Lb33 297.)

(ft 5 r°.)

SONET

de Pierre de Ronfard à l'Autheur.

Comme vne fille en toute diligence Voyant vn pré esmaillé de couleurs Entre dedans, & choisissant les sleurs, Vn beau bouquet pour son sein elle agence, Ainsi, Bovqvet, cueillant en abondance
Fleurs dessus fleurs, dans le iardin des sœurs,
Fais (choisissant les plus douces odeurs)
Vn beau bouquet de ton liure à la France.
L'honneur des Rois, de Paris la grandeur,
L'heur des François emplissent la rondeur
De ton bouquet, qui fleurist dauantage
Contre le temps qui les autres dessait.
Car ton bouquet que les Muses ont fait,
Ne craint l'hiuer ny l'iniure de l'aage.

(fts 8 r° à 10 r°.)

A la porte S. Denis,... fut fait... vn auant portail... dedié à l'antique fource, & premiere origine des Rois de France... Ne veux oublier faire mention des vers François faiclz par Maistre Pierre de Ronsard premier poëte de France: lesquelz pour le peu de place qui restoit vuide audist arc n'y auroient peu estre mis.

Ce Prince armé qu'à la dextre tu vois
Est Francion le tige des François,
Enfant d'Hector, qui vint sans compagnie
Comme banny habiter Chaonie.
De là poussé par l'oracle amassa
Peu de vaisseaux & la mer trauersa,
Et vint bastir pres la mer Istrienne
Vne cité dicte Sicambrienne:
Feit alliance à la fille d'un Roy
Qu'il laissa grosse & enceinte de soy.
Puis se rendant la fraieur d'Allemagne
Comme un esclair foudroia la Campagne,
Passa le Rhin, & sur Seine Paris
Fonda du nom de son oncle Páris.
Luy faict vainqueur par une prompte guerre

Des plus grands Rois de la Gauloise terre, Finalement mourut entre les siens Non gueres loing des champs Parisiens. Long temps apres de ceste Roine enceinte, Vint une race au faict des armes craincle, Vn Marcomire & ce grand Pharamond De qui l'audace est peinte sur le front. Ce Pharamond qui auoit pris naissance De la Troienne, & Germaine alliance, Et du destin & d'ardeur animé, Suyui de gloire & d'un grand peuple armé, Traçant les pas de Francus son ancestre Reconquist Gaule, & sous luy feist renaistre Les murs tombez de Páris, & deslors Les renforcea de rampartz & de fortz: Et se brauant d'une telle conqueste lusques au ciel luy feit leuer la teste, Honneur fameux des cités du jourd'huy. Les Roys François sont descendus de luy De pere en filz d'une immortelle suitte. Telle ordonnance au ciel estoit predicte, Que tous noz Rois tant Paiens que Chrestiens Seroint ensemble Allemans & Troiens. Et de rechef la race est retournée Par le bienfaict d'un heureux Hymenée, Pour conquerir, comme il est destiné, Le monde entier sous leurs loix gouverné.

R.

(fts 11 v° et 12 $r^{\circ}.)$

En l'vne des iouës de cest arc estoit vn tableau de riche & excellente peinture, representant vne semme couchee & appuyee sur son coulde, ayant plusieurs mammelles & petis ensans à l'entour d'elle, enuironnee de toutes sortes de sleurs, fruistz, espicz de bled, & grappes de raisin, tenant en vne main la corne d'Amaltée, & en l'autre la boëte de Pandore demie ouuerte, & au dessoubz ce quatrain.

> France heureuse en mainte mammelle, Ceinte d'espis & de raisins, Nourrit des biens qui sont en elle Les siens & ses proches voisins.

> > R.

En l'autre iouë estoit vn autre tableau de peinture tresagreable, auquel estoient depeintz quantité de saules & serpes pres les branches d'iceux. Signissant ceste France inuincible en quelque aduersité qu'elle puisse auoir, comme l'on voit que les saules plus sont couppez tant plus soisonnent & multiplient : au desous duquel estoit escript cest autre quatrain.

Malgré la guerre nostre Gaule Riche de son dommage croist: Plus on la couppe comme vn saule Et plus fertile elle apparoist.

R.

(ft 20 r°.)

Le feu Roy Henry... estoit representé par vne... figure... qui estoit vn Hercule depaint comme pour accreuanter Anthée... & audessous estoit escript en Grec, [suivent deux vers grecs]. Pour l'interpretation desquelz vers Grecs ont esté faictz les vers François qui ensuiuent, par le poëte dessus nommé.

Bien que tout ennemy de France Touchast sa terre comme Anthé Pour faire issir en abondance Vn peuple aux armes redouté Il sera tousiours surmonté. Car la France qui ne recule Pleine d'un courage indomté Resemble au magnanime Hercule, Plus forte en son aduersité. (fts 23 v° et 24 r°.)

Au costé droit y auoit vne figure ressemblant à Monseigneur le duc d'Anjou frere du Roy portant en sa main senestre deux grandes couronnes de laurier... sous lequel estoit escript [suivent deux vers grecs]. Pour l'interpretation desquelz ont esté faictz ces vers,

Ces couronnes ne sont que l'erre D'une plus grand' qu'il doibt auoir, Quand un Roiaume en autre terre Aura soubsmis à son pouvoir.

R.

Au costé senestre estoit vne autre figure tirant à la face de Monfeigneur le duc d'Alençon frere du Roy... au dessous de laquelle figure estoit escript, [suit un vers grec]. Surquoy ont esté faictz ces vers François.

Du grand François ornement des grandz Rois La bonne indole & l'ancien genie Qui au tombeau luy feirent compagnie Sont retournez en ce nouueau François.

R.

(fts 28 v° à 29 v°.)

En l'honneur duquel mariage estoit deuant la fontaine de faince Innocent vn autre grand colosse... C'estoit la figure du Dieu Hymenée...

Au bas de cest Hymenée estoit ce Sonet dudict Ronsard.

Heureux le siecle, heureuse la iournée
Où des Germains le sang tres-ancien
S'est remessé auec le sang Troien
Par le bien-faict d'un heureux Hymenée.
Telle race est de rechef retournée
Qui vint iadis du silz Hectorien,
Que Pharamond prince Franconien
Feit regermer sous bonne destinée.

O bon Hymen, bon pere des humains
Qui tiens l'estat de ce monde en tes mains
Bien fauorable à ce sainct mariage,
Qu'un bon accord ne face qu'un de deux
Et que les filz des filz qui viendront d'eux
Tiennent la France eternel heritage.

(fts 33 r" à 34 r".)

De là se trouuoit le pont nostre Dame, à l'entrée duquel essoit vn arc triomphal d'ordre Tuscan... Au dessus de la corniche... estoit vn grand nauire d'argent sous laquelle se voioit vne riuiere. A costé duquel nauire, qui representoit non seulement la ville de Paris, mais aussi tout le Roiaume de France... estoient les iumeaux Dioscures qui sont les figures de Castor & Pollux resemblans de visage au Roy & Monseigneur. [La suite de la description, mélée de vers latins et de vers de S. Bouquet, se termine par ceux-ci:]

SONET

de Pierre de Ronfard.

Quand la nauire enseigne de Paris
(France & Paris, n'est qu'vne mesme chose)
Estoit de ventz & de vagues enclose
Comme vn vaisseau de l'orage surpris,
Le Roy, Monsieur, Dioscures espritz
Freres & filz du Ciel qui tout dispose,
Sont apparuz à la mer qui repose
Et la nauire ont saulué de perilz.
De Iuppiter les deux ensans iumeaux
Ne sont là hault, ni si clairs ne si beaux,
lamais Argon ne fut si bien guidée:
Autres Thyphis, autres lasons encor
Ameneront la riche toyson d'or
En nostre France, & non point de Medée.

AV LECTEVR, P. D. RONSARD.

En tête de la deuxième édition de La Bergerie de Remy Belleau. Paris, Gilles Gilles, 1572. — Petit in 8° (Bibl. nat., Rés. Ye 1831.)

Voicy ce bon Luteur non iamais abatu, Qui pour rauir le prix compagnon de la peine, Des Muses champion se planta sur l'areine Et pour elles cent sois en France a combatu.

Voicy celuy qui fut des premiers reuestu Du harnois de Pallas, qui de nerfs & de veine Et de bras recourbez terrassa sur la plaine L'Ignorance & sacra son nom à la Vertu.

Ma France, escoute moy, voicy l'un de ces peres Qui cerchant par trauail des Muses les repaires Beut Permesse & s'emplit de fureur tout le sein, En chef noir & grison desireux de les suiure:

Donc, lecteur, si tu peux entre les Muses viure, Achepte moy Belleau: mais si Phœbus en vain En naissant t'auisa, n'achete point ce liure, Autrement tu n'aurois qu'vn fardeau dans la main.

P. D. RONSARD.

LA NYMPHE DE FRANCE PARLE.

Dans un volume de J. Dorat intitulė: Magnificentissimi spedaculi a Regina Regum Matre in hortis suburbanis editi, in Henrici Regis Poloniæ inuidissimi nuper renunciati gratulationem, Descriptio. Io. Aurato Poeta Regio Autore. Parisiis. Ex officina Federici Morelli Typographi Regii. M. D. LXXIII. — In-4°. (Bibl. nat., Yc 1205.)

le suis des Dieux la fille aisnée De cent Lauriers enuironnée, La bonne Nymphe des François, Qui d'armes & d'hommes teconde,

Ay tousiours fait trembler le monde Soubs la puissance de mes lois. Mon heur ne porte point d'enuie A l'Afrique ny à l'Asie. Tant abondante ie me voy En chasteaux, en ports, & en villes: Et mes terres sont si fertiles, Que les Cieux sont ialoux de moy. C'est moy qui ay donne naissance A tant de Monarques de France, A Clouis, à Charles le grand, Et à ce Charles que i'honore, Qui me commande, & qui redore Ce siecle, qui de luy dépend. Sous luy ie me voy bien traittée, Sous luy ma gloire est augmentée, Sous luy i'ay reueu la clarté, Par la conduitte de sa mere, Qui m'a d'vne longue misere Remise en douce liberté. C'est ceste Royne qui tressage, Me sauuant au fort de l'orage, Lors que plus i'attendois la mort, Comme vn Astre m'est apparuë, Et faisant dissiper la nuë, A conduit ma Nef à bon port. A qui lon doit mille Colosses, Mille termes taillez en bosses, Mille temples, & la nommer Des François la mere eternelle, Et d'une pompe solennelle Tous les ans sa feste chommer. C'est moy qui n'a gueres fit naistre

Ce grand HENRY, qui fut mon maistre,

Monarque aux armes non pareil, Et son fils HENRY qui l'egale En force, en vertu martiale, Des François le second soleil. Qui tient soubs luy (race divine) L'heureuse prouince Angeuine, Dont le front & les bras guerriers, Et les belliqueuses espées Sont orgueilleuses de Trophées, Et de Palmes & de Lauriers. C'est ce Henry qui sa ieunesse, Toute bouillante de prouësse, A nourrie entre les dangers. Victorieux en trois battailles, Foudre des superbes murailles, Et la frayeur des estrangers. Nul mieux que luy n'a sceu entendre Les conseils de sa Mere, & prendre Les armes pour ayder son Roy Son Frere (amitié charitable), Qui d'âge en âge memorable Aux freres seruira de loy. Aussi le Ciel qui tout dispense Luy a donné pour recompense L'heur qu'autre Prince n'auoit eu, Et d'auantage luy ordonne Le grand sceptre de la Polonne Pour le loyer de sa vertu. A fin que l'un sa force estande Sur la France : & l'autre commande Aux peuples sous l'ourse escartez, Et que toute l'Europe craigne Ceste race de Charlemaigne,

Deux grands Monarques indontez.

O Polonne cheualeureuse, Trois & quatre fois bienheureuse, D'auoir si sagement esleu Ce Duc pour regir ta Prouince. Si le Ciel n'auoit point de Prince, Le Ciel mesme l'eust bien voulu. En telle commune allegresse le n'av peu celer ma liesse. Sans la faire en public sortir: Toutefois dans le cueur ie pleure, Et peu s'en faut que ie ne meure, Le voyant proche de partir. l'auois mes principales Filles, Nymphes des Terres, & des Villes, Conduittes icy pour vanter Sa vertu des Cieux aprouuée. Mais de deuil la voix enrouée Ne leur a permis de chanter.

Pource, mes compaignes loyales,
Destournez vos faces royales
Vers ce Duc des peuples vainqueur:
Par dehors monstrez au visage
Publiquement le tesmoignage
Qu'au dedans vous portez au cueur.

Su' doncq que chacune s'auance :
Par signes, par dons, & par dance,
Faittes luy toutes à sçauoir
Qu'il vous osta de seruitude,
Et que iamais l'ingratitude
N'effacera vostre deuoir.

RONSARD.

P. DE RONSARD A ROB. GARNIER,

SONET.

Au ft 4 r° d'Hippolyle, tragédie de Robert Garnier. Paris, Robert Estienne, 1573. — Petit in-8°. (Bibl. nat., Rés. Yf 3899 et 3953.)

Il me souvient, Garnier, que ie prestay la main Quand ta Muse accoucha, ie le veu saire encore : Le Parrain bien souvent par l'ensant se decore : Par l'ensant bien souvent s'honore le Parrain.

Ton ouurage, Garnier, Tragique & Jounerain, Qui Fils, Parrain ensemble, & toutte France honore, Fera voller ton nom du Scythe iusque au More, Plus dur contre les ans que marbre ny qu'airain.

Resiouy-toy, mon Loir, ta gloire est infinie, Huyne & Sarte tes sœurs te seront compagnie, Faisant Garnier, Belleau, & Ronsard estimer.

Trois fleuues qu'Apollon en trois esprits assemble, Quand trois fleuues, Garnier, se degorgent ensemble, Bien qu'ils ne soyent pas grands, sont une grande mer.

SONNET.

Au ft 5 v° de Cornelie, tragédie de Robert Garnier. Paris, Robert Estienne, 1574. — Petit in-8°. (Bibl. nat., Rés. Yf 3900 et 3952.)

Le vieil cothurne d'Euripide
Est en procés entre Garnier
Et Iodelle, qui le premier
Se vante d'en estre le guide.
Il faut que ce procés on vuide,
Et qu'on adiuge le laurier
A qui mieux d'vn docte gosier
A beu de l'onde Aganippide.

S'il faut espelucher de prez
Le vieil artifice des Grecs,
Les vertus d'vn œuure & les vices,
Le subiect & le parler haut,
Et les mots bien choisis: il faut
Que Garnier paye les espices.

P. DE RONSARD.

ODE

par Monsieur de Ronsard.

En tête de La Continuation de l'Iliade d'Homere par Amadis Iamyn. Paris, Lucas Breyer, 1574. — In-12. (Bibl. nat., Yb 1118.)

> Homere, il suffisoit assez D'auoir en Grece aux tems passez Fait combatre pour toy sept villes Sans qu'ores noz Gaules fertilles Pour se vanter de ton berceau Refissent un combat nouueau. En toy lupiter transformé Composa l'ouurage estimé De l'Iliade & l'Odissée, Et tu as ton ame passée En lamyn pour interpreter Les vers qu'en toy fit Iupiter. C'est à fin qu'en lieu de Gregeois Tu fusses appellé François, Et qu'on reuist [la] mesme noise Pour toy en la terre Gauloise Qu'en Grece en sept villes tu fis Oui toutes t'auouoient leur fils.

Tous deux en un corps n'estes qu'un, Le ciel vous est pere commun, Vous n'estes ouurage de terre, La terre qui la mer enserre Aux membres grossiers & pesans N'engendre point de tels ensans.

Ou si la terre vous conceut,
Fut sur Parnasse, qui receut
Le part au giron de ses Muses:
Alettant des liqueurs insuses
Du nectar, voz membres petis
Entre les Roses & les Lis.

Mais la terre ne peut auoir
Cet honneur de vous conceuoir:
Nature de gros germe pleine
Vous parturit à toute peine,
Depuis vous aimant par sus tous,
N'a daigné faire autres que vous.

Toute en vous deux elle se voit:

Le soing qu'aux autres el' deuoit

L'a mis par vn soucy de mere

En son lamyn, en son Homere,

Vous faisant comme deux soleils

Patrons des Muses sans pareils.

Mille Romains pour haut voler,
Ont voulu ton vol egaler,
Mais pourneant, car l'artifice
Au prix de la nature est vice,
Restant à la Posterité
Adorable & non imité.

Heureux le brazier d'Ilion, Heureuse Troye : vn milion De villes riches & peuplées Voudroient ainsi estre bruslées Prenant à plaisir & à ieu
Qu'Homere y eust ietté le feu.
La riche pompe de tes vers
Resemble à des ioyaux diuers,
Diamans, Rubis, Chrysolithes,
Où toutes clartez sont estites
Luisantes comme Astres des Cieux,
Aussi tu es Poete des Dieux.

Le plus admirable de toy
Et le plus diuin c'est de quoy
Tu as poussé toutes les guerres
De Grece aux estrangeres terres,
Et n'as souffert qu'un Argien
Fust meurdrier d'un Achayen.

Mais en faisant outre la mer Contre llion la Grece armer Tu as des Barbares prouinces Orné la gloire de tes Princes, Esteuant d'vn superbe front Leurs victoires sur l'Héllespont.

Où las! ie ne sçaurois mon nom
Honorer auiourd'huy sinon
Qu'en chantant les guerres ciuiles
Et le feu qui brule nos villes.
Dieux qui presidez aux dangers,
Portez ce mal aux estrangers!

Et faittes que nostre bon Roy
Et nostre bonne antique Loy
Tousiours immuables demeurent:
Que les guerres ciuiles meurent,
Et qu'en la France pour iamais
Florisse vne eternelle paix.

SONNET A LA ROYNE DE NAVARRE.

A la suite du Discours au Roy, apres son retour de Pologne en l'année MDLXXIIII. Par P. de Ronsard, Gentilbomme Vaudomois. Lyon, Michel Jove et Jean Pillehotte, 1575. — Petit in-8°. (Bibliothèque de M. Eugène Jarry, à Orléans.)

Princesse que le ciel, les dieux & la nature
Ont faict femme de Roy, sœur & fille de Roy,
Ont orné de beauté, de constance & de foy,
Pour vous faire honorer sur toute creature:
S'il vous plaist de mes vers presenter la lecture
Au Roy mon nouueau maistre, à qui mon tout ie doy,
Recommander ma Muse & luy parler de moy,
Vous serez ma Deesse, & moy vostre facture.
I'ay chanté vostre frere, & vostre Vandomois,
Sur la fin de l'esté au declin des beaux mois,
Seule vous inuoquant pour ma Muse eternelle,
Voulant de mon pais la Muse rechercher,
Tellement qu'il n'y a bois, antre ny rocher,
Qui ne vous déisie & qui ne vous appelle.

SONNET.

En tête de : Les Œuures de M. Ambroife Paré, confeiller & premier chirurgien du Roy. Paris, Gabriel Buon, 1575. — In-folio. (Bibl. Sainte-Geneviève, Rés. Fol. T 117.)

Tout cela que peult faire en quarante ans d'espace, Le labeur, l'artifice, & le docte sçauoir: Tout cela que la main, l'vsage, & le deuoir, La raison & l'esprit commandent que lon face: Tu le peux voir, Lecteur, comprins en peu de place, En ce liure, qu'on doit pour diuin receuoir. Car c'est imiter Dieu, que guarir, & pouvoir Soulager les malheurs de nostre humaine race. Si iadis Apollon, pour aider aux mortels,
Receut en diuers lieux & temples & autels:
Nostre France deuroit (si la maligne Enuie
Ne luy silloit les yeux) celebrer ton bon-heur,
Poete & voisin i'aurois ma part en ton honneur,
D'autant que ton Laual est pres de ma patrie.

P. DE RONSARD.

A MONSIEVR DES CAVRRES

fur fon liure de Mifcellanées,

Sonnet. De P. de Ronfard, Gentilhomme Vandomois.

Au ft 9 r° des Œuures morales & diuersifiées en bistoires... Par Iean des Caurres, de Morœul, Principal du College, & Chanoine de S. Nicolas d'Amiens. Paris, Guillaume Chaudiere, 1575. — Petit in-8°. (Texte revu sur la 2° édition, 1584. Bibl. nat., Rés. Z Payen 851.)

Ainsi qu'au mois d'Auril on voit de steur en steur,
De iardin en iardin, l'ingenieuse abeille
Voleter, & piller vne moisson vermeille
En ses pieds peinturez de diuerse couleur:
De science en science, & d'autheur en autheur,
De labeur en labeur, de merueille en merueille,
Tu voles, repaissant diuersement l'oreille
Du François, tout rauy d'estre ton auditeur.
Il ne faut plus charger du saix de tant de liures
Nos estudes en vain: celuy que tu nous liures,
Seul en vaut vn milier des Muses approuué,
Qui peut à tous esprits doctement satisfaire.
Sa clarté nous sussit l'homme n'a plus que faire
D'estoilles au matin, quand le iour est leué,

SONNET DE MONS' DE RONSSARD,

à Iaques Delauardin, Sieur du Plessis-Bourrot.

En tête de : Histoire de Georges Castriot surnommé Scanderbeg, Roy d'Albanie : Contenant ses illustres faids d'armes & memorables vidoires à lencontre des Turcs, pour la soy de Iesus Christ. Le tout en douze liures. Par Iaques Delauardin, Seigneur du Plessis-Bourrot. Paris, Guillaume Chaudiere, 1576. — In-4°. (Bibl. de l'Arsenal, H 11429.)

L'Epire seulement n'est en cheuaux fertille,
Bons à rauir le pris au cours Olympien:
Mais en hommes guerriers, dont le sang ancien
Se vante d'estre yssu du valeureux Achille.
Pyrrhe m'en est tesmoin, qui razant mainte ville,
Eut en fin pour tombeau le vieil mur Argien,
Et Scanderbeg haineux du peuple Scythien,
Qui de toute l'Asie a chassé l'Euangille.
O tresgrand Epirotes o vaillant Albanois!
Dont la main a dessait les Turcs vingt & deux fois,
La terreur de leur camp, l'estroy de leurs murailles:
Tu sussesse de leur camp, l'estroy du destin,

Si le docte labeur du sçauant Lauardin N'eust, en forceant ta mort, regaigné tes batailles.

QVATRAIN DE P. DE RONSARD.

Au ft 3 r° de Lucelle, tragi-comedie en proze françoise. Dispossie d'actes & scenes suiuant les Grecs & Latins [par Louis le Jars] Paris, Robert le Mangnier, 1576. — In-8°. (Bibl. de l'Arsenal, B. L. 10865.)

Si doctement ta muse assemble
Des deux Theatres le sçauoir,
Que tu doibs la couronne auoir
Du Tragique & Comique ensemble.

EPIGRAMME.

En tête de : Les Œuures poetiques d'Amadis Iamyn, reucuës, corrigées & augmentées pour la feconde impression. Paris, Mamert Patisson, 1577. — In-12. (Bibl. nat., Rés. Ye 1875.)

Heureux tu iouis de ta peine Et des labeurs de ton ieune âge, Te remirant en ton ouurage Comme Narcisse en sa fonteine.

RONSARD.

[EPITAPHE DE REMY BELLEAV.]

A la fin du 3° feuillet de Remigii Bellaquei Poetae Tumulus. Lutetiae, Mamert Patisson, 1577. — In-4°. (Bibl. nat., Rés. mYc 925.)

Ne taillez, mains industrieuses, Des pierres pour couurir Belleau, Luy mesme a basti son tombeau Dedans ses Pierres precieuses.

RONSARD.

SVR LES SECONDES OEVVRES DE I. DE BOYSSIERES.

Au ft 2 r° de: Les fecondes œuures poetiques de I. de Boyssieres de Mont-Ferrand en Auuergne... Paris, Jean Poupy, 1578. — In-4°. (Bibl. nat., Rés. Ye 512.)

Virgile, pour essay chanta sa Bucolique, Puis le Troyen Ænée: Ainsi premierement, Boyssieres a chanté son Amoureux tourment, Et ores son Hercull' d'un lon vers Heroïque.

P. DE RONSARD.

EPIGRAMME.

Au ft 5 v° de : Les Œuures & Messages poëtiques de Pierre Le Loyer Angeuin. Ensemble la Comedie Nephelococugie ou la Nuée des Cocus, non moins docte que facetieuse. Paris, Jean Poupy, 1579. — In-12 (achevé d'imprimer du 9 septembre 1578). (Bibl. nat., Rés. pYe 146.)

> Loyer, ta docte Muse n'erre De bastir une ville en l'air Où les Cocuz puissent voller, Pour eux trop petite est la terre.

P. DE RONSARD.

P. DE RONSART VENDOSMOIS A L'AVTHEVR.

Au verso du titre de L'Art & Methode à tourner noms en Latin & François. Le nom du trefchrestien Roy de Françe & de Poloigne Henry troissesseme. Ensemble les noms de la Royne Mere & de Loise de Lorraine, Royne de Françe. Et autres noms tournez à aucuns Prelats, Seigneurs & autres Gens de reputation. Composé par M. Leconte, aduocat Parissen. Paris, Denis du Pré, 1578. — In-8°. (Bibl. de l'Arsenal, B. L. 8591.)

Ton œuure est tel, que pour los & louange De toy, qui es des noms au retour nay, Faict que ton nom merite par vn ange Estre és cieux mis, & en gloire tourné.

A L'AVTEVR.

P. 3 de L'Estrille & drogue au quereleux pedant, ou regent du college de Clermont en Auuergne: iadis farceur de Reins en Champaigne. Auec les epigrames de tous les Poëtes François de ce temps contre luy. Le tout leu deuant le Roy par manière de passetemps (4° partie de: Les troisies œuures de Iean de Boyssieres). Lyon, Loys Cloquemin, 1579.
— In-4°. (Bibl. nat., Rés. Ye 516.)

Celuy là qui fut escorché Par le vouloir de nostre prince, Chante, de voir si bien torché, Celuy que viuement tu pince.

P. DE RONSARD.

[A ROBERT GARNIER.]

En tête de La Troade, tragédie de Robert Garnier. Paris, Mamert Patisson, 1579. — Petit in-8°. (Bibl. nat., Rés. Yf 3950.)

Quel son maste & hardy, quelle bouche heroique, Et quel superbe vers enten-ie icy sonner? Le lierre est trop bas pour ton front couronner, Et le bouc est trop peu pour ta Muse tragique.

Si Bacchus retournoit au manoir Plutonique Il ne voudroit Eschyle au monde redonner, Il te choisiroit seul, qui seul peux estonner Le theatre François de ton cothurne antique. Les premiers trahissoyent l'infortune des Rois,

Redoublant leur malheur d'one trop basse voix : La tienne comme foudre en la France s'écarte.

Heureux en bons esprits ce siecle plantureux:
Apres toy, mon Garnier, ie me sens bien-heureux
De quoy mon petit Loir est voisin de ta Sarte.

P. DE RONSARD.

EPITAPHE DE FRANÇOIS DE LORRAINE, Duc de Guyse. Imité du Latin d'Octouian Mage, par P. de Ronsard.

Au ft 130 v° de La Coniondion des Lettres & des Armes des deux trefillustres princes Lorrains Charles Cardinal de Lorraine, Archeuesque & Duc de Rheims, & François Duc de Guyse, Freres, Tirée du Latin de M. Nicolas Boucher, Dodeur en Theologie: Et traduitte en François par M. Iaques Tigeon Angeuin, austi Dodeur en Theologie, Chancelier & Chanoine en l'Eglise Cathedrale de Mets. A Rheims, chez Iean de Foigny, 1579. — In-4°. (Bibl. nat., Ln²⁷ 9410.)

Celuy, qui surpassa les Princes de son aage En armes, en prouësse, en force & en courage, Ce François de Lorraine, issu de tant de Roys, Qui entre les plus grands a tout seul mile sois

Des ennemis veincuz rapporté la victoire, Honneur de ses Ayeuls, de sa race la gloire, Magnanime Guerrier, tousiours victorieux, Ornement de la France, & maintenant des cieux. Repose icy dessouz, où ceste grand' colonne De marbre Phrigien ce sepulcre enuironne : Et où ce Duc veinqueur au naturel graué. Se voit sur un cheual hautement esleué. La foy, la pieté, la vertu venerable Ont ensemble basty ceste Tombe honorable, Auec la Chrestienté, & la Loy des Ayeux, Qui pres de ce Tombeau s'arrachent les cheueux : Lesquelles il aymoit, & pour l'amour desquelles Il est mort, soustenant le droit de leurs querelles. Ainsi le sier destin & le sort l'a voulu, Quand de vice & de sang ce Royaume polu, Chassant l'antique foy des peuples & des villes, Contre soy fit armer tant de guerres ciuiles.

LES FIGURES ET PORTRAICTS des fept aages de l'homme.

Auec le fubied par quatrains de feu Mons¹ de Ronsfart, au pied de chacun d'iceux, taillez, & grauez, sur les principaulx enluminez de seu Mº Baptisle Pellerin. 1595. A Paris. Pour N. L. C. N. — In-fol. oblong. — A la fin: Paracheuez de tailler & grauer en decembre 1580. Pour Nicolas le Camus Notaire. — (Bibl. nat., Rés. G 1400.)

1. Enfance.

Laage premier de lhomme Enfance est appellé.
Son cours est de quatre ans maistrisé par la Lune,
Auquel il s'agrandist dessa serf de fortune,
Humide, delicat, dignorance voilé.

2. La Puerilité.

La Puerilité est nostre aage second.

Son regne est de dix ans gouuerné par Mercure.

Vollage sans arrest est lors nostre nature

Et lesprit au scauoir se veut rendre sacond.

3. Adolessance.

Le tiers est de huist ans par Venus gouverné, Qui rend lhomme amoureux en son Adolessance, Son naturel enclin au ieu & à la dance, De slames & de seux son cueur environné.

4. leunesse.

La leunesse est le quart guidé par le Soleil,
Regnant dix [G] neuf ans, poussant au mariage
Lhomme qui veult (viuant) colloquer son mesnage,
Desireux de richesse, en force sans pareil.

5. Le Viril.

Le quinct est le Viril Juiuant l'aspect de Mars. Son cours est de quinze ans, sa nature fascheuse, Magnanime, constante, auare & dangereuse, Rendant l'homme guerrier suiuant ses estendars.

6. Vielleffe.

Le fix foubz luppiter dans douze ans fait son cours lusqu'en lan soixante huist, Aage nommé Vieillesse. L'homme alors vers le ciel tout repentant s'adresse Soigneux de son salut, des humbles le secours.

7. Le Caduc.

Le Caduc est le sept, des Aages le dernier, Où Saturne commande arrestant sa carriere En lan quatre vingtz huict. Nature à sa premiere Foiblesse le conduit, retournant au premier.

AV SIEVR FLAMINIO DE BIRAGVE,

SONNET.

En tête de : Les Premieres Œuures poeliques de Flaminio de Birague, Gentil-homme ordinaire de la Chambre du Roy. — Paris, Thomas Perier, 1585. — In-12. (Bibl. nat., Rés. Ye 1883.)

Comme Vesper au soir apparoist la plus belle
Des estoilles, d'autant que Venus l'aime mieux
Que tous les seux du Ciel, tant soient ils radieux,
D'autant ta stame luit d'une clairté nouvelle.

Amour qui pour son chantre en la France t'apelle,
Aiguisa ton esprit, qui fait honte aux plus vieux,
De la plume escriuant tes vers ingenieux,
Que soy-mesme il s'osta du milieu de son æle.

Tandis que le sang chaut, la ieunesse, & l'Amour
Te permettent de voir la lumiere du iour,
Birague, suy le camp de celle qui te meine.

Deuiens son champion, porte son estandard,
Ne l'abandonne point comme un lasche souldard:
« La victoire & l'honneur sont enfans de la peine.

P. DE RONSARD, gentil-homme Vandomois.



PIÈCES DIVERSES

attribuées à Ronsard de 1584 à nos jours

N. B. - Aucune de ces pièces n'a été recueillie par les exécuteurs testamentaires de Ronsard (Cl. Binet, mort en 1600; Jean Galland, mort en 1612); ce serait déjà une raison de douter de leur authenticité, s'ils n'avaient pas omis, volontairement ou non, d'autres pièces très authentiques. - Neuf ont été recueillies dans l'édition de 1617, cinq ans seulement après la mort de Jean Galland et sous la responsabilité de son héritier Philippe Galland, mais cela ne peut suffire à prouver leur authenticité, et de fait trois d'entre elles n'ont pas reparu dans l'édition de 1623, et deux autres sont plus que suspectes. - Les pièces qui viennent d'ailleurs, soit d'anciens ouvrages et recueils imprimés, soit de manuscrits de seconde main exploités au xixe siècle, sont loin pour la plupart d'offrir les garanties désirables. Nous avons rejeté à la fin et indiqué seulement par l'incipit celles dont l'attribution à Ronsard est désormais abandonnée, et résumé en notes les principales raisons de douter. - P. L.



SONNET.

A la fin du Liuret de Folasfiries, s. l., 1584. In-16. (Bibl. nat., Rés. Ye 1882.)

Des beautez, des attraits, & des discours seconds,
De ma face, ma grace, & ma douce eloquence,
l'amstambay, i'amorçay, & i'atiray en France
Les plus beaux à m'aymer, gratieux & faconds,
Qui d'aspectz, de soubris, de beaux propos semonds
A me voir, me chercher, & m'entendre en presence,
Bruslez, surpris, rauis, estoient en ma puissance,
D'yeux, de cueur, & de bouche, à mon service promptz.
Mais mon mary, autant laid, facheux & barbare,
Que i'estois belle, douce & d'vn discours bien rare,
Me ternit, me fanit, me tarit, à la fois,
Dans mes yeux, dans mon front, dedans ma bouche blesme,
Ma beauté, & ma grace, & ma parolle mesme,
De sa dague persant le canal de ma voix.

ODE, PAR M. DE RONSARD,

non encores imprimée.

Cette ode et la suivante ont paru aux ff. 158 r° et 159 r° de : Les Fleurs des plus excellents poetes de ce temps. Paris, Nicolas et Pierre Bonfons, 1599. — In-12. (Bibl. de l'Arsenal, B. L. 7243. — Texte revu sur la 3° édition, 1601, fts 167-168. Bibl. nat., Ye 11424.)

> Tu te mocques, ieune ribaude, Si i'auois la teste aussi chaude Que tu es chaude sous ta cotte,

le n'aurois besoin de calotte, Non plus qu'à ton ventre il ne faut De pelisson, tant il est chaut.

> Tous les charbons ardans Alument là dedans Le plus chaud de leur braise: Un seu couuert en sort, Plus sumeux & plus sort Que l'air d'une sournaise.

l'ay la teste froide & gelée, D'auoir ma ceruelle escoulée A ce limonier par l'espace De quatre ans, sans m'en sçauoir grace : Et luy voulant vaincre le cu, Moy-mesme ie me suis vaincu.

> Ainsi le fol sappeur Au fondement trompeur D'un Bouleuert s'arreste, Quand le fais tout soudain Esbranlé de sa main Luy escrase la teste.

Escoute, tu n'es qu'vne sotte, De te mocquer de ma calotte: C'est, Bure, asin que ma ceruelle Garde sa chaleur naturelle, Et que mon double tassetas La face deualer en bas.

> L'estomach micux en cuit La viande, & l'induit

Quand plus chaud il demeure : Or la concoction Faite en perfection Rend la santé meilleure.

De là le bon sang prend naissance, De là s'engendre la semence Qui aux reins plus chaude s'areste Tant plus on a chaude la teste: De là le sperme coule apres, Plus blanc, plus chaut & plus espais.

> Pren l'vn ou l'autre point, Ou ne te mocque point De me voir en la sorte: Ou bien te ramentoy Que pour l'amour de toy Maugré moy ie la porte.

AVTRE DV MESME.

A la mesme Dame.

Contente-toy d'un poinch,
Tu es, ie n'en ments point,
Trop chaude à la curée:
Vn coup sufit la nuich,
L'ordinaire qui suit
Est tousiours de durée.
De reins soible ie suis,
Releuer ie ne puis:
Vn Cheual de bon estre,
Qui du montoir se plaist,

Sans vn nouueau surcroist Porte tousiours son maistre. Le nombre plus parfait Du premier vn se fait Qui par soy se compose: La tres-simple vnité, Loing de pluralité, Conserue toute chose. Le Monde sans pareil Ne porte qu'un Soleil, Qu'vne Mer, qu'vne Terre, Qu'vne eau, qu'vn Ciel ardant : Le nombre discordant Est cause de la guerre. Ma mignonne, croy moy, Mon cas n'est pas mon doy, Quand ie puis il me dresse: Tant de fois pigeonner, Enconner, r'enconner, Ce sont tours de ieunesse. Mon cheueul blanchissant De mon cœur va chassant La force & le courage : L'Yuer n'est pas l'Esté, l'ay autresfois esté, Tu seras de mon aage. Hier tu me brauas Couchée entre mes bras, le le confesse, Bure : l'eusse esté bien marry Au regne de Henry, D'endurer telle iniure. Lors qu'on printemps de sang M'eschauffoit tout le flang

A gaigner la victoire, Bien dispos ie rompois Huict ou neuf fois mon bois, Maintenant il faut boire. Ne resemble au goulu, Oui son bien dissolu Tout à la fois consomme : Cil qui prend peu à peu L'argent qui luy est deu, Ne perd toute la somme. Sois donc saoulle de peu, De peu l'Homme est repeu : Celuy qui sans mesure Le fait & le refait Melnager il ne lçait Le meilleur de Nature.

Au lieu que l'inconftant Iouvenceau le fait tant, Trop chaud à la bataille : Demeurons plus long temps, Qu'vn de nos passetemps Quatre d'vn autre en vaille.

Il faut se reposer,
Se taster, se baiser
D'un accord pitoyable,
Faire trefues & paix:
Souuent les petits mets
Font durer une table.

Ne fronce le fourci,
Si tu le veux ainfi,
Bure, tu es feruie:
le veux fans m'abuser
En me ioüant vser,
Et non perdre la vie.

EN FAVEVR DE CLEONICE.

SONNET.

Au ft 152 r° de: Les Premieres Œuures de Philippes Des-Portes (à la suite de Cleonice. Dernieres amours). Paris, Mamert Patisson, 1600. — Petit in-8°. (Bibl. nat., Ye 7483 et Rés. Ye 2067.)

Ceste Françoise Greque aux beaux cheueus chatains,

Dont les yeux sont pareils à Vesper la brunette :
Ceste belle, sçauante & celeste Heliette,
De ce siecle l'honneur, tient mon cœur en ses mains.
Ma raison est malade, & mes yeux sont mal-sains,
Quand ie voy sa beauté, dont la clairté parfaite
Sert de sieches & d'arc, de forge & de retraite
A ce Dieu qui commande au plaisir des humains.
Ie me pasme si fort lors que ie la regarde,
Qu'il me semble qu'Amour coup dessus coup me darde
Tous ses traits & ses seux, qu'au cœur ie sens couler.

Si ie n'ay dignement sa louange eclaircie, La faute n'est de moy, mais de l'ame transse : Vn homme qui languit ne seauroit bien parler.

P. DE RONSARD.

SONNET DE PIERRE DE RONSARD

poete du Roy, Sur les OEuures de l'Autheur.

Au ft 3 r° du Premier liure des Hymnes de Messire Anne d'Vrse. Lyon, Pierre Rigaud, 1608. — Petit in-4°. (Bibl. de la ville de Lyon, 317128.)

Quel Luth est cettui-cy qui charme les oreilles Comme celuy d'Orfé d'un son harmonieux? Quel nouueau Rossignol oy-ie melodieux, Qui rauit les Esprits & les Cœurs de merueilles? Le miel Hymetien des celestes Abeilles Ne me semble si doux, ni si delicieux Que font les vers d'VRFÉ qui penetre les Cieux, Nous chantant doctement des choses nompareilles.

Le Troupeau tant cheri des Pierides Sœurs, Nous voulant assouir de toutes leurs douceurs, Les ont dedans ce Liure heureusement insuses.

Poursuy doncques, VRFE; car, ou ie me deçoy,
Ou France ne verra de long temps apres toy,
Aucun qui ioigne mieux les Armes & les Muses.

P. D. R.

SONNET DE P. DE RONSARD AVX JESVITES.

Au ft 2 r° de : Iesuites establis & restablis en France. Et Le fruid qui en est arrivé à la France. S. 1., 1611. — Petit in-8°. (Bibl. nat., Ye 24557.)

Saincle Societé dont on a fait estite,

Pour monstrer aux humains les mysteres cachez, Pour repurger les maux dont ils sont entachez, Et pour remettre sus nostre Eglise destruite.

Mignons de lesus Christ, qui par vostre merite Auez desia si bien amorcé nos pechez, Que l'on se peut vanter que là où vous peschez Pour un petit veron vous prenez une truite.

Secretaires de Dieu, l'Eglise & les humains, En Dieu, en lesus Christ, vous prie à iointes mains, De retirer vos rets hors de leur mer prosonde.

Car vous pourriez en fin par vostre seinct esprit, Pescher, prendre, amorcer, & bannir de ce monde L'Eglise, les humains & Dieu & Iesus Christ.

[SONNETS.]

Les trois sonnets qui suivent ont paru dans le Recueil des fonnels, odes, hynnes, elegies & autres pieces retranchées aux editions precedentes des œuures de P. de Ronfard, Gentil-homme Vandomois. Paris, Nicolas Buon, 1617, pp. 64-66. — In-12.

Il ne faut s'estonner si l'amour Pharienne, Sçauante en l'art d'armer, sceut gaigner un Romain : L'Europe n'est pas sine, & n'amorce point d'hain, Et les Philtres produit la terre Aegyptienne.

Si vne belle & ieune accorte Ilirienne, Qui loge la finesse & l'art dedans son sein, M'a pris, qui suis grossier, de nation Germain, Ie n'en suis à blasmer, c'est la loy Cyprienne.

Laquelle ioint la tourtre auec les papegaux, Et lie à mesme ioug les esprits inégaux, Sans respect ny de mœurs, d'áge ny de patrie. Amour a Ciel & Terre en partage commun, Il est Pere, il est Prince, il maistrise vn chacun,

Il est Pere, il est Prince, il maistrise un chacun En Espagne aussi bien qu'il fait en Germanie.

Si tu m'aymois de bouche autant comme d'escrit, le serois bien-heureux: ta lettre est amoureuse, Ta parole au contraire est dure & rigoureuse, Qui la douceur d'Amour de son fiel en-aigrit. Bien-heureux l'Escriuain qui les lettres t'apprit, Et ta nourrice soit maudite & malheureuse, Qui t'apprit à parler d'une voix si douteuse, Voix qui trouble mes sens, & me tourne l'esprit. Maistresse, s'il te plaist que mon cœur se console, Hay-moy par escriture, & m'aymes de parole, Sans tromper ton escrit, de l'esprit seruiteur. S'il te plaist, ne promets espoir de recompense, Parle d'autre façon, ton esprit est menteur, Qui fait parler la bouche autrement qu'il ne pense.

Quand ie te promettrois, ie ne le tiendrois pas,
l'aymerois mieux mourir, i'ay trop de conscience:
Heleine, tes propos sont pleins de desiance,
le ne me prens credule à si commun apas.
Le Piedmont & la Cour où d'ensance tu as
Demeuré si long temps, m'en donnent asseurance,
Autrement dit ta langue, autrement ton cœur pense,
« Le plaisir amoureux vaut mieux que le trespas.
Plus d'un mignard refus, plus d'une face lente
Tu me dis que nenny, plus ie suis resiouy:
C'est langage de Cour que ta voix inconstante,
Où nenny sert d'ouy: i'ay nenny trop ouy,
Dy quelquesois ouy: ie serois sans attente
Si en lieu de nenny tu me disois ouy.

A IEAN D'AVRAT SON PRECEPTEVR.

Au même Recueil, p. 78.

Ils ont menty, d'Aurat, ceux qui le veulent dire
Que Ronsard, dont la Muse a contenté les Rois,
Soit moins que le Bartas, & qu'il ait par sa voix
Rendu ce tesmoignage ennemy de sa lyre.
Ils ont menti, d'Aurat: si bas ie ne respire,
Ie sçais trop qui ie suis, & mille & mille fois
Mille & mille tourments plustost ie souffrirois,
Qu'vn adueu si contraire au nom que ie desire.
Ils ont menti, d'Aurat, c'est vne invention
Qui part, à mon aduis, de trop d'ambition,
I'auroy menty moy-mesme en le saisant paroistre,
Francus en rougiroit, & les neus belles Sœurs
Qui tremperent mes vers dans leurs graves douceurs,

Pour un de leurs enfans ne me voudroyent cognoistre.

Au même Recueil, p. 78.

le n'ayme point ces vers qui rampent sur la terre, Ny ces vers empoulez, dont le rude tonnerre S'enuole outre les airs: les vns font mal au cœur Des liseurs desgoutez, les autres leur font peur: Ny trop haut, ny trop bas, c'est le souverain style, Tel sut celuy d'Homere & celuy de Virgile.

CHANSON.

Au même Recueil, p. 100.

A ce malheur qui iour & nuict me poingt Et qui rauit ma ieune liberté, Dois-ie tousiours obeyr en ce point, Ne receuant que toute cruauté?

Fidelement
Aymant,
Ie fens
Mes fens
Troubler,
Et mon mal redoubler.

Cest or frizé, & le lis de son teint, Soubs vn soleil doublement esclarcy Ont tellement mes moüelles attaint, Que ie me voy desia presque transi, Son œil ardant,

> Dardant En moy L'efmoy Du feu, Me brusle peu à peu.

Ie cognois bien, mais helas! c'est trop tard, Que le meurtrier de ma franche raison, S'est escoule par l'huys de mon regard, Pour me brasser ceste amere poison:

le n'eus qu'ennuits,

Depuis

Le iour

Qu'amour

Au cœur

M'inspira sa rigueur.

Et nonobstant (cruelle) que ie meurs, En observant une saincle amitié, Il ne te chaut de toutes mes clameurs, Qui te deuroient inciter à pitié.

Vien donc, Archer

Trescher,

Volant,

Doublant

Le pas,

Me guider au trespas!

Ny mes esprits honteusement discrets, Ny le trauail que i'ay pour t'adorer, Larmes, souspirs & mes aspres regrets Ne te sçauroyent (Dame) trop inspirer,

Si quelquefois,

Tu vois

A l'œil

Le dueil

Que i'ay,

Pour l'amoureux essay.

Quelqu'un sera de la proye preneur, Que i'ay long temps par cy deuant chassé, Sans meriter iouyra de cet heur, Qui a si fort mon esprit harassé,

C'est trop seruy,

Rauy Du mal

Fatal

le veux

Conceuoir autres veux.

Quelque lourdaut, ou quelque gros valet, Seul à l'escart de mon heur iouyssant, Luy tastera son ventre rondelet, Et de son sein le pourpre rougissant,

De nuict, de iour,

L'amour

Me fait

Ce fait

Penser,

Et me sert d'un enfer.

Or ie voy bien qu'il m'y conuient mourir Sans esperer aucun allegement, Puis qu'à ma mort tu prens si grand plaisir, Ce m'est grand heur & grand contentement,

Me submettant,

Pourtant

Qu'à tort

La mort

L'esprit

Me rauit par despit.

Au même Recueil, p. 180.

l'oste Greuin de mes escris, Pource qu'il fut si mal appris, Afin de plaire au Caluinisme, (le vouloy dire à l'Atheisme) D'iniurier par ses brocards Mon Nom cogneu de toutes parts, Et dont il faisoit tant d'estime Par son discours & par sa rime.

Les ingrats ie ne puis aymer:
Et toy, que ie veux bien nommer,
Beau Chrestien, qui faits l'habille homme,
Pour te prendre au Pape de Rome,
Et à toute l'antiquité,
Cesse ton langage effronté,
Sans blasmer, en blasmant l'Eglise
Que le bon Ies vs auctorise,
Ceux qui t'aymoient, & plus cent sois
Vrayment que tu ne meritois.

Vous n'auez les testes bien faites, Vous estes deux nouueaux Poëtes, Taisez-vous, ou, comme il faudra, Mon Cuisinier vous respondra, Car de vous presenter mon Page, Ce vous seroit trop d'aduantage.

QVATRAIN

fait promptement pour vn fergent qui l'importunoit de luy donner des vers pour vne infcription.

Au même Recueil, p. 366.

De trois sergens pendez-en deux, Le monde n'en vaudra que mieux. Quand l'autre tiers sera pendu, Le monde n'aura rien perdu. CECY EST VN FRAGMENT DE LA COMEDIE du Plutus d'Aristophane, qui fut (comme le tefmoigne Binet en la vie de Monsieur de Ronsard) la premiere iouëe en France, & fut representée au College de Coqueret, d'où estoit Principal D'Orat. Monsieur de Ronsard estoit lors fort ieune quand il la fit, & n'a iamais esté mise sur la presse. Ce Fragment a esté recouuré par le moyen de quelques vns, comme plusieurs autres pieces qui sont en ce Recueil.

Au même Recueil, p. 386.

ACTE PREMIER.

CARION.

O Iuppiter, ô Dieux, que c'est grand peine Que de seruir vn maistre qui bien saine N'a la ceruelle : où le seruant luy dit Chose qui soit bien fort pour son profit Et il ne plait au maistre de la faire, Si par cela-il fait mal (on affaire, Il est bien force au seruiteur aussi D'auoir sa part du mal & du souci, Puis qu'il a pleu à Dieu & à fortune, Que sur son corps puissance n'ait aucune Le vray seigneur, ains le seul acheteur : Tel orendroit est le mien grand mal-heur: Mais à present une tres-iuste plainte le puis former contre Apollon, qui mainte Oblique voix d'oracles va chantant, Sur vn trepied tout d'or : car s'il est tant Parfait deuin & medecin si sage, Comm' on le fait par le commun langage, Pourquoy a-il laissé mon maistre aller Sans (on cerueau du haut mal alleger

De Phrenesie, en tel' sort' & maniere Oue toute iour il va suiuant derriere Vn homme aueugle, & fait tout autrement Qu'il ne deuroit, veu que communément Nous qui auons la veuë qui nous guide, Marchions deuant les aueugles pour guide? Mais cestuy-cy va derriere, & par force D'aller derriere auecque luy me force, Et si la bouche on n'oseroit ouurir, Pour en parler, mais deusse ie mourir, Plus desormais ne m'en tairé, mon maistre, Si ie n'entens de vous que ce peut estre Pourquoy ainsi nous suiuons sans seiour Cest' homme aueugle : or est-il vn bon iour, Et me frapper à ceste bonne feste, Vous n'oseriez ayant de sur ma teste Ce beau bouquet au bonnet attaché. CHREMILES. Non par Dieu, Sire, ains sera arraché Bonnet & tout pour plus de dueil te faire, Si tu me fasche. CARION. Abus, car de me taire le n'ay vouloir, si tu ne dis deuant Qui est cestuy que tu vas poursuiuant. Or ton amy, affin que tu l'entende, Bien fort ie suis, & pour ce le demande. CHR. Et vrayement rien ne te celeré Car ie ne pense auoir plus asseuré Larron que toy entre ceux qui me seruent. l'estois iadis de ceux qui mieux obseruent La loy de Dieu & son commandement: Et n'ay cessé d'estre un poure quaimant Et souffreteux. CAR. l'en squarois bien que dire. CH. Mais les meschants, qui ne se font que rire De dérober les temples, accuser L'homm' innocent, le coulpable excuser,

Le tort à tort contre le droit defendre, Ou bien le droit à beaux purs deniers vendre : Iceux venoient tous comme petits Roys Riches, puissans. CAR. De cela ie te crois. CH. Ce cognoissant ie m'en allay grand erre Vers Apollon pour d'iceluy m'enquerre, Non pas pour moy, car mon temps est passé En grand misere & suis ja tout cassé, Mais pour l'amour de nostre fils vnique, A sçauoir mon si pour auoir pratique Et amasser or argent à foison Il devoit estre iniuste, sans raison, Sans conscience & du tout rien qui vaille, Veu qu'autrement iamais il n'auroit maille. CA. Et Apollon, qu'est-ce qu'il respondit? CH. Attens un peu que ie t'aye tout dit, Et tu oyras: car il vient à respondre, Disant tout cler qu'il me falloit semondre Venir chez moy, que ie rencontreroye Tout le premier à mon chemin & voye, Partant de là, sans que ie le laschasse Tant que chez moy auec moy le logeasse. CA. Et qui as-tu le premier rencontré? CH. Cestuy-cy seul. CA. Il t'a donc bien monstré Tout clairement, si tu le sçais entendre, Qu'il te failloit à ton fils bien apprendre Les bonnes mœurs desquelles chascun vse En ce pays. CH. Dy moy par quelle ruse As-tu cogneu que c'est ce qu'il entent? CA. Par cest aueugle : & c'est à quoy il tent, Te demonstrant qu'il est tres-profitable Ne faire rien qui soit bon & louable, Comm' aueuglé. CH. Ha! croire ie ne puis Qu'il tende là où tu me dis, & puis

On voit tout cler qu'il y a autre chose Plus grand' & haute en ces propos enclose, Mais s'il nous dit qui il est, & pourquoy Il vient ici aupres de tov. & mov. L'intention nous aurons clerement Du Dieu diuin & du diuinement. CA. Vien ça dis-moy tout premier qui es-tu Que nous suiuons, ou tu seras batu. CH. C'est trop songé, il faut que tu le die. ARGENT. le te le dis, ie suis, Dieu te maudie. CA. Entendez-vous, mon maistre? CH. A toy s'adresse Ceste missiue : aussi trop de rudesse Tu as vsé l'interrogeant ainsi. Or dis le moy tout bellement icy, Si tu cheris l'homme qui n'est pariure. AR. Va t'en au diable. CA. Et pren pren cest augure Auec cest hoste. CH. Ha! par saincte m'amie, le feray bien que point tu ne t'en rie, Car si ja plus tu refuses le dire, le te feray mourir en grand martire. AR. Allez-vous en tous deux, & me laissez. CH. Non ferons da. CA. Mon maistre, i'ay assez Vn bon moyen pour faire qu'il enrage, le le mettray sur un roch au riuage, Puis le larray, afin que là laissé Tombant à bas il ait le col cassé. CH. Habilement qu'il soit troussé en male. AR. Non, ie te pri'. CH. Di donc. AR. Helas bien sale Mon cas seroit, tant me seriez mauuais Si vous sçauiez qui ie suis, & iamais Ne me lairiez d'auec vous departir. CH. Si tost par Dieu que tu voudras partir. AR. Lasches moy donc. CH. Tien, te voyla lasche. AR. Or escoutez, bien que ie suis fasché

De declarer ce que celer pensoye, le le diray tout bas, de peur qu'on l'oye, le suis Argent. CH. O le plus mal-heureux De tout le monde! es-tu bien si poureux De nous auoir celé iusqu'à cest heure Qui tu estois? & où est ta demeure, Puisque tu es Argent? CA. Tu es Argent, Toy si mal propre & si mal diligent A te lauer que tu reluis d'ordure? O Apollon! o Dieux, quell' auanture! Quel heur! quel bien! mais dis-tu que tu l'es? AR. Ouy. CH. Luy mesme? AR. Ouy luy mesme, allez, C'est assez dit. CH. Comment doncques es-tu Si ord, fi sale & fi fort mal vestu? AR. le viens d'un trou où m'auoit enterré Vn chicheface, ains m'a desenterré Son fils prodigue, apres auoir en terre Mis comme moy son pere, qui le serre, Comme luy moy, car il est raisonnable Que qui fait mal endure le semblable. Le fils apres qu'il m'a eu deliuré De la prison, soudain il m'a liuré A ses putains & ribaudes tolastres, Pleines d'onguens, de verolle & d'emplastres, Qui m'ont sali & si mal accoustré. CH. Par qui as-tu ce mal-heur rencontré? AR. Elle me vient affin que ie ne mente, Par luppiter qui ne veut que ie hante Auec les bons & les gens de sçauoir, Qui plus que nuls sont dignes de m'auoir, Ausquels iadis à ma tendre ieunesse le desirois de prendre mon adresse, Mais tout soudain que le bon lupin vit Mon desir tel, la veuë me ravit,

Et m'aueugla, affin de ne pouuoir Or' discerner ce qui est blanc du noir. Le bien du mal, & les bons de la gent Qui ne vaut rien, tant luy desplait qu'Argent Soit auec ceux qui sont de bonne vie, Comme si Dieu leur portoit quelqu'enuie, Et toutes fois il semble n'estre rien Ou'il aime plus qu'il fait les gens de bien, Car ce sont ceux qui l'honnorent & prisent, Et au contraire les mauuais le deprisent, Ausquels il baille or, argent à planté. CH. le te confesse, & si à ta santé Tu reuenois & recouurois la veuë. Quand tu ferois des hommes la reueuë, Fuyrois-tu point les meschans desormais, Comme iadis? AR. le t'asseure, iamais A eux n'irois. CH. Et ausquels donc, aux bons? AR. Trop volontiers, mais par vauls & par mons, le n'en puis voir. CH. Ce n'est pas grand merueille, Car moy qui vois, & ne suis de pareille Façon que toy aueugle ny sans yeux, Pieça ne vois homme bon sous les cieux. AR. Or me laissez, car i'ay fait mon deuoir De vous conter ce que vouliez sçauoir. CH. Nous n'auons garde, ains par Dieu te tiendrons Le plus serré que tenir te pourrons. AR. Voyla mon cas, vous l'ay-ie pas predit Que tout soudain que ie vous aurois dit D'où ie venois & qui i'estois, sans cesse Vous me feriez grand fascherie & presse? CH. Et ie te prie obeys à mon dire, Et ne me laisse, où que tu voises, pire Hoste que moy tu pourras esprouuer, Mais de meilleur, tu n'en scaurois trouuer,

Car point n'en est. AR. Chascun m'en dit autant, Mais austi tost que l'un d'iceux a tant De biens qu'il veut, & est deuenu riche, Tant plus il a, & plus il devient chiche, Plus grand larron, plus trompeur, plus meschant. CH. Il est bien vray si c'est quelque marchant, Mais en chascun tell' malice n'abonde. AR. Non, tu dis vray, sinon à tout le monde. CA. le te battray si plus tu nous outrage. CH. Or entens bien les biens & l'auantage Lequel chez moy te pourroit bien heurer S'il te plaisoit auec nous demeurer, Car ayant Dieu, i'oserois bien promettre De te guerir tes yeux & te remettre En tel estat que tu verrois bien cler. AR. le te suppli plustost de m'aueugler Encore plus, si tel est ton pouuoir, Car ie n'ay cure aucunement de voir Plus que ie voids. CH. Que dis-tu, miserable? CA. Cet homm' icy, ce croy-ie, est incurable? Ce mal luy est de nature donné. AR. Non, mais Iupin l'a ainsi ordonné, Et s'il sçauoit, luy qui void toute chose, Et qui du tout à son plaisir dispose, Que derechef ie visse de mes yeux, Il me feroit mourir. CH. Te fait-il mieux, Quand maintenant il permet que tu cours, En trébuchant, sans te donner secours? AR. le n'en sçay rien, mais moult ie le redoute. Tout homme sage & prudent fait grand doute De l'offenser : car c'est un grand Seigneur. CH. Et aux Seigneurs, qui fait que tant d'honneur Chacun leur porte, & craint leur grand pouuoir? Le seul argent est la croix du tiroir :

Car quant Argent & sa croix va par place, Il n'est celuy qui soudain ne desplace, Il court apres, tant il se sent tiré. Par toy, Argent, chacun est attiré, Et va suiuant les Seigneurs, & les statte. CAR. Par toy, Argent, chacun les pieds leur gratte, Chacun les va par toy idolatrer,

Car tout premier qui fait que lupin regne Entre les Dieux en son celeste regne? CA. Le seul Argent : il en a plein ses amples Palais Royaux, & ses tres-sacrez Temples. CH. Qui le luy donne ? CA. Autre que cestuy-ci? CH. Par qui fait-on les dons à luy aussi, A ses Autels, sinon par cestuy-mesme? CA. Par nul, & si tout le monde se chesme De le prier tousiours, & à tout' heure, Pour seulement auoir quelque rogneure De son thresor, & ne void-on prier Luy ny ses Dieux, sinon pour supplier Qu'il donne Argent à ceux qui bien le prient, Et toute iour autre chose ne crient. CH. Si donc cestuy cause leur criement, Il pourroit bien faire facilement Ceffer leurs cris. AR. Dy-moy par quel moyen? CH. Si tu n'estois, on ne donneroit rien A ceux qui vont à Iupiter crians, Et iour & nuict en son Temple prians, Encent ou cierge on ne leur porteroit, Ny bœufs, ny veaux on ne leur donneroit Pour sacrifice à son Idole faire : Car sans argent on ne peut rien parfaire, Ny rien auoir, lequel faut que tu liures, Pour acheter des marbres ou des cuiures.

Quand quelqu'un veut luy dresser une image, Oui bien ressemble à Iupin de visage. Par ainsi donc nul n'est qui ne renie Et lupiter, & sa grand' tyrannie, Si tu te veux des Temples absenter. AR. Dis-tu que c'est par moy qu'on va flater Les grands Seigneurs, & leur faire service? CH. le t'en asseure, & n'est honneste office, Ny chose honneste ou plaisante aux humains, Oui ne leur soit donnée par tes mains : Car il n'est rien qui à toy n'obeisse. CA. Quant est de moy, certes point ne seruisse, Si n'eust esté quelque petite somme De toy, Argent: car ie ne suis pas homme Riche & puissant, comme tu peux penser. CH. On dit aussi que qui veut dépenser En chaines d'or, en bagues, en ioyaux, Des Dames a & tripes & boyaux: Mais quand on pauure au matin les resueille, Elles luy font tousiours la sourde oreille. CA. Pareillement vn mignon au cœur gent, Fait de son corps'plaisir pour de l'argent, A quelque femme, au bon riche vilain, Pourueu qu'ell' donne un sachet d'argent plain. CH. Ne font pas ceux qui ont bonne nature. CA. Que font-ils donc? CH. L'un donne une monture. L'autre un harnois, l'autre demande un lief Porfilé d'or, à se coucher la nuict. CA. Il auroit honte, & craindroit le diffame, S'il demandoit de l'argent à sa Dame : Mais il sçait bien, pour mieux couurir sa honte, Tout gentiment dire qu'on le remonte D'un bon courtaut, ou bien de quelque mule, Et s'il ne l'a toussours au bon recule,

CH. Les Arts aust, auec les Theoriques, Et les engins des subtils mecaniques Par ton moyen les hommes ont trouvé. L'un pour Argent est Marchand approuué, Et l'autre ayant le cul dessus sa selle Fait des souliers, l'autre forge & martelle, L'autre charpente, & l'autre est bon Orfeure, Qui prend de toy l'argent qu'il met en œuure : L'autre, par-Dieu, est larron & voleur, Coupeur de bourse, ou d'iceux receleur : L'autre est foulon, & l'autre teinturier, L'autre taneur, & l'autre couturier, L'autre fruictier, l'autre vendeur d'ognons, L'autre craignant de perdre ses rognons, Quand il se void surpris en adultaire, Pour Dieu, dit-il, ne me vueillez point raire De ce razoir, sinon le poil du cu, Et vous aurez ma bourse, amy cocu. AR. O moy chetif! moy mal-heureux! iadis le n'entendois cecy que tu me dis. CH. Et le grand Turc est-il pas par Argent Si grand Seigneur que d'une telle gent? CA. Les grands Marchands de Venise & de Romme Ne font-ils pas leur courretier cet homme? CH. Quoy? les soldats, les patrons de galleres, Seruent-ils pas le Roy pour les salleres? CA. Les lansquenets, quand le temps s'y adonne, Ne vont-ils pas seruir qui plus leur donne? CH. Les Generaux qui sont sur la monnoye, Apres qu'ils ont du Roy bien mangé l'oye, Rendent-ils pas cent ans apres la plume? CA. Geux sur lesquels, comme sur une enclume, Le bourreau frappe, & que si fort rabroile, Est-ce pas toy qui les mets sur la roue?

CH. Est-ce pas toy par qui l'on pete au nez Du Medecin, & il est bien punez S'il ne le sent? neantmoins il l'endure, Et se nourrit tousiours dedans l'ordure. CA. Est-ce pas toy par qui le venerable Frere frappart dit souuent vne fable Au lieu. CH. Hola, laisse-là le Clergé, Que tu ne sois d'heresie chargé. Tu sçais qu'il a la charge de nos ames. CA. Et du corps, qui? les Seigneurs, ou les Dames? CH. Aussi par toy Argent, par grand effort, Plusieurs mignons n'ont la verole à tort : Car acheté ils ont argent contant Le grief ennuy qui les va tourmentant. CA. Voire, & si toy Argent, quand tu es vif, Tu es si fort & si penetratif, Que tu gueris d'une façon gentille Le mal qu'as fait, comme un second Achille, Duquel iadis la lance Peliaque Guerit Telephe, ains toy, mieux que Gaiaque Decoction tu gueris le nauré, Par toy Argent. CH. De cela tu dis vré: Mais si faut-il aimer les Damoiselles, Quoy qu'il aduienne, ou belles, ou non belles, Par toy Argent, les belles pour te prendre, Et les laid'rons pour aux beaux fils te rendre. CA. Et ceux qui vont marchant sur les espines, Tant (ont gouteux & courbans les eschines, S'en vont branlant comme une tour qui vole. · CH. Puissent-ils choir & eux & leur verole Sur toy valet, quand tu vas par la ruë. CA. C'est peu de cas, par Argent on la suë. CH. C'est par Argent que tout est fait, & rien N'est fait sans toy, par toy est fait le bien,

Par toy le mal, tu as toutes puissances. CA. Et c'est pourquoy la guerre tu balances, Et du costé que tu faits contre-poix, Iceluv a de victoire le poix. AR. Moy doncques seul, puis tant de choses faire? CH. Oüy, & si on a de toy affaire De iour en iour, en d'autres choses mille, Soit par les champs, ou bien soit à la ville : Parquoy iamais nul ne fut sou de toy, Plus on en a, plus on est en esmoy D'en amasser : car de toute autre chose On devient sou. CA. De pain. CH. De vers & prose. CA. Depetits chous. CH. D'honneur. CA. Detartelettes. CH. De cœur vaillant. CA. De petites figuettes. CH. De bruit, renom. CA. De pois, féues, lentilles. CH. D'aller au camp. CA. Et aller voir les filles. CH. Et bref de tout, fors, Argent, de t'auoir, De toy saoulé iamais on ne peut voir Homme quelconque: a quelqu'un mille frans De reuenu, ou trois mille comptans? Il bruste, il art, qu'il n'en descrobe au double : A-il tant fait que son vaillant il double. Il devient fol, qu'il ne le peut tripler, Puis quadrupler, puis en fin centupler : Et croit pour seur, comme dit l'Euangile, Que si quelqu'un a esté si habile, Que d'acquerir le centuple du bien De ses ayeux, sans qu'il s'en faille rien, Il iouyra de l'eternelle vie, Ou autrement que son ame est rauie Droit en Enfer, & est pis qu'un damné, S'il n'a d'argent tant qu'il die, i'en ay. AR. Vous dites d'or tous deux, louans l'Argent : Mais un seul poinct me va le cœur rongeant.

CH. Dy hardiment, dy nous qui est ce poinct? AR. le crains un mal, & c'est ce qui me poingt, Que ie ne sois assez propre à tenir Ce grand Empire, ou pour le maintenir. CH. Aussi dit-on qu'il n'y a rien plus lasche, Ny plus paoureux qu'Argent : car on le cache De iour en iour, il a peur des gens-d'armes, Et tout soudain qu'il oyt cliquer les armes, On void argent, & toute sa vaisselle Par tout serrer, & on ne void escuelle, Ny plat d'argent, vase, bassin, esquiere Chez les plus gros en aucune maniere, Si fort tu es coüard & peu hardy. AR. Et non suis non, si on m'a enhardy: Mais ce qui fait que couard on me pense, Est, que souvent quand un larron s'auance D'entrer de nuict dedans quelque maison, Il est marry qu'il ne trouue à foison Argent & or, sans estre renfermé, Et quand il void que tout est bien fermé, Il dit alors que c'est par coüardise Que ie me cache, & ce seroit sottise De me tenir en place descouuerte, Quand le loup a sur moy la gueule ouverte. CH. Va-va, que rien de cela ne te chaille, Tant seulement si tu vas en bataille, Aye bon cœur, ie te feray auoir Si bonne veuë, & si clerement voir Qu'vn Lynx qui void à trauers les murailles, Et si tu voids venir quelques batailles De fins larrons qui te veulent haper, Fort aysément tu pourras eschaper Auant qu'un trou ils ay'nt fait aux parois, Et par ainsi iamais peur tu n'aurois.

AR. Comment est-il possible que tu fasses, Que puisse voir si cler que tu menasses? CH. Assez, assez, en ay bonne esperance, Et qu'ainsi soit i'ay eu apperceuance Oue le Laurier d'Apollon a tremblé, Ou pour le moins lors il me l'a semblé, Quand moy, pauuret, m'en alay lamentant A son Oracle. AR. Il est donc consentant De cet affaire. CH. Il l'est, ie t'en asseure. AR. Gardez-vous bien. CH. As-tu peur que ie meure, Ne t'en soucie, & deusse-ie mourir, le le veux faire. CA. le t'y veux secourir, Si bon te semble. CH. Il y en aura bien D'autres assez, qui sont bons, & n'ont rien, Lesquels viendront pour nous donner secours. AR. le m'ébahis que tu as ton recours A.si chetiue & miserable gent. CH. Ils vaudront trop, s'ils ont un coup Argent: Sus, Carion, despesche-toy d'aller. CA. Où, & quoy faire? CH. Hafte-toy d'appeler Mes compagnons laboureurs, & ie crois Que les pourras trouuer à leurs charrois, Ou bien aux champs autour de ce village, Se trauaillans apres leur labourage, Faits-les venir, afin qu'ils ay'nt leur part De ce butin : le bon son bien depart A son amy, & à son familier. CA. Ie m'y en vois, mais gardez d'oublier De commander que de ce sainct gasteau On en rapporte à l'hostel un chanteau: C'est pain benist, il faut selon l'usage En despartir à nostre voisinage, Mais qu'on m'en garde à moy un bon lopin. CH. Laisse-m'en faire, & va-t'en mettre à fin

Ce que i'ay dit. & toy le plus puissant Des Dieux, Argent, entre, me benissant, En mon Hostel, car voicy la maison Où il te fault departir à foison De tes thresors ceste bonne iournée, Il faut de toy qu'elle soit estrenée Comment que soit, ou iustement ou non. AR. le crains d'entrer à un logis sinon Que i'ay bien seu de quelles meurs est l'hoste, Car l'un me prent, & me pince & me frotte, L'autre me tinte, & l'autre me martelle, L'autre me met au feu dans la coupelle, L'autre me plie, & l'autre me cisaille, L'autre me rompt, & l'autre me tenaille : Bref mile maux, & nul bien ne reçois, En quelque part, où ie vois & reuois, Tant vn chacun à son plaisir m'espreuue, Et puis apres, quand à son gré me treuue, Encore pis, car si l'hoste est auare, Il m'emprisonne, & m'est chose tres rare De voir le iour, ou bien s'il est craintif, Il m'enfouit, & m'enterre tout vif, Ou bien m'enmure, & me celle & me plastre, Ou pour le moins sous serrure & palastre, Sous mille clefs, crampons, resfors m'enserre, Et si pour prest quelqu'un le vient requerre, Homme de bien, sans reproche, sans blasme, Il iure Dieu, donne au Diable son ame Qu'il ne m'a veu, qu'il ne sçait qui ie suis. Mais s'il aduient que ie rencontre à l'huis, Où i'entre, vn fou, vn prodigue, vn perdu, Soudain il m'a despandu & perdu: Perdu au ieu, despandu aux putains, Et nu dehors me boute de ses mains,

En un moment, qui est presque incroiable, Comment ie suis par l'esprit variable Des gens traité, qui maintenant me cachent, Et autrefois trop la bride me laschent, L'un qui m'amasse, & l'autre qui m'ayssille, L'un qui me donne, & l'autre qui me pille, L'un qui m'emploie, & l'autre qui m'espargne, Et par un trou me met dedans l'espargne, L'autre, au rebours qui par un trou aussi Me despent tout, sans aucune mercy, Bref, l'un d'iceux, comme larron me pend A sa ceinture, & l'autre me despend, Et me respend, & quand suis respendu, Lors il le pend, s'il m'a tout despendu. Voila pourquoy chez autruy franchement le n'ose entrer sans sçauoir bien comment. CH. le t'en crois bien, car tu n'as peu en somme Iusques icy experimenter homme Qui sceut garder la mediocrité : Or suis-ie cil, qui, à la verité, Ayme espergner autant qu'homme qui soit, Et si despans, quant le temps le reçoit. Or donc alons tous deux en mon hostel, Tu ne trouuas iamais vn hoste tel: Monstrer t'y veux & à ma bonne femme, Et à mon fils vnique: par mon ame, Ie l'ayme tant qu'apres toy il n'est rien, Que i'ayme plus. AR. Certes ie t'en crois bien.

ACTE SECOND.

CARION.

He bons voisins, nos amis & comperes, Qui habitez en ces proches reperes, . Bons laboureurs, aimant peine & trauail, Qui auec nous, d'un ognon, & d'un ail Souvent mangez, venez & vous hastez, Marchez, courez, galopez & trotez, Il n'est pas temps, bonnes gens, à ceste heure De trop songer, l'occasion est meure, Preste à cueillir, hastez vous de la prendre. TROPPE. Me vois tu pas pieça les pieds estendre Tant que ie puis & qu'il est conuenable A gens si vieux? mais il n'est raisonnable Que tant ie coure, auant que bien i'entende Que veut Chremyl, & pour qui il me mande A si grand haste. CA. He dea? venez le voir, Si vous auez haste de le scauoir, Que n'oiez vous, ne le vous dis-ie pas Pieça, mais vous ne vous hastez d'un pas, Comme n'oians mot de ce que ie dis, Mon maistre mande, entendez vous mes dis, Si vous voulez viure ioieusement, Faisant grand chere en repos sans tourment, Tous deliurez de ceste vie amere, Peine, trauail, & de toute misere. TR. Et quel moyen y a il, & où prendre? CA. Escoutez bien, ie vous le veux aprendre, Il a trouué, pauures gens que vous estes, Vn bon vieillard qui s'en va à courbetes, Non le galop, ord, gras, vilain, crasseux, Pelé, tigneux, pouilleux, pourry, baueux,

Edenté: bref, comme ie crois, chatré.

Tr. Est il à poinct de tous poincts accoustré,
Le compagnon? ô le gentil thesor,
Que tu nous dis! ce n'est pas de fin or
Qu'il est tout comble, ains de sale & villaine
Ordure. Cr. Ouy, c'est une biere plaine
De tous les maux de facheuse vieillesse.

Tr. Et penses tu à te moquer sans cesse
ley de nous, que tu t'en voise ainsi,
Moy en ma main tenant ce baston cy?
Cr. Et vous aussi, pensez vous que ie soye
Ainsi moqueur, & digne qu'on ne croie
Rien que ie disse? Tr. O que tu sçais bien saire
De l'honneste homme! il est de bon affaire.

[QVATRAIN.]

Aux pp. 42-44 de: Recueil de bons mots des Anciens & des Modernes. Paris, Medard Brunet, 1709. — In-12. (Bibl. nat., Z 18080.)

Ronsard qui passoit pour le Prince des Poëtes François de son temps, sut un jour invité à diner avec quelques-uns de ses amis, en la maison d'un Tresorier qui l'avoit fait bâtir tout nouvellement auprès de Paris... Après le repas, M. le Tresorier sit voir à ses hotes tout ce qui étoit particulier & de plus rare en son nouveau bâtiment. Entre autres raretez, il leur montra le grand portail... au dessus duquel... il n'y avoit point d'inscription. Ceux de la compagnie... supplierent Ronsard... de faire quelques vers pour remplir le vuide de ce marbre. Ronsard s'en excusa... A la fin, à force d'importunité, tant du tresorier que de ses amis, & étant prest à monter à cheval, il... écrivit ce quatrain:

Pour avoir en mon temps sçeu prendre J'ay fait bátir cette maison, Mais si l'on m'eût fait raison (sic) Dés long-temps on m'auroit fait pendre.

RONSARD AV ROY CHARLES IXº.

1573.

(Bibl. nat., ms. fr. 10304, p. 356.)

Roy, le meilleur des Rois, Race du Ciel tirée, Depuis dix ans cent fois l'ay la mort desirée. l'ay voulu m'en aller Du lieu de ma naissance, Pour n'ouir plus parler Des affaires de France. Des grandz iufqu'aux petis Tout a perdu la honte, Tout va de pis en pis Et si n'en faites conte. l'ay veu le sceptre à bas, La Iustice effrontée, Honnis vos grandz Estatz, Vostre ordre valletée, Les poltrons guerdonnés Des plus dignes offices, Et aux femmes donnés Les meilleurs benefices, Vn conseil diuisé Bigarré de menée, Le Prince mesprisé Par la tourbe effrenée, La prestrise en son bien Souffrir mille dommages, L'auare Italien S'engraisser de truages,

De guerre ni de paix N'auoir experience, N'aller point au palais, Ne donner audience. Le François estrangé

Son Prince ne gouuerne : Quatre ou cinq ont mangé Le meilleur de l'espargne.

On deuise d'abbois,

De meutes, & de chasse,

Tandis le Rochelois

Dessous main nous menace.

l'ay veu trop de massons Bastir les Tuilleries, Et en trop de façons Faire les mommeries.

Dames & Cardinaux

Menent trop de bagages:

Ilz ont trop de cheuaux

Oui mangent les villages.

Un mangent les villages.

Ilz ne font qu'empescher:

La Cour en est trop pleine:

L'vn deust aller prescher,

L'autre filer sa laine.

Telle humeur a gasté La France deprauée : Mais vostre Maiesté La peut rendre sauuée.

Rompez vostre sommeil,
Ouand l'affaire est extresme:
Et allez au Conseil,
Sans procureur, vous-mesme.
Escoutez vn chascun:

D'ouir ne soyez chiche,

Soyez pere commun Au pauure comme au riche. Le Roy est un Estat Que le peuple conseille : Ne Soyez donc ingrat De luy prester l'oreille. Il faut aller souuent, Au lieu de la Iustice, Du luge deceuant Chastier la malice. Les Offices Royaux Ne se doinent point vendre, Les seruiteurs loyaux Doiuent ce bien attendre. Il ne faut point piller De Christ le patrimoine, Ny du sien despouiller Le prestre ny le moine. De vostre Cour le train Rongnez & les bombances, Et serrez bien le frain A vos courtes finances. Payez ce qui est deu : Que le sceptre on degaige : Viuez apres de peu, Bon pere de mesnage. Chassez moy tant de chiens Qui sans proffit dependent, Et ces Italiens Qui la France gourmandent. Monstrez vous plus aimé Que redoutable Prince, Et d'un camp bien armé

Tournez vostre Prouince.

Soyez d'esprit soudain A lire les histoires : Tousiours de vostre main Despechez vos memoires.

Vers les hommes guerriers
Vostre bourse soit preste:
Sont ceux qui les lauriers
Mettent sur vostre teste.

Confeillez vous aux vieux, Ilz ont l'aage discrette. Le'poil grison vaut mieux Que la barbe solette.

De Dieu tenez le lieu:
Honorez vostre mere.
Du Prince qui craint Dieu
Le Royaume prospere.

Ic ne veux par escrit Vous estre plus moleste : Vostre Royal Esprit Comprendra bien le reste.

Le Romain nompareil
Veit perdre ses Prouinces
Par le mauuais conseil
De deux ou de trois Princes:

Il se vid abbatu, Tombé du mieux au pire : De Traian la vertu Refist florir l'Empire.

Vous romprez comme luy
Tous vos destins contraires
Si Roy des auiourd'huy
Vous vacquez aux assaires.

[SVR VNE MEDAILLE D'ANTINOVS.]

(Bibl. nat., ms. fr. 1662, ft 12 ro.)

Subiect du Discours qui sensuit.

L'an 1580 vn certain personnage ami de Ronsard lui donna vne medaille d'Antinous Mignon d'Adrian, à l'exemple duquel le Roi auoit fait esseure des statues à ses Mignons. Sur quoi Ronsard prist argument de composer le discours qui sensuit, tellement desguisé toutes sois qu'il ni auoit que celui auquel il le donna qui congneust le sens caché soubz l'escorce.

Contemplant l'autre iour un amas de Medailles Oue la terre couvoit au cœur de ses entrailles, De laquelle en fouillant & le ventre & les reins, Les auares sappeurs ont enrichi leurs mains, Les unes par le temps desia toutes mangées, Les autres non du tout mais à demi rongées, Frustes, vaines, sans marque, & les autres auoient Des corps assez entiers, en leurs formes viuoient : Le destin promettant qu'apres longues Années Des vieux siecles passez iusqu'à nous retournées, La terre s'ouuriroit, & seroient redonnés Tant d'empereurs au jour, de Lauriers couronnés, Pour reuiure en leur mort & reuoir comme en Nues Les terres qu'autrefois leur sceptre auoit tenues : Le ciel se roulle ainsi : toute chose a son tour, La mort apres la vie, la nuiet apres le iour : l'admirois de Cæsar l'image venerable, Et celui de Pompée au destin miserable, Celui du grand Auguste, à qui les Cieux amis Auoient le gouvernail de ce monde promis, De Tibere banni rappelé d'auanture, Et de Caie qui fut le monstre de Nature, La medaille de Claude, & celle de Neron Qui fut neuf ans meschant, & cinq ans assez bon,

Et celle de Traian à la garbe espagnolle, Qui l'Empire empiré remist au Capitolle : Celle d'Antinous qu'en langage françois Pour le bien appeler on diroit l'Antinois, Des Graces l'ornement, de Venus la ceinture, Le compagnon d'Amour, le miroir de nature, Delice d'Adrian vertueux empereur, S'il n'eust souillé son nom d'une si ieune erreur. Cest Antinois estoit Bitinien de race. Comme une belle Aurore estoit belle sa face, Tout son corps resembloit aux fleurs du renouneau Ou à quelque Adonis pourtraiet en un tableau. De ses cheueux crespés la teste bien pignée, D'un zephire amoureux tantost accompagnée, Se iouoit sur son corps, tantost ointe d'odeurs Flottoit dessus son front enuironné de fleurs. Ses sourcils estoient bruns, bruns ses yeux, & sa veue Estoit de tant de traits & de grace pourueue Que l'empereur sentoit, en sentant son regard, Lui tomber dans le cœur la pointe d'un poignard. Il aimoit cest enfant d'une amitié si forte Que des le point du iour où l'Aube ouure sa porte Au Soleil iusqu'à l'heure où s'embrunit le soir, Il ne saouloit son cœur ni ses yeux de le voir, Et comme tout raui, sans bouger d'une place, Tousiours le regardoit & pendoit de sa face. Apres qu'il eut long temps des beaux traits de ses yeux Emporté, Maistre des cœurs des hommes & des Dieux, La fieure ha! doucement, fieure trop rigoureuze, Admirant cest ephebe en deuint amoureuze. Elle entra dans son Corps, le serra, l'embrassa Et lui baisant le sang tellement le sucça Qu'il mourut par les mains de sa cruelle Amie. Son teint prit la couleur d'une rose blesmie,

Malheureux iouuenceau ingratement aimé, Comme un chesne aux torests d'un lierre enfermé, Qui si fort en ses neuds l'entortille & le serre Qu'à la fin, mort & seq, trebuche contre Terre. L'Empereur, quoique grand & constant au malheur, D'impatience atteint, se pasme de douleur, Regrettant sa moitié, dont l'ardante Cyprine Lui auoit ataché l'Image en sa poitrine. Or ne pouuant changer ceste ardente poison, L'amour apres sa mort ne perdit la saison, Mais se renouvellant par son propre dommage, L'absence & le regret l'irrita dauantage. Il le fist enroller au ranc des Immortels, Il lui bastit un temple & dressa des Autels Lui dediant encens, festes & sacerdotes, Où le Nil amoureux rend fertilles les mottes De l'Egipte, à l'endroit que le bord Memphien Entend crier Anube en la forme d'un chien. Il lui fist esteuer une blanche statue De marbre Parien, qui toute ieune & nue Monstre encor aujourdhui forçant les siecles vieux, Combien il eust d'amour & de graces aux ieux. Pour alonger long temps sa courte destinée, Il changea le vieil nom de la ville Antinée Et la fit apeler du nom du Iouuenceau, A fin que sa beauté mesprisant le tombeau Fust d'honneur & de nom iouissante & fertille, Par Temples, par Autels, & par surnom de ville. Tu pourras voir, Lecteur, en voiant cest escript, Que toute amour poignante aueugle nostre esprit, Ainsi que par le sens quelque fois nous fait croire Q'une corne de buffle est une dent d'inoire.

RONSARD.

TROIS SONNETS DE RONSARD.

(Bibl. nat., ms. fr. 1662, fts 13 v° et 14 r".)

ī

Il me desplaist beaucoup q'une nouuelle meche
Offusque le stambeau du naturel amour.
Ie m'atriste d'ouir ce qu'on dit de la Cour,
Mon visage d'ennui s'eniaunit & desseche.
Le Roi, comme lon dit, accole, baise & lesche
De ses poupins Mignons le teint frais nuit & iour.
Eux, pour auoir argent, lui prestent tour à tour
Leurs fessiers rebondis & endurent la bresche.
Ces lucs deuenus nocs engousfrent plus de biens
Que le Goulfre de Scylle hai des anciens,
Et auroit mieux valu pour le bien de la France
Qu'Henri second du nom à qui ie sus donné,
Bien qu'il desplaise aux Dieux, eut les lucs bouquiné

2.

Que de faire un Neron de sa propre semence.

Foutés bouches, lucs, nocs, & d'une main lubrique
Donnez vous de Venus le sauoureux plaisir:
Aueques vos Mignons consommés le loisir
Qui est deu selon droit à la chose publique.
Tandis que vous branlés sans faire sang la pique
Et que des voluptez se paist vostre desir,
Vostre couronne chet & lon s'en veut saisir
Par ruses & acords que l'estranger pratique.
Ie sçai que vous dirés que le grand lupiter
Ne sait rien dans le Ciel, que lucs & nocs fouter,
Et que pour tout cela il ne pert la couronne:

Il est plus fort là haut que vous n'estes ici : Il a des fils vaillans, vous n'estes pas ainsi : Vostre semence chet en terre qui n'est bonne.

A Dieu, nocs rondelets, corralines fossettes, L'entretien de nature & de tout l'uniuers. A Dieu, antres velus plains de plaisirs diuers, Fontaines de Nectar, marbrines motelettes. Ores en vostre lieu sont les fesses molettes Et les lucs blancs de chair, de tout poil descouuers. Les lucs plus que les nocs sont maintenant ouverts: Les Mignons de la Cour i mettent leurs lancettes. Le Roi ne m'aime point pour estre trop barbu: Il aime à semencer le champ qui n'est herbu Et comme le castor cheuaucher le derriere : Lors qu'il foute les lucs qui sont nocs estrecis Il tient du naturel de ceux de Medicis, Et prenant le deuant il imite son pere.

[QVATRAIN.]

(Bibl. nat., ms. fr. 1662, ft 26 vo.)

Trois Poetes enuieux de l'excellent ouurage de la Sepmaine du Bartas firent les quatrains suiuants. [Le premier, que nous citons, est attribué à Ronsard, comme l'indique la note qui l'accompagne.]

Bartas voulant desbrouiller l'uniuers Et luy donner vne meilleure forme Luy mesme a faict un grand cahos de vers Qui plus que l'autre est confus & difforme.

Ronfard, lequel toutefois parlant de l'œuure de ce poete dit vn iour : Ie crains que Bartas aura plus faict en vne sepmaine que ie n'ay faict en toute ma vie. [Viennent ensuite un quatrain de Baïf et un de Du Perron.]

STANCES DE RONSARD pour la fontaine du Gast pres Rebondais.

(Bibl. nat., ms. fr. 1662, ft 30 ro.)

le voudrois que Bacchus t'aimast, Fontaine à la bruiante course Afin qu'en vin il transformast Pour ceux de Chemillé ta source. Les hommes du sec Chemillé Sont altairés comme leurs plaines, Mais quand leur gosier est mouillé Ils chantent clair comme sereines : Telmoing en est ce lieu icy Où bien (ouuent ils viennent boire Pour chasser au vent leur soucy Et l'arracher de leur memoire. L'homme trop sobre ne vit pas, Luy mesme en viuant il s'ennuye: La Dance, le Vin, le Repas Sont les Instrumens de la vie.

RONSARD.

A MONSIEVR DE VILLEROY.

(Bibl. nat., ms. fr. 1663, ft 14 v°.)

Pour aborder une iste plantureuse, L'honneur de Seine & de vostre maison, En fruiëts, en sleurs, pour si belle saison, Et pour tousiours en seigneur bienheureuse, Vous mesme auez, de main auantureuse, Pris l'auiron de si gente saçon Que lon a veu la grace & la raison
D'ung corps adroict, d'une ame genereuse:
Et qui plus est vostre main a sentie
L'aigre douleur d'une poignante ortie,
Avant qu'entrer en si belle demeure.
Ainsi, Monsieur, vostre exemple rameine,
Quoyque bien grand, qu'il sault se donner peine
Pour la vertu & la vye meilleure.

A Conflans, le viij feptembre 1570.

EPITAPHE

de feu Monst de l'Aubespine.

[En marge: RONSARD.]

(Bibl. nat., ms. fr. 1663, ft 15 ro.)

Tout ce que France auoit de beau,
Tout cela que pouvoit Nature,
Repose en ceste sepulture.
Marbre n'y soit pour couverture,
Mais bien qu'on luy face vng tombeau
De roses dont la steur ne dure
Qu'vng moys ou deux au temps nouveau,
Semblables à ce iouvenceau
A qui la Parcque, helas trop dure,
N'a presté que vingt ans l'osure
De la vie, quand le bateau
De Caron qui des biens n'a cure
De Stix luy sist traverser l'eau,
Entournant d'une nuict obscure
Son corps pareil au renouveau.

SONET.

A Monfeigneur de Carnauallet.

(Bibl. nat., ms. fr. 1663, ft 50 ro.)

Sage Carnauallet, ie sçay bien que la France Te doibt le premier heur de ce Prince guerrier Sur qui tu as enté ce verdoyant laurier D'où sortent les beaux fruichts de ta grande prudence.

Ie sçay que tu cheris Bellone & la science Et que tu te les sçais dextrement alier, Et sçay que tu cheris ceulx qui sçauent lier La trame de leurs vers au droict fil de ta lance.

Ie sçay que les vertuz, les graces & l'honneur Et le bon œil des roys accompaignent ton heur, Seul digne de tenir ceste place honorable:

Mais ce qu'il fault priser entre l'ung de tes faicitz Secondant les plus beaux, c'est qu'auiourdhuy tu faiz Le torrent de la Court aux muses nauigable.

SVR LES RIMES DE MENESTRIER.

(Bibl. nat., ms. fr. 1663, ft 50 v°.)

Ronfard.

Menestrier, qui veulx promptement Auoir en nostre art quelque estime, Pour bien faire sonner ta Ryme, Accoustre mieux ton instrument.

(ft 51 r°)

Ronfard.

Desportes, corrige tes vers, Ou les tournes mieux sur la presse, Ou lon dira que la tristesse T'a tourné le sens de trauers.

ELEGIE.

[En marge: RONSARD.]
(Bibl. nat., ms. fr. 1663, ft 106 r°.)

Ainsi qu'on voict la vefue tourterelle Aux plus beaux mois de la saison nouvelle, De bois en bois, de buisson en buisson, Tenir seullette une trifte chanson, Et tellement le soucy l'accompaigne Pour le regret de sa chere Compaigne, Que du Printemps les amoureux presens Ne luy sont plus gratieux ny plaisans, Herbes, ruisseaux, fleurettes ny verdure, Mais lamentant d'ung enroué murmure Remplist les boys & les champs d'alentour, Se complaignant de fortune & d'amour : Au poinct du iour quand le soleil s'esueille Et quand la nuict soubz les eaux il sommeille, Et à midy quand l'extreme chaleur Faict perdre aux fleurs & puissance & coulleur, Sur l'arbre sec en tout temps, à toute heure, Sans reconfort sa compaigne elle pleure Qu'ung oyseleur en la prime saison A prise aux retz pour la mettre en prison, Et la tient serue en l'obscur d'une cage Loing de ruisseaux, de fleurs & de bocage. Plus nous n'irons, ce dict ce triste oyseau, Comme soulions au temps du renouueau, Nous promener par la verte prairie, Ny sur les bords d'une riue fleurie, Ny par les boys de feuilles herissez, Par les ruisseaux de mousse tapissez Où le grauois cacquetant se promeine Roullé des flotz d'une claire fontaine.

Tout me desplaist. Le verd ne m'est plus verd, De noir obscur le Printemps s'est couuert. Toutes les fleurs de doulleurs sont atteinctes Et les ruisseaux s'accordent à mes plaintes. Depuis le iour que tu partys d'icy Tout s'est changé en larmes & soucy, Tout s'est noircy d'une doulleur extresme Et rien ne vit sinon la doulleur mesme. Le iour m'est nuiet, la nuiet me semble iour, Et par les boys ne regne plus Amour. Helas ie meurs. le debuois estre prise Le me me iour que perdiz ta franchise, Car aussi bien ie ne viz plus en moy : O! si i'estois prisonniere auec toy, A tout le moins prisonnieres ensemble Tous deux viurions. Et le dueil qui me semble Plus dur que mort loing de mon amitié Seroit plus doux porté par la moictié. Ainsi se plaint d'une longue querelle Par les forests la vefue Tourterelle, Et ie vous plains de perdre promptement Celle qui est vostre contentement, Ains vostre tout. Car par amour commune N'auez qu'un cœur & n'auez ame qu'une. Ainsi viuant tous les deux en commun Par le penser voz deux corps ne sont qu'un, Et le penser tellement vous compose Que voz deux corps n'est qu'une mesme chose. Le trifte iour qu'il fauldra desloger, Le Ciel vouldra [a lumiere changer Pour ne veoir poinct voz larmes amoureuses Et pour n'ouyr voz plainctes douloureuzes. Vous feriez fendre ung rocher endurcy, Disant l'adieu que vous direz ainsi :

Chere Compaigne, ainçois ma chere vye, Mon fang, mon cour, quelle cruelle enuye En m'estoignant me separe de vous Et du lien qui nous estoit si doulx, Ne plus ne moins que si quelques tenailles En me forçant me tiroient les antrailles, Foye, poulmons, sang, arteres & cœur, Et me laissoient tout le corps sans vigueur. le ne vy plus, ie ne suis qu'une mace, Mace de plomb, la charge d'une place, Sans rien sentir, car mon seul mouuement S'est refroidy par ce departement. Adieu, pensées, adieu, doulces parolles, Adieu, discours. Helas, Amour, tu volles Plustost que moy : tu t'en vays, & ne puis Suiure ton vol tant debile ie suis. Las, arrestée en paines si cruelles l'ay par le hault pour m'enuoler des aesles Et par le bas du plomb qui me retient. Le souvenir seullement me soubtient. En quelque part que tu ailles, amie, Tu ne m'as pas doubteuse ny demie, Mais toute entiere, & si pourray passer Si longs chemins par le bien du penser, Et le vaincueur qui vous tire par force N'aura sans plus que le corps & l'escorce, La bouche froide & le bien froid baiser, Charbon sans feu : car l'amoureux braiser, Ieux & plaisir, parolles & delices Feront tousiours entre nous leurs offices Par le penser. Et le penser vault mieux Qu'vng corps pesant de soy mesme otieux. Ainsi les Dieux qui n'ont que les pensées Ne peuuent veoir leurs ioyes offencées.

Le corps n'est rien qu'ung fardeau sommeilleux, L'esprit est vif, actif & genereux. En vous perdant ie n'ay plus de puissance, En vous ie suis : vous estes mon essence, le viz en vous, ie ne viz plus en moy, Vous estes tout mon bien & mon esmoy, Et nostre ame est en noz corps si enclose Si que deux corps n'est qu'vne mesme chose. Toutes les nuietz quand le soleil couchant Ira le iour soubz les ombres cachant. Vostre gentille & gratieuse image Viendra de nuict resiouyr mon courage, Et en despit des ombres & du vent Et du facheux, ie vous tiendray souuent Entre mes bras, prenant quelque alegeance En vostre vaine amoureuse semblance. Et si le vray ne se peult presenter Au moins le faux me pourra contenter. Or adieu donc. La greste & la tempeste Fouldres, esclairs puissent suiure la teste De ce fascheux qui vous tire si loing, Rochers, cailloux, les brigandz & le soing Soient à ses pieds, & toute chose dure, Pour me venger du tourment que i'endure, Affin, mon Cour, que puissiez reuenir Et que le corps perde le souvenir. Ainsi direz. Lors vous voyant pleureuse, Dolente, trifte, espamée, amoureuse, Et voz beaux yeux larmoyantz à l'escart, l'auray pitié non pas pour ce depart

I'auray pitié non pas pour ce depart
Ny pour l'adieu qui vous rauira l'ame,
Mais pour vous veoir en tristesse, madame,
Seulle, pensiue & ne pensant plus rien
Que de songer au bien qui n'est pas bien

Et qui s'enfuit vers les Alpes chenues Ainsi qu'au vent le long troupeau des nues. le vouldrois bien d'ung traict delicieux Boire vng petit des larmes de voz yeux, Qui descendront par vostre belle face, Et respirant en mon cœur faire place A voz souspirs parmy l'air espanduz. Quand ils servient dedans moy descenduz, A tout le moins maugré vous conuertie l'aurois de vous quelque doulce partie, Et telle part à la fin tant vauldroit Que tout l'entier par le temps y viendroit. Pour acheuer, affin que ie me plaigne, Perdant, madame, one chere compaigne, Vous acquerrez s'il vous plaist ung seruant Qui sera vostre, & qui en poursuiuant Vostre amitié par une amour non feincle, Allegera vostre triste complainte.

A FRERE ANDRE THEVET

Angoulmois qui auoit la verolle.

(Bibl. nat., ms. fr. 1663, ft 111 v°.)

Theuet auoit bien frequenté Aultrefoys en la Barbarie, Où les grandes chaleurs d'esté Rendent la terre mal nourrie: Il auoit bien veu la Sirie Et le peuple au cueur indonté Des Parthes & de l'Armenie. Mais il n'auoit iamais esté Que depuis six iours en Surye. Et dict on que depuis nagueres,

Dont ses voisins sont esbahys, Il a veu le duc de Bauieres, Pour mieux descrire tout pais.

RONSARD.

DV GREC.

(Bibl. nat., ms. fr. 1663, ft 112 ro.)

Bonhomme, si tu pers les yeux Pourtant n'en trouble point ton ame. Plustost va rendre grace aux dieus, Car tu ne verras plus de semme.

AV ROY, SVR SA DEVISE.

EPIGRAMME.

A la dernière page d'un livre d'heures manuscrit ayant appartenu à Catherine de Médicis et à Charles IX. (Bibliothèque de la Haye.)

Sire, la Pieté est aussy la Iustice, Ce sont les deux appuys de vostre Maiesté : La Iustice punit des iniques le vice, La Pieté de Dieu maintient l'autorité.

LE CHARON.

Sur la victoire obtenue contre les rebelles par Mgr le Duc d'Anjou, près de Montcontour, le 3° d'Octobre 1569.

(Recueil manuscrit de J. de Pyochet, seigneur de Sallin, d'après Blanchemain, *Poètes et amoureuses*, Paris, Léon Willem, 1877, tome I, pp. 106-115.)

Ouand les mutins tombés dessus la poudre, Comme sapins accablez de la foudre, Furent contraincts d'abandonner le iour Et d'enuoyer leurs ames au seiour Perpetuel de l'Abisme profonde, Que tient Pluton l'heritier de ce monde, Le vieil Charon, qui tant d'esprits passa, Deuers le soir ennuyé se lassa, Et, en laissant sa barque toute oysine Flotter sur l'eau, se coucha sur la riue Dessus son coude, & regardoit les morts Qui ià passez fourmilloient à ses bords. A cest haut bruit, l'ame qui fut hostesse Du prince mort, vint voir si grande presse Et, remarquant la figure des siens Palles d'effroy, sur les bords Stygiens, Qui mainte playe auoient en tesmoignage Et de leur fuite & de leur froid courage, D'un wil piteux, semblant de tout transy, Tremblant comme eux leur demandoit ainst:

Dites, soldats, à qui, durant ma vie, l'ai commandé, quant, tout piqué d'enuie, l'armois sous moy les princes aux combats, Enflé d'espoir, que faictes-vous çà bas? Qui vous conduit? Dites moy vostre peine, Vostre fortune & le sort qui vous meine? Depuis le iour qu'estendu...

(Manquent plusieurs vers.) Vng qui auoit la honte sur le front, La larme à l'œil, (oupirant, lui respond : Prince, qui fus iadis nostre esperance, Nous te dirons des nouuelles de France. Depuis le temps que par arrest fatal Tu brunchas mort, ce mutin Admiral, Ce Chastillon, qui a la renommée Conduire mieux de voleurs une armée, D'un cœur de cerf & courage couhard Bien qu'il soit fin, cauteleux & plein d'art, Seul nous guida & se fit capitaine D'une commune au combat incertaine. Ce Chastillon, enflé de vain espoir, Ou par orgueil, par fraude, ou pour se veoir Estre le chef de si puissantes bandes, Ne conceut rien sinon que choses grandes, Et de donner, comme superbe roy, A la Guyenne une nouuelle loy. Pource il arma ses troupes hazardeuses, Prit les citez & les villes paoureuses, Espouuanta le peuple, & ne restoit De la Guyenne où vainqueur il estoit, Sinon Poitiers, qui braue luy fist teste, Et luy borna son heureuse conqueste, Par le moyen des deux princes Lorrains, A qui Dieu mist à la teste & aux mains Vn bon aduis de garder ceste place. Là se rompit le bonheur & l'audace

De Coligny, que le bonheur laissa. De ceste ville aux aultres il passa, Aprez auoir battu en maintes (ortes De ce Poitiers les defenses peu tortes, Et fait creuer ses canons à l'entour. Se despitant de si honteux seiour, Desesperé de forcer la muraille, Leue le siege & presente bataille. Mais comme on veoit que le coup d'un canon Se perd en terre & n'offense sinon Ce qui est dur, ainsi son entreprise Vint (ans effet. Monsieur qui temporise, En flechissant lui rompit sa fureur, Silla ses yeux & le remplit d'erreur. Finablement le desir qui nous meine Et qui commande à toute chose humaine, Espoinçonna ce Chastillon si fort Qu'il nous mena au lieu de nostre mort. Pres Montcontour gift vne grand campaigne Que nostre sang en abondance baigne. Là les deux camps herissez de harnois, De pistollets, de piques, de longs bois, Se menaçant l'un à l'autre s'affronte. Icy l'horreur, icy la rouge honte Frappe leurs cœurs & leur fait acquerir Vn haut desir de vaincre ou de perir. D'un pas rangé les soldats s'entresuivent, Comme les flots de la mer, qui arrivent Contre les bords : le premier va deuant Et le second le premier va suiuant. D'un ordre egal ainsi, tout en furie, Marchoit en rang toute l'infanterie. Ceux qui pressoient l'echine des coursiers Flambants de fer, de mailles & d'aciers,

Tout animez de force & de vaillance. Ferme en l'arrest tenant leur forte lance, Serrez en ordre, ainsi comme es torests On veoit serrez les arbres de bien prez. S'entrechoquants d'une importune presse. D'une autre part la Germaine ieunesse, Les Reistres fiers & maistres & vallets, Enorqueillis de tant de pistollets, Donnant le feu à la poudre en ouffrée, De flamme espoisse allument la contrée, Et çà & là, d'un grand & large tour, Faisoient paroir un iour contre le iour. Les tambourins, les phifres qui resonnent, Les estendars, en qui les vents s'entonnent A plis menus, & le bruit des cheuaux Oui hannissoient de sons aigus & haults Et de maint pied la campagne battue, Faisoient un bruit. La poussière menue S'enuole en l'air : le soin d'estre vainqueur De l'un & l'autre enflammoient tout le cœur. Comme taureaux les camps s'entrechoquerent: Desfous les coups les armures craquerent...

Dessous un seu tout obscur de sumée
Luisoit la plaine en cent lieux allumée:
Ils s'accabloient & meurtrissoient de coups.
L'un contre l'autre acharnés comme loups,
De pieds, de corps, de iambes & de teste,
Se vont heurtants: touiours la main est preste
De faire playe & n'a point de repos.
Dessous les coups les muscles & les os
Font un grand bruit, & comme les sontaines
laillisent l'eau, le sang saute des veines.
La plaine est rouge, & de membres armez

De tous costez les gueretz sont semez. Aulcune fois l'un auoit la victoire : Aulcune fois l'autre l'auoit. La gloire Estoit esgale & le dompteur meschet Pendoit pareil sur l'on & l'autre chef. Quand le Demon qui à Charles preside Et qui seruoit à son frere de guide, S'arma (ur nous fier, superbe, felon, Chassant du camp celuy de Chastillon, Qui du plus fort redoutant la menace Se sauue en l'air & luy quitte la place, A son partir nous desrobant le cœur, L'horreur, l'effroy, la vengeance & la peur Logent chez nous : & eusmes l'ame attainele De ie ne scay quelle inuincible crainte, Qui de nos rangs nous fist desassembler, Et tout le corps comme feuilles trembler. Lors Chastillon, qui servoit de conduite A nostre camp, tourna le dos en fuite, Et s'enfuyant, plein de honte & d'ennuy, Fist tous nos chefs s'enfuir auecques luy. Hors du combat les Reistres s'en allerent Et les François huguenots s'ebranlerent Loing de la presse, & sans ayde ou confort Nos cheualiers nous laissent à la mort. Incontinent la tempeste royale Nous accabla. Sa force estoit egale A ce grand feu qui embrase les champs. De tous costez les forts glaines tranchants Frappoient sur nous, qui plus menu que sable Nous firent choir vne troupe innombrable. Autant qu'on veoit d'herbes dedans les prez, Autant qu'on veoit des hauts chesnes sacrez, Tumber en bas des feuilles en automne,

Ouand la chaleur les arbres abandonne : Autant de corps à bas sommes brunchés, Autant de tests & de cerueaux tranchés, D'horribles coups, de playes effroyables. Ces vieux Rolands, aux guerres redoutables, Et ces Renauds, en leur plus grand courroux, Par leurs combats nous firent ces grands coups. Or maintenant dessus la pierre dure, Helas! priuez d'honneur de sepulture, Nous gisons nuds & tout blancs estendus, D'un ordre long sur la terre espandus, Ainst qu'on veoit blanchir par la nuittée D'un long chemin la saintiere quittée : Et maudissons celuy qui de nos roys Nous a soustraits, celuy qui quatre foys S'est echappé des batailles données, Ame couharde & que les destinées Ont en horreur : qui reculant tousiours, Sans nous donner ny aide ny secours, Sauue sa vie & s'enfuit de la presse Et de Pluton la victime nous laisse.

A tant Charon, d'une cholere espris, D'ouyr iaser si longtemps ces esprits, Qui remplissoient d'un importun langage Trop longuement sa barque & son rivage, Pour empescher le cours de leur parler, Frappa desTus & les en fit aller.

CHANSON

faicte par Lancelot Carles, euefque de Riez, contre les docteurs & ministres affemblés à Poiffy, 1561. Ronfard & Baïf y ont auffy befogné.

(Bibl. nat., ms. fr. 1662, ft 27 vo.)

On trouve ainsi que de Besze & Despence De bien aimer n'ont faict nulle deffense, Surquoy Maillard par instante priere Veut qu'à luy seul on garde le derriere : Marlorat fait une grande complainte Des courtisans qui n'aiment point sans fainte, Et le Minime en ses sermons nous preuue Qu'il n'est amour que d'une femme veufue. Le gros & gras Hugonis de Sorbonne Dit que l'amour est une chose bonne: Paroceli raconte en son lon presche Que de l'amour vn chacun s'en empesche. Le Carme aussy a dit à bouche ouverte Qu'il faut aimer (ans estre descouuerte : Et Malo dict que practique amoureuse Aux biens viuans est une chose heureuse. Pierre Martir nous a dict que Sainct Pierre Les amoureux en Paradis enserre: De Xaincte apres à chacun faict cognoistre, Qu'il se fait bon aux bonnes aparoistre. La Saule a dict, preschant l'autre dimanche, Que pour l'amour il n'est que dame blanche : Et Salignac dict en langue Ebraique Que sans amour se perd la respublique.

Valance apres toute amour trouve bonne Si en aimant point d'argent on ne donne : Puis on apprend du curé Sainct Eustache Oue l'amour garde un chacun d'estre lasche : Et là dessus a presché La Riviere Oue pour la dame on prend la chambriere : Et Surius, exper en Theologie, A dit : Fuiés toute dame Marie! Et puis Postel, alleguant dame leanne, Dit au'en aimant iamais on ne se damne. D'Espine dit qu'vne belle poupine Vaut beaucoup mieux que dans le pied l'espine. Le petit Carme, auec que la marmite, Ne trouua ong vne veufue despite: Et Virel veut que les feuillets on vire Du calendrier par lequel on souspire: Et le legat par sa bulle dispense Que sans argent un chacun aime en France : Le Pape aussy, qui est le Dieu de Rome, Pour bien aimer il dict qu'il ne craind homme : Et puis Caluin dit, concluant l'affaire, Qu'en bien aimant l'on peut à Dieu complaire.



PRIERE A DIEV

faicte par Monsieur de Ronsard estant malade.

A la fin de: Ponti Thyardei Bissiani ad Petrum Ronsardum De celestibus asserismis Poematium. Gallicis versibus expressum ab Ant. Bletonnieree. Paristis, apud Ioannem Richerium, 1586. — In-4°. (Bibl. de la ville du Mans, B. L., n° 1324.)

Dieu, vray Dieu, & Seigneur de nous pauures humains, Dieu qui nous baillas être, & nous fis de tes mains, Dieu, Dieu qui es seul Dieu, Dieu de qui la facture C'est la Terre & le Ciel, c'est toute creature, C'est tout, tout ce qui est, & tout ce qui sera, Lors qu'il faudra qu'il soit, lors ta main le fera : Dieu, qui de tous nos faits comme il te plaist disposes, Dieu, qui d'un seul clin d'ail peux faire toutes choses, Dieu, sans qui, ni le Ciel, ni l'homme terrien, N'ici bas, ne là haut, n'ont puissance de rien, Dieu, que seul Dieu ie tien, Dieu en qui seul i'espere, Dieu que ie recognoi pour mon Seigneur & pere, Dieu, mon Roy, Dieu mon tout, Dieu en qui i'ay ma foy, Dieu en qui ie m'atten, Dieu en qui seul ie croy, Las mon Dieu, si tu vois qu'en toy ie me confie, Guery moy, & Seigneur, de ceste maladie : S'il est ainsi, mon Dieu, que ie n'aye attenté Autre moyen que toy pour r'auoir ma santé, Si ie n'ay point forgé dedans ma fantasie Mille Dieux abuseurs que peint la Poesse,

Si d'autre que de toy ie n'ai cherché secours, Si seulement à toy i'ay tousiours eu recours, Gueri moy, o Seigneur, & de ton Ciel m'enuoye Le iour tant desiré, que sain ie me reuoye.

Lors, mon Dieu, s'il te plait me remettre en fanti, Le bien que m'auras fait sera par moy chanté, Lors ayant dans le cœur emprainte la memoire Du bien qu'auray receu, i'exalterai ta gloire, Et par tout où i'iray, ie diray que c'est toy Qui seul m'as deliuré de la peine où i'estoy.





APPENDICE

aux pièces attribuées à Ronsard.

N. B. — D'autres pièces furent encore attribuées à Ronsard de 1618 à nos jours, mais il est certain qu'elles ne sont pas de lui. Pour éviter dorénavant de pareilles méprises, nous les rappelons par leur *incipit*, avec toutes les références désirables (surtout dans les Notes). Quatre seulement sont reproduites in extenso, à la suite, n'ayant encore été signalées dans aucune édition. — P. L.

Cabinet fatyrique ou Recueil parfaid des vers piquants & gaillards de ce temps. Paris, Aut. Estoc et P. Billaine, 1618.

Ce petit diable Dieu, ce Dieu fils de putain.

Quintessence satyrique ou Seconde partie du Parnasse des Poètes satyriques de nostre temps... Paris, Ant. de Sommaville, 1622.

En quelle nuict de ma lance d'iuoire.

Douce lancette à la couleur vermeille.

Touche de main mignonne, fretillarde.

Mélanges tirés d'une petite bibliothèque, ou Variétés littéraires et philosophiques, par Ch. Nodier. Paris, Grapelet, 1829, pp. 101-104.

Maugré l'enuy' ie suis du tout à elle.

Œuvres inédites de P. de Ronsard, recueillies et publices par Prosper Blanchemain. Paris, Aubry, 1855.

Lorsque ie vais reuoir ma diuine Marie.

Neuf Sonnets d'État.

Ne t'estonne, Bignet, si maintenant tu vois.

Vous ioués comme aux dés vostre couronne, Sire.

Les Rhenois sans pitié, grenouillans à la table.

Voions de nostre Estat l'inconstante maniere.

Ne peindés un leurier par les lieures chaffé.

Pourquoi dors-tu, mon Roi, si longtemps enchanté.

Ganimed's effrontés, impudique canaille.

Ils iront, non feront ces courtisans guerriers.

le me ri quand ie voi de ces ieunes guerriers.

Autres Pièces satiriques.

Sire, comme Quelus naguieres a esté.

Quatre Rois ont regné depuis ma congnoissance.

Est-ce exemple du Roi que de faire l'amour.

Si c'est Amour de viure comme beste.

Les Gayetez et Epigrammes de P. de Ronsard. Amsterdam (lisez Bruxelles), J. Gay, 1865.

Saint Luc, petit qu'il est, commande brauement.

Quand ce beau Maugeron print naissance icy bas.

Quelus n'entend pas la maniere.

Bidet, que l'orgueil ne vous pique.

le croi qu'il veut sçauoir que c'est de l'Euangile.

Ceux qui vont reuirant l'Euangile aueré.

Brissac aime tant l'artifice.

Œuvres de P. de Ronsard, éditions Blanchemain et Marty-Laveaux.

Catherine a regi la nauire de France.

Comme la Mascarade ou le tournoy poudreux.

Chacun cognoist ta grandeur & combien.

Qui suit d'amour les trauerses douteuses.

Extraits de l' « Inventaire des Objets d'art » trouvés en 1532 au château de Bury composant l'héritage de messire Florimond Robertet, secrétaire des finances de François Ier (chapitre d'un ouvrage sur Bury Rostaing, par Henri Chesneau, s. l. n. d., mais à la p. 231 on lit M.DCL; réimprimé dans les Mémoires des Antiquaires de France, tome XXX, début).

[On lit, au paragraphe des Belles figures de marbre blanc, ces lignes qu'aurait écrites de sa propre main la veuve de Fl. Robertet. Michelle Gaillard de Longjumeau, le 4 août 1532:]

Ptolemée Roy d'Egipte le plus instruit en l'astrologie... Ie ne veux pas manquer de mettre icy les vers que le jeune Gentilhomme Pierre Ronslard sit, il y a quelques iours, en considerant cette digne figure...

Pleust à Dieu que les Roys establissent les vogues, Qu'eux & leurs successeurs deuinssent Astrologues, Pour preuoir les desseins & les mauuais proiects Que les determinez font contre leurs suiects: Afin qu'en sçachant tout ainsi que Ptolemée, Rien ne nuisit aux biens ny à la Renommée.

Porcie. dame Romaine, s'éteignant la vie avec des charbons ardents... Aussi Ronsfard en a-t-il encores fait ces douze vers :

Porcie n'ayant plus son grand Caton d'Vtique, Ny son tres-cher Brutus,

Conclut resolument vne mort heroyque, Pour finir ses vertus.

Mon pere & mon mary, disoit-elle sans cesse,

Eurent l'esprit si fort,

Que ne pouuant se voir dans l'extresme foiblesse, Ils se mirent à mort.

Et moy tout ainst qu'eux ne pouuant pas permettre Que l'on me fit souffrir,

le preuins les rigueurs de l'on ou l'autre sceptre En me faisant mourir.

Finalement & triomphamment nottre beau grand David qui est au milieu de ce chasteau... Et faisons aussi beaucoup d'estat devers Italiens que Miquel Ange, statuaire de ce ches d'œuvre, sit grauer au pied d'estat, que le sçavant Ronssard a traduicts en ce sens:

Moy Dauid en moins de trois pas, Que ie fis deuant tout le monde, Je mis Golias au trespas D'un seul iuste coup de ma fronde, Et de ma harpe ie fis voir, Qu'auec la charmante Muzique L'on repousse tout le pouvoir De la ruse Diabolique. Huitain au-dessous d'un portrait de François I^{er}. (Bibl. nat., Estampes. Gouache encadrée dans le cabinet du conservateur. Cf. la gravure de ce portrait par P. Chenu, également aux Estampes de la Bibl. nat.)

Françoys en guerre est un Mars furieux, En paix Minerue, & Diane à la chasse : A bien parler Mercure copieux, A bien aymer uray Amour plein de grace. O France heureuse, honore donc la face De ton grand Roy qui surpasse Nature, Car l'honorant tu sers en mesme place Minerue, Mars, Diane, Amour, Mercure.



VERS LATINS





I.

IN P. RONSARDVM, Ranæ lemanicolæ coaxatio.

Dum bibis Aonios latices in vertice Pindi,
Ronfarde, vndenas dum quatis arte fides:
Vindocini ruris, grauibus, tua perfonat agros
Mufa modis, Phæbus quos velit effe fuos.
Aft vbi cura fuit præpingui abdomine ventrem,
Setigeræ latum reddere more fuis,
Illorum explefti numerum, qui funera curant,
Qui referunt fucos, funt operumque rudes.
Exin Miffæ agitas numeros: at tempore ab illo,
Non tua Mufa canit, fed tua Miffa canit.

P. RONSARDI RESPONSVM.

Non mea Musa canit, canit hæc oracula vatis
Patmicolæ ranis Musa Lemanicolis,
Obscænas fore tres fædo cum corpore ranas,
Immundos potius Dæmonas aut totidem.
Semper in ore sui qui stantes Pseudoprophetæ
Inque Deum, inque pios verba profana crepent.
Vera fides vati, tu rana es tribus vna,
Altera Caluinus, tertia Beza tuus.

Beza ferens veteris Theodori nomen, eandem Deque Deo mentem, quam Theodorus, habens. Talibus o ranis raucissima de tribus illa, Quæ me, qua superos, garrulitate petis: Aonios non tu latices in vertice Pindi, Sed bibis impuros, stagna Sabauda, lacus. Nec cum pura nitet, sed cum niue turbida mixta, Et glacie fusa montibus unda fluit. Inde gelata viam vocis, tumefactaque fauces Digna coaxasti carmina vate suo. In quibus, vt decuit gibbo (o gutture monstrum, Non nisi ranalis vox strepit vlla tibi. Nam quod Mula virûm doctorum voce vocatur, Id nunc Missa tibi vox inamena sonat. Non nisi rana queat sacra sic corrumpere verba: Sibila rana fera est, sibila verba crepas. I nunc, & patriis interstrepe viua lacunis, Inque pios homines quidlibet, inque Deum. Mortua dum, pacem ne turbes rana piorum Nigra, lacu Stygio, vel Phlegetonte nates. Donec in ardenti, caulam raucedinis, vnda Excutias frigus, quo tua Musa riget.

П.

AD CAROLVM LOTHARINGVM.

Carole, Ronfardum sine vincere, victus ab illo Post tua victurus fata superstes eris. III.

AD CAROLVM AGENOREVM,

Episcopum Cenomanensem, Epigramma.

Materiam vellem meliorem fata dedissent Spectandi egregios marte vel arte viros, Quam nuper Gallis loue quam damnante dederunt Tristia proque aris prælia proque focis. Si tamen haud alia licuit ratione probare In Patriam quantus fortibus effet Amor, Pace tua dicam fuit hoc, ô Gallia, tanti Visa quod es vires ipsa timere tuas. Si modò sic patuit pro laude subire pericla Quis posset Patriæ proque salute suæ Ronfardus Patriam patriis defenderat armis, Carminibus patriis patria sacra canens. Digna tuo quondam quæ nomine Charta legatur, Carole, Agenoreæ gloria magna domus : Qui velut auspiciis iisdem quibus usus & ille Cenomani vindex ausus es esse (oli. Sic tamen vt linguæ post sancta pericula, linguam Non timidam fortis sit comitata manus.

IV.

[REGIS CAROLI IX EPITAPHIVM.]

Carolus in terris terrarum gloria vixit Maxima, Iustitiæ magno & Pietatis amore: Nunc idem cælo viuens est, gloria cæli, Quò se Iustitiæ & Pietatis sustulit alis.

V.

AD TVLLEVM PRIMVM PRÆSIDEM.

Linguæ, Tullee, prima Tullianæ Quondam gloria, nunc Catonianæ Idem primus honos seueritatis, Hoc est Iustitiæ atque sanctitatis, Cuius gloria summa, per fauorem Nil cuiquam dare plus minusue lusto: A te gratia nunc rogatur ista, A te sola roganda quæ decenter, A te sola decenter impetranda: Ronsardo facias tuo clienti, In causa facili, probata, aperta, Non prosit fauor vllus vt nocenti, Sed ne obsit fauor vllus innocenti.





TABLE DES MATIÈRES

CONTENUES DANS LE SIXIÈME VOLUME.

Pièces publiées par les soins des exécuteurs testamentaires de Ronsard, 1586-1609.

LES DERNIERS VERS. 1586.

A la noble & vertueuse compagnie qui a	hoi	nor	é	
les obseques de Monsieur de Ronsard				3
Stances. l'ay varié ma vie				5
Sonnet. Ie n'ay plus que les os				6
— Meschantes nuicts d'hyuer				6
— Donne moy tes presens				7
— Ah longues nuicts d'hyuer				7
— Quoy mon ame, dors-tu				Ś
— Il faut laisser maisons				8
Pour son tombeau. Ronfard repose icy				9
A son ame. Amelette Ronsardelette				9
				7

LES OEVVRES. 1587.

Sonnet. Vous ruisseaux, vous rochers	10
Dialogue de l'Autheur & du Mondain. Est-ce tant	
que la Mort?	10
Sonnet. Vous estes deja vieille	II
— Que ie serois marry	12
Sonet à Madame de Villeroy. Madelene, ostez	
moy	12
Pièce-préface de la Franciade. Homere de	
science	13
Pièce-préface du Bocage royal. Comme un Sei-	
gneur praticq	15
Les Parques. Les Parques, qui leur chef	16
Sonnet-préface des Eclogues & Mascarades. Mas-	
carade & Cartels	19
Au Duc de Guise. Prince, dont le vieil sang	19
Sur la fontaine qui est au iardin du S. Regnault.	
Pegase fist du pied	20
Dialogue du Libraire & du Paffant. Qui est ce	
liure?	2 I
Pièce-préface des Elegies. Les vers de l'Elegie	22
Encores au Lecteur. Soit courte l'Elegie	22
A Philippes des-Portes. Nous deuons à la Mort	23
A Barthelemi Del-Bene. Del-Bene (Jecond Cygne	26
Pièce-préface des Hynnes. Les Hynnes sont des	
Grecs	29
Hynne de Mercure. Encore il me restoit	30
— des Peres de famille. Sainct Blaise, qui vis	
aux Cieux	36
- de Monsieur Sainct Roch. Sus serrons nous	
les mains	40

Т	A	R	T.	E	D	E	ς	M	A	т	ī	Ė	R	E	S	

-	_	
5	2	1

D'1 /C 1 D " D " J- D "C	
Pièce-préface des Poëmes. Poëme & Poëste Pièce-préface des Epitaphes. Le dernier hon-	42
neur	43
Epitaphe du President de Sainct André. Encor'	17
que ce Tombeau	44
Fragment. Galland, ma seconde ame	45
A Pinet Pier (equal men Pinet	. ,
A Binet. Bien fouuent, mon Binet	46
Fragment. Tu ne liras icy	47
— Tu peux te garantir	48
LES OEVVRES. 1597.	
Toute la viande qui entre	49
Fragment. Mon Prince, illustre Jang	
LES OEVVRES. 1604.	
Au tresorier de l'Espargne. le sçay, Moreau	51
LES OEVVRES. 1609.	
Sonnet. Maistresse, embrasse moy	57
_ La mere des Amours	58
— l'ay reçeu vos Cyprez	58
- Mon Page, Dieu te gard	58
— Quand au commencement	59
71 (59
	60
— le n'ayme point les luifs	60
— le trespassois d'amour	
Caprice. Tout est perdu	61

Pièces retranchées par Ronsard lui-même des diverses éditions de ses œuvres de 1553 à 1584.

Auantentrée du Roi à Paris. Voici venir L'Hymne de France. Sus, lut doré Fantasse à sa Dame. Il estoit nuit	71 74 79 85 88
LES QVATRE PREMIERS LIVRES DES ODES et LE BOCAGE. 1550.	
A Ian Dorat. Puissai-ie entonner un vers	89
- 1	91
/ /	91
A Marguerite. En mon cœur n'est point escrite	93
De la ieune amie d'vn sien ami. Ta Genisse n'est	,,
421 7	94
A Cleion. Muses aus yeus noirs, mes pucelles	95
Au seigneur de Lanques. Que nul papier doren-	
	96
	97
	00
A A	OI
	03
Les peintures d'vn païsage. Tableau, que l'eter-	
	04
	07
Hinne à saint Geruaise & Protaise. La victorieuse	
couronne	09

TABLE DES MATIERES.	523
A Phœbus. Dieu perruquier (qui autrefois	110
A Maclou de la Haie. Il est maintenant tens de	
Hymne à la Nuit. Nuit, des amours ministre	III
Hymne à la Nuit. Nuit, des amours ministre	112
A fon liure. Bien qu'en toy mon liure on n'oie.	113
Des baisers. Baiser fils de deux léures closes	115
Ode. Vous faisant de mon écriture	115
Aux mousches à miel. Où allez vous, filles du ciel.	117
De feu Lazare de Baïf. Si les Dieus	118
A Ioachim du Bellai. Si les ames vagabondes	119
A Mercure. Facond neueu d'Atlas, Mercure	120
A Bouiu Angeuin. Cetui-ci en vers les gloires.	122
Contre vn qui lui deroba fon Horace. Quiconques	
ait mon liure pris	123
ait mon liure pris	
tille	124
tille	125
Du iour natal de sa Dame. Chanson, voicy le	,
	126
iour	
l'honneur du printemps	127
A la fource du Loir. Source d'argent toute pleine.	128
A fon Lut. Si autre-fois	130
A Caffandre. Si cet enfant qui erre	134
D'vn rossignol abusé. En Mai, lors que les rivieres.	135
A Gaspar d'Auuergne. Soyon constans	138
A lui mesme. Que tardes-tu, veu que les Muses.	142
Chant de folie à Bacchus. Delaisse les peuples	
vaincus	143
A Gaspar d'Auuergne. Puis que la mort ne doit	14)
tarder	145
tarder	14)
cites	147
cites	- 0
A Cananare. Le princens vient, naisses sieurettes.	149

Contre la ieunesse Françoise. Esperons nous 150
A vn sien ami. Maclou, amy des Muses 152
A son retour de Gascongne. Deus, & trois fois 156
LES AMOVRS et LE CINQVIESME DES ODES.
I 5 5 2.
Samuel D'ann familianni
Sonnet. D'un foyble vol
A P. Pafchal. De toy, Pafchal
Sonnet. Le seul penser 160
— Quand en songeant
Sonnet. Le feul penfer <t< td=""></t<>
LIVRET DE FOLASTRIES. 1553.
Gayeté. l'ay vescu deux mois ou trois 163
— En ce pendant que la ieunesse 166
— laquet aime autant sa Robine 171
— Au vieil temps que l'enfant de Rhée 174
- Enfant de quatre ans, combien 176
Folastrie. Vn soir, le iour de sainct Martin 178
Dithyrambes à la pompe du Bouc de E. Iodelle.
Traduction de quelques Epigrammes Grecz.
D'Automedon. L'homme une fois marié 194
De Ammian. Tu penses estre veu plus sage 194
De Nicarche. Quelcun voulant 195
De Palladas. O mere des flateurs, Richesse 195
De Nicarche. Le pet qui ne peut sortir 195
De Lucil. Ayant tel crochet de naseaux 196
De Palladas. Trop plus que la misere 196
Sonet. Lance au bout d'or
— le te falue

LES AMOVRS NOVVELLEMENT AVGMENT	els.
1553.	
Sonnet. l'ay cent fois espreuué	198
- A ton frere Paris	198
Sur les Erreurs amoureuses. De tes Erreurs	199
LE CINQIEME DES ODES AVGMENTÉ.	
1553.	
A Guillaume des Autelz. Sur vn autel facré	200
Epitaphe de Ian Martin. Tandis qu'à tes edifices.	201
LE BOCAGE. 1554.	
Ode. Toutes les fleurs espanoüyes	206
Vœu d'vn chemineur à vne fontaine. Pour m'estre	
dedans ton onde	207
D'vn vaneur de blé au vent Zefire. Durant l'Esté	
que i'ahanne	207
D'vn pasteur au Dieu Pan. De ma brebis ecorchée.	208
D'vne courtizanne à Venus. Si ie puis ma ieunesse	
folle	208
Ode. Si tost, ma doucette Isabeau	209
Epitaphe de François Rabelais. Si d'un mort qui	
pourri repose	210
Epitaphe de Hugues Salel. Les rochers Capharez	211
Epitafe de Iehan de Ronsard. Que sert aus hommes	216
de suiuir	215
La Grenouille. Nous t'estimons vne Déesse	217
Le Fourmy. Puis que de moy tu as en don	219
Lo Tourny. I has que at moy the as the able	- 9

Ode. Corydon, verse sans fin A sa maistresse. Le t'ai offencée maistress		٠			223
A sa maistresse. le t'ai offencée maistress	e.				224
Ode. Hé! mon Dieu que ie te hay, Somn	re		٠		229
 Laisse moy sommeiller, Amour 					22
LES MESLANGES. 15	55.				
Odelette. Ie veux aymer ardentement.					227
Ode. Mon petit Bouquet, mon mignon					227
Sonnet. Celuy qui boit					228
— Que tu es, Ciceron					229
— Foudrove mov le corps				٠	229
— Amour tu semble'				٠	230
 Foudroye moy le corps Amour tu semble Ode. Tay toy, babillarde Arondelle 					230
Epigramme, à Iulien. Touiours tu	me	pro	éche	s.	- ,
Iulien					231
Responce de Iulien. Tu veux auecques					231
Chanfon Il me semble que la journée					232
Chanson. Il me semble que la iournée. Ode. Si tu me peux conter les fleurs.	•	·		Ċ	233
— Pipé des ruses d'Amour	•	٠	•		234
representations of a	٠	٠	•	•	-) -
IFC OWATRE BREWIERC HINDE	СТ	\ r c		D.F	C
LES QVATRE PREMIERS LIVRE	2 L	JES	. 0	DE	5.
т 5 5 5 -					
Ode. A Diane de Poitiers. Quand ie ve	nud:	rois			228
Epitase de Rose. Rose tant seulement ich					
Epitale de Roie. Roje vant jewieniens voj	•	•	•	•	
LES MESLANGES. SECONDE	ED	IT	0	N.	
¥ 5 5 5 ÷					
Odelette à les Brines du terres i'es		D			
Odelette à lan Brinon. Au parauant i'au					24 I
Sur le tombeau de Ian Brinon. La mo					
dans ce tombeau					241

CO	NTINVATION DES	A M	OV	RS		155	5 -	
Sonnet	Marie, vous passez							243
Joinnet.	Ie ne suis seulement							243
	Vous ne le voulez pas							244
	Bien que vous surpassiez							244
	Mon amy puisse aimer		•	•	•	•		245
	In one any purpe armer		•				•	
	le croy que ie mourroy.		•	•		•		245
_	Baif, il semble à voir		•	•	*	•	•	246
_	Hé que me sert, Pasquie						•	246
_	Ie ne sçaurois	•	•				•	247
-	Pour aimer trop	9			•	٠		247
	Dittes, maistresse	•		٠		٠	•	247
_	Plus que iamais						•	248
-	le vous enuoye							248
	Gentil Barbier	4						249
	l'aurai tousiours							249
	Hé Dieu du ciel	ь						250
	D'une belle Marie							250
	Quand ie serois vn Turc							25 I
-	Dame, ie ne vous puis							251
_	Rossignol mon mignon							251
	Pour-ce que tu sçais bien							252
	Quand ie vous Adieu							252
***************************************	Doncques pour trop aim							253
	Ne me dy plus, Imbert							253
maritime .	Dame, ie meurs pour v							254
	Il ne sera iamais							254
-	A pas mornes & lents							255
	Pourtant si ta maitresse.							255
	le veux lire en trois iou							255
Ode L'	on dit la prinse des mura	ille		•	•	•		256
								256
Du Gree	de d'Aurat. Celui qui	ou bl	180	i is O I	1	•	•	,
Epigram	me. Vn pasteur m'auoit	ouou	ice.					257

LES HYMNES. 1555.

Vers heroïques. Mon Odet, mon Prelat Le Temple de Meffeigneurs le Connestable &	258
des Chastillons. le veux, mon Mecenas	259
Priere à la Fortune. l'ay pour iamais	267
Hymne des Astres. C'est trop long temps, Mellin	276
A Charles de Piffeleu. Auant que l'homme soit	284
A Charles de l'incied. Anant que i nomme jou	204
LE SECOND LIVRE DES HYMNES. 1556	
Epistre à Charles Cardinal de Lorraine. Quand	
vn Prince en grandeur	287
	,
November Control State Control	
NOVVELLE CONTINUATION DES AMOVE	(5.
I 5 5 6.	
Elegie. Au bouf, qui tout le iour	297
Chanson. Pourquoy tournez vous voz yeux	299
Sonnet. O toy qui n'es de rien	300
- Autre (i'en iure amour)	300
- Las! pour vous trop aymer	301
L'Amour oyseau. Vn enfant dedans un bocage	301
Chanson. le te hay bien (croy moy) maistresse	302
— Plus tu connois	303
Le Gay. Te tairas tu, Gay babillard	303
A la Duchesse de Valentinois. Seray-ie seul	
viuant	304
A Monseigneur le Connestable. L'an est passé	304
Au Roy Henry. Roy, qui les autres Rois	305
A Madame Marguerite. Ni du Roy, ni de vous	306
A la Royne d'Escosse O helle de plus que helle	206

	TAI	BLE	D	E S	MA	TIE	RE	S.				529
Ode. En Dialo Sonet. O ma b — Penses t	elle i	Mai	trej	Te.								3°7 3°8 3°9
CHANT	T D	E 1	LIE	SSE	A	V	RC	Υ.	I	5 5 9		
le ne serois											٠	310
L A	. PA	ΙX		ΑV	R	ЭΥ	. 1	155	9•			
Enuoy des Ch traits d'Amon												316
DISCO	OVR INS								R A	L.		
Grand Iupiter				,						٠		319
Pour vn Croisse Espoir & crains O l'heritier	ant											319
E(poir & crain	te											320
O'l'heritier												320
Plus que Rhea												320
Comme vn beau	liz											320
On ne voit poin	t											321
Tel fut Achille												321
Ainsi qu'on voit	t											321
Moins belle fut												321
Alcide acquist												322
Ceste vertu												322
La Marguerite.												322
La grand Mine												322
Achille estoit												323
Ainsi qu'on voi												323
La belle Paix				٠								

Venus la Jain	He											323
Pareil plaisir Ie suis en dou												324
Ie suis en dou	te	•			٠,			٠			۰	324
Allez, Laurie	rs											324
L'un des lume	aux				۰					٠	۰	324
Des morrions.		٠							٠	٠	٠	325
Vien, Hymené	e	٠			٠	٠	٠			,		325
SVYTE	DF	L,	ΗΥ	M	NE	I	D E	С	НА	RI	LES	, ,
	DINA											
Quand i'ache	uay	٠	٠	•	٠		٠	٠	٠	•		326
LE SECO	ND L	ΙV	RE	D	ES	ΜE	SLA	N	GES		ISS	9.
						_						
En faueur d												
donne				•	٠	•	0		٠	٠	٠	330
	LE	S	OE V	V F	RES	. 1	56	ο.				
	<i>c</i> .				,							
Chanson. Ie	Juis an	noi	ureu	$x \epsilon$	n d	eux	liei	ux.		٠	٠	331
Sonet. L'an j	e rateu	eni	[] oit	• • •	٠	٠	٠	٠	٠	٠	٠	332
— Auani												
- Ma Si												
— D'vn — C'est	jang ji	roz	a, n	oir	, 0	ie	nr	• •	•	٠	•	333
	rop ai	DI.	ond.	•	Las		·	0	021.01		٠	334
Epitaphe d'A	Mare	D	Olia:	٠	10)	1 1.6	poje	TIE	enci	05	٠	
Pour luy-me Epitaphe de												
Imitation du												
Imitation de	Martia	1.	$T_{\mathcal{U}}$	71 <i>P</i> 1	120	21.7	tou	5 6	2111	s d'	7111)) 0
valet .												336
Au Rov Hen	rv II.	D	e vo:	us	don	ner	le o	iel.				

TA	BL	E	D	E	S	M	Α	T	Ī	E	R	E	S	
----	----	---	---	---	---	---	---	---	---	---	---	---	---	--

- 1	- 3	

A la Royne de France. L'Angleterre & l'Escosse A Madame Marguerite. Comme une belle Nymphe. Au Cardinal de Chastillon. Nul homme n'est heu-	337 338
reux	338
A Madame la Duchesse de Valantinois. Tout	, ,
ainsi que la Lune	339
A Monsieur du Thier. La nature est marastre	340
A Monsieur Bourdin. On dit qu'auec les loups	340
A Monsieur d'Auanson. Qu'on ne me vante plus	341
Imitation de Martial. Ha mauditte nature	341
A Oliuier de Magny. Si ie pounois, Magny	342
Du Grec de Posidippe. Vous auez, Ergasto	342
A Charles Cardinal de Lorraine. Monseigneur, ie	
n'ay plus	343
RECVEIL DES NOVVELLES POESIES. Seconde édition. 1564.	
A Isabeau de la Tour. Quand on ne peult	344
A Monsieur de Lansac le ieune. Quand Apollon	345
Pour le Roy Charles IX. En imitant	
	345
Au Seigneur de Castelnau. le n'aime point	345 347
Sonet à la Royne. Si Dieu (Madame)	
	347
Sonet à la Royne. Si Dieu (Madame)	347 347 348
Sonet à la Royne. Si Dieu (Madame)	347 347 348
Sonet à la Royne. Si Dieu (Madame)	347 347 348
Sonet à la Royne. Si Dieu (Madame)	347 347 348 5•
Sonet à la Royne. Si Dieu (Madame)	347 347 348 5. 349 353
Sonet à la Royne. Si Dieu (Madame)	347 347 348 5. 349 353 353

Enuoy à vne Damoyselle. Quand le loisir	356
Sonet pour chanter à vne Mascarade. Si les guer-	
riers	357
Sonet pour vne Mommerie. L'an & le mois	358
Au Roy. Après l'ardeur	359
Sonet au Prince de Condé. Qui a point veu	359
A Loys de Bourbon, Prince de Condé. Prince du fang Royal	360
Sonet des Larmes de ma Maitresse. Quand en	,00
Sollet des Latines de ma maitiene. Quanti en	260
pleurant	360
Sonet au Roy. La renommée	361
Sonet. On dit qu'Amour	362
Sonet. Las! ie ne veux	363 364 364 365 365
LE SIXIESME LIVRE DES POEMES. 1569	•
Version d'vn Epigramme Grec. Dame au gros	
cœur	366
Stances lyriques. Autant qu'au Ciel on voit de	
flames	366
Quatrain. Les Dames sont	369
Sonet pour Madame de la Chastre. Ces vers	
grauez icy	369
	, ,

LE SEPTIESME LIVRE DES POEMES. 19	69	•
A Caffandre. L'absence, ny l'oubly		371
Sonet. Puis qu'autrement		372
— Le iour me semble		373
— Le iour me semble		373
Epigramme Grec. le suis la plante de Pallas		374
Sonet. Seul & pensif		374
— Si trop souvent		375
Odelette. Boinon, le iour		375
Elegie à Amadis Iamyn. Couure mon chef		376
Elegie à Monsieur Nicolas. Belot, afin		377
LES OEVVRES. 1571.		
Au Seigneur Soreau. C'est à grand tort, Soreau.		378
A Monsieur Brulard. l'aime, Brulard		379
A Nicolas de Neufuille. Villeroy, dont le nom		379
Cartel pour le Roy. Si le Soleil qui voit		380
Cartel. Tout Amant cheualeureux		381
Au Seigneur Nicolas. Si quelque Dieu		381
And Seighted Theories of American Element		,
LES OEVVRES. 1578.		
·		
Chanson. Helas! ie n'ay pour mon obiet		383
Sonet pour Astrée. Plus que mes yeux		387
— Mon âme vit		388
Sonet pour Helene. En choisissant l'esprit		388
Sonet. Amour, ie ne me plains		389
Pièces retranchées de la première édition pos	;-	
thume (1587)		390

Pièces imprimées du vivant de Ronsard hors de ses recueils.

A Oliuier de Magny. Bien est vraiment	395
Traductions de la Dialectique de P. de la Ramée.	396
Elegie à I. Greuin. Greuin, en tous mestiers	404
A Sœur Anne de Marquets. Quelle nouvelle fleur	409
Sonet. Ainsi qu'on void	
Les Nues, ou Nouuelles. Quand le Soleil	410
Au Roy. Come un lis à la rose blanche	
Elegie à N. de Nicolay. Soit que l'homme autres-	
fois	418
Sonnet. Non ce n'est pas le mot	422
— Ie suis raui	423
Epitaphe. lcy gift d'ung enfant	423
Bref & fommaire Recueil. Comme vne fille	424
— Ce Prince armé	425
- France heureuse en mainte mammelle	427
- Malgré la guerre nostre Gaule	427
- Bien que tout ennemy de France	427
— Ces couronnes ne sont que l'erre	428
— Du grand François	428
— Heureux le siecle	428
— Quand la nauire	429
Au Lecteur. Voicy ce bon Luteur	430
La Nymphe de France parle. le suis des Dieux la	
fille aisnée	
A Robert Garnier. Il me souvient, Garnier	
Sonnet. Le vieil cothurne d'Euripide	434
Ode. Homere, il suffisoit assez	
A la Royne de Nauarre. Princesse que le ciel	438

TABLE DES MATIERES.	535
Sonnet. Tout cela que peult faire	438
A Monsieur des Caurres. Ainsi qu'au mois	
d'Auril	439
A Iaques Delauardin. L'Epire jeulement	440
Quatrain. Si doctement ta muse assemble	440
Epigramme. Heureux tu ionis de ta peine	441
Epitaphe de Remy Belleau. Ne taillez, mains in-	
dustrieuses	441
Sur les fecondes œuures de I. de Boyfsieres.	
Virgile, pour essay	44 I
Epigramme. Loyer, ta docte Muse n'erre.	442
Quatrain. Ton œuure est tel	442
— Celuy là qui fut escorché	442
A Robert Garnier. Quel son maste & hardy	443
Epitaphe du Duc de Guyse. Celuy, qui surpassa	443
Les Figures & Portraicts des sept aages de	
l'homme. Laage premier de lhomme	444
Au sieur Flaminio de Birague. Comme Vesper au	6
foir	446
Pièces diverses	
attribuées à Ronsard.	
attiibuces a itonisata.	
Sonnet. Des beautez, des attraits	449
Ode. Tu te mocques, ieune ribaude	
- Contente-toy d'un poinct	
En faueur de Cleonice. Ceste Françoise Greque	454
Sonnet. Quel Luth est cettui-cy	
Sonnet aux Iesuites. Saincte Societé	455
Sonnet. Il ne faut s'estonner	456
— Si tu m'aymois de bouche	456
— Quand ie te promettrois	457

A lean d'Aurat. Ils ont menty, d'Aurat			457
Ie n'ayme point ces vers			458
Chanson. A ce malheur			458
l'oste Greuin de mes escris			461
Quatrain. De trois sergens pendez-en deux			461
Fragment du Plutus. O Iuppiter		,	462
Quatrain. Pour avoir en mon temps sceu prendre			479
Au Roy Charles IX. Roy, le meilleur des Rois.			480
Sur vne medaille d'Antinoüs. Contemplant l'an			•
iour			484
Sonnet. Il me desplaist beaucoup			487
- Foutés bouches, lucs, nocs			487
- A Dieu, nocs rondelets			488
Quatrain. Bartas voulant			488
Stances. le voudrois que Bacchus t'aimast			489
A Monsieur de Villeroy. Pour aborder			489
Epitaphe de M. de l'Aubespine. Tout ce que Fra			407
auoit de beau			490
A Monseigneur de Carnauallet. Sage Carnau	ual.	-	490
			401
let	011/2		491
			401
promptement		•	491
- Desportes, corrige tes vers		•	491
Elegie. Ainsi qu'on voict		D	492
A André Theuet. Theuet auoit bien frequente.		•	496
Du Grec. Bonhomme, si tu pers les yeux			497
Au Roy, sur sa deuise. Sire, la Pieté		•	497
Le Charon. Quand les mutins		•	498
Chanson. On trouve ainsi		•	504
Priere à Dieu. Dieu, vray Dieu, & Seigneur			506
Appendice aux Pièces attribuées à Ronsard.			508

Vers latins.

In P. Ronfardum, ranæ lemanicolæ coaxatio	515
P. Ronfardi responsum. Non mea Musa canit	515
Ad Carolum Lotharingum. Carole, Ronfardum	516
Ad Carolum Agenoreum. Materiam vellem	517
Regis Caroli IX Epitaphium. Carolus in terris	517
Ad Tulleum primum præsidem, Lingue, Tullee	617





Paris. - Impr. A. LEMERRE, 6, rue des Bergers.








La Bibliothèque Université d'Ottawa Echéance

The Library University of Ottawa Date Due



Universitas BIBLIOTHECA



CE PQ 1674 .A2 1919 V006 C00 RONSARD, PIE DEUVRES CO ACC# 1414032

